



# 越書

北齊 魏 收 撰

中 華 書 局

卷三〇至卷五〇(傳)

## 魏書卷三十

## 列傳第十八

王 建 安同 樓伏連 丘 堆 娥清 劉 尼 奚眷

車伊洛 宿 石 來大千 周 幾 豆代田 周 觀

問大肥 尉撥 陸眞 呂洛拔

畜 健具以狀聞,回父子伏誅。 太祖幸濡源,遺建使慕容垂,辭色高亢,垂壯之。 女,甚見親待。 「數千。 王建,廣寧人也。 從征 衞辰,破之,賜僮隸五千戶, 三 爲中部大人。 建少尚公主。 祖姑爲平文后,生昭成皇帝。 其謹直如此。 登國 初,爲外朝大人,與和跋等十三人迭典庶事,參與計謀。 從征伐諸國,破二十餘部,以功賜奴婢數十 還為左大夫。[1]建兄回,諸子多不順 伯祖豐,以帝舅貴重。 豐子支,尚昭成 ·口,雜 法,

列傳第十八 王建

空,圖 乃坑之。 建 悉 言,吾恐後南 衣 從 之爲易。 糧 破 遺歸, 太祖 慕 容 寶 旣 今獲 人創义, 絕其向化之心, 令 於參合陂。 m 中州之民咸知恩德。 悔焉 而歸之, 太祖 無乃 乘勝將席卷南夏, 不 ·可乎? 乃召羣 非伐罪弔民之義。」諸將咸以建言爲然, 且縱 臣議之。 敵生患, 於是簡擇俘衆, 不 建曰:「慕容寶 如殺之。」 有 太祖謂 才 覆 能 敗 者 諸 於 留之, 將曰 此, 建又固 其餘 圆 一若從 內 虚 欲

平之。 守 ? 萬。 太 乃 掠 主 夜 駕 祖 踰 悉 次 百 聞 衆 常 城 建 何 後 亂 姓 之, 攻 走, 等攻城六十餘日 Щ 從 遷太僕,徙爲眞定公, 不 惶 府 之, 識 征 顧 庫, 信都降。 惑, 諸 慕容寶, 天 视 連日 郡 命 東門不閉。 請 建 皆降,惟中山、鄴、信都三城不下。 俟 而 取 不 天明, 拜冠 車駕幸鉅鹿,破慕容寶於栢肆塢, 唾 拔。 死 其 亡也。」皆曰:「 不能克,士卒多傷。 面 軍將 使 太祖 太祖 人登巢車 加散騎常侍、冀青二州刺史。 軍。 中山 將 力力 止。 夜入乘城,據守其門。 并州: 平,賜 ·臨城, 羣 是夜,徒河 既平, 小 建 無知, 爵 太祖 招其衆日 濮 車駕東出井陘,命建 陽公。 但復 乃自中山幸信都,慕容寶冀州刺史慕容 人共立慕容普麟爲主,遂閉 乃遣 恐如參合之衆,故求 逐進圍 烏丸 建貪 慕容寶捐城奔走, 衛王儀南攻鄴, 卒,陪葬金陵。 庫辱官鳴聚黨為寇 中山。 而 無謀, 率五 寶棄城 意在 萬騎先驅啓路。 建攻信都 汝曹 全月日之命 一房獲, 走和龍, 門 固 百 (言 部建計 守。 恐士 姓 將 城 衆 耳。 卒肆 各五 為誰 太 內 車 祖 無 鳳

斤遂 刺 河 反 轉 誅 南 史陽文祖 大 長 驕矜,不 初 世 餘衆 秋 祖 建 兄豆居 西征赫連定,以斤爲衞兵將軍,鎮 秦州 不安,遣斤鎭慮 世 順法 祖 征赫連昌,遣斤 度,信 刺 以 史任 建 功 用左右, 延 賜 明。 爵 虒以撫慰之。[3] 卽 部 Ŀ. 世 調役百姓, 祖 造攻具。 侯,無子,建 召問二人,各以狀對。 斤綏 民不 蒲 進 以 坂 爵 堪之,南 靜 子斤襲兄爵。 淮 關隴 胡 南 魏,甚 公,加 一年,斤 奔 收 平 漢 世祖知爲斤所誣, 徙鎭長安, 聲 Ш 北 太宗. 將軍 稱。 者數千 初,給 劉 家。 義 時 假節、 隆 幷 事 中,任 遣 州 而 遺宜 委罪 將 胡 鎭 酋 到 西 職 陽 於 彦 田 將軍 用 之寇 雍 r 謀 州

卒,諡曰莊 蠕 刺 一、史竺靈秀於湖陸,大破之。 ,並有功,賜爵濟陽公, 建孫度,太宗時爲虎 牢鎮監 加散騎 後出鎭長安,假節,都督秦、涇、梁、益、雍五州諸軍事 常侍,平南將軍。 軍。 世祖卽位, 徴拜 詔度 殿 中給 率 五千 事 ,遷尙 騎與叔孫 書。 建合撃 從 征 赫 劉 連 義 昌 ·, 開 隆 兗州 府 蠕

樹覆按虚

實,得數

+

事。

遂

新斤

以

徇

子安都,襲,降爵爲侯。 世祖拜爲太子庶子,出爲鄯善鎮將。 高宗時,爲內都大官。

子買得襲。

常侍。 建 曾孫 出 爲 平 樹,以善射 西 將軍 、涇州 有寵於顯祖, 刺史。 爲內侍長。 稍遷尚書,賜爵歷陽侯, 加龍驤將軍、員外

七一二

仁 家焉。 |爲妻。 安同,遼東胡人也。 父屈,仕慕容暐,爲殿 庫仁貴寵之。 同因隨眷商販,見太祖有濟世之才,遂留奉侍。 其先祖曰世高,漢時以安息王侍子入洛。 中郎將。 苻堅滅暐,屈友人公孫眷之妹沒入苻氏宮,出賜 歷魏至晉,避亂遼東,遂 性端嚴明惠, 好長 劉 庫

和跋等出入禁中,迭典庶 登國 初,太祖徵兵於慕容垂,事在窟咄傳。 事 O 太祖班賜功臣, 同以使功居多,賜以妻妾及隸戶三十,馬一 同頻使稱旨,遂見寵異,以爲外朝大人, 與

者之言。

匹,羊五十口,加廣武

將軍

賊至 此,則寇內外勢接,重圍難固,不可 租,見汾東有蒙坑,東西三百餘里,徑路不 一無所 從征姚平於柴壁,姚興悉衆救平,太祖乃增築重圍以拒興。 施其智力矣。」從之。 興果視平屠滅 制也。 通。 宜 一截汾曲 而 姚興來,必從汾西,乘高臨下,直 不能 救。 爲南北浮橋,乘西岸築圍。 以謀 功, 同進計曰:「臣受遣詣絳 賜爵北新侯, 至柴壁。 西圍旣 加安遠將 固 如

清河 王紹之亂,太宗在外,使夜告同,令收合百工伎巧, 衆皆響應奉迎。 太宗卽位, 軍。

詔

同

送姚

興將越騎校尉唐小

方等於

長安

車徵還,召羣官議其罪。 鎭靜郡縣。 郡 零,宣詔撫慰,問其疾苦,糾舉守宰不 專命,而本在爲公,意無不善,釋之。 又刺史擅用御府鍼工古彤爲晉陽令,交通財賄,共爲姦利。 同 或 與南平公長孫嵩並理民訟。 「肅然。 護疾同得衆 同東出井脛,至鉅鹿,發衆四戶一人,欲治大嶺山,通天門關,又築塢於宋子,以 心,因此使人告同築城聚衆,欲圖大事。 皆曰:「同擅興事役,勞擾百姓,宜應窮治,以肅來犯。」太宗以同雖 又詔與肥 法。 如侯賀護持節 同至幷州 ,表曰:「竊見幷州所部守宰,多不奉法。 循 察幷定二州及諸 請案律治罪。」太宗從之,於是 太宗以同擅徵發於外,檻 Щ 居 雜問、

史。 與安定王彌留鎭京師。世祖卽位,進爵高陽公,拜光祿勳。 訓子,請罪。太宗嘉而恕之,遂詔長給同粳米。其公清奉法,皆此類也 同長子屈,至太宗時典太倉事,盜官粳米數石,欲以養親。 世 祖監國,臨朝聽政,以同爲左輔。 太宗征河南,拜同右光祿大夫。 尋除征東大將軍、冀青二州刺 同大怒,奏求戮屈,自劾不 世祖出鎮北境,同

百姓所苦。神麝二年卒。 同 在官明察,長於校練,家法修整,為世所稱。及在冀州,年老,頗殖財貨,大興寺塔, 追贈高陽王,諡曰恭惠

屈子陽烈,散騎侍郎,賜爵北新子。

將 原 以 鎭 數 屈 守 十 弟 雲 騎 原 中 o 雅 寬 性 和 矜 殺 嚴 愛 十  $\widetilde{\mathbb{F}}$ 餘 沉 , 人。 甚 勇 得 多 太宗 智 衆 心 略 以 0 原 太宗 蠕 輕 蠕 敵 屢 時 犯 爲 違 塞, 獵 節 郞 原 度 輒 出 加 監 摧 其 雲 破 罪 中 責 軍 以 事 然 功 0 知 賜 時 原 爵 赫 驍 武 連 勇 屈 原 丐 侯 遂 犯 加 任 河 魯 以 西, 兵 爲

將

軍

世 左 僕 丽 加 聞 率 射 世 萬 東 祖 河 騎 部 刨 間 位 討 高 公 之, 車 徴 在 大 拜 加 巳 駕 獲 侍 尼 中 部 而 陂, 還 尙 征 書。 人畜 南 車 大 駕 車 某 將 駕 征 衆 軍 昌 征 將 蠕 從 遣 蠕 原 征 襲 大檀, 赫 與 之。 建 連 寧王 昌 諸 分 軍 將 入 崇 皆以 五. 其 屯于 道 城 爲 並 而 漠 進, 難 還 南 ٠, 以 大 世 車 檀 備 祖 駕 驚 蠕 不 北 蠕 從 駭 伐 北 遣 遁 蠕 原 蠕 與 遷 遁 侍 尙 走。 中 書

貞 澤 誠 獨 其 勠 明 罪 内 力 狀 而 原 而 懷 了, 立 魯 治 在 姦 事 元 朝 詐 劾 鼎 相 姦 無 於 不 連 佞 所 而 險 單 逮 陛 比 難 足 構 下 周 Ź 歷 而 成 任 中 江 時 然 貝 以 Ò , 不 恃 錦 是 腹 決。 臣 竉 以 心 天 以 熒 驕 恐釁 威 原 頑 恣 火之光 懼 闇 遂 發 多 加 不 忝 黎, 勝 肘 所 備 , 合 , 腋 猶 排 股 門 遂 增 抑 肱 謀 俱 日 臣 戮。 爲 與 月 爲 陛 逆, 之 魯 子 下 此 曜 元 求 恩 事 乃 生 0 襄 育 洩 命 先 爲 城 伏 怨 也 公 委 臣 誅 入, 盧 同 以 非 魯元 朝 往 臨 死 臣 政 爲 之 因 刑 女 讎 聖 枉 F 思 鬼 運 疏 魯 展 元 但 日 微 非 歸 魯元 不 誠 以 身 許 臣 私 太 仰 聞 外 故 祖 類 報 聖 原 忠 謗 恩 竭 告 不

不復

眷

眷

披

露誠

款。

原弟頡,頕弟聰,爲內侍。 聰弟薩,爲龍驤將軍、 給事黃門侍郎,賜爵廣宗侯。 原兄弟

外節儉,而內實積聚,及誅後,籍其財至數萬。

頡 ,辯慧多策略, 最有父風。 太宗初,爲內侍長,令察舉百僚。 糾刺姦慝, 無所回避。

嘗告其父陰事,太宗以爲忠,特親寵之。

伏兵 糧, 騎。 等死,當戰死,寧可坐受困乎。」斤猶以馬爲辭。 騎,終無捷理。當須京師救騎至,然後步陳擊於內,騎兵襲其外。所謂萬全之計也。」頡曰: 出,士卒患之。頡進計曰三本奉詔誅賊,今乃退守窮城,若不爲賊殺,當以法誅。 昌於陳前自接戰,軍 「今猛寇遊逸於外,而吾等兵疲力屈,士有飢色,不一決戰,則死在旦夕,何救兵之可待也! 生路?而王公諸將,晏然無謀,將何以報恩塞責。」厅曰:「今若出戰,則馬力不足,以步擊 乃深壘自固。 **八**奄擊, 顧請募壯勇出擊之,就不能破,可以折其銳。 宜城王奚斤,自長安追擊赫連昌,至于安定,頡爲監軍侍御史。斤以馬多疫死,士衆乏 昌可擒也。」斤猶難之。 遣太僕丘堆等督租於民間,爲昌所敗。昌遂驕矜,日來侵掠,獨牧者不得 士識昌,爭往赴之。 頡乃陰與尉眷等謀,選騎待焉。 會天大風揚塵,晝昏,衆亂,昌退。 **頡曰:「今兵雖無馬,但將帥所乘,足得二百** 且昌狷而無謀,每好挑戰,衆皆識之。若 昌來攻壘,頡出應之。 頡等追擊,昌馬 進退安有

五

列傅

第十

安

同

功不 蹶 而 在己 墜。 ラ輕 頡 擒昌 追昌弟定於平涼, ,送於京師。 世祖 敗績。 大悅,拜頡建節將軍,賜爵西平公,代堆統攝 定將復入長安,詔頡鎮 蒲 坂以拒之。 諸軍 厅耻

京 義 姚 遂 王 隆 師 司 縱 列 守 將 馬 夫 劉 楚之 南岸,至于衡 義 渡 + 河 隆 遣 平 餘 攻 滑臺, 治坂, 將到彦之率衆寇 人 斬 關。公 首五 頡督 擒 義隆將朱脩之、李元德及 一千級。 諸 世祖 軍擊之,斬首三千餘級,投水者甚衆。 河南,以援赫連定。 西征 進攻虎牢,虎牢潰, 赫連 定,以頡 東郡太守申謨, 爲冠軍將軍, 世 義隆司州刺 祖 以 兵 少,乃攝河南 督諸軍擊彥之。 史尹沖墜城 俘獲萬 遂濟河,攻洛陽, 餘 三鎭北 人。 死。 渡。 乃 叉 彦之遣 拔之, 與 振 旅 琅 彦之 還 邪 將 擒

神 廳 四年卒。 贈征南 大將軍、儀同 三司 ,進爵爲王,諡曰襄。 **頡爲將,善綏士衆,及卒,** 

養隆士卒降者,無不歎惜。

同弟賭,太宗時爲樂陵太守。卒。

長 子 或 位 至 冠 軍 將 軍 賜 爵 北 平侯 杏 城 鎭

旭 時 國 諸 弟 將 難 頻 征 有 和 巧 蘢 思 皆 陽 以難爲 平 主 杜 長史。 超督 諸 鐅 將 Щ 撃 堙谷, 劉 義 省力兼 隆 ,難參征 功。 南軍 遷給 事 事 了,以 中。 功 表 從 為清河 駕 南 征 造浮橋 太守。世

於

河

以

功

賜

爵

清河子。

賀蘭. 恭 爲王,加平南大將軍。 內都大官。 爲晉兵將軍、幷州刺史。 士三百餘人,幷擒叛胡 部。 樓伏連,代人也。世爲酋帥。伏連忠厚有器量,年十三,襲父位,領部落。 又從平中山,爲太守,斬逆賊張翹。 世祖卽位,進爲廣陵公,轉衞尉, 阿度支等二百餘家。 又除假節、督河西諸軍 伏連招誘西河胡曹成等七十餘人,襲殺赫連屈孑吐京護軍及其守 太宗嘉之,拜成等將軍,賜爵列侯。 從征 、鎭西大將軍,出鎭統萬。 徙光祿勳。 姚平於柴壁,以功賜爵安邑侯。 世祖征蠕蠕,伏連留鎮京師,進 眞君十年薨, 太祖 徴伏連為 太祖時, 初,從破 諡 日

子 真,襲,降爵爲公。 從世 祖征伐有功,官至散騎常侍、尚書、安北將軍。 徙爲湘 東公。

從征 涼州 ,還,卒於 路。 諡 莊公。

日

子干,襲,降爵 爲侯

眞 次弟大拔,歷位 尙 書、 散騎常侍、 征西將軍,賜爵永平侯。 高祖初,爲中都大官。

列 傅 第 + 八 椱 伏 連 贈

平

東將軍

一、定州

刺

史,諡

日

康。

尉 出 子禀, 爲 征 字法生, 房將軍、平城鎮將。 拜太子宮門大夫, 遷朔州刺史,仍本將軍。 稍遷趙郡太守。 入爲衞尉少卿。 更滿 還京,除冠 軍 將 軍 、城門校

撫 軍 將軍、恒州刺史。

子貴宗、武定中、伏波將軍、開府水曹參軍

初,以其子殼貴,追贈安東將軍、冀州刺史、陽平公,諡曰定。 伏連兄孫安文。從征平凉有功,賜爵覇城男,加虎威將軍。 後遷三郎幢將。

將集百僚,考行大禮。 以擒反人梁衆保,加侍中,本官如故。後例降爲侯。出除使持節、鎭東將軍、定州刺史。 時 太 歷位內外, 極殿成,將行考室之禮,引集羣臣,而雪不克饗。高祖曰:「朕經始正殿,功構初成, 稍遷殿中尚書、散騎常侍,賜爵常山公,加安南將軍。 然同雲仍結,霏雪驟零,將由寡昧,未能仰答天心。此之不德,咎竟 遷尙書右僕射。

節。 焉 曰:「昔劉秀將濟,呼沱爲之冰合。 今隆冬雪降,固是其時。 卿等宜各陳所懷,以匡不逮。」毅稽首對曰:「雪霜風雨,天地之常,夏霖冬霰,四時恒 又禮云『雨沾服失容,則廢』,禮自古而然, 但朕德謝古人,不能仰處天意故也。」 不足爲異。」高

後 轉都督凉河二州、鄯善鎭諸軍事,涼州刺史。 車駕南伐,毅表諫曰「伏承六軍雲動,

草 抑 間 創 赫 罪荆揚, 一生途 斯 ,以待後 索然。 **弔民潍表,一同** 日。」詔 兼往 歲 曰:「時不自來,因人則合。 佛稔,民多飢饉,二三之際,嗟惋 甌 越。 但臣 一思見, 私竊未安。 今年人事,殊非昔歲。 何者? 易興。 京邑新遷, 天道悠 長,宜 守株之唱,便可停 百姓易業,公私 遵養 時晦,願

太和二十一年卒。賜錢二十萬,布二百匹。

也。

陽

九

利

涉

党

卿

所

知

也。

赫 筡 或 討 臨 連 屈 朝 滅 丘 堆 ,堆與太尉 孑遗三千 Щ 一代人也。 胡 劉 騎 裕 穆 寇 泝河 觀等為 美容儀,以忠謹 河 西伐, 西, 右 堆自幷州與游 弱。 詔 堆 世 與建自 **電親侍。** 祖 即位 河內次枋頭以備 擊將 太宗卽位,拾遺左右,稍遷散騎常侍。 一進爵 軍 臨淮 ·王洛 公,加鎭 生 擊走之。 寇盜。 西 將軍。 姚泓 以功 旣 賜 徙 滅, 爵 爲 侯 。 爲 堆留鎮 太僕 與叔孫建 世 好州。 祖

卒暴掠,爲昌 堆 清 等 率 進 五. 世 平昌 千 祖 騎 征 略 赫 許之。 所 連 地 襲, 關 昌 堆 敗績 右。 堆、斤 與常 昌 貳 堆 合 Щ 將 城 軍 王 數 守將堅守不下,堆與清攻拔 與 素督步兵三萬 昌 百騎還城。 相 拒 擊。 厅追擊赫連定,留堆守輜 土 人為 馬 乏糧 後 繼。 堆與義 之。 昌 戰 敗 詔 兵 南奔, 將 堆 軍 班 封 師 重。 世祖遣堆與宗正 宜 禮督 斤為定所擒 城王 租 於 奚斤表留 民 間,士 )")堆 娥

列

聞 日二 加 棄甲走長安, 堆,國之肺 腑,勳著先朝,西征喪師 復將高涼王禮棄守東走蒲坂。 家從 軍法。 世祖大怒,遣西平公安頡 國除祀絕,朕甚愍之。可賜其子跋 斬 堆 延和 初

一麟,襲爵。歷位駕部令。出爲瑕丘鎭將、假平南將軍、東海公。 遷東兗州刺史,卒官。 爵淮

陵

侯,加安遠將軍。」後征蓋吳,戰沒

弟定 韶清鎮幷州 進爲 E 虜 軍, 城遁 三州 卿 獲 與宋 類類 萬 還。 娥清, 西走,斤追之。 東平公。 餘 尋 為民 兵將軍周幾等渡河略地。 從征 Ц 清與長孫道生追之,至河,獲其將楊豐。 代人也。 ,討山胡白龍於西河,斬白龍父及其將帥,遂屠其城。 害。 蠕蠕。 蠕蠕 賜 爵 詔清徙之平城。 大檀徙居漠南,清與平陽王長孫翰從 須昌侯。 清欲 少有將略,累著戰功。稍遷振威將軍。劉裕遣將朱超石寇平原,至畔 又從平統萬,遂與奚斤追赫連昌至安定, 尋水而往,斤不從,遂與斤俱爲定所擒。 清與幾等遂鎮枋頭。 至 清善綏撫, 徙者如歸。 湖陸,高平民屯聚林藪,拒射官軍,清等因 世祖初,清自枋頭還京師,假 還,拜給事黃門侍郎。 東道出 太宗南巡幸鄴,以清爲中領軍將 與昌相持。 長川討之,大獲而 遷平東將軍,與古關等東 世 祖 克平涼,乃得還。 先是,徒河民散居 及安頡擒昌, 征南將軍, 誅數千家, 還。 後

討 馮文通。 以不急戰,文通奔高麗,檻車徵,黜爲門卒。 遂卒於家。

子延,官至員外散騎常侍,賜爵南平公。

贈 并 州刺 劉 尼 史。 一代人也。 尼少壯健,有膂力,勇果善射,世祖見而善之,拜羽林中郎,賜爵昌國子,加振 本姓獨孤氏。 曾祖敦,有功於太祖,為方面大人。 父婁,冠軍將軍,卒

威將軍。

苑 將 南 擢 入,奉高宗於宮門外, 而 已登大位, 中。 欲 部 諸 驚 宗 王 尙 如 曰:「君大 書 愛旣殺南安王余於東廟,秘之,惟尼知狀。 子賢者而立之。」尼懼其有變,密以狀告殿中尚書源賀,賀時與尼俱典兵宿衞。 麗 何 抱高宗於馬上,入京城。 [陸麗謀曰:「宗愛旣立南安,還復殺之。今不能奉戴皇孫,以順民望,社稷危矣。 有詔, 凝 曰:「唯有密奉皇孫耳。」於是賀與尚書長孫渴侯嚴兵守衞,尼與麗迎高宗於 人,皇孫若立,豈忘正平時事乎。]尼曰:「若爾,今欲立誰。]愛曰:「待還宮, 宿衞之士皆可還宮。」衆咸唱萬歲。 入登永安殿。 尼馳還東廟,大呼曰:「宗愛殺南安王,大逆不道。 以尼爲內行長,進爵建昌侯。 尼勸愛立高宗。 賀及渴侯登執宗愛、賈周等,勒兵而 遷散騎常侍、安南將軍 愛自以負罪於景穆,聞 皇孫 仍共

列

傅

第

+

八

娥

淸

劉尼

又進爵東安公。尋遷尚書右僕射,加侍中,進封爲王

四年薨。 中、特進。 四 年,車駕北征,帝親誓衆,而尼昏醉,兵陳不整。 出 爲 征南將軍、定州刺史。 高宗末,遷司徒。 顯祖卽位,以尼有大功於先朝,彌加尊重,賜別戶三十。 在州清慎,然率多酒醉,治日甚少。 顯祖以其功重,特恕之,発官而已。 徵爲殿中尙書, 加侍 延興 皇 興

子社生, 襲餌。 世宗時,寧朔將軍、步兵校尉。 熙平初卒。 贈龍驤將軍、朔州刺史、諡

口克。

泉,眷討平之,虜男女四千餘人。 掖太守宜得。 西河,破之,屠其城,斬首數千級,虜其妻子而還。世祖平姑臧,遣眷討沮渠牧犍弟私署張 寇所憚。世祖初,爲中軍、都曹尚書,復鎭虎牢,賜爵南陽公,加使持節、侍中、都督豫洛二州 河內諸軍事、鎭南將軍、開府。 **奚眷**,代人也。少有將略。 宜得奔酒泉,酒泉太守無諱與宜得奔高昌。 尋徙鎭長安。世祖幸美稷,眷受詔督諸軍,共討山胡白龍于 太祖時有戰功。太宗時爲尚書、假安南將軍、虎牢鎮將,爲 世祖征蠕蠕,以眷爲尚書,督偏將出別道,詔會鹿渾海 獲其二城。後沮 渠天周復據酒

將軍 馬千匹。以金一百斤奉獻。 送詣敦煌。 前後遣使招喻、乾壽等率戶五百餘家來奔、 無諱斷路,伊洛與無諱連戰,破之。 ,封前部王,賜絹一百匹,綿一百斤,繡衣一具,金帶靴帽。 車伊洛, 伊洛又率部衆二千餘人伐高昌,討破焉耆東關七城,虜獲男女二百人,駝千頭, 焉耆胡也。 世爲東境部落帥, 時無諱卒,其弟安周奪無諱子乾壽兵,規領部曲。 伊洛送之京師。 恒修職貢。世祖録其誠款,延和中,授伊洛平西 又招喻李寶弟欽等五十餘人, 伊洛大悦,規欲 歸闕。 伊洛 沮

洛。 固守城邑,忠節顯著,朕甚嘉之。可遣歇詣闕。」伊洛令歇將弟波利等十餘人赴都。 已投大魏,爾速歸首,當賜爾爵號。」歇固守, 伊洛收集遺散一千餘家,歸焉耆鎮。 先是,伊洛征焉耆,留其子歇守城,而安周乘虚引蠕蠕三道圍歇,并遣使謂歇曰:「爾父 世祖嘉之。正平元年,詔伊洛曰:「歇年尚 連戰。 久之, 外無救援, 爲安周所陷, 走奔伊 能

贈 鎭 西大將軍、秦州刺史, 正 平二年,伊洛朝京師,賜以妻妾、奴婢、田宅、牛羊,拜上將軍,王如故。 諡 日康王。 賜綿絹雜綵五百匹,衣二十七襲。 葬禮依盧魯元 興安二年卒。

故 事

波 歇 利,天安二年拜立節將軍,樂官侯。 襲 爵。 皇 興 (末, 拜使持節、平西將軍、豫州 皇興三年卒,兄子洛都襲爵。 刺史。 延興三年卒,子伯主襲爵。

駿馬 原 獵 將 宗 求 領 上。 沓 祖 女 軍 Τ. 帛 干子。 、妻焉, 石 曹。 時 宿 五. 匹。 後虎 虎賁 興光 於 十匹, 高宗 從 朔方人也, 賜 駕 幢 騰 中,遷侍御 時 尙 奴婢數十口,拜爲 石 上谷公主,拜駙馬都尉 討 將。 躍 前走馬, 駿馬一 殺 年甫 和 從征 龍,以功賜奴婢十七戶。 人。 匹, 十一,引 赫連屈孑弟文陳之曾孫也。 史, 道 詔 平涼有功,拜虎 百二石 峻, 改 拜 舒義 中壘將 馬 見,以 倒 上將軍。 爲 陽 殞絕, 忠 子。 幼 軍 ,進爵蔡陽 聽歸。 臣, 天安初 威 嘗從 久之乃蘇。 整馬 將 祖 眞君 若 軍 獵 年十三, 一、侍御 切 豆根,太宗時賜姓 遷散騎常侍、 子, 諫, 高 四年,從駕討 天興二年,文陳父子歸闕, 宗親 郎,賜 典宜 趸 由 襲餌, 虎 是御 欲 之害。 官 射 **育漢安男。** 馬 曹。 虎。 擢 吏部尚 蠕蠕, 得 爲 宿氏, 制 後 遷 中 石 有 內 散。 戰沒。 叩 書 行 犯 高 馬 襲 轉 宗嘉 罪, 令。 進爵 而 中 E 從 諫 駕 散 將 世 **永**之, 宥 太祖 從 太山 引引 祖 至 軍 而 幸苑 遷 江 悼 賜 勿 高 給 嘉之,以 一,拜宣 公,為北 父 惜之,韶 宗 坐 綿 內 事 沓干, 至 賜 高 兼 百 遊 威

世

中 道 都 大 將。至 延 )興元 年卒。 追贈太原王,諡 日 康。 葬禮依盧魯元故事 太和 初, 子倪襲

**爵。**比部侍御。

共長 太宗校獵,見虎在高巖上,大千持稍直 御鎧,盤 在 八 孫道 議。 世 來大千,公 祖 馬 踐祚,與襄城 生與賊交戰。 大千驍果,善騎射,爲騎都 殿前,朝臣莫不嗟歎。 代人也。父初真,從太祖 公盧魯元等七人俱 道生馬倒,爲賊所擊,大千馳救,賊衆散走。大千扶道生上 遷內幢 尉。 前刺之,應手 避難叱 永興 將,典宿 爲常侍,持仗侍衛, 初 候山、參創業之功、官至後將軍、武原侯、 衛禁 襲爵, 丽 死。 旅 遷 中散。 太宗嘉其 大千用法 晝夜不離 至於朝賀之日 嚴明,上下 勇壯,又爲殿 左 右。 從討 齊 ,大千常著 中 肅 馬,遂得 赫連昌, 給 嘗從 事 與

有戦 発。 以 旭 大千前後追擊,莫不平殄。 大千為都將討平之。 悼歎者良 從討 功,兼悉北境險要,詔大千巡撫六鎮,以防寇虜。 蠕蠕,戰功居 久。 韶曰:「大千忠勇盡節,功在可嘉,今聽喪入殯城內。」贈司空,諡 多。 在吐京卒,喪還,停於平城南。 延和 遷征 初,車駕北伐,大千爲前鋒,大破 北大將軍,賜爵廬陵公,鎭雲中,兼統白 經略· 世祖出,還,見而問之,左右 布置,甚得事 房軍。 道 宜 世 軍事 祖 後 以 闕 日莊 吐 其 京胡 壯 以對,世 賊北叛, 勇,數

列

子 丘 頹 襲 降爲晉興侯。 拜安遠將軍。 從駕到江,進右將軍。 和 平 中, 遷中散,轉

相 曹都 典 奉 事 皇 興 四 年卒。 贈 寧南將軍、陳留 公,諡 日簡。 子 草 襲 爵

丘 頹 弟提, 官至監御曹給 事,冠 軍將軍、兗州刺 史,濮陽侯。 和 + 年

太宗. 行 和 以 與 食 襲陝 安 一百 功 唐 Щ 及 卽 康 賜 東 周 姓 位, 城 襄 爵 子 不 交阯 長孫 或 卒于 附 幾領 **一元** 代人也。 侯。 幾追 爲 道生宣示 軍 衆鎭博陵之魯 毎 殿中侍御史, 軍 至言 討 世 父千, 祖 人 論 盡誅之。 無 禍 以 形 福,逃 幾 不 有 歎 有 於 口 掌 功太祖之世, 借 智勇, 聲 後爲 以安集之。 民遂還。 宿 色。 之。 衞 遣 寧朔 禁兵, 斤等 歸 鎭 葬 河 將軍 于 京 憚 南 時 斷 賜爵順陽侯。 泰 .焉 師 护 郡 常 決 威 縣 初 稱 信 司 追 進 斬叛胡 職 著于 贈 號 白澗、行 馬德宗 交 宋 遷 阯 外 兵 翟猛 左民 坐事死。 將劉 公, 將 境 。 唐 軍 雀 尚 諡 良 裕 o 幾 数千 於 書。 於南, 常 率 林慮 桓。 幾少以善騎射為 洛 嫌 神瑞 家 奚斤 州 破 山, 負嶮 刺 毛德祖 中,并 等綏 史 猛 不供 一一一 雀 遺 州 撫 輸 於 磾 關 飢民 種 税,幾 獵 以 中失 鼠 樓 郎 萬 於 遊

子 步 襲爵。 卒。 人

子 安國 襲餌。 太和中、討蠕蠕,失利,伏法 爵除。

井陘 奚斤 勝 與 奴 婢 追 奚斤 侯, 等。 十 賊 豆 五. 代 前 加散騎常侍、右 入其宮門,門閉, 鋒 田、代人也。 世 口,黄金百斤,銀 先入? 祖 以定妻賜 擒 劉 義 太宗時以 之,韶厅膝行 衞 隆 百斤。 代 将軍,領 將 田 毛德 踰 善騎 神翳 宫 內 祖 而 射為 都 授 幷 中 Щ |酒於代 長 幢 計 史、 內細射。 將 世 蠕蠕, 祖 司 從討 田 壯 馬三人。 之,拜 賜 敕厅 和龍,戰 從攻虎牢,詔 舒關 日 勇武將 中侯。 以功遷 「全爾身命者,代田 、功居 軍。 從討平涼 代田 多 內三郎。 遷 後從駕 登樓射賊, 殿 中尚書, 了擊破 從討 平昌 功 赫 矢不 赫連定, 也。 賜 以戰功 連 奴 昌 虚 改 婢 得 賜 乘

將。 + 口 興安 0 以前 中 卒。 後 軍 贈侍 功, 進 中 、安東 爵 長 廣 大將 公, 軍 加 長 平 廣 東 王,諡 將 軍。 日 從駕 恭 南 討 轉 太子太保。 出 爲 統 萬 鎭

皇 興 子 年卒。 求 周 爲 贈 內三 征 北 鄎。 大將軍 從駕 長 到 廣 江 至 , 賜爵 諡 日 五等 簡 子。 子 多侯襲爵 叉 進 侯。 後襲父爵。 爲 吏部 尙

周 觀 列 傳 代 第 人 + 也。 八 驍 圕 勇 幾 有 膂 豆 力, 代 田 毎 在 周 軍陳, 觀 必應募先登。 以功進爲軍 將長史, 尋轉軍將。

周於張掖。 侯,改授內都大官。 胡,加散騎常侍。 擊赫連 絕 曲 其實 中。 以叛。 屈 神 鹏 丐 觀討永宗, 有 徙其民數百家,將置 中,叉討 功,賜爵安川子,遷北鎭軍將。 轉高平鎭 出除了 蠕 為流矢所 蠕 平 大獲, 將。 南 將軍 中。 於京 觀善撫士卒, 增爵爲侯。 、秦州 世祖幸瀟坂,觀聞帝至,驚怖 師 ,至武威,輙與諸將私 刺史,復爵金城公。 從征 世祖即位,從討蠕蠕。 號有威名。 平涼,進爵金城公,遷爲都將。 眞君 分之。 撫馭失和 初,詔觀統五軍 而 起,瘡重遂卒。 世祖大怒,黜 以軍功進爲都副將 、民薛永宗 西討禿髮保 聚衆 從破 觀 世祖怒, 爲 於汾 金城 離 鎭

子豆,初爲三郎,遷軍將。卒于長樂太守。

宜 爲都 爵 使持節、安陽公、鎭撫陳汝。 城王 其思子。 將,討越勒部於跋那山,大破之。 閭 大肥,蠕蠕人也。 奚斤之攻虎牢也,大肥 與其弟並爲 上賓,入八議。 太祖 時,與其弟大埿倍頤率宗族 世祖初,復與奚斤出雲中白道討大檀,破之。 與娥清領十二軍 泰常初,復爲都將,領禁兵討 太宗卽位,進大肥 出 中道,略 地 爲 歸 高 內都 國。 平、金鄕 大官 太祖善之,尚華陰公主,賜 蠕 蠕,獲其 ,增爵爲 ,東至泰山 還爲內都大官 大將莫孤渾。 侯。 神瑞 假大肥 中,

之。 內 出 都 除 還至 大官。 使持節、冀青二州刺史,假滎陽公。 渴 從討 侯 Щ 赫 多討東 連昌,以功授滎陽公。 部 高 車 於巳尼陂。 尋徵還, 公主薨,復尚 叉征 平涼, 位 特進。 **濩澤公主**。 並 有 復出爲冀青二州刺 功。 世祖將拜大肥爲王, 又爲 都將,擊大檀,大 史。 尋 遇疾 文 爲

卒。追贈中山王。子賀,早卒。

大肥弟隣,襲爵。出爲仇池鎭將。卒,無子。

弟 鳳 襲爵。 高宗 時爲 內都 大官,出爲 鎭南將軍、肆州刺史。 卒,無子,爵除。

谷渾 以 賜 惠 九 績 拜 年, 功 爵 一獲其 介休日 尉 進舒爲 懸 賜 撥 瓠 以 收 . 男。 代 人 鎭 衣 民 子。[10]遷晉 人也。 將 服 一千餘落。後吐 和 從討 , 加 Щ 顯 和 員 父|那 民 加 龍,遷 外 卽 昌鎭 散 千 位 濮陽太守。 騎 一,爲 虎賁 餘家、上郡 將 谷 常 渾 北 侍 帥 綏 小 征 • 轉 懷 將 進 都 邊民, 率三 爵 千 徒 將 撥爲太學生, 各 人軍 安城侯 百餘落來降,尋復 復 盧水 甚 爲 將 著 都 胡 又從樂平王 稱 將 顯 績 祖嘉其聲效,復 南 募從兗州刺 百 攻懸 入 餘 落 爲 亡叛 ·,盡附 **丕**討 瓠 知 臣 史羅忸 破 //̈́̈̈̈́̈́̈́̈́́ |撥 監 和 劉 爲 賜 龍。 民。 彧 率騎追之, 衣 出 撃賊 將 服 爲 除 朱湛 高宗 杏城 涼州 於陳汝,有 轉平南 之水 以 虚 鎭 軍 撥 將 將 獲 軍 淸 『,擊吐 將 而還。 在 平 軍、 有 任

列

傳

第

+

八

閭

大

肥

尉

撥

七三〇

北 豫 州 刺 史。 後 洛 州 民田智度聚黨謀逆。 韶撥乘傳發豫州兵與洛州刺史丘頓擊之,

度 o 撥卒,贈冠軍將軍,諡敬侯

陸眞 代人也。父洛侯,秦州長史。 眞少善騎射。 世祖初, 以眞膂力過人,拜內三

數 從 征伐,所在摧鋒陷陳,前後以功屢受賞賜

王玄 賊營中,乃還渡河。 (謨衆數萬人寇滑臺, 眞從世祖討之。 眞君 中,從討蠕蠕,以功賜爵關內侯。 至明,玄謨敗走。 從駕至江,眞再破賊軍,拜建武將軍、石城子。 夜與數人乘小船突玄謨軍,入城撫慰,登城,巡行 後攻懸瓠,登樓臨射城中,弦不虛發。 劉義隆將

盱眙, 真功居多。 遷給事中,典太倉事

定,眞與幷州 眞 爲寧西將軍。 擊破之,殺五百餘人。是時,初置長蛇鎮,眞 高宗即位,拜冠軍將軍,進爵都昌侯。 刺史乞伏成龍自樂平東入,與定州刺史許崇之併力討滅。 尋遷安西將軍、長安鎭將, 假建平公。 胡賊帥賀 遷散騎常侍,選部尚書。時丁零數千家寇竊幷 率衆築城,未訖,而氐豪仇傉檀等反叛,氐民 略孫聚衆千餘人叛于石樓。 從駕巡東海,以眞

咸

應,其衆甚盛。

真擊平之,殺四千餘人,卒城長蛇而

還。

大夫。

昌。 堡。 竝 女 稚 長 日 安 烈 兄弟 厔 干 兵民 昌 時 東 縣 平王 餘 出 詔 ,聚二千餘 醟 南 口 素伏 聚 道 0 拒 郡 黨 符反于 戰 王 雍 數 威 州 李惠等領 眞 人,招 信 百 民 撃破 人據 夷, 長 眞 安 引 到 赤谷以 之,斬 莫 步 趙昌 , 殺 撫 不 騎 雍州 慰之, ·震伏。 六 昌 叛 千討 及 始 刺史魚玄明, 皆怡 賊 平 眞 在 首 、石安、池 昌 與 鎭 然安靜 雍州 數 干 眞 年, 以 餘 刺 級, 大 陽、 |關 甚 史 咸陽 中草 軍. 著 劉 靈 傳 未 邈討 威 武 首 民 草。 至, 稱。 匹 京 趙昌受劉 平之, 縣 師 慮 以眞 人皆 延 , 昌 幷 興 昌單 爲 122 誅 應之, 彧 長安鎮將,賜爵 蔓, 其 年 騎 署 黨 卒。 走発。 與 龍 衆 與 雍 驤將軍 至 4 歸 州 五. 百 葬 刺 干, 後 餘 京 郭縣 史 河南 易 據 劉 師 動 獲 冶 民王 邈 , 鄠 1 諡 谷

侍。 鎭 例 將 降, 正 子 改封 延, 光 入 除 初 汝陽侯 字 太僕 拜 契 金紫 胡 卿。 提, 京 光 都督 滁 兆 頗 王 有 大 沃野 大,復 愉 氣 幹, 爲 武 徐 除 襲 ]]] 州 太 爵 懷 刺 僕 河南 史, 卿。 朔 以 公。 鎭 受使 延 諸 爲 累遷 綏 軍 愉 慰 府 事 歷 秀容 、安北 司 長安鎭 馬 為 帶 將 將, 牧 彭 軍 子 城 拜 懷 所害 內 亥 朔鎭 史。 南 將軍 大 E 將 始 濟 初,除 加 州 散 刺 騎 武 史。 ]][

弟 什 夤 太 府 卿 平 東將 軍 光祿 大夫。 建義 初 拜都官尚書。 卒於平 南 將軍 光祿

請援。 運車。 頭。 爲 西部長、滎陽公。洛拔以壯勇知名,高宗末爲平原鎭都將。 呂洛拔,代人也。 仍共擊張永,大敗之。 元遣洛拔率騎詣武原擊之。格戰二日,手殺九人,奪賊運車二百餘乘,牛二百五十 詔遣尉元率衆救之,洛拔隨元入彭城。 曾祖渴侯,昭成時率戶五千歸國。 賜爵成武侯,加建義將軍。 或將張永遣將王茂之領兵五千向武 。年五十六,卒。 祖肥,濮陽太守。 劉彧徐州刺 史薛安都 父匹知,世祖時 原,援其 歸誠,

**旭以舊語譯注**學語,辭義通辯,超授陽平太守。 長子文祖,顯祖以其勳臣子,補龍牧曹奏事中散。 未拜,轉爲外都曹奏事中散。 以牧產不滋,坐徙於武川鎮。 後坐事伏法。

堆、娥淸,俱以壯勇,征伐四克。 智識入用,任等時俊,當有由哉。 功名自終。 史臣曰"仁人之言,必有博利。 車伊洛自遠宅心,異凡戎矣。宿石等並忠勤勇略,有將帥之才,自致靑雲,豈徒 劉尼忠國翼主,豈徒驍猛之用乎?奚眷將略致位,不能以 頡擒赫連昌,摧義隆衆,遂爲名將,未易輕 參合之役,威罰實行,蓋王建之罪歟? 也。 安同異類之人, 樓伏連、丘

然也。

- 還爲左大夫 諸本「左」下行「右」字,今據北史卷二○王建傳,册府卷三五二四一八二頁、卷三八
- 四五二六頁、卷九四三一二一〇八頁删。
- 賜僮隸五千戶 如同卷安同「賜隸戶三十」,劉尼「賜別戶三十」,宿石「賜奴婢十七戶」。

「千」字當是「十」之訛

未有這樣大的數字,

- <u>~</u> 烏丸庫傉官鳴聚黨爲寇 諸本「庫傉官鳴」作「庫侲宮鳴」。 按卷二太祖紀天興元年三月記「漁
- 卷一一三官氏志:「庫媷官氏、後改爲庫氏。」「庫傉官」是烏丸姓、「傉」或作「褥」,作「辱」。這裏

陽羣盜庫傉官韜聚衆反」、七月又記「漁陽羣盜庫傉官韜復聚黨爲寇、韶冠軍將軍王建討平之」。

「仮宮」二字顯爲「傉官」之訛,今改正。其名,紀作「韜」,可能一人二名,也可能是二人,今

不改。

2.4 永安郡 縣舊名。 遣斤鎭慮虒以撫慰之 鹽夷條云:「二漢屬太原,曰『慮虒』 督罷,太和十年復,改。」此時縣尚未復改,承用廢 今乙正。 諸本「慮虒」倒作「虒慮」。按「慮虒」漢縣。卷一○六上地形志上肆州

列

- $\overline{\phantom{a}}$ 五 同長子屈 百衲本卷末有宋人校語云:「同父名屈、同長子又名屈、同雖胡人、祖孫不應同名。」
- 諸 本 無 此校語,殿本入考證,却不說明是宋人語。 按「屈」是音譯、祖孫同名是常事
- <del>,,</del> 至于衡關 通鑑卷一二一三八一九頁「衡」作「潼」。 卷二五崔浩傳、 卷三七司馬楚之傳敍此事都
- 作「潼關」,一般一一五三四一八六頁又作「衛關」。 本名衝關, 按寰宇記卷二九華陰縣潼關條引三輔記:「潼

衝 關 激調 山,因謂之『衝關』。」 潼,廣韵亦讀尺容切,與「衝」音義俱同。 河水自龍門衝激至華山東,故以名之。」元和志卷二潼關條亦云:河在關 知「潼關」亦名「衝關 內,南流 這

裏「衡」與删府「衛」字都是「衝」字之訛。

- $\overline{\phantom{a}}$ --爲北中道 都大將 北史卷二五宿石傳「北」下有「征」字,按此字不應省,當是此傳脫去。
- [八] 來大千 北央卷二五本傳「千」作「干」。
- . بار ب 功太祖 太宗即位 之世」,則此不應復云『太祖即位』、『祖』當是『宗』之誤。」 諸本「太宗」作「太祖」、北史卷二五周幾傳作「明元」。 按張說是,今據北史改。 張森楷云:「上已云『父千,有
- 以功進爵爲子 諸本脫「爵」字,今據北史卷二五尉撥傳、册府卷三五三四一八八頁 補。

## 魏書卷三十一

## 列傳第十九

#### 于栗磾

彭。」大賜金帛,進假新安公。 至,見道路修理,大悅,卽賜 將軍公孫蘭領步騎二萬, 所向皆平,即以本號留鎭平陽。 能搏之乎。〕對曰:「天地之性,人爲貴。 威 而制之。」尋皆擒獲。 惠 于栗磾,代人也。 太祖 能左右馳射、武藝過人。 潛自太原從韓信故道開井陘路, 顧而謝之。 其名馬。 太祖田於白登山,見熊將數子,顧謂栗磾曰「卿勇幹如此,寧 轉鎭遠將軍,河內鎭將,賜爵新 永興 及趙魏平定,太祖置酒高會,謂栗磾曰:「 若搏之不勝,豈不虛斃 中,關東羣盜大起, 登國中,拜冠軍將軍,假新安子。 襲慕容寶於 城男。 一壯士。 西河反叛。 栗磾撫導新邦,甚有 中山。 自 可驅致 栗磾 卿即吾之黥 旣 受 而 後與寧朔 御前,坐 命 車駕 征伐,

後

列 傳 第

州刺 語。 栗 刊 下 甚 磾 闢 憚 日二日 栗磾 榛荒 史,將 奚斤 之, 劉裕 杜預 之征 以狀 之伐 不 軍 勞來安集。 敢 如 虎牢 造 表 姚 前 故,進爵新安侯。 橋 聞 泓 進。 遺 也,栗磾 也,栗磾盧其北擾,逐築 太宗許之,因授黑矟 裕遺 事可想。」乃編 德 刑 栗磾書, 別率所部攻德宗河南太守 既設, 洛陽雖歷代所都,久 甚得百姓之心。 遠引 次大船,構 將軍。 孫權 《壘於 求 栗磾好 討 橋 河上,親自守焉。 於治 關 太宗 羽 爲 王涓 持黑矟 坂。 之事 邊裔, 南 幸 之於金 六軍旣 了,假 盟津 以自標,裕望 城 道 闕蕭 謂 墉 禁防嚴密,斥候不 西上, 濟 涓之棄 栗 ,太宗深歎美之。 條 磾 題 日 野 書 而 無 城 異 曰「黑矟 煙 遁 河 、之,故 走。 火。 可 橋 ·通。 乎 栗 遷 有 公麾 裕 磾 豫 是

事、臼 秘器、 走。 黨 乘 世 朝服 鎭 郡 勝 祖 之征 長 南 賊 驅 起,栗 將 具、衣 赫 軍 173 、枋 連 磾討 至三 昌 頭 夏。 輔。 之。 都 敕 將 栗磾 贈 0 轉虎 進爵 太 叉 與宋 尉 爲 牢 爲公,加安 公。 外 鎭 兵 都 大 將 將 大官 軍 南 加督 ", 平 世 交趾 將 刑 軍 河 侯 折 內 獄, 平 周 軍 幾 統 Ō 甚 萬, 襲陝城。 尋遷使持 有 聲稱。 遷浦 坂 昌 節、 卒,年 鎭 弘 將。 農 都 七十五 督 太守曹達 時 兗 弘農、 相 0 示 州 賜 河 東園 諸 戰 内、 軍 而

栗磾自少治戎,迄于白首 臨事善斷,所向 .無前。 加 以謙虚 下士 刑罰 不濫 世 祖 甚

惜之。

尙書。 高宗 寵,因賜名焉。 以 御 轉領候 曹令。 治 有能 詔洛拔與南陽王惠壽督四州之衆討平之,徙其惡黨三千餘家於趙魏。 洛拔, 宮 遷 1曹事。 尚 名, 進號安東將軍。 恭宗之在東宮,厚加禮遇,洛拔以恭宗雖則儲君,不宜逆自結 書令, 襲餌。 車駕 頃之,襲爵。 侍中如故。 征討,恒在侍衞,擢領監御曹事。 少以功臣子,拜侍御中散。 出爲使持節、散騎常侍、寧東將軍 又爲外都大官。 在朝祗肅, 百僚憚之。 會隴西屠各王景文等恃險竊 有姿 容, 從征 太安四年卒, 善應對, 涼州 、和龍鎭都 旣 恭愼 平,賜 時年四十四。 納, 小 奴婢 大將 心。 恒畏避屏 轉拜 命, 四 世祖 、營州 侍 私署 + 中、 口 洛拔 甚 退, 刺 王 加 殿中 轉 史。 有 監 愛 左

光宮宿 長 衞 子烈,善射,少言,有不可犯之色。 事。 遷屯 田給納 少拜羽林中郎,遷羽林中郎將。 延興初,敕領寧 六子。

總督: 案驗 部 尙 l 禁旅 書闕 太 咸 和 獲贓 丞 初 **冷秦州** 加 從 罪, 幸 馬也 **澤計** 中山 洛侯、目辰等皆致大辟,提坐徙邊。 刺史尉洛侯,雍州刺史、宜都王目辰,長安鎭將陳提等,貪殘不法,烈受詔 之。 車 麗還次肆州,司空苟頹表沙門法秀該惑百姓,潛謀不軌,詔烈與吏 會秀已平,轉左衞將軍,賜爵昌 仍以本官行秦雍二州事。 [國子。 遷殿中尚書,賜帛三千匹。 遷司衛監,

列

傳

第

-|-

九

于栗

磾

常侍 于時高 遷前 祖幼冲 將軍 ,文明太后稱制,烈與元丕、陸叡、 進爵洛陽侯。 尋轉 衞尉 卿。 從駕南 李沖等各賜金策, 征,加鎭 南 將 軍 許 以有罪不死。 加散騎

之益 翼衞 主於洛陽 管所測。 不 及遷洛陽,人情戀本,多有異議,高祖問烈曰:「卿意云 輕 宜 一,卿當 高 若隱 且還舊都,以鎮代邑。」敕留 祖 心 嘉 祗 而言,樂遷之與戀舊,唯中半耳。」高祖 奉 其 一靈駕 勳 誠, ,時遷洛邑。 遷光 禄 卿 臺庶政,一相參委。 朕 以 此事相託 顧, 日 非不 車駕 「卿旣不唱異,即 何。」烈曰:「 重也。」烈與高陽王雍奉遷神 幸代,執烈手曰:「宗廟至重, 陛下聖略淵遠,非愚 是同,深感不言

落。」高 卿父 開 分 外, 國子 乃行 ,食邑二百戶 冀荷 九 祖 年,大選百僚,烈子登引 謙 日 榮祿。 一、此乃 讓之表,而 當今聖明之朝, 有識之言,不謂烈能 有直士之風,故進卿爲太子翊軍校尉。」 例求進。 理 應謙 辨此。」 讓, 烈表曰:「臣上或近臣,下不決引一人,疑 乃引 而臣 見登,詔曰:「朕 子登引人求進, 又加烈散騎常侍、封聊城 今創禮新邑, 是臣素無教 訓 明揚天下, 請 而恩出 乞黜

叡傳。 曰:「元儼決斷威恩,深自不惡,然而爲臣盡忠猛決,不如烈也。 及 穆泰、陸叡謀反 是逆也 一代鄉 舊 族, 舊京,高祖幸代,泰等伏法。 同 惡者 多, 唯烈 宗,無 賜 所 染 烈及李沖璽書,述金策 預 高 爾 祖 日烈在代都,必卽斬其五 嘉其忠操,益器 之意。 重 語在 之。 歎

三元首耳。烈之節概,不謝金日磾也。」

重。 返,稱詔召世宗會駕魯陽。 勇 兼 三年,蕭寶卷遣其太尉陳顯達入寇馬圈,高祖輿疾赴之,執烈手曰:「 有,軍之大計,宜共參決。」 宛鄧旣平, 車駕還洛, 詔 可鎮衞二宮,以輯遠近之望。」顯達破走,高祖崩於行宮,彭城王勰總一六軍, 除領軍 一將軍。 以本官從征荆沔,加鼓吹一部。 以刚留守之重,密報凶問。 論功加散騎常侍、金紫光祿大 高祖謂彭城王勰曰:「烈先朝 烈處分行留,神色無變。 都邑空虚, 舊 秘諱而 維 夫。 I德,智 捍宜

侍、征 違,理 忘先帝 私 命, 虎 資 奴索官家羽 與詔 (執仗出 世 北將軍 無私 宗 南陽之韶 何異。」烈厲色而答曰:「向者亦不道王非是天子兒、叔。 即位,寵任 給。」 入,領軍 ·、 |恒 林,三烈頭可得,羽林不可得」,禧惡烈剛直,遂議出之,乃授使持節、散騎常 奴惘然而 乎? 州 刺 如前。 可爲差遣。」烈曰:「天子諒闇,事歸宰輔,領軍但知典掌宿衞,有詔 史。 而逼老夫乃至於此。」遂以疾固辭 返,傳烈言報禧。 烈不願藩授,頻表乞停,輒優答弗許。 咸陽王禧爲宰輔,權重當時,曾遣家僮傳言於烈曰:「須舊羽林 禧復遣謂烈曰:「我是天子兒,天子叔, 若是詔,應遣官人,所由遣 烈乃謂彭城王勰曰:「殿下 元輔之 不敢

謂 日 Hir 宗 卿 父 以 忠允貞 禧 等 ·專擅 (固,社 ,潛謀廢之。 稷之臣。 會二年正月於祭,至三公並致齋於廟,世宗夜召烈子忠 明可早入,當有處分。」思奉詔而出。 質明,烈至,世宗詔

列

傳

第

+

九

于

栗

磾

日

諸 父慢怠,漸不可任,今欲使卿以兵召之,卿其行乎。」 烈對曰:「老臣歷奉累朝,頗以幹

勇 賜 識 今日之事 所 不 公各稽首歸政。 敢辭。」乃將直閣已下六十餘人,宣旨召咸陽王禧、彭城王勰、北海 以烈爲散騎常侍、車騎大將軍、領軍, 進爵爲侯,

增 邑三百戶,幷前 五. 一百戶。 自是長直禁中,機密 大事,皆所參焉。

王

詳

,衞送至于帝

前。

諸

日 衞 無幾,倉卒之際,莫知計之所出。 臣 太尉 雖朽邁,心 、咸陽 王 力猶可, 禧謀反也,武 此等猖狂,不足爲 興王楊集始馳於北邙 乃敕烈子忠馳覘 慮。 願緩 虚實。 以告。 , 蹕徐還, 烈 時世宗從禽於野,左右分散,直 時留守,已處分有備,因忠奏 以安物望。」 世宗聞之,甚以

公、雍州 東 園 第 順 后旣立,以世父 刺史;追封 秘器 1,朝服 鉅 鹿郡 具, 之重,彌 開 衣一 或 見優 公, 襲; 增邑五 禮。 賜錢二百萬, 八月, 百戶,弁 暴疾卒, 布 前千 五 户。 百 時年六十五 匹; 烈有 贈 使持節 五子。 侍 世宗舉哀於朝堂,給 ·中、大將軍、太尉

慰悅。

及駕還宮,

禧已

遁

逃。

韶烈遣直

閤

叔

孫侯將虎賁三百

人追執之。

鎭 (將,)貪 長 子 八殘多 祚,字萬年 所 受納 太和 坐発官 中 以 爲 公還第 中散,稍 遷 卒, 恒 贈 州 平 别 駕 州 刺 襲 史。 父爵。 除假節、 振威將軍、沃野

祚子岩,襲爵。 多酒過,爲叔父景所撾殺。 子順襲。 卒,子馥襲。

多 以 微 祚 譴 弟忠,字思賢,本字千年。 得罪。 忠朴直少言 終無過誤。 弱冠拜侍御中散。 太和 中, 授武 文明太后臨朝, 騎侍郎, 因賜名登。 刑政頗峻, 侍臣左右, 轉太子翊軍

校

固 必 倉 人 意。」 之誠 無所 卒 一,未 世 宗 亦 賜 慮。」世宗 知 帛 卽 所之。 所 位,遷 五. 以 百 名實 即遣忠馳 匹。 忠進 長 水校尉。 相 又曰:「先帝賜 副也。 曰:「臣世蒙殊寵,乃心 騎觀之, 尋除 左右郎將, 而 卿名登, 烈 分兵嚴備, 誠爲美稱, 王室。 領直寢。 果如 臣父領軍, 所量。 朕嘉卿忠款,今改卿名忠。 元禧之謀亂也, 世宗還宮,撫背曰:「卿差强 付留守之重計, 車駕 在外, 防遏有在, 旣表貞 變起

作 世 所 以 IF. 如 自 大匠 忠 辭 故 須 爲列 材 父 有 爲 憂 以平 用 王 定 北 卿 遇 去 自 分 海 元禧 多 職 ?,若應 王詳 應關旨, 令 隨 解 詳 功, 未 左 所 所 幾, 死 忿 右 封 於 欲 何 起復 魏 丽 聽 王 面 至 郡 給之。 手 責 其 本官。 狥 開 ',避亦 忠 讓 諛 或 爵。 附 日『我憂在 公, 後因 勢, 不免; 遷司 於 食邑九百戶。 損 是韶停其封,優進太府 公事,忠於詳前 空長史。于時太傅、錄尚書、北海王詳親尊權 ,若其 公 前 惠 見 不爾,王 私 爾 也。 死, 尋遷散騎常侍,兼武 遇 不 不 謂 旣 能 憂 遇曰:「殿下國之周公, 不寧,詳亦慚謝。 殺。」 爾 卿 見 詳 我 因 死 忠表 時 也。 衞 讓之際,密勸 將 遷征 忠曰:「. 軍。 虜 吲 毎 將 衡 人 以 重,將 軍,餘 王 世宗 生 鯁 於 氣

列

史。 任 旋 卿 內 其 代 餘 聞 叉 正 行 加 條 位 方 恒 守令已 世宗 論 忠 散 密 姓 叉 正 以 族。 始 遣 騎 當 於 自 賜 以 常 是 日 勤 中 衞 大辟。 防 名曰 下 二一當 侍 年 使 出 高 尉 夙 也 無怠 肇 卿 秋, 詔 授 忠。 便 o 今 學 識 安北 嘗 忌 日 忠 還,除 詔忠 卽 河南邑中正 一一自 稱 其爲人,欲密出 因侍宴, 今以 頓 行 將軍 首 股 以本官使持節、兼侍 決。 比 平 有文者 所寄 陳 卿 一、定州 西將 股 賜 與撫 謝 才 肱 也。」 堪 之劍 軍 不 褫落,心膂無寄。 遷 禦 詔 軍 刺 |革 少,但 待 侮, 延 史。 之, 將 杖 忠 昌初, 與 軍、尙 中、 州 舉酒屬忠 乃言於世宗,稱中山要鎭,作捍須才,以忠 以所 世宗 吏部 刺 心 領 直 史。 書 中,為 軍 除 御 旣 尙 不 李崇分使二道。 將 都 劍 書元 遭繼 而 如 軍 官尚 曰:「卿世秉 杖 西道 方 悔 卿 一、忠 相 任 暉、 之,復授衞尉卿,領左衞將軍 母憂,不行 賜。 書, 一雖重, 大使,刺史、鎮 欲 面 度支尚書元匡、河南 使 陳 加 循 讓 卿 平南將 貞 比 名 劬 云「臣無 Ö 忠劾幷州 取 節, 此 勞於 服闋,授安北 義, 爲 故恒 軍 輕 下, 將 意在 • | 贓罪顯| 學識,不堪兼文武之 領左衞 我當 刺史高 以禁衞 故輟茲外任, 不 輕。 尹元 無憂於上。」 暴 將 、中正 聰 相 大恒州 器能, 下議,以肅 者 軍 莨 贓 其出 委。 相 罪 以 等推定 如 委以 . 入 昔以 大中 狀 宜 州 百 周 居 刺 申

宗

幼年

未

親

機

政;

太

尉

高

陽

王

雍

屬尊望

重

宜

入

居

西柏

堂,

省決

)庶政;

任

城王澄

明

(徳茂

及

世

宗

崩

夜

中

與

侍

中

崔光

造岩

衞

將

軍

侯

剛

迎

肅

宗

於

東宮

而

卽

位。

忠與門

親

可

爲

尚書令,總攝百揆。

奏中宮,請卽敕授。

御

史中尉王顯欲逞姦計,

與中常侍、

太 中 后 孫 令 伏 連 以高 等厲 肇 色不 錄 尙 聽,寢門下之奏。 書 事 灦 與 高 猛 爲 宮闕侍 侍 中。 中 忠卽 、黄門, 於 殿 但 中 一牒六 收 顯 輔 殺 姓 字 齊來。 孫 伏 連等密欲矯

雍 光 國 裴 加 下 百 百 固 植 僚 已賞 憚 之民 官 忠 乏 執 忠 咸 忠 以 並 祿 忠 旣 威 絹 以 功 繑 權 爲 布 匹 居 權 於 詔 止 是 門 勢 分 然 一,遂免 便 殺 匹之 下 太 減 日 順 之。 盛 , 忠 尉 其意 叉 0 外 雍 又 雍 總 朝 勸雍 清 忠旣 難 太 禁衛 野 各輸 尉 於 加 憤 河 出 忠 擅 獨 以 怨,莫不 王 忠 綿 車 受, 權 遂 懌 王還 麻 騎 秉 欲 忠 功 八兩 廣 朝 大 以惠 第。 聞 諷 平 將 政 切 之, 朝 齒 Ī 軍 權 自 澤 忠 廷, 懷 逼 自 傾 此 悉 王 忠 難 之後 固 有 司 一公已 以 自 違 時。 在 司 與之。 其意 謂 乃 , 門 誣 下 詔 悉 新 下 初, 奏 ٠, 歸 故之 命生 者皆. 畏 其 忠 議 所 太 之累 罪。 白 封 際 殺 減 和 加 忠 高 之祿 省 中 跡 封 有 郭 常 陽 軍 安 邑。 出 祚 王 Ш 國 社 職 於 叉 有 雍 郡 多 忠 稷 欲 尙 人 師 開 事 進 之功 自 傅 書 殺 或 高 云 高 位 舊 左 公, 一僕 祖 陽 世 恩 諷 宗 級 王 以 射 食邑二千 裴 動 用 郭祚、 雍 本 植 白 度 許 舊 侍 擁 制 不 優 中 地 尙 轉。 足, 戶 令 天 崔 書 入 0

太后 故 都都 靈 旣 督冀定 尊 門 太 后 靈 下 侍 太 臨 瀛 官 朝 后 三州 爲 解 崇訓 皇 諸 忠 太后, 侍 軍 宮 事 中 問日 居 領軍 征 | 崇訓 北 崇訓 大將軍 忠 宫 在 忠爲 端 衞 尉 右 冀州 儀 同 止 聲 刺 爲 聽 史。 司 儀 何 同 如 尙 太傅清河王等奏日 ?\_\_ 書 尙 令、 咸 書 日 令 領 崇 加 不 侍 訓 稱 衞 中。 厥 尉, 位 稱 \_ \_ 7 忠 侍 爲 惟 乃 中 令 先 出 旬 帝 忠 領 餘 升 軍 使 持 靈 如

七四三

聖后別宮,母子隔異,温凊道絕,皆忠等之咎。 忠等徵罪,唯以厥身,不至孥戮,又出罪人,窮治 敕 中臣忠總攝文武,侍中臣光久在 故 司 之初,皇上 樞納,輒廢宰輔,令朝野駭心,遠近怪愕。 之恒 也。 重 理,不容以此爲功,妄開 是以中議之際,以十三日夜入爲無勳,唯以拒 案王 一登極 顯陰結 之始, 四海 :姦徒,志爲 證然,字內晏清。 井邑。 不逞;高肇遠 樞密,讚同 臣等前議 功過 其意,故唯賞二人。 至於奉迎乘輿,侍衞省闥,斯乃臣子之常節,職 同凶逆,遙搆禍 相除,悉不合賞。請悉追奪。」靈 過方厥勳,功微罪重。 不盡。 所 以廣建茅土者,正 違矯令,抑 案律準憲, 端。 黜 今尙書 事在 無將 姦 以 回, 之罪, 不 臣 畏迫威權,苟免暴 又忠專權 微 輕。 昭等無涯 可褒 事 太后 暨皇上纂曆, 敍。 合洿戮。 之後,擅殺 從之。 上訴,奉 以前 戾 而 侍

之,田疇拒命,良史所以稱美。 之時,乃心家國,書誚往來,憤氣成疾。 將軍臣忠不能砥礪名行,自求多福,方因矯制,擅相 倚 旣往,宰輔黜辱於明世。 遇 累朝,出入承明,左右機近。 秦宮而 熙平元年春,御史中尉元匡奏曰:「臣聞事主不以幽貞革心,奉上不以趣捨 慟哭,復楚之功已多,陟盧龍而樹勤,廣魏之勳不淺。 又自矯旨爲儀同三司、至尚書令、領崇訓衞尉,原其此意,便欲無 幸國大災,肆其愚戆, 竊唯宮車晏駕,天人位易,正是忠臣孝子致節之秋。 傷禮敗德,臣忠卽主。 除假,清官 專擅朝 命,無人臣之心。 ·顯職, 謹案臣忠世 而 申包避賞, 歲月隆崇。 以 鴻 裴 君 子 虧 勳盛德,受 郭 臣 節 等在 於 前 受寃於 是義 是以 領 軍

令曰 不同, 父子 乃安。 「宜置 自 靈 以 者 召,会 要,誠節 日皇太后 往年 天 太后 I:「直 明 初 神 胡 經 叉 利 介 而 故 大諱之際,開崇邑土,然酬庸理 列 龜 不 嬪 世 皎然,宜褒錫山河,以安厥望。 恩宥,正 有 未 謂 之誠 太后 繩 傳 見之始,百 元 宗 於 危 年 親覽以前,諸有不由階 光 第 所 別所 崩後,高太后將害靈太后。 禍。 既儒望,朝之禮宗,攝心虛遠,不關世務。 昭 二年 深德騰 糾,實允朝憲。 三月,復 可免其叨竊之罪。 臣 嚴 伏度二聖欽明,深垂昭恕。 四 官總己之初,臣復得猥攝禁戎,緝寧內外,斯誠社 家 等四人,並 月,除尚 加 世 儀 守衛,理 奉 同 三司,疾病 公之節,故 但忠事經肆宥,又蒙特原,無宜追罪。 書右 一必萬全,計之上者。」忠等從之, 有 僕 級而權臣用命,或發門下詔書,或由中書宣敕,擅 寵 旣非時望,朝野所知,冒階而進者,並求追奪。」靈太后 授。 射 乖,有司執奪。 申之以 未 可靈壽縣 拜, 加侍 劉騰 忠以毁之者多,懼 見裴 婚 中,將軍 以告侯剛, 而自去歲正月十三日世宗晏駕以後,八月一 姻,重 開 郭 國公,邑五百戶。」 爲祟。 豈宜一**謬**,棄其餘勳也。 如 之以爵祿,至乃位 故。 岡川 但忠以光意望崇重逼光,日光若 忠自 以 不免禍,願還京師,欲自營救。 告忠。 具以此意啓靈太后,太后意 知 必死,表 餘如奏。」又詔曰:「忠 稷 忠請計於崔光,光曰: 七四五 亞三槐,秩 之靈,兆民之福,臣 曰:「先帝錄臣

但忠厥任禁

相拜授

上

自

處。

旣事在恩後,

宜加顯戮。

請御史一人、令史一人,就州行決。

崔光與忠雖同受

班

九

夜 五 第 難 自 內,榮遍宮闈,日外牧兩河,入參百揆。 何 如 有 恭 十七。 此。 去秋苦痢,纏綿迄今,藥石備嘗,日增 力之有焉。 百 二子司 宜 事 鴻 奏『太常 曰『敬 慈 旣 諡 給 誠 徒 未 武 掾 酬 勳 東 ر ا 醜 宜 但陛 永超爲子,猶子之念實切於心,乞立爲嫡,傳此 ,伏枕涕咽。 粛 少 諡 公。 卿元端議, 錄,又無子可矜。 秘器、朝服一具、衣一襲、錢二十萬、布七百匹、蠟三百斤,贈侍中、司空公。 武 一下以叡明御宇,皇太后以聖善臨朝,衽席不遺,簪屨弗棄,復乃寵窮出 太常 敬公。 卿 元脩 臣薄福 忠剛 卿 義 不同。」事 直猛暴, 議 臨危所耐,不容致奪, 無男,遺體莫嗣,貪及餘生,謹陳宿抱。 忠盡 無損。 顧服知妖, 專戇好殺, 奏,靈太后 心奉上, 又今年已來,力候轉惡,微喘緒息,振復 省躬識 剪除凶逆, 令曰 案諡 可特聽 「可依正 法剛强理直 戾。 山河。」靈太后令曰:「于忠表 依 而臣 如請,以彰殊效。」忠薨,年 諡法除 卿 將愼靡方, 議 日『武』, 偽寧眞 臣 先養亡第四 怙 致茲痾疚 日 威 武 、肆行 三,夙 良 日

寶貨 哲 交 計 勝 己,唯與 也 事 于 初瓖 氏 忠後 自 | 會祖 、保元,初褒 直 妻中 閤 几 將軍 世 Щ . 貴盛,一皇后,四贈三公,領軍、尚書令,三開 王 章初 、保元 尼須女,微解詩書,靈太后臨朝 褒、千牛備身楊保元 談之, 遂被賞 愛 了,引爲 爲 斷金之交。 腹 i, 引爲 忠擅 女侍中,賜號范陽 李 權 世 昧 或 哲求 進, 公。至 爲 寵 崇訓 於忠, 忠性 郡 之由 多猜忌,不 私 君 以 皆世 金帛

永超名翻,襲爵。尋卒。

子世衡,襲。齊受禪,例降。

將。 御 史中尉王顯所彈、 及蠕 忠 弟景,字百年。 蠕主阿那褒叛亂,鎭民固請糧廩,而景不給。 會赦免。 自 司 州從 忠薨後,景爲 事,稍遷步兵校尉、 武衞將軍。 寧朔將軍、高平鎭將。 謀廢元叉,叉黜爲 鎭民不勝其忿,遂反 征 **虜將軍、懷荒** 坐貪殘受納, 叛。 執縛景及 鎭

其 (妻,拘守別室,皆去其衣服,令景著皮裘,妻著故絳襖。 烈弟敦,自中散遷驍騎將軍。 景明中,假節,行幷州事,除征虜將軍、恒州刺史。卒官, 其被毁辱如 此。 月餘, 乃殺之。

贈使持節、平北將軍、恒州刺史。

|冀定州諸軍事、衞將軍、尚書僕射、儀同三司,諡曰文恭。 將軍、衞尉 與 阿那躟擒逆賊破洛汗聽明、出六斤等。 子昕,員外郎,直後,主衣都統,揚烈將軍,懷朔、武川鎮將,中散大夫。孝昌 卿。 出爲 鎭東將軍,殷、恒州刺史。 轉輔 國將軍、北中郎將、恒州 還拜征東將軍 ·,領左右。 天平中卒。 大中正。 中,使蠕蠕, 又遷撫軍 贈都督

長子揚仁。武定中,勃海太守。

揚仁弟叉羅,字仲綱。中軍將軍、光州刺史。

叉羅弟子榮,魯郡太守。

列

傳

第

+

九

于

栗

磾

敦弟果, 嚴毅 直亮, 有父兄之風。 自中散稍遷光祿大夫,守尚書, 賜爵武城子。

中,歷朔、華、幷、恒四州刺史。

子礫,襲。 太子舍人、通直散騎常侍。 卒,贈右將軍、洛州刺史,諡

子暉,征東將軍、金紫光祿大夫。

**暉弟道揚,儀同開府諮議參軍。** 

礫弟祇,卒於司徒掾。 贈鎭遠將軍、朔州刺史、諡 曰悼。

派子元伯,中散大夫。

果弟勁,事在外戚傳。

中、車騎大將軍、尚書右僕射、儀同三司。 勁弟須,中散。遷長水校尉,稍遷武衞將軍、太府卿、鎭南將軍、肆州刺史。 闕 冀州長史。卒,贈征南將軍 、燕州刺史、諡曰武。 卒,贈侍

子翊、太尉從事中郎、燕州刺史。

子長文,字士端。武定中,尚書考功郎。

須弟文仁,太中大夫。

曰:魏定中原,于栗磾有武功於三世。 兼以虚己下物,罰不濫加,斯亦諸將所希

矣。 骾朴見親,乘非其據,遂擅威權,生殺自己。 拔任參內外,以著能名。 烈氣概沉遠,受任艱危之際,有柱石之質,殆禦侮之臣。 苟非女主之世, 何以全其門族? 其不誅滅, 忠以 抑

### 校勘記

天幸也。

- 都督竞相二州諸軍事 諸本「相」作「桓」。 按魏無「桓州」。 下列官銜又有「枋頭都將」, 枋頭在
- 相州、「桓」字訛、今改正。
- 所由遣私奴索官家羽林 書,指主管的官吏,魏時罕見,疑作「何由」是。 4400
  第一個
  第二個
  第二
  第二 按「所由」常見於唐代文
- 會二年正月的祭 諸本「約」作「初」。 按卷二一上咸陽王禧傳、卷二一下彭城王勰傳都作「約
- 124 尋除 左右郎將 北史卷二三于忠傳、御覽卷二四〇二三八頁「右」作「中」。按「左右郎將」乃左
- 中 郎 將 和 右 中 郎將的 合稱,疑作「左中郎將」是。

 $\Box$ 

 $\overline{ }$ 五. 叉 頁 補。 自 矯旨 爲儀 同 三司 諸本「矯」下脫「旨」字, 今據北史卷二三于忠傳、 册府卷五一九六三〇六

ヘベン 崔光與忠雖同受召 同 在門下者皆加封邑」,所以說「雖同受詔」。據傳文和卷六七程光傳別無「同受召」的事。疑 册府同上卷頁「召」作「詔」。 按崔光與于忠同在門下,上文說忠「乃諷朝廷,

「召」字爲「詔」之訛。

但忠以光意望崇重逼光 「聲望」較長,「逼光」下有二字語意也較完足,疑此傳訛脫。但如傳文亦可通,今不改。 

ハ ハ し し 榮遍宮闈 諸本「闡」訛「閨」,今據册府卷八六三一〇二五二頁改。

ハ 九 凵 于氏自曾祖四世貴盛一皇后四贈三公領 軍尚 書令 三開 國公 後,實誤,別見卷八三下校記。 三下外戚傳下,外戚傳以北史補,故傳後語與北史同。 作「自栗磾至勁,累世貴盛,一皇后,四贈公,三領軍,二尚書令,三開國公」。本書于勁在卷八 這裏「領軍」和「尙書令」上脫去數目字。疑「三公」二字誤倒,當 按這句話本當在忠傳後,北史移在勁傳 北史卷二三于栗磾附于勁傳後

同

、北史作「四贈公」三領軍」、「尚書令」上脫「二」字。

# 观事卷二十二

### 列傳第二十

# 高湖 崔逞 封懿

湖見其衰 発 湖 官。 敦 求,彼無違 或 湖 太子富於春秋,意果心銳,輕敵好勝,難可獨行。 修舊好,乂寧國家,而復令太子率衆遠伐。且魏主雄略,兵馬精强,險阻艱難,備嘗之矣。 少機敏,有器度,與兄韜俱知名於時,雅爲鄉人崔逞所敬異。 十年,垂 高湖,字大淵,勃海蓨人也。 亂 旣 者。 遣其太子寶來伐也,湖言於垂曰:「魏,燕之與國。彼有內難,此遣赴之,此有所 而 遂率戶三千歸國。 寶果敗於參合。 和好多年,行人相繼。 寶立,乃起湖爲征虜將軍、燕郡太守。 太祖賜爵東阿侯,加右將軍,總代東諸部。 漢太傅裒之後。[三祖慶,慕容垂司空。 往求馬不得,遂留其弟,曲在於此,非彼之失。 兵凶戰危,願以深慮。」言頗切厲。 少歷顯職,爲散騎常侍。 寶走和龍,兄弟交爭, 父泰, 吏 世祖時,除寧西 部 尚書。 垂怒, 登

列傳

第

\_

+

高湖

將軍 、凉州鎮都大將,鎮姑臧,甚有惠政。 年七十,卒。 贈鎮西將軍、秦州刺史、諡曰敬。 有

節 非 叔 籍,莫不審 肅 孫氏 法, 侍 勤不倦,高宗深重之,拜祕書郎。 第三子謐,字安平,有文武才度。 中、都督青徐齊濟克五 當官而行,無所畏避,甚見稱賞。 陳留 正。 郡 君。 顯祖之御寧光宫也,謐恒侍講讀,拜蘭臺御史。 一州諸軍事、驃騎大將軍、太尉公,青州刺 謐以墳典殘缺,奏請廣訪羣書,大加繕寫。 天安中,行司以功臣子召入禁中,除中散,專典秘閣 延興二年九月卒,時年四十五。 尋轉治書, 掌攝内 史、「罰諡武貞公。 太昌初, 由 追 是代京圖 外, 贈使持 彈糾 妻

亂 州刺史,追封勃海王,諡曰文穆,妻韓氏,爲勃海王國太妃。 五. 不 沉 詔 十五五 詔 可居。 自 懷 朔鎮將 適 長 一,不願 子 衆軍 樹生。 太昌 樹生 、陽平王頤率衆討之,頤假樹生鎮遠將軍、都將,先驅 ·, 廣 職位,辭不受賞,論者高之。 日 初,追贈使持節 開募賞。 「何往 性通達,重節義,交結英雄,不事生産,有識者並宗奇之。 非善。」「『」安之自若。 以樹生有 、都督冀相滄瀛殷定六州諸 成略,授以大都督,令率勁 居宅數有赤光紫氣之異,鄰伍 雅好音律,常以絲竹自娱。 軍 永熙中, 事 勇,鎮捍 、大將軍 有 功。樹 後贈假黄鉞、侍中、都 ·、太師 舊蕃。 驚恐, 生尚氣 孝昌 蠕蠕侵掠, | 僉謂 録尚 初, 年 俠 う意在 書 卒, 怪變,宅 北 高祖 時 州 年 大

督中外諸 軍事,加後部羽葆鼓吹,餘如故。 長子卽齊獻武王也。

王 弟 琛,字永寶。 天平 中,驃騎 大將軍、開府儀同三司、御史中尉、南趙郡開國

子叡、襲。武定末、太子庶子。

都督冀定洛瀛幷肆燕 樹 生弟翻,字飛雀,亦以器度知名。 恒 雲朔十州諸軍事 、大將軍、太傅、太尉公、錄尚書事、冀州刺史,諡曰 卒於侍御中散。 元象中,贈假黃鉞、使持節、侍中、

孝宣。

子嶽,武定末,侍中、太傅公、至清河郡開國公。

謐 長 兄眞,有志行。 兄弟俱至孝,父亡,治喪墓 次,甘露白雉降集焉。 有司以聞,

闆 里。 自 涇州 別駕,稍遷安定太守,甚著聲績。 卒,贈龍 驤將軍 大涇州 刺史。

闕 帶 金城 太守。 神龜初卒。云 太昌元 年, 贈使持節、侍中、都督定相殷三州諸 軍事

騎大將軍、儀同三司、定州刺史,諡曰武康。

子仁,正光中,卒於 河州 別駕。 太昌初,贈使持節、侍中、都督青齊濟三州諸軍事、儀同

三司、靑州刺史,諡曰明穆。

子貫,字小胡。 永興末,[世]通直散騎常侍、金紫光祿 大夫、尚 食 典 御。

拔弟賭兒,〇〇 美容貌,膂力過人,尤善弓馬。 顯祖時,羽林幢將。 皇興 中,主仗令。 高

旭 初,給 事 中,累遷散騎常侍、內侍長。 坐事

刺史。 至 河州 子 永熙中 遇 賊 字 攻圍 明 ·, 重 珍 一,城陷 贈侍中、都督青徐光三州諸軍事、驃騎大 有器 見害。 尙 初 太昌. 除 侍 初,贈使持節、都督冀滄二州諸 御 史, 拜奉 朝請、員外散騎侍 將 軍、儀同三司、青州刺史,諡 郎 軍 事 與 征 叔徽俱使 東 將 軍、冀州 西域,還

救,力屈 侍,使嚈嗟。 兵 引念生 走,奔秦 還,拜冗 延 [文景 、土用 一中,假 永樂弟 子永樂, 賭 命 攻河州,祚以憂死。 見弟徽 從僕 城陷,為賊所害。 州 Ö 員外散 弼 別駕乞伏世則 射。 景進尋率羌 還至 興和 、武定 ,字榮顯,小 神龜 騎常侍,使於 **枹罕,屬莫折念生反於秦隴。** 中,驃騎大將軍、儀同 中 ·,安西將軍、營州刺史、安陵縣 中,遷射 夷復來攻逼 潛通景進,徽殺之。 永熙中,喪還洛陽。 字苟兒。 長史元永平、治中孟賓、臺使元湛 聲校 嚈噠,西域諸國莫不敬憚之,破洛侯、烏孫並因之以獻名馬。 尉 聰敏有氣幹,爲 一、徽遣統軍六景相馳 、左中郎將、游擊將軍。又假平西將軍、員外散騎常 三司 湾州 贈使持節、侍中、都督冀定相瀛滄五 徵兵於吐谷渾,吐谷渾率衆救之。景進敗,退 時河州刺史元 刺 任 史、陽川 開 城王澄所知賞。景明中,起家奉朝請 或 表請 男 縣開 共推徽 師,詔徽 祚為前刺史梁釗息景進等招 國 行河州事,綏接有方, 仍行河州 事。久無援 州諸 軍

事、司徒公、冀州刺史、諡曰文宣。

中散大夫、西征 子 歸義,有志烈。 都督,每有戰功。 初除奉朝請,加威烈將軍。 後沒於陣。 太昌 初,贈侍中、驃騎大將軍 與父徽俱使西域。 還都,稍遷龍驤將軍 一、儀 同 三司、雍州

刺史,諡曰孝貞。

子普,武定末,安南將軍、太子左衞率。

歸義 弟歸彦, 武定末,驃騎大將軍、開府儀同三司、 徐州刺史、安喜縣開國男。

真弟各拔,廣昌鎭將。 卒,贈燕州刺史。

子猛虎、鄯善鎮錄事。及居喪、以至性稱、遂絕宦情。

子元國,早卒。

次顯國,武定末,撫軍將軍、汶陽男。

顯國弟達,武定中,驃騎將軍、行滄州事。[3]

達弟永國,征虜將軍、中散大夫。

永國弟子國,武衞將軍。

各拔少子盛,天平中,侍中、太尉公、廣平郡開國公。

子子瑗,武定末,兼武衞將軍。

列傳第二十高湖

證弟稚,字幼寧。薄骨律鎭將、營州刺史。

子陀,字難陀。沃野鎭長。[10]卒,贈琅邪太守

子雍 ,字景雲,司徒從事。 後與少子 思義 事 、驃騎 俱奔蕭衍 大將軍 ,卒於江南。 、尚書令、司徒公、冀州刺史。 元象初,喪還,特贈 使

持 節、散騎常 子 思宗、武定末、中軍將軍、儀 侍、都督冀定瀛 滄幽五州諸 同三司、兗州刺史、 軍 上洛 郡開國男。 思義, 特贈使持節

陀弟興,早卒。興子貴孫,晉州刺史。

散騎常侍、都

督青兗

齊三州諸軍事

東東

騎大將軍

、尚書僕射、儀同三司、

|青州刺

湖 弟恒,字 叔宗,慕容垂鉅鹿太守。 太祖時,率郡降,賜爵涇縣侯,加龍驤將軍,仍守鉅

鹿。卒,贈安東將軍、幽州刺史,諡曰惠。

子 道, 字 始愔 襲爵 拜都牧令, 遷 鎭南將軍、相州刺史。 未及之職,卒。 仍以爲贈,諡

日莊。

威遠 卒。 將 贈 子 使持節、都督秦雍二州諸軍事、車騎大將軍、司空公、雍州刺史、諡 幹, 軍 鄯善鎭 字干奴。 遠府 好學,寬厚有雅度。 長 史。 仍轉! 汾州後軍 襲爵涇縣侯,後例降爲伯。 府長史、白水太守。 所 在 歷南青州 以 廉 日孝穆。 平著稱。 征 虜 太昌 府 司

子侃 ,字伯欣,襲。 除南秦州長史。 卒,贈輔國將軍、凉州刺史,諡曰宣。

子紹,字廣祖,襲爵。興和初,征廣將軍、滄州刺史。

侃弟 騰,字伏興。 卒於安東將軍 光州刺 史、襄城縣開國

子陟、字祖遷。司空中郎、太尉主簿。

陟弟憬,通直郎。憬弟翽,襲父爵。

騰弟隆之,武定末,太保、尚書令、平原郡開國公。

崔逞,字叔祖,清河東武城人也,魏中尉琰之六世孫。 曾祖諒,晉中書令。 祖遇,

虎,爲特進。父瑜,黃門郎。

作 郞 ,撰燕記。 逞少好學,有文才。 遷黃門侍 鄎。 遭亂,孤貧,躬耕于野,而講誦不廢。 及苻堅幷慕容暐, 以爲齊郡太守。 慕容暐時,郡舉上計掾,補著 堅敗, 司 馬昌明以逞 爲 清

河、平原二郡太守。 爲 龍,爲留 尚書, 任 臺 吏部 以 政 事, 尙 書。 錄 爲翟 三十六曹,別給吏屬,居門下省。 及慕容麟立,逞 遼所虜,授以中書令。 攜妻子亡 歸 慕容垂 太祖。張袞先稱美逞,及見,禮遇甚重 滅翟釗,以爲 尋除御史中 丞。 秘 書監。慕容寶 東 走和

列

傅

使 崔逞被殺,故奔二處。」太祖深悔之。自是士人有過者,多見優容。 怪其不至,詔兗州尋訪,獲其從者,問故,皆曰:「國家威聲遠被,是以休之等咸欲歸闕,及聞 所逐,皆將來奔,至陳留南,分爲二輩,一奔長安,一歸廣固。 主以答,乃稱貴主,何若賢兄也!」遂賜死。 祖 是何言歟!」以中山未拔,故不加罪。 故 於常山王遵,遵以聞。太祖韶逞與張袞爲遵書以答。 以言悖君臣之體,敕逞、袞亦貶其主號以報之。 軍 飛 鴉食 及 攻中山 時自取,過時則落盡。」太祖怒曰:「內賊未平,兵人安可解甲仗入林野而收椹 褪 而 改音,詩稱其事。」太祖雖銜其侮慢,然兵旣須食,乃聽以椹當租。逞又曰:「可 未克, 六軍 乏糧,民多匿穀,問羣臣以取粟方略。 天興初,姚興侵司馬德宗襄陽戍,戍將郗恢馳 後司馬德宗荆州刺史司馬休之等數十人爲桓玄 逞、滾乃云「貴主」。太祖怒曰:「使汝貶其 初,恢與遵書云,「賢兄虎步 太祖初聞休之等降,大悅, 逞曰:「取椹可以助糧。 中原」,太 使乞師

不免,乃使其妻張氏與四子留冀州,令歸慕容德,遂奔廣固。 選七子,二子早亡,第三子議,義弟諲,諲弟禕,禕弟嚴,嚴弟賾。<br/>5二選之內徙 逞獨與小子賾在平城。及逞之 也, 終慮

爲冀州刺史,乃曰:「義隆知用其兄,我豈無冀州也。」乃以賾爲平東將軍、冀州刺史。 賾,字泰沖。 初爲太子洗馬,後稍遷散騎常侍,三三賜爵淸河 侯。 後世祖聞劉 義隆 以諲 又爲

死,亦以此爲譴

大鴻臚,持節策拜楊難當爲南秦王。 丕等督諸 軍取 Ŀ 邽 ,使 賾 齎詔 於丕 前喻難當奉詔。 奉使數返,光揚朝命,世祖善之。 後與方士韋文秀詣王屋山造金丹,不 及驃騎大將軍、樂平

就。眞君初卒。賾五子。

長子康,字公禮。早終,無子。

秉弟廣,字公淵,襲爵。拜平東將軍。子法度,早終。

廣弟軌,字公則。太子中舍人、鎭南司馬。

軌弟穆,字公和。早終。

穆 弟 叡,字哲 ,小字男季。 高祖初,以交通境外伏誅。 從兄景眞以子思叔繼叡

思 叔 少 為 中書學生,遷 中書博 士。 世宗 時,歷上黨 ··、 鉅 鹿 太守。 自 逞 之 死 至叡之誅,

三世積五十餘年而在北一門盡矣。

初 ,三齊平,禪孫 相 如 入 國,以才 學知名。 舉冀州秀才,早卒。 相 如弟彧,在 一術藝傳。

逞 兄適、江三字寧祖,亦有名於時。 慕容垂 尚書左丞,范陽、 昌 黎二郡太守。

適曾孫延壽,冀州主簿。輕財好施,甚收鄉曲之譽。

延 子隆宗,簡率 一愛友! 居喪以孝聞。 歷位冀州別駕,蘭陵、 | 郡二 郡太守, 司 空諮議

列傳第二十 崔逞

參軍,冀州 中正, 中軍 大將軍府長史。 仁信待物,出於至誠,故見重於世。 卒,贈前將軍 齊

州刺史,諡曰孝。

子 敬保,員外散騎侍郎、冀州儀同府從事中郎。 卒,贈冀州刺史。

子子恒,官至征虜將軍、魯郡太守。早卒。

子恒弟子安,冠軍將軍、西兗州司馬。

子安弟子昇,開府參軍。 武定中,坐連元瑾事,兄弟並伏法

慕容 民部 超 太 尉。 舊 尙 封懿,字處德,勃海蓨人也。 書。 事 | 懿儁偉有才氣,能屬文,與字雖器行有長短,然名位略齊。仕慕容寶,位 懿 寶 敗,歸闕,除給事黃門侍郎、都坐大官、寧朔將軍、章安子。 應對疏慢,廢還家。 曾祖釋,晉東夷校尉。 太宗初,復徵拜都坐大官,進爵爲侯。 父放,慕容暐吏部 太祖 泰常 尚書。 兄字,慕容 數引 二年卒。懿撰 至 見, 中書令、 間以

燕書,頗行於世。

將宥爾一子。」玄之請 子 玄之, 坐 與 司馬國 日「弟虔之子磨奴,字君明, 璠、 溫楷等謀亂, 伏誅。 臨刑,太宗謂之曰:「終不令 早孤,乞全其命。」乃殺玄之四子,而赦 絕 汝 種 也,

名

回。

刺 故 史。 後 膟 太 爲 奴 和 中 被 ·曹監 刑爲宦人。 七 年 ,西使張掖,賜爵富城子,加建威將軍 卒。 贈平東將軍 崔浩之誅也, 、冀州刺史、勃海公、諡曰 世祖謂磨奴曰:「汝本 <del>八</del>給 事 定。 ·應全, 中。 以 久 所以 之, 族子叔念為後 出 致 爲 刑 冠軍 者, 將軍、懷 事 高高 由 浩之 祖 賜 州

尋除 令。 徵 爲 世宗 太 鎭 回 尉 遠 父鑒,即慕容暐太尉弈之後也。 將軍 長 卽 史,頻行 位 て安州 以以 回 定州、 刺 行 華州 史。 徐州 Щ 事。 民愿朴,父子賓旅,同 事,尋除後將軍、汾州刺 回 在 州鞭中散大夫党智孫,爲尙 回, 皇興初爲中書學生。 寢一室。 史。 回下車,勒令別處,其俗遂改。 書左 襲爵富城子,累遷 丞章績 糾 奏,  $\subseteq$ 太 **三**冤。 子家

出 尙 後 卿 幕 書、 荷 加 肅 冀 以水 或 往 宗 寵 詣 州 初 潦,百姓 大 靈 回,坐未 轉 中正。 位 凉 至 州 困乏。 定, 方 滎 刺 伯, 謂 史, 陽 鄭 回 雖 加右 回 雲諂 日 不能拔園 表 求賑 將軍,固辭 我爲安州, 事 長 恤,発其 秋 葵, 卿 劉騰, 去織婦, 不 卿 兵調,州 拜,仍授 知 之否? 貨 騰 宜 紫纈 ~ 北 內 思方略以 甚 彼土治 口賴之。 將 四 百 軍、瀛州刺史。 生, 匹,得爲安州 濟 又爲度支尙書。 百 何 姓, 事 爲便? 如 何 時大 刺 見 史。 回 造 乘寇 尋轉 而 答 除 問治生 之 曰: 亂 書 都官 之 日

列

傅

第

\_\_\_

+

封

懿

乎? 封回 不 爲 商賈,何以相示。」雲慚媿失色。

犯。」太后意納之,而不能 魯 今,未有不 國 肅然 靈 太后 ,欺巧自息。 ·厲威 回乃劾奏,時人稱之。 臨朝,召 刑 而能 百官問得失,羣臣莫敢言。 治者。 姬旦行戮,不避兄弟,周道用隆。 用。 轉爲七兵尚書,領御史中尉。 頃來頗由長吏寬怠,侵剝百姓,盜賊羣起。 除鎭東將軍、冀州刺史。 回對曰:「昔孔丘爲司寇,十日而誅少正 徐偃專行仁義,其國乃滅。 尚書右僕射元欽與從父兄麗妻 請肅刑書,以懲未 自古及

肅宗 末,徵 爲殿中尚書,頻表遜職,以爲右光祿 大夫。 莊帝初,遇害於河陰,時年七十 崔氏

姦通

七。 贈侍 長 子隆之, 中、車 武定中,開府儀同 騎 大 將 軍、司空公、定州刺史、諡曰孝宣。 三司、 齊州刺史、安德郡開國公。

子子 繪,武定中,勃海 太守。

平 北 隆之弟 府 長史,所歷有當官之譽。 興之,字祖 冑。 經 明行修, 孝昌中卒。 恬素清靜。 天平中,追贈散騎常侍、撫軍將軍、雍州刺史。 起家太學博士、 員外郎。 出 爲瀛冀二州

尋 重 贈 殿 中 ·尙書, 諡 日 文。台語

子 孝 琬,字子 倩。公式武定 末,開府中郎。

孝琬弟孝琰,秘書郎

興之弟延之,字祖業。天平中,驃騎大將軍、青州刺史、江北剡縣開國

磨奴旣以回爲後,請於顯祖,贈鑒寧遠將軍、滄水太守。

事。 祿 太中大夫、轉廣平內史、又爲光祿大夫。世宗末、除後將軍、夏州刺史。 匹、粟六百石、馬牛各一。 百官,除司空長史。出爲立忠將軍、南靑州刺史、兼散騎常侍、持節、西道大使。還爲長兼 大夫。神龜二年卒。贈使持節、撫軍將軍、相州刺史。 後爲河南七州大使。還,拜中書侍郎,與侍中、南平王馮誕等議定律令,賜布帛六百 鑒長子琳,字彥寶。 顯祖末,本州表貢,拜中書博士。 遷太尉長史,轉司宗下大夫,有長者之稱。 高祖初,大軍南討,琳參鎮南軍 行東兗州事。 徵爲安東 將 軍、光 及改定

子元稱,元稱弟子盛,並早卒。

子盛弟子施,武定末,沛郡太守。

琳子肅,在文苑傳。

常侍。 李氏南奔河 後入代都,名出懿子玄之右,俱坐司馬氏事死。愷妻,盧玄姊也。愷子伯達棄母及妻 表,改婚房氏。 顯祖末,伯達子休傑內入,祖母盧猶存,垂百歲矣,而李已死。休 **父勸,慕容垂侍中、太常卿。 愷,給事黃門侍郎、散騎** 

列 傳第 二十 封 懿

傑,高祖時以歸 國勳 爲 河間太守,兼冀州 咸陽王府諮 議 参軍

休傑從弟靈祐,仕劉義隆為靑州治中、 勃海太守。 慕容白曜平三齊,靈祐率二百 人詣

白曜降,賜爵下密子。 後除建威將軍、勃海太守。 卒。

子進壽,襲爵。 肅宗時,爲揚州治中,以失義州爲刺史元志所殺。 事具志傳。

子子游,武定中,開府中兵參軍。

進壽弟蚌,卒於冀州別駕。

蚌 弟粲、起家荆州長流參軍。 司空水曹參軍、殿中侍御史。 累遷征東將軍、廣州長史。

還,除光祿大夫。卒,贈衞將軍、冀州刺史。

潔 推 · 軌曰:「封生之於經義,非但章句可奇,其標明綱格,統括大歸,吾所弗如者多矣。」善自 ,儀容甚偉。或曰:學士不事修飾,此賢何獨如此。」軌間,笑曰:「君子整其衣冠〉尊其瞻 回 族叔軌,字廣度。沉謹好學,博通經傳。 與光祿大夫武邑孫惠蔚同志友善,惠蔚 修 毎

視,何必蓬頭垢面,然後爲賢。」言者慚退。

偏遠,稱疾不親受詔。 太和 中,拜著作佐郎,稍遷尚書儀曹郎 軌正色詰之,喻以大義,雲乃北面受詔。先是,契丹虜掠邊民六十餘 中。 兼員外散騎常侍,街命高麗。高麗王雲恃 其

經學者,檢試諸州學生。 朝命,權宜曉慰,邊民來蘇,宜加爵賞。世宗詔曰:「權宜徵口,使人常體,但光揚 天下之平,不可以舊君故虧之也。」休歎其守正。 П 階。」轉考功郞中,除本郡中正。 ,又爲高麗擁掠東歸。 軌具聞其狀,移書徵之,雲悉資給遣還。 韶從之。 勃海 尋除國子博士,加揚武將軍。 太守崔休入爲吏部郎,以兄考事干軌 軌在臺中,稱爲儒雅 假通直散騎常侍,慰勞汾 有司奏軌遠使絕域,不辱 奏請遣 軌 四 有 曰:「法者, 門 稱,宜賞 博 士明

屋,周 漢 者、茅蓋白盛爲之質飾、赤綴白綴爲之戶牖、皆典籍所具載、制度之明義也。 義,得 滅 所 同制。』然則三代明堂,其制一也。 州 '窗者',通八風。誠不易之大範,有國之恒式。若其上圓下方以則天地,通水環宮以節觀 承秦法, H. 山胡 以嚴父配天,聽朔設敎,其經構之式,蓋已尙矣。故周官匠人職云:夏后氏世室,殷人重 典,毁 司 天數矣。是以鄭玄又曰:五室者,象五行也。然則九階者,法九土;四戶者,達四時, 人明堂,五室、九階、四戶、八窗。鄭玄曰『或舉宗廟,或舉王寢,或舉明堂,互之以見 `空、淸河王懌表修明堂辟雍、詔百僚集議。 黜三代,變更先聖,不依舊憲。故呂氏月令見九室之義,大戴之禮著十二堂之論。 亦 未 能 改,東西二京,俱爲九室。 案周 與夏殷,損益不同,至於明堂,因而弗革,明五室之 是以黃圖、白虎通, 軌議曰:「明堂者, 布政之宮, 在國之陽, 蔡邕、應劭等, 咸稱九室 在秦之世,焚

物,宜 須 以 政,故堂 象 九州, 則 Ŧi. 不踰四。 一室,以爲永制。 堂以象十二辰。 州之與辰,非所可法,九與十二,其 至如廟學之嫌, 夫室以祭天,堂以 臺沼之雜,袁準之徒已論正矣,遺論具在, 布政。 用安在? 依 天而祭, **今聖朝欲尊道** 故室 不 訓 過 民,備 五. 依時布 不復 禮化

廷 尉 少卿 葬 以本官行東郡太守。 气加征 虜將軍。 卒,贈右將軍、濟州 遷前軍將軍、行夏州事。 刺史。 好立條敎,所在有績。 轉太子僕,遷

本, 姦 軌 以方直 生 不 妄 初 遽 回讒佞,世之巨害,乃爲務德、愼言、遠佞、防姦 往舉 軌深 自業,高 歸,曰:「吾一生自謂 て, 而 爲 綽亦 郭祚所知,祚常謂子景尚曰:「封軌、高綽二人,並幹國之才,必應遠至。吾平 每薦此二公, 非直 以 風概立名。 無愆規矩,今日舉措,不如封生遠矣。」軌以務德愼言,修 爲國進賢,亦爲汝等將來之津梁也。」其見重 尚書令高肇拜司徒,綽送迎往來,軌竟 四戒,文多不 載 不詣。 如 此。 綽 顧 身之 軌旣 不 ·見

儒 條 太 學,議 保崔 軌 一發起 光 長 其制度。 子偉伯,字君 僕射 隱 漏。 游 偉 肇 九五之論,久而 伯 所 知賞。 良。 又討論禮、傳、詩、易疑 博學有才思,弱冠除太學博士,每 太尉、清河王懌辟 不定。 偉伯乃搜檢經緯,上明堂圖說六卷。 事 參軍 數十條 事 懌親 儒 者 朝廷 咸 爲孝經解詁,命偉伯爲難 稱之。 大 議,偉伯皆預焉。 尋 將 經 始 正 光末, 明 (堂,廣 尚書 雅 例 集 九

義兵。 僕 射蕭寶夤以爲關西行臺郎。及寶夤為逆,偉伯乃與南平王問潛結關中豪右韋子粲等謀舉 事發見殺,年三十六,時人惜之。永安中,追贈散騎常侍、征虜將軍 、瀛州刺史、聽

子出身。 偉伯無子,轉授第三弟翼。偉伯撰封氏本錄六卷,幷詩赋碑誄雜文數十篇。

偉伯弟業,字君脩。奉朝請,領殿中侍御史。早卒。

業弟翼,字君贊。美容貌,腰帶十圍。 以兄偉伯立節之勳,除給事中。 後加揚烈將軍。

武定初卒。

翼弟述,字君義。武定末,廷尉少卿。

述弟詢,字景文。尚書起部郎。

當年之俊,慮遠忽微,俱以爲禍。 史臣曰:高敬侯才鑒明遠,見機而作,身名俱劭,世載人英,天所贊也。 賾有兹休烈,厥世不延。 封懿獲全爲幸,回乃克光家,世 崔逞文學器識,

校勘記

不乏人矣。

列傳第二十 校勘記

- 漢太傅裒之後 上公,除授者甚少,安得 四 世孫裒,字宣仁,太子太傅』,此即湖之祖也。 錢氏考異卷二八云:「唐書宰相世系表卷七一下後漢渤海太守高洪, 『高裒』其人乎。」按這種祖先官爵大抵據子孫所編的譜牒, 此『太傅』上當有『太子』二字。 漢時 多不可信。 居渤海蓨 太傅爲
- 不 僅 漢 無官居太傅的高裒,連「太子太傅」也難究詰。
- 天安中 誤。 『太安』是高宗拓跋濬第三年號。」 張森楷云:「據下云『高宗深重之』」『天安』是顯祖拓跋弘年號。 疑『天安』爲『太安』之
- **二** 追贈 照 卷二八云:「『壽』當作『靑』,地形志 例 爲 使持節侍中都督青徐齊濟克五州諸軍事至青州刺史 所任 刺史之州。 今改正。 無壽州。」 按錢說是,所贈刺史是青州, 諸本上「靑」字作「壽」。 都督諸州的第一州 銭氏考異
- 29 何往 「往」字答非 非 善 册府卷八九五一〇五九三頁「往」作「知」。 所 問。 疑作「知」是。 按鄰伍是勸他遷居,不是阻他遷居或出行,
- Ħ. 子 五. 年 嶽 ,進太保。 武定末侍 中太傅公 他 從未爲太傅了傅」字當是「尉」之訛 按北 齊書卷一三淸河王岳傳武定六年除太尉, 至高洋稱帝後, 天保
- ナ 闕 行。 帶 按前已記「卒」,下又說「神龜初卒」, 金 城 太守 神 龜 初卒 原文上不 注「闕」字,和 哪有 一人「卒」二次之理! 上文「卒贈龍驤將軍、涇州 且金城郡屬河州,不屬涇 刺史」句相 連,不提

州 刺 戍 主, 史」者是高眞 見卷一〇六下地形志下,不可能 刺 史也不會有「帶太守」的 ,其「帶金城 太 以涇 守, 名 州 神龜 號。 刺 史帶金城太守。 初 因 卒」者乃另一人, 知 此 處所述實是二人。 又北魏帶太守的 }傳 脫 去其名 所云「卒 和 例爲州之長史、 歷官 贈 事 龍 迹 驤 將 和 軍 別駕 E 文相 涇州 和

-1=  $\Box$ 永興末 按「永」 興」乃拓跋 嗣 年 號四〇八 四一 三、後來元脩 曾改元永興 五三二, 旋即發覺重 了上

連

以致

語不

可

解。

今提行

上注「闕」字。

乻

下校記云。

- 代 年 號 `又改「永熙」。 元脩 的「永 興」, 不 過幾天, 談不 上「初」或「末」。 上 一文稱貫 父仁 死 於 正 光
- 中 五. 九 五二四 , 這 裏「永興」當是「永 熙」之訛
- , Ш 入考證 拔弟賭 未說 兒 明 諸本於賭兒傳末 畄 於宋 人校語。 按 上文「帶 有 宋 人校語 金城 云:「过 太 守 傳 無拔 神 龜 事 初 , 卒」者 而 載拔弟 當 則 是 腊 拔。 兒, 不 其 知拔何 人 應 是 高 人也。」 眞 子 殿本 高

|抜乃高 仁父。 據下 歡 伯 文、猪 叔 輩. 兒孫永樂。 高 眞 是高 歡 永樂 伯 祖 歡 北齊書卷 祖 證之兄, 其 子 四 正 有 應 }傳 爲歡 乃高歡 之伯 叔 從 祖 輩 兄子, 行 相 當 則 其 大 祖 疑 賭 兒 上 文 伯 궤

別 亦

州

刺

史」下

脫去「子

拔

和

歷官

事

迹,

只

碊

留

帶帶

金城

太守

神龜

初

卒\_九

字。

正

因

拔

在

河

州

任

故 |拔 子 仁亦爲 河 州 駕 而 拔 弟徽 後 來 被 河 州 地 主官僚 推 爲 行行 河州 事 以 抗 起 義 軍 情 事

列 傳 第 + 校 勘 記

ナし

 $\square$ 

顯

或

弟

達

武

定

中

驃

騎將

軍行

滄州事

墓誌集釋有高建

墓誌圖版三〇九

稱

曾祖

湖

祖拔

一。敍

合。

高 建的終官爲「行滄州事」。誌之拔即此傳之高湖子、高達祖各拔。 非「拔弟賭兒」之拔,一爲湖子,一爲湖

孫,各拔乃鮮卑名,不嫌伯姪同名。 爲「建」之訛。 按墓誌集釋又有高建妻王氏誌圖版三一〇之二稱建為 誌之猛即傳之高達父猛虎。 世次終官均合,故集釋七以爲傳「 「神武皇帝再從弟」, 與傳所 「達」字

敍高達的行輩也相符,集釋說是。

[10] 沃野鎭長 按「長」下疑脫「史」字,或「長」是「將」之訛。

嚴弟賾 南本以下諸本及北史卷二四雀逞傳「賾」都作「頣」,獨百衲本作「賾」。又卷二四雀玄

條作「賾」。 按墓誌集釋盧令媛墓誌圖版三七稱曾祖 度世了一夫人淸河崔氏,父賾,散騎常侍、大鴻

並作「頤」,

唯卷四上世祖紀上延和二年九月戊午

臚卿、使持節、平東將軍、靑冀二州刺史、淸河侯」。 歷官、 封爵與此傳相符。 知百衲本作「蹟」

獨是,今從之。以下他處訛「頤」均據改,不再出校記。

後稍遷散騎常侍 也 鄎 作「散騎常侍」,別無尚 還是散騎常侍,尚書也不 諸本「常侍」作「尚書」、北史卷二四作「常侍」。 書的 知何曹、魏書敍歷官一般不作如此簡稱, 記載見上條校記。 知「尚書」乃「常侍」之訛,今據北史改 按「散騎尚書」不知是散騎侍 檢盧令媛墓誌記崔賾官位

逞兄適 紹述、繼承之義、張說是。 北史卷二四「適」作「適」。 張森楷云:「據其字『寧祖』,似以作『遹』爲是。」按「遹」有

爲 尚書左丞章績 糾 奏 按卷四五章闡附章 }纘 }傳 稱續以兼司徒右 長 史轉長兼尚書左 丞。 壽春

稱 降 庸 魏 三重 和 彭 城 出  $\pm$ 鎭 勰率 揚州 兵 請纘 赴 壽春 爲 敗 長 史。 南 齊 據 軍 卷 八 還朝 (世宗紀) 進 位位 壽春 開 府 降 儀 魏在 同 三司」, 景明 元 尋 年正 以 月。 庸 為散騎常 卷六三王肅 都 {傳

督 淮 南 諸 軍 事 揚 州 刺 史。 世宗紀 肅 加 開 府儀 同三司 在 是年六月, 則 爲 揚 州 刺 史, 請 韋纉 爲

長 史當 在 六 月 後。 此 }傳 稱 封 回 在元 恪 即 位 後 爲 華州 刺 史, 這 時 韋 纘 IE 是 長 兼 尙 書 左 丞 則 奏

劾封回者自即章纘。「績」當是「纘」形近而訛。

諡 日 文 百 衲 本 南 本、汲 本、局 本「文」作「孝」, 汲、 局二本下注「一 作『文』」。 北、殿 二本 及 }北

是下 行 孝 琬 的 孝 二字 錯 簡 iffi 誤,今從 北 殿 本。

}史

卷

四

[封:懿

(傳

附

見

封

興

之作「文」。

按 ()

漫卷七

下

· 字 相

世

系表

也

作

文」。

這

裏

孝」

字

當

二台 子孝 琬 字子 倩 百 衲 本 南 本 汲 本 無「孝」字) 北 本 殿 本 及 北史卷 四封懿傳附 孝 琬 有 叉

子 倩 作 士 倩 \_\_ 按 {北 齊 \*\* 卷 }封 | 隆 之傳 作 孝琬 字 子 倩 此 }傳 百 衲 等 本 孝 琬 的 孝 字

鉗 簡 在 上 行 一个從 北 殿 本。 又下文「孝琬 弟 孝 琰 上孝 字 百 衲 等 本 訛 作 ··· 子 一 也 從 北

殿

本。 孝 琬 之 字 則 {北 {齊 書 也 作「子 倩」, 今從 百 衲 等本

軍 天 平 豊 中 有 驃 騎 天 平 大 將 中 軍 五. 三四四 青 州 刺 五三八先已官驃騎 史 按 {北 齊 書 卷 大將 | 封隆 軍 ·之理? 北齊書稱 {封 }延 (之 (傳 興 和 興 和 车, 初 五 延  $\equiv$ 儿 之死 才 除 後 中 贈 驃 堅 騎 將

列

倳

第

+

校

勘

記

刺史」,也不合。

大將軍,此或是舉贈官,而年號有誤。 又延之先是「行晉州事」,贈官是「冀州刺史」, 此云「靑州

# 魏書卷二十二二

## 列傳第二十一

#### 宋隱 王憲 屈 遵 張蒲 谷渾 公孫表 張濟

# 李先 賈彝 薛提

父恭, 尚書、徐州刺史。 宋 隱, 字處默,西河介休人也。 慕容儁徙鄴,恭始家於廣平列人焉。 曾祖奭,晉昌黎太守。 後爲慕容廆長史。 祖活,

中山 被徵,固辭以病,而州郡切以期會,隱乃棄妻子,間行避焉。 臨 子中舍人、本州別駕。太祖平中山,拜隱尙書吏部郎。 「終謂其子姪等曰:「苟能入順父兄、出悌鄉黨、仕郡幸而至功曹史、以忠淸奉之、則足矣、 隱性至孝,年十三,便有成人之志,專精好學,不以兵難易操。仕慕容垂,歷尚書郎、太 尋轉行臺右丞,領選如故。 屢以老病乞骸骨, 太祖不許。 車駕還北,詔隱以本官輔衛王儀鎮 後匿於長樂之經縣,數年 尋以母喪歸列人。 ·而卒。 旣葬,

列

傳

第二十

朱隱

卷 === + Ξ 七七四

不勞遠詣臺閣。 恐汝不能富貴,而徒延門戶之累耳。 若忘吾言,是爲無若父也, 使鬼而有

知,吾不歸食矣。」有五子。

第三子溫,世祖時徵拜中書博士。 卒,追贈建威將軍、豫州刺史,列人定侯。

溫弟演,顯祖初從征彭城有功,拜明威將軍、濟北太守

演子鮒,字伯魚。 州別 駕。

隱弟輔,字處仁。 少慷慨有大操,博覽羣書。 州辟別駕。

隱叔父洽,爲慕容垂尚書。 太祖之圍中山也,治率所領專守北圍。 當洽所統,官軍多

被傷殺,太祖特深忿恨。及城平,遂殺之。子順、訓並下腐刑

被徵,拜中書博士。 洽第四子宣,字道茂,時年數歲,親人竊逃以免。 尋兼散騎常侍,使劉義隆。 加冠軍將軍,賜爵中都侯,領中書侍郎,行 後與范陽盧玄、勃海高允及從子悟俱

司 隸校尉。 眞君七年卒,贈司隸,諡簡侯。

子謨,字乾仁,襲爵。 卒於遼西太守。

子鸞,字珍和,襲爵。 東莞太守。

鸞弟瓊,字普賢。少以孝行稱,母會病,季秋之月,思瓜不已。 瓊夢想見之,求而遂獲,

時人稱異。母終,州郡屢辟,皆不就。卒於家。

子仲美,武定末,尚書水部郎。

|鄴 出爲幷州 趙郡之高邑, 綿綵珍羞禮膳。 下,風化大行。 事, 兼掌門下。 苻丕稱尊號,復以永爲丞相。 王憲,字顯則,北海劇人也。 刺史,加安南將軍,進爵北海公,境內淸肅。 憲乃歸誠。 尋拜外都大官,後爲中都。 天安初卒,年八十九。贈鎭南將軍、靑州刺史,諡 世祖卽位,行廷尉卿。 太祖見之,曰:「此王猛孫也。」厚禮待之,以爲本 祖猛,苻堅丞相。 冰為慕容永所殺,憲奔淸河,匿於民家。 出爲上谷太守,加中壘將軍,賜爵高 歷任二曹,斷獄 父休, 及還京師,以憲元老,特賜錦繡 河東太守。 稱旨,進爵劇縣侯 日康 憲幼孤,隨伯父永 州 皇始 唐子。 , 中正, 加龍 中,輿駕次 驤將軍。 領選 清身率 布帛 在

子崇,襲。 早卒。 子仲智襲。 歷中書侍郎、安西將軍、幽州 刺史。 有清平之稱

豫,撫慰新附,觀省風 嶷性儒緩,委隨不斷,終日在坐,昏睡而已。 崇弟嶷,字道長。 俗。 少以父任爲中書學生,稍遷南部大夫。高祖初,出使巡察凊、徐、兗、 還,遷南部尚書,在任十四年。 李訢、鄧宗慶等號爲明察,勤理時務,而二 時南州多事,文奏盈几,訟者塡

列

加散騎常侍、右將軍,賜俘東平侯。 人 終 見誅戮,餘十數人或黜或免,唯處卒得自保。 未幾,拜安東將軍,進爵樂安公。 時人爲之語曰:「實癡實昏,終得保存。 出為持節、鎭西將軍、

秦州刺史。 改爲華山公,散騎常侍如故。 後入爲內都大官。 卒。

子祖念,襲爵。 官至東平太守。 例降爵爲侯。 卒,贈寧朔將軍、光州刺史。

子慶鍾,襲爵。給事中。貪穢無行,坐事爵除。

衛尉 虞財貨,又 少卿。 祖 念弟雲,字羅漢,頗有風尚。 取官絹、因染割易、御史糾劾、付廷尉。 出爲冠軍將軍、尚書、兗州刺史, 曰文昭。 自尙書郎入爲中書舍人。 尋進號征虜將軍。 遇赦免。 熙平二年卒官。 轉司州別駕、光祿少卿,改授 在州坐受所部制山戍主杜 贈平南將軍、

長子昕,字元景。武定末,太子詹事。豫州刺史,諡曰文昭。有九子。

肵 弟 輝,字 |元旭。 早稱機悟。 歷尚書儀曹郎、中書舍人。 贈散騎常侍、鎭軍將軍、兗州

刺史。

暉弟町,字仲明。 秘書郎、司徒主簿。 天平中,爲盜所害。

永 走海濱,屬 滅,垂以爲博陵令。 屈遵,字子皮,四昌黎徒河人也。博學多藝,名著當時。 城長吏率多逃竄。 太祖南伐,車駕幸魯口,博陵太守申永南奔河外,高陽太守崔玄伯東 遵獨告其吏民曰:「往年實師大敗,今茲」垂征不還,天之棄濕, 爲慕容永尙書僕射,武垣公。

少 子須,襲。除長樂太守,加鎭遠將軍,進爵信都侯。卒,贈寧北將軍、昌黎公,諡曰恭。 子處珍,襲爵。處珍卒,子車渠襲爵。高祖初,出爲東陽鎭將。卒,贈靑州刺史,諡

日莊。

總文誥。

中原旣平,賜爵下蔡子。

從駕還京師,卒,時年七十。

太祖素聞其名,厚加禮焉。

拜中書令,出納王言,兼

**吾欲歸命,爾等** 

勉之,勿遇嘉運而爲禍先。」遂歸太祖。

人弗支也。

魏帝神武命世,寬仁善納,御衆百萬,號令若一,此湯武之師。

鎭。 公,加 將 女六千口 世 一遷將作監,統京師諸署。 軍 與 |須 平南 襄 長子垣,「三字長生,沉深有局量。少纂家業,尤善書計。 師 城 次 而 將軍。 還。 公 和龍,馮文通致牛酒 盧 魯元 垣 後轉 在宮公正,內外稱其平當。 俱賜甲第,世祖數臨幸,賞賜隆厚。 中領軍。 世 祖 恭宗在東宮,垣領太子少傅。後督諸軍東伐,進號鎮 以犒軍,獻甲三千。」垣責其不送侍子,數之以王命,遂掠 即位,稍遷尚書右僕射,加侍中。 世祖信任 之,委以大政,車駕出征,常居中留 眞君四年, 墜馬卒, 時年五十五, 太祖初,給事諸曹。 以破平涼功,賜爵濟北 東大 男

列

時世祖幸陰山、恭宗遣使乘傳奏狀、世祖甚悼惜之、謂使人曰:「汝等殺朕良臣、何用乘馬」」

**遂令步歸。贈征西大將軍,諡曰成公。** 

長子觀,早卒。世祖愍之,賜其子男爵。

觀弟道賜,襲祖爵。四道賜,少以父任,內侍左右。 稍遷主客,進爲尚書,加散騎常侍。

善騎射,機辯有辭氣,世祖甚器之。從征蓋吳,遷尚書右僕射,加侍中。 還至雁門,暴疾卒。

諡曰哀公。

子,拜營州刺史。卒,子永興襲爵。 然曰:「若鬼而有知,長生問其子孫,朕何以應之。」乃赦拔,殆爲散大夫。 擒劉義隆將胡盛之,以付拔。拔酒醉,不覺盛之逃去。 子拔,襲爵。拔少好陰陽學。 世祖追思其父祖,年十四,以爲南部大夫。 世祖大怒,命斬之。 後顯祖以其功臣 將伏鑕, 時世祖南伐, 世祖馆

守,尚書左丞。 丞、兵部尚書,以淸方稱。蒲少有父風,頗涉文史,以端謹見知,爲慕容寶陽平、河間二郡太 張蒲,字玄則,河內脩武人,本名謨,後改爲庸。 太祖定中山,寶之官司敍用者,多降品秩。 漢太尉延之後。父攀,慕容垂御史 旣素聞滿名, 仍拜爲尚書左丞。 中

天 興 中, 以 蒲 清謹方正, 遷 東 部 大人。 後 拜 太中大夫。 太宗 即位, 爲 內都 大官, 賜 爵 泰昌

子,參決庶獄,私謁不行,號爲公正。

安 恃 耳 討 而 集 阻 俱 之。 降 今 泰 道 誑 矣。 常常 若 生 惑 直 等 猛 初 愚民。 欲 雀 道 以 與 生 大 徑 T 親 甚 零 軍 以 其 大 翟 黨 以 臨 變 兵 之, 爲 百 猛 未 擊之, 餘 然 雀 易 吏民 驅 人 具 圖 奔 逼 以 也 雖 蒲 吏民 逃 奏 欲 目 聞 返 不 入白 蒲 善, 如 良 與 太宗 先 民 道 其 嵋 遭 所 生 道 Щ 詔清 使 以 一等追 無由 喻 從 謀 之, 軍 猛 斬 爲 前 雀 大逆。 猛 叉 使 悬喻 者, 懼 雀首 民 誅 不 非 夷, 詔 與 送京 樂亂 乃 浦 猛 必 下 與冀州 雀 升 師 數 而 同 勢而 爲, 干 謀 家 刺史長孫道 皆 者 , 距 還 無 逼 官 其 坐 区 軍 本 威 ·, 然 則 生 强 民 後 一等往 浦 必 服 入 喜 Щ 之

加 安 陳 乃還 兵 後 將 劉 裕 軍 後 濟 寇 改 竊 爲 州 河 壽 刺 表, 史。 張 子 以 则 叉 蒲 與建 爲 安平公 南 交 中 靑 鄎 叔 州 將 孫 河南 建 不 克 將 蠻 兵 而 校 還 自 尉 平 原 隸 東 平 渡 南 大 돌 將 徇 軍 長 下 劉 孫 嵩 義 符 往 | 禦之。 青 兗 諸 裕 長

行 始 世 光 祖 刨 位 年 卒 以 於 浦 州 清 , 年 貧 七 妻 十二。 子 衣 食 吏民 不給 痛 惜 乃 之。 出 爲 蒲 相 在 州 謀 刺 史。 臣 之 列 扶 弱 屢 抑 出 强, 爲 將 進 善 朝 黜 廷 惡 清 論 敎 常 化 大

稱首。贈平東將軍、廣平公,諡曰文恭。

列

傳

第

+

張

浦

子 昭, 有 志 操 天 興 中 以 功 臣 子 爲 太學生。 太宗卽位, 爲 內 主 書。 後 襲 父 神

中,從征蠕蠕,以功進爵脩武侯, 州年穀不登,州廩虛罄,民多菜色。 加平遠將軍。 昭謂民吏曰:「何我之不德而 延和二年, 出為幽州刺史, 開府, 遇其時乎。」乃使 加寧東將

富 軍 人通濟貧乏, 時 豚 車馬之家糴運外境, 貧弱者勸以農桑。 歲乃大熟。 士女稱頌之。 在任三

年卒

子昶,襲爵。早卒。

昶弟靈符。 眞君八年,補中書博士。 和平中, 咸陽郡民趙昌聚黨作逆,百姓騷動。 詔

俗。 靈符宣旨慰喻,民乃復業。 太和 四年,除建威將軍、廣平太守。 天安初,遷中 書侍郎, 還爲尚書左丞、同州大中正。 賜爵昌國 子。 延興 中, 後除鎭遠將軍、齊州 使南 豫州, 觀察 風

刺史。十六年,轉光州刺史,加立忠將軍。卒。

谷渾,字元沖,昌黎人也。父袞,膂力兼人,彎弓三百斤,勇冠一時。 仕慕容垂,至廣武

將軍。

太祖時,以善隸書爲內侍左右。 渾 少有父風,任俠好氣,以父母在,常自退抑。 太宗世、遷前鋒將軍、從幸河南。 晚乃折節受經業, 遂覽群籍, 還,以選給事東宮。 被服 類儒

世 祖 即位,爲 中書侍郎,加振威將軍。 從征赫連昌,為驍騎 將軍 遷侍 中、 安南 將 軍 , 領 儀

曹尙書,賜爵濮陽公。

人。 時人以 渾 正直 此稱之。 有操行, 性不苟合, 在官廉直,為世祖所器重,詔以渾子孫十五以上悉補中書 趣舍不與己同者, 視之蔑 如 也。 然 愛 重 一舊故, 1學生。 不 以富 延和 貴

二年春,卒。 世祖悼惜之,親臨其喪。 贈賜豐厚,諡曰文宣

子闡,字崇基,小字長命,襲爵。 少侍東宮,稍遷平南將軍、相州刺史。 入爲外都

延興四年卒。諡曰簡公。

闡 弟季孫,襲爵。 中書學生、入爲祕書中散、遷中部大夫。 出 「爲 吐京 鎭 將

恩 欲 滋 爲 闡 散 劇。 子洪,字元孫。 、騎常侍、南部長。 時顯祖舅李峻等初至京師、官給衣服、洪輒截沒。 少受學中書。 遷尙書,賜爵滎陽公。 世祖以洪機敏有祖風,令入授高宗經。 洪性貪奢,僕妾 爲有司所糾,幷窮其前後贓 衣服錦綺, 貲累千金, 高宗卽 位, 以 而

罪,坐以伏法。

求

舊

行 將 州 軍 事 子 穎 除 ,青州、征東大將軍、廣陵王羽田 後 員 外散騎常侍,尋轉中散大夫。 除 假 節、 鎭遠將軍、 涼州刺史,不行。 大軍伐蜀 曹參軍,員 改授太府少卿, 外散騎侍郎,給事 時 益 州 刺 史傅豎眼 叉 加前 中, 出爲 將 尙 軍 别 書 將 郎 神龜 以額 加 威遠 三年 權

列

傳

第

=

+

谷運

卒。贈平東將軍、營州刺史,諡曰貞。

郎 、散騎常侍。 長 子 ·纂,字靈紹, 又爲侍中、兼殿 頗有學 涉。 中 一份書。 解褐太學博士,領侍御史。 遷驃騎大將軍、左光祿大夫、營州大中正。 稍遷著作郎、司州治中、黄門 纂前

著作,又監國史,不能有所緝綴。

待 達 鴻 爲 臚 少卿 州 元叉 纂 弟 之出 士恢 紹達耽寵,不 封元 靈 字紹達。 城 縣開 太后 願出外。 或 反 侯, 政, 少好琴書。 邑七百戶。 紹達 太后誣其罪而 預 有力焉。 初為 太后嬖幸鄭儼 世宗挽郎,除奉朝請。 遷諫議. :殺之。 大夫, ,懼紹達間構於帝,每因言次,導紹 俄轉通直散騎常侍、直 正光中,入侍,甚爲肅宗寵 閣將軍、

從 諸 子 入 中山 分據 公孫表, 0 勢要,權柄 慕容寶 字玄元, 走,乃 推 燕郡廣陽 移 歸 ,遂至亡滅,且 闕 人 以 使江 也。 南 遊 或 俗 學爲諸生。 稱 旨 敦 樸,嗜欲寡少,不 拜尚 書郎 慕容沖以爲 o 後 爲 可啓其機 博 尚書郎。 士。 初, 心 慕容垂破長子, 太 而 祖 導其 以慕容垂 巧利,

深非之。表承指上韓非書二十卷,太祖稱善。

太宗初,表參功勞將軍元屈軍事,討吐京叛胡, 爲胡所敗。 表以先諫止屈,太宗善之,

陽 賜 戍 爵固安子。 將 結期,使備 相 聞,率衆討之。 河 西飢胡劉虎聚結流民,反於上黨,南寇 河 南岸, 然後進軍討之。 法令不整,爲胡所敗,軍人大被傷殺。 時間: 內自疑阻,更 河內。 相殺害, 韶表討虎,又令表與姚興洛 太宗深街 表 以其 之。 有解散之勢,

遂 不

與

戍

將

故令賊 常 之。 樓,公遂圍 攻城,太宗從之。 歷 時 七年,劉裕 不拔。 時年六十四。 及 劉裕 不 時 滅。 虎牢。 太宗乃南巡,爲之聲援。 征 死, 姚 太宗 興,兗州 議 於是以奚斤爲都督, 車駕 太宗 取 雅 河南侵地。 以 好 次汲郡,始昌子蘇坦、太史令王亮奏表置軍 刺史尉建聞寇至, 賊未退, 術 數, 叉積 太宗 祕 表等旣克滑臺, 而 前 以表爲吳兵將軍、廣州刺 以為掠 不宣 忿, 棄滑臺北 及攻虎牢, 地至淮, 引師西伐, 走, 滑臺等三城自然 士卒多傷, 詔表隨壽 史。 大破劉 乃使 虎牢 光侯叔 厅等濟河, 義 人夜就帳中縊 面 東,不得利便之地 孫建屯 隆將翟廣等於土 縛。 表 表攻滑臺 枋頭。 固執宜先 III 所 泰

王亮同營署,及其出也,輕侮亮,故至於 逮,太宗以舊 初, 表與 族 、勃海 欲 原之,表固 封愷友善,後爲子 證其罪,乃 求愷從女, 誅封氏。 愷 表爲人外和內忌,時 不許,表甚銜之。 人以 及封 此薄 氏 爲 之。 司 馬 表本 或 璠 與

第二 子 軌, 字元慶。 少 以文學知名, 太宗時爲中書郎。 出從 征討, 補諸 軍 司 世 祖

平 探 金賜 赫 連 Ź, 昌 謂 引 軌 諸 月...[ 將 帥 卿 入其府藏,各令任意取金玉。 可謂 臨 財 不 ·苟得,朕 所 以增賜者,欲顯廉 諸將取之盈懷, 於 衆 ໜ 人。 獨 不 探把。 世 祖 乃親

況 陸賈 「天子 將 王 軍 命 至, 後 以六合爲家,孰 \*\*者乎? 兼 匍匐奉順 大鴻臚,持節拜氐王楊玄爲 請奉策以還。」」玄懼,詣郊受命。 ,故能 非王庭,是以 垂名竹帛。 敢請入國,然後受謁。」 軌答曰:「大夫入境, 今君 南秦王。 王無肅恭之禮,非蕃臣 | 軌使還,稱旨,拜尙書,賜爵燕郡公, 及境,玄不郊迎,軌數玄曰:「昔尉他跨據,及 也。」玄使其屬 尚 趙客 有 郊 子 加 勞,而 對 南

黨 1 零 及 叛 劉義隆將到彦之遣其部將姚縱夫濟河,攻冶坂。 () 軌計 平之。 出爲虎牢鎭將 世祖慮更北入,遣أ电臺關。

之母 之咎 是忍行不忍之事。 慚 姓 爲 旣 了,以矛 也 之語日 死 初 世 世 其 祖 刺 祖 初 其陰 將北 謂 來,單 驢 崔 無强 浩 征 而 | 軌幸而 一,發民 殺 馬 日 弱 之, 執 鞭,返去,從 吾行過上黨,父老皆曰 八驢 以運 早死,至今在者,吾必族而 輔 日 育自 · : 何以 壯 糧,使軌 生此 車百 逆子 兩、載 部詣雍州。 衆共嗤之。 1 一公孫 物 ╚ 從 而 談之。」 下 南。 軌 軌令驢主皆加絹 坐徴 到 爲受貨 擘, 1 還。 零渠: 分磔四支於山樹上以肆其忿。 一縱賊, 眞 帥乘 君 山黒軌 使至 一年卒, 一匹,乃與受之。 一个餘分 軌 時 姦 年五 怒 不 取 除, + 罵者 軌 百

軌終得娶于封氏,生二子,斌、叡。

斌、襲爵。拜內都大官。正光二年卒。〔六〕贈 欧 州刺史。

存道頤神,逍遙物外,宮居之名,當協叡旨。臣愚以爲宜曰『崇光』。」奏可。 制名。叡曰:「臣聞至尊至貴,莫崇於帝王;天人挹損,莫大於謙光。 叡,字文叔。初爲東宮吏,稍遷儀曹長,賜爵陽平公。時顯祖於苑內立殿,敕中秘羣官 伏惟陛下躬唐虞之德, 後卒於南部尚

書。贈安東將軍、幽州刺史、諡曰宣。

叡妻, 崔浩弟女也, 生子良, 字遵伯。 聰明好學,爲尚書左丞,雅有幹用, 爲高祖所

知遇。

穆壽輔恭宗。時蠕蠕乘虛犯塞,候騎至於京師,京師大震。 軌弟質,字元直。 良弟衡,字道津。 有經義,頗屬文。初爲中書學生,稍遷博士。 良推爵讓之,仕至司直。良以別功,賜爵昌平子。 壽雅信任質,以爲謀主。 世祖征涼州,留宜 子崇基襲。 都王 質性

好卜筮,卜筮者咸云寇必不來,故不謀備。由質幾致敗國。後深自督厲,屢進讜言,超遷尙 眞君九年卒。 追贈中護軍將軍、光祿勳、幽州刺史、廣陽侯、諡曰恭。

第二子邃,字文慶。 初爲選部吏,以積勤,稍遷南部長。 敷奏有稱,遷南部尚書, 賜爵

列

范 陽侯 加 左將軍。 高 祖詔邃與內都幢將、上谷公張儵率衆討蕭賾舞陰戍

否。〕逐對曰:「先者人民離散,主司猥多,至於督察,實難齊整。自方割以來, 州 二十匹。 有 :大益。」太后曰:「諸人多言無益,卿言可謂識治機矣。」詔醴陽被掠之兵,有得還者,賜絹 刺 史。 後 高 祖 以邃在公遺迹可紀,下詔褒述。 邃奏爲貴賤等級,高祖稱善。 與文明太后引見王公以下,高祖曰:「比年方割畿內及京城三部,於百姓頗有益 依例降侯,改爲襄平伯。 加鎮東將軍,領東夷校尉,刺史如故 出爲使持節、安東將軍、清 衆賦易辦, 實

落, 吏民之情亦不可苟順也。 曰 「今古時殊,禮 可準諸境內之民,爲齊衰三月。」 太和 十九 年,卒於官。 或隆殺。 主簿,近代相承服斬,過葬便除,可如故事。 高祖在鄴宮,爲之舉哀。 專古也,理與今違,專今也,大乖曩義。 時百度 义唯新, 當斟 青州佐吏疑為所服。 酌 自餘無服,大成寥 兩途,商量得失,

詔

同始,襲爵。 卒於給事 中。

[ii] 始 弟同慶, 篤厚廉愼,爲司 `徒田曹參軍,李崇驃騎府外兵參軍。 隨崇北征,有方直

鉅 鹿太守祖季真,多識北方人物,每云二士大夫當須好婚親,二公孫同堂兄弟耳,吉凶會 邃 叡 爲從父兄弟,而叡才器小優,又封氏之生,崔氏之壻,邃母雁門李氏,地望縣隔。

張 濟,字土度,西河人也。父千秋,慕容永驍騎將軍。 永滅, 來奔。 太祖善之, 拜建節

軍,賜爵成紀侯。 隨從征伐,四累著功績。 登國末,卒。

濟 涉獵書傳,清辯,美儀容。太祖愛之,引侍左右,與公孫表等俱爲行人,拜散騎侍郎,

製館。

不都 宗代立,所部 衆 戶 祖 中 魏 於北? 亦 遣濟爲遵從事中郎報之。 初 軍 山東, 先是, 精 伐 何 用 騎 中 』臣答:『七萬餘家。』佺期日:『治在何城? 十 <u>Ш</u> 姚興遣將攻洛陽,司馬德宗雍州刺史楊佺期遣使乞師於常山王遵,遵以狀聞,太 城 貌 (為? 有餘萬,外軍無數。』全期曰『以此討羌,豈足滅也。』又曰:『魏定中山,徙幾 幾十萬衆? 州鎮,迭相攻擊,今雖小定,君弱臣强,全無綱紀。 有 喜 又曰『魏帝爲欲久都平城,將復遷乎? 』臣答:『三十餘萬。』佺期曰:『魏國被甲戎馬,可有幾匹? 濟自襄陽還,太祖問濟江南之事,濟對曰「同馬昌明死,子德 』臣答:『定都平城。』佺期日:『有如許大 』臣答:『非所 臣等旣至襄陽, 知也。』全期聞 頻侵 河洛, **佺期間臣** 』臣答: 夙夜憂 朝廷

列

傳

第

\_

+

張

濟

厚報。 危。 軍馬,已據滑臺,於此而還,從北道東下,乃更便直。 以 外事,有欲征討,輒便興發,然後表聞,令朝廷知之而已。 今此寡弱,倉庫空竭,與君便爲一家,義所無諱。 如其爲羌所乘,寧使魏取。』臣等欲分向揚州 晉之法制,有異於魏。 佺期曰:『蠻 洛城救援,仰恃於魏,若獲 如其事勢不舉,亦不承臺命。』」 一賊互 起, 水行 今都督襄陽,委 甚難, 保全,當必 魏之

賞賜奴婢百口,馬牛數百,羊二十餘口。 後遷謁者僕射,報使姚興。以累使稱旨,拜勝兵將軍。 天賜五年卒,子多羅襲爵。 頻從車駕 坐事除。 北伐, 濟謀功居多。

太

祖嘉其辭順,乃厚賞其使,許救洛陽。

御 爲黃門郎、祕書監。垂滅永,徙於中山 奇之。仕苻堅,尚書郎。後慕容永聞其名,迎爲謀主。先勸永據長子城,永遂稱制,以先 李先,字容仁,中山盧奴人也,本字犯高祖廟諱。 少好學,善占相之術,師事清河張御,

殷廣 一股 聞 。」又問<u>先曰:「</u>朕聞長子中有李先者,卿其是乎。」<u></u>先曰:「小臣是也。」太祖曰:「卿識朕 皇始初,先於井陘歸順。太祖問先曰:「卿何國人?」先曰:「臣本趙郡平棘人。」太祖曰: 中山 土廣民殷,信爾以不。」先曰:「臣少官長安,仍事長子,後乃還鄉,觀望民士,實自

官悉歷何官。」先對曰:「臣大父重,晉平陽太守、大將軍右司馬。父樊,石虎樂安太守、左 經學所通,何典爲長。」先對曰:「臣才識愚闇,少習經史,年荒廢忘,十猶通六。」又問:「兵法 風角,卿悉通不?」先曰:「亦曾習讀,不能明解。」太祖曰:「慕容永時,卿用兵不?」先曰:「臣 中郎將。 不 · ^ ] 先曰:「陛下聖德膺符,澤被八表,龍顏挺特,臣安敢不識。 ] 太祖又問曰:「卿祖父及身 臣,苻丕尚書右主客郎,慕容永祕書監、高密侯。」太祖曰:「卿旣宿士,屢歷名官,

討之,卿以爲何如。〕先曰:「蠕蠕不識天命,竄伏荒朔,屢來偸竊,驚動邊民。陛下神武,威 德遐振,舉兵征之,必將摧殄。」車駕於是北伐,大破蠕蠕。賞先奴婢三口,馬牛羊五十頭。 進策,所向克平。 車駕還代,以先爲尚書右中兵郞。 太祖後以先爲丞相衞王府左長史。從儀平鄴,到義臺,破慕容麟軍,回定中山,先每 太祖謂先曰「一今蠕蠕屢來犯塞,朕欲

時蒙顯任,實參兵事。」

下,經 朕 對 欲集之,如何可備。」對曰:「伏羲創制,帝王相承,以至於今,世傳國記,天文祕緯不可計 曰:「唯有經書。三皇五帝治化之典,可以補王者神智。」又問曰:「天下書籍,凡有幾何? 陛下誠欲集之,嚴制天下諸州郡縣搜索備送,主之所好,集亦不難。」太祖於是班制天 轉 籍稍集。 七兵郎,遷博士、定州大中正。太祖問先曰:「天下何書最善,ここ可以益人神智。」先

出 從其計,興果敗歸。 得,退又乏糧。自己夫高者爲敵所棲,深者爲敵所囚,兵法所忌而興居之,可不戰而取。」太祖 前 ,遣奇兵先邀天渡,柴壁左右,嚴設伏兵,備其表裏。 先對曰「臣聞兵以正合,戰以奇勝。 太祖之討姚興於柴壁也,問先曰:「興屯天渡,平據柴壁,相爲表裏。 如聞姚興欲屯兵天渡,利其糧道。 以陛下神策,觀時而 今欲殄之,計將安 動 及其未到之 興欲進不

内。 讀 如 行 最 爲 韓子連珠二十二篇、太公兵法十一事。 子,三王任賢,天下懷服。今陛下躬秉勞謙,六合歸德,士女能言,莫不慶抃。」 無聞,適以忠直奉上,更無異能。」太宗曰:「卿試言舊事。」先對曰:「臣聞堯舜之教,化民 賜先絹五十匹、絲五十斤、雜綵五十匹。御馬一匹。 · 先帝所知。」太宗召先引見,問曰:「卿有何功行,而蒙先帝所識。」」先對曰:「臣愚細,才 太宗卽位,問左右舊臣之中爲先帝所親信者有誰。 韶有司曰:「先所 時新息公王洛兒對曰「有李先者, 拜安東將軍、壽春侯,賜隸戶二 知者,皆軍國大事,自 俄而召先 今常宿於

先與 宜 密 使兵人人備青草 上黨王長孫道生率師襲馮跋乙連城,克之,悉虜其衆。 一束,各五尺圍,用塡城塹。 攻其西南、絕其外援、勒兵急攻、 乃進討和龍。

賊

必

可擒。」道性不從,遂掠民而還。

後 出為武邑太守,有治名。 世祖卽位, 徴爲 內都大官。 神愿二年卒,年九十五。 詔賜

金縷命服一襲,贈定州刺史、中山公,諡曰文懿。

子問,襲爵。爲京兆、濟陰二郡太守。卒。

子鍾葵,襲爵,降爲子。

鍾葵弟鳳子,鳳子弟虬子,並中書博士。

王友。 閉。 之妙。」時七月中旬,長安毒熱,預停尸四宿,而體色不變。其妻常氏以玉珠二枚啥之, 神力,而吾酒色不絕,自致於死,非藥過也。然吾尸體必當有異,勿便速殯,令後人知餐服 事寢食不禁節,又加之好酒損志,及疾篤,謂妻子曰:「服玉屛居山 處,皆無所見。馮翊公源懷等得其玉,琢爲器佩,皆鮮明可寶。預服經年,云有效驗, 至家觀之,皆光潤可玩。預乃椎七十枚爲屑,日服食之,餘多惠人。後預及聞者更求於故 之法,乃採訪藍田,躬往攻掘。得若環壁雜器形者大小百餘,稍得粗黑者,亦篋盛以還,而 常謂之曰「君自云餐玉有神驗,何故不受啥也。」言訖齒啓,納珠,因噓屬其口,都無穢 舉斂於棺,堅直不傾委。 鳳子子預,字元愷。少爲中書學生。 出爲征西大將軍長史,帶馮翊太守。 死時猶有遺玉屑數斗,四是臺盛納諸棺中。 聰敏 積數年,府解罷郡,遂居長安。 强識, 涉獵 經史。 林,排棄嗜欲,或當 太和初,歷秘 每羨古人餐玉 書令、 齊郡 大有 而 世

列

化長遠,不可卒窮。」自皇始至齊受禪,實百五十餘歲矣。 初天興中,先子密問於先曰:「子孫永爲魏臣,將復事他主也。」先告曰:「未也。 國家政

俊,賈誼之後,莫之與京。」弱冠,爲慕容垂驃騎大將軍、遼西王農記室參軍。 名,嘗遺使者求彝於垂。 父爲<u>苻堅鉅鹿太守,坐訕謗繫獄。</u>彝年十歲,詣長安訟父獲申,遠近歎之,僉曰:「此子英 來寇,大敗於參合陂,執彝及其從兄代郡太守潤等。 賈彝,字彥倫,本武威姑臧人也。六世祖敷,魏幽州刺史、廣川都亭侯,子孫因家焉。 垂彌增器敬,更加寵秩,遷驃騎長史,帶昌黎太守。 垂遣其太子寶 太祖先聞其

附。 屈丐所執,與語悅之,拜秘書監。年六十一,卒。世祖平赫連昌,子秀迎其尸柩,葬于代南。 <u>外乃召還。</u>天賜末,彝請詣溫湯療病,爲叛胡所拘執,送於姚興。 太祖卽位,拜尚書左丞,參預國政,加給事中。於鄴置行臺,與尚書和跋鎭鄴,招攜初 積數年,遁歸。 叉為

崩,以爵還第。 秀,歷中書博士,遷中書侍郎、太子中庶子、揚烈將軍,賜爵陽都男,本州大中正。 旣而掌吏曹事。 高宗以秀東宮舊臣,進爵陽都子,加振威將軍。日司時丞相

宜。 2 不 而 渾 秀 ·從,我請公主,不應何意。」」秀慷慨大言,對曰:「公主之稱,王姬之號,尊寵之極,非庶族所 若 擅作威福,多所殺害。 神色自若。 假 竊此號,當必自咎。 渾夫妻默然含忿。 **渾妻庶姓而求公主之號,屢言於秀,秀默然。** 秀寧死於今朝,不取笑於後日。」渾左右莫不失色,爲之震懼, 他日,乃書太醫給事楊惠富臂作「老奴官慳」字,令以示 渾曰:「公事無所

功之子,超齊先達。 郡 守。 時 秀 秀 辭 與 中書 曰:「爰自愚微,承乏累紀,少而受恩,老無成效, 令勃海高允俱以儒舊 雖 仰感聖慈,而俯深驚懼。 見重於時,皆選擬方岳, 乞收成命,以安微臣。」遂固讓不受。 恐先草露, 以詢訪 見留,各聽長子出爲 無報 殊私。 豈直 無

秀。

渾

毎

欲

伺

院陷之,會渾伏誅,遂得줜難。

秀執正守志,皆此

類

也。

疾 年卒。 給 自 醫藥, 贈 始 本 及 將 終,歷奉五帝,雖不至大官,常掌機 賜 軍 几 、冀 杖。 州 刺 時朝廷舉動及大事 史、武邑公,諡 日 不決, 簡 要。 毎 遣尚書、高平公李敷就第訪決。 而 廉清儉約,不營資產。 年 七十三,遇 皇

伯。 之。 軍 光州 先是 在 子 州 儁 刺 五 上洛 史。 字 載 異隣 置 淸 荆 靖 襲爵。 州 寡 後 事, 改爲洛州,在 拜 吏民亦安。 秘書中 散、軍 遷洛後, 重 Щ 曹令。 中, 民 | 橋朝京師 不 出 爲 知 學。 顯武將軍、荆州 賞 儁 以素帛。 乃 表 置學官, 景明 刺史。 初 選 卒。 聰 依 悟 例降舒爲 者 贈 本將 以 敎

七九四

子叔休、襲爵。除給事中。卒。

子興,襲爵。

興弟賓,歷尚書郎,以淸素稱。出爲黎陽太守,卒官。

議参軍 治書侍御史、國子博士,加威遠將軍,行魯陽太守。清素,善撫接, 於江左。 潤會孫禎,字叔願。 、通直散騎常侍,加冠軍將軍。 還,以母老患,輒過家定省,坐觅官。人之,徵爲京兆王愉郎 學涉經史,居喪以孝聞。 正光中卒。 贈平北將軍、齊州刺史。 太和中,爲中書博士,副中 得百姓情。 中令, 行洛 書侍 稍遷司徒諮 陽 郞 高聰使 令。 轉

子子儒,司空田曹參軍。

其官,景儁不受,愉殺之。 **顧兄子景儁,亦以學識知** 永平中,贈東清河太守,諡 名,奉朝請。 遷京兆王愉府外兵參軍。 日貞。 愉起逆於冀州,

不拜。 景儁弟景興。 景興毎捫膝 清峻 而言曰「吾不負汝。」以不拜萬榮故也。 鯁正。 少為 州主簿,遂栖遲不仕。 後萬榮陷冀州,爲榮所虜, 稱疾

侯, 曹 孝 徵 昭 秦 事 加晉兵將軍 所 王 薛提,太原 翰 以 世 置 隆 祖 之秘 周 崩 秘 漢 ٠, 人也。 室。 不 出 廢 ·發喪。 爲 所宜 提日 鎭 皇始中,補太學生,拜侍御史。 東 立 尚書左僕射 大 皇孫 將軍 而 更求君, 有世嫡之重 、冀州刺史,進爵太原公。 蘭延、侍中和匹等議,口巴以爲皇孫幼冲,宜立 必不可。」延等猶豫未決。 一,民望所係。 累遷散騎常侍、太子太保, 春秋 所在有聲績。 雖少,令問聞於天下,成王、 中 常侍宗愛知其 徴爲 侍中,治都 賜爵歷陽 八謀,矯 一長君,

年 卒。 提 弟 浮 子。 高宗卽位, 以提有謀立之誠, 詔襲兄爵太原公, 有司奏降爲侯。 皇興元

皇后

令徵

提等入,遂殺之。

提孫令保,太和中,襲爵歷陽侯。

術 受 局 嘉謀, 授 量 一受遇。 金 史 立之賞 臣 荷遇三 曰 八末陷 張蒲 宋隱 世 、谷渾 0 財 操行 利 賈 一文武 之徵。 彝 貞白, 早播時學,自一秀則不畏强 為用, 遺略 鮮克 樂利。 有 人 終, 世 仍 固 王憲 顯 不 虚 名 公 也。 孫 祖 表 之孫,老見優禮。 禦。 張 初 濟 薛提正 則 使 於 介 四方, 見 議忠謀,見害姦閹 知, 終 有 屈遵 以 延 譽之美。 輕 學藝 薄 致 知 戾。 李 先 軌 垣 1 學 始

列

傳

#### 校勘記

- 魏書卷三十三 諸本卷末有宋人校語殿本入考證云:「此傳全寫高氏小史, 疑收書亡而 後 人補
- 史臣論亦悉出北史諸論, 合而成文。 然頗詳備,與本史它卷略同。豈非小史全載本史

乎。

- 字子皮 北史卷二七屈遵傳「皮」作「度」。 張森楷云:「『遵』『度』義協,疑『度』字爲是。」
- 須長子垣 七〇七頁作「桓」。按史臣論南、北、殿本也同作「垣」。通鑑卷一二二三八五八頁作「垣」,考異無文。 南、北、殿、局四本及、北史卷二七「垣」作「恒」、百衲本、汲本作「垣」、册府卷一四一一

今從百衲本。

觀弟道賜襲祖爵 北史卷二七無「祖」字。 張森楷云:「屈遵傳末之『子須襲』,即是襲遵爵, 傳

至孫車渠,當高祖初,未嘗中絕,道賜豈得復襲之。且垣濟北公之爵,不應不置後。疑『祖』字 是衍文。」

- フ ゴ し 與安平公叔孫建將兵自平原東渡 二九叔孫建傳,「叔孫建」不能稱「叔建」,今補「孫」字。 諸本無「孫」字。 按事見卷三太宗紀補泰常七年十二月、卷
- 大破劉義隆將翟廣等於土樓 諸本「土」作「玉」、無所卷三五二四一八四頁作「土」。按「土樓」地

名,事見本書卷二九奚斤傳、 宋書卷九五索虜傳。 通鑑 卷一一九三七五〇頁 胡注:「土樓在虎牢

東。九域志:澶州臨河縣有土樓鎭。」「玉」字訛,今據改。

ト 二頁「脊」作「絹」。 輔脊自壯 從完整人一七三六三五頁引後魏書、卷九○一三九九七頁引北史, 按作「絹」較明白,但作「脊」是說驢背負絹 而 高大,亦通,今不改。 册府卷四 五五五三九

正光二年卒 按斌父軌死於眞君二年四四一,至正光二年五二一,凡八十年,斌似不 得死於是年,

「正光」疑是「興光」之訛。

へ 隨從 秋 已降魏,也無「征代」之理。 征 伐 諸本「伐」作「代」。 張說是,今改正 張森楷云:「『代』當作『伐』,『代』是魏之舊號, 不當云征。」按仟

天下何書 三〇八八頁 作「何物」,意與「何者」同。 最善 北史卷二七季先傳、册府卷一〇四一三三七頁「何書」作「何者」。 疑魏書本同北史,但作「何書」亦通,今不改。 通鑑卷一

[11] 退又乏糧 <u>北史卷二七「退」作「住」,疑是。</u>

死時猶有遺玉屑數斗 枚 `)所得玉屑`,服食之餘`,恐無數斗之多。 疑作「升」是。 北史卷二七「斗」作「升」。 按上文說李預所椎的玉器環壁之類止七十

高宗以秀東宮舊臣進爵陽都子加振威將軍 子」。按下面接着說「時丞相乙渾,擅作威福」,正是獻文帝拓跋弘時,似「高宗」拓跋濬應作 北史卷二七賈彝傳此處作 献文 即 位, 進館陽都 「顯祖」

列

即北史之「獻文」。但此傳敍進爵是因彝是「東宮舊臣」,即曾爲拓跋晃濬父郎恭宗的太子中庶子。

則進爵應該在濬即位後,不會在拓跋弘即位後追敍。 知這裏「加振威將軍」下當有脫文,却非

「高宗」字訛。

侍中和匹等議 北史卷二八薛提傳「匹」作「延」。按卷九四宗愛傳作「和疋」,通鑑卷一二六

三九七三頁作「和疋」。疑本作「疋」,又寫作「疋」,即「雅」字,或讀作「匹」,故又寫作「匹」,訛作

延」。

CIED 賈彝早播時學 北史卷二七傳論「學」作「譽」,是。

## 魏書卷三十四

## 列傳第二十二

### 王洛兒 車路頭 盧魯元 陳建 萬安國

難往 家。 臾違離,恭勤發於至誠。 殆 愿 將凍死,太宗解衣以賜之。 ,未嘗有過。 「返京都,通問於大臣,大臣遂出奉迎,百姓奔赴。 洛兒隣人李道潛相奉給,晨昏往復,衆庶頗知,喜而相告。 王洛兒,京兆人也。少善騎射。太宗在東宮,給事帳下,侍從遊獵,夙夜無怠。 太宗嘗獵于灅南,乘冰而濟,冰陷沒馬,洛兒投水,奉太宗出岸。 元紹之逆,太宗左右唯洛兒與車路頭而已。 自是恩寵日隆。天賜末,太宗出居于外,洛兒晨夜侍衞 太宗還宮,社稷獲义,洛兒 紹聞,收道斬之。 畫居 山嶺,夜還洛兒 水沒洛兒, 有 洛兒猶冒 功焉 無須 性謹

列傳第二十二 王洛兒

立

|身於當世,揚名於後代也。

太宗卽

位,拜散騎常侍。

詔曰:「士處家必以孝敬爲本,在朝則以忠節

爲先,不然,何以

散騎常侍王洛兒、車路頭等、服勤左右、十有餘年、忠謹恭肅、

息公,加直意將軍。」又追贈其父爲 而 爾至, 雖漢之樊灌,魏之許典 未嘗須臾之頃,有廢替之心。 無以加焉。 列侯,賜僮隸五十戶。 勤 而 及在艱難,人皆易志,而洛兒等授命不移,貞操踰 不賞,何 以獎 勒將來 永興 五 年卒。 為臣之節? 贈太尉、建平王 其賜洛兒爵新 一,賜

與洛兒合葬。

溫

明秘器,載以輼輬車,使殿中衞士爲之導從。

太宗親臨哀慟者數四焉。

乃鴆其妻周氏,

子長成,襲爵。卒,無子。

弟德成,襲爵。徙爲建城公,加鎭遠將軍。 官至散騎常侍,典作 長安。 眞君十一 年卒。

後定州弟升爲侍御中散,有寵於顯祖,以祖父

洛兒著勳先朝,詔復定州爵爲公。高祖初,爲長安鎭將。 卒。

子定州,

襲臂,降爲建陽侯、安遠將軍。

子陵,襲升爵。日子明初,遷監御長,賜爵始新子,加寧朔將軍、員外散騎常侍。

爲宣城公。 出於外,路頭隨侍竭力。及太宗卽位,拜爲散騎常侍,賜爵金鄉公,加忠意將軍。 車路頭,代人也。 太宗性明察、羣臣多以職事遇譴、至有杖罰、故路頭優遊不任事、侍宿左右、從 少以忠厚選給東宮,爲太宗帳下帥。 善自修立,謹愼無過。 天 賜末, 後改

龍待 容談笑而已。 將 軍 一、太師 隆 厚 、宣城王、諡 賞 賜 路頭性無害,每至評獄處理,常獻寬恕之議,以此見重於朝。 無數, 當 曰忠貞。 時 功臣 喪禮 親 幸莫及。 一依安城王叔孫俊故事。 泰常六年卒。 太宗 陪葬金陵。 親 臨 哀 慟 贈侍 子眷襲爵。 太宗亦敬納之, 中、左衞大

莫不 平涼 元 内。 從 書有文才, 其居近,易於往 及 卽 征 敏 敬 以以 赫 位 盧 毎 而 好學, 魯元 憚焉。 有 連 功拜 以爲 平殄, 昌 累遷 寬 中 昌黎徒河人也。 征 世 性多容納,善與 北大 和 來 輒 書侍郎, 祖 中 有雅 ,乃賜甲第於宮 以 書監,領 親追擊之,入其 /將軍 功賞 度。 拾遺左右, (賜僮 ,加侍中。 太宗 秘 一隸,前 曾祖 書 人交,好掩人之過,揚 時 事 門南。 、城門、 o 副鳩, 寵待彌深,而 後遷 選爲 後 賜 數 爵 太保、錄尚 魯元 直 衣 百 仕慕容垂爲尚書令、臨澤公。 襄城公,加散騎常侍、右將 郎。 食 人,布帛 隨世 車 馬、皆 以忠謹給侍 魯元 祖 書事。 以 人之美,由是公卿咸親附之。 出 益 萬 乘輿之 入。 一加謹 計 世 東宮,恭勤盡節, 是日,微魯元,幾至危殆。 祖貴 肅, 副 世 祖 世祖逾親信之, 臨 異之,常從征 幸其第,不 軍。 祖父並至大官。 賜其父爲信都侯。 世祖親愛之。 出 伐,出 內外大臣 魯元以工 旬 月。 從征 入臥 欲

魯

元

眞君三年冬,車駕

幸陰

Щ,

魯元

以

疾

不

從。

侍臣問

來送醫藥,傳驛相屬於路。

及薨,世

八〇二

樂。 祖甚悼惜之。 輿駕比葬三臨之。喪禮依安城王故事, 還,臨其 喪,哭之哀慟。 東西二宮命太官日送奠,晨昏哭臨,訖則備奏鐘鼓伎 而贈送有 加。 贈襄 城王, 孟 日孝。 葬於崞山

爲建碑闕。 自魏興、貴臣恩寵、無與爲 比。 子統襲爵。

厚,有父風,而恭順不及。 少子內,給侍東宮,恭宗深昵之,常與臥起同衣。 正平初,宮臣伏誅,世祖以魯元故,唯殺內而厚撫其 父子有寵兩宮, 勢傾天下。 兄弟 內性寬

送,太官設供具,賜賚以千計。 統以父任,侍東宮。 世祖以元舅陽平王杜超女,南安長公主所 高宗卽位,典選部、主客二曹。 興安二年卒。 生妻之。 車駕 贈襄城王 親 自 一,諡 蹜

日景。無子。

弟彌娥,襲爵。 拜北鎭都將。 卒,贈襄城王,諡曰恭。 子興仁襲爵。

壯 下大夫、內行長。世祖討山胡白龍,意甚輕之,單將數十騎登山臨嶮,每日 士十餘處,出於不意,世祖墮馬,幾至不測。 陳建,代人也。祖渾,太祖末爲右衞將軍。父陽,尚書。 建以身捍賊,大呼奮擊,殺賊數人,身被十餘 建以善騎射,擢爲三 如 此。 郎。 白龍 稍遷 乃伏

創。

世祖壯之,賜戶二十。

高 宗 初 賜 餌阜城侯, 加 冠 軍將軍 0 出爲幽州刺史,假秦郡公。 高宗 以建貪暴懦弱,遣

使就州罰杖五十。

與 夭亡, 后 飛 尙 臣 匹 悟 有 道道 初 寐 頻 表 存 荆 館 海 不 幸 楚。 長 取 興, 高 徐 退 權 光 實 遂 建 , 汉 祖 荷 樂 遠 率土 勤 觀  $\Pi$ 懷 臣 第 及 初 後 以 变 殺 今 王 Fi 慚 洲 桓 穆亮, 其咎 害 一,干 負。 任 徴 賜 驗 通 孫 蜀 劉 德信 漢, 建 繑 氏 賞 彼 思 戚 跋 一,所謂 妻 尚 至 罰 誓 正 暫 扈, 己之譏 此 書右 宴 於 於 荷 之民, 固 隨 舞, 部 遐裔 於 願。三 歷 焉 Щ 見 禍 尙 後 僕 淮 運 播播 難 河, 面 書、 庭。 響從, 射 翹 海 高 不作, 相 天高 從 享 宜 想 於 平 祖 繼 加侍 太和 羣 芒 兹景福 乘之會 風 嘉 則 原 極 地 口 過 岱宗 之。 吳 主 車 中, 厚, 0 九 在 會 書旣 陸 年薨 愚謂 仰 介 何 龍 叡 遷 運 隔 口 進爵趙郡 感 石 定, 司 鍾 百 望 辱 密 日忘之。 生成, 時 者 表 徒 秩 休 今 華 不 脫 也 で征 之敬 .戚 H 日 事 再 裔 俯 公。 西 來,機 將 與 如 有 宜 自 自 大將 或 合 難 簡 策厲 永 靑 建 0 皇天 均焉。 型 成 雄 宜 徐 嘉 與侍中尚書、晉陽侯 軍 昊 聽 將, 則 易失,毫 之末, 限 輔 顧 天不弔, 奄背 進爵 見德之 振 乞 號 德, 省 臣 旅 速 令 以 封 命 魏 而 施 凡近, 八 分之差,致 郡 豕 風 返 集大魏。 行 方。 横 終 噬 邁 獻 於 進 識 脫 義 無益 高 口 邦 文 件 無遠 馬 元仙德 陽 皇 旭 以 悔 臣 天 叡 王 竊 帝 等 與 揚 千 心 達, 臣 南 文 髫齓 義 然 祖 里 聞 昶 據 明 願 聲 劉 飮 階 父 殿 深 存 於 奄 翼 酯 中 杲 冰 藉

列

爲中山守,坐掠良人爲御史中尉王顯所彈。 遇赦,免。 爵 除。

侍。 年二十三。 安國先與神部長奚買奴不平,承明初,矯詔殺買奴於苑中。 鎮將,賜爵馮翊公。安國少明敏,有姿貌。 驃 騎 顯祖特親寵之,與同臥起,爲立第宅,賞賜至巨萬。 大將軍、儀同三司。父振,尚高陽長公主,拜駙馬都尉。 萬安國,代人也。 祖真,世爲會帥,恒率部民從世祖征伐,以功除平西將軍、敦煌公,轉 以國甥,復尙河南公主,拜駙馬都尉。 超拜大司馬、大將軍,封安城王。 高祖聞之,大怒,遂賜安國死。 遷散騎常侍、 寧西將軍、長安 遷散騎常

子翼,襲王爵。 太和十五年薨。 高祖以其父受寵先朝,特贈幷州刺史。

軍長史,加右軍將軍。正光二年卒。 子纂,字輔興,襲,依例降爲公。世宗時,起家司徒倉曹參軍。 贈假節、征虜將軍、荆州刺史。 遷南秦平西府司馬 護

子金剛,襲。武定末,開府祭酒。齊受禪,爵例降。

有嵇拔者,四世爲紇奚部帥。 其父根,皇始初率衆歸魏。 太祖嘉之。 尚昭成女,生子

拔,卒於尚書令。 拔尚華陰公主,生子敬。 元紹之逆也,主有功,超授敬大司馬、大將軍,封

長樂王。薨。

子護,襲爵。 拜外都大官。 太和中,詔以護年邁,旣未致仕,令依舊養老之例。

彦嗣。根事迹遗落,故略附云。

史臣曰:王洛兒、車路頭、盧魯元、陳建、咸以誠至發衷、竭節危難、苟非志烈過人、亦何

能以若此!宜其生受恩遇,歿盡哀榮。 至如安國,貴寵異於數子哉。

#### 校勘記

- 二]子陵襲升爵 按上不言升封何爵、疑傳有脫文。
- 比部尚書平原王陸叡密表曰 册府卷四七二五六二五頁「比」作「北」。 按陸叡爲北部尚書, 見卷
- 四〇本傳,疑作「北」是,但册府宋本也作「比」,今不改。
- 至於願 按句未完,與下文也不連貫,當有脫文,今於「願」下句斷。
- 有嵇拔者 諸本「嵇」作「奚」,北史卷二五本傳作「嵇」。 按卷三太宗紀永興三年十二月甲午見

列

傳第

+

萬安國

校

勘記

八〇六

又傳失書嵇拔

「任城公嵇拔」, 泰常四年甲戌,記「獻懷長公主子嵇敬封長樂王」,與此傳合。 卷一一三官氏

志三紀奚氏後改爲嵇氏。」這裏「奚」字乃涉下「紀奚部帥」而訛,今據北史改。

封爵。

# 魏書卷三十五

### 列傳第二十三

#### 崔浩

浩獨恭勤不怠,或終日不歸。 其工書,常置左右。 言,無不關綜,研精義理,時人莫及。弱冠爲直郞。 崔浩,字伯淵,清河人也,白馬公玄伯之長子。少好文學,博覽經史,玄象陰陽,百家之 太祖季年,威嚴頗峻,宮省左右多以微過得罪,莫不逃隱,避目下之變, 太祖知之,輒命賜以御粥。 天興中,給事祕書,轉著作郞。 其砥直任時,不爲窮通改節,皆此 太祖以

之。 綜覈天人之際,舉其綱紀,諸所處決,多有應驗,恒與軍國大謀,甚爲寵密。 太宗好陰陽術數,聞浩說易及洪範五行,善之,因命浩筮吉凶,參觀天文,考定疑惑。浩 太宗初,拜博士祭酒,賜爵武城子,常授太宗經書。每至郊祠,父子並乘軒軺,時人榮 是時,有冤在後

類也。

宮、驗問門官、無從得入。太宗怪之,命浩推其咎徵。 浩以爲當有隣國頁嬪嫱者, 善應也。

明年,姚興果獻女。

策也。 復使 年,勸太宗遷都。浩與特進周澹言於太宗曰:「今國家遷都於鄴,可救今年之飢,非長久之 將出,兼有菜果,足接來秋,若得中熟,事則濟矣。」太宗深然之,曰:「唯此二人,與朕意同。」 梓之中,誰知多少?百姓見之,望塵震服。此是國家威制諸夏之長策也。至春草生,乳酪 險,雖欲救援,赴之甚難,如此則聲實俱損矣。今居北方,假令山東有變,輕騎南出,燿威桑 方聞之,有輕侮之意,屈丐、蠕蠕必提挈而來,雲中、平城則有危殆之慮,阻隔恒代千里之 恐不滿諸州之地。參居郡縣,處榛林之間,不便水土,疾疫死傷,情見事露,則百姓意沮。四 危亡之國,將爲童謠妖言,而後行其災禍。太宗聞之,大驚,乃召諸碩儒十數人,令與史官 三州食,出倉穀以稟之。 簡窮下之戶,諸州就穀,若來秋無年,願更圖也。 中貴人問浩、澹曰:「今旣糊口無以至來秋,來秋或復不熟,將如之何。」浩等對曰:「可 神瑞二年,秋穀不登,太史令王亮、蘇垣因華陰公主等言讖書國家當治鄴,應大樂五十 初,姚興死之前歲也,太史奏:熒惑在匏瓜星中,一夜忽然亡失,不知所在。 東州之人,常謂國家居廣漠之地,民畜無算,號稱牛毛之衆。今留守舊都,分家南徙, 來年遂大熟。賜浩、澹妾各一人,御衣一襲,絹五十匹,綿五十斤。 但不可遷都。」太宗從之,於是分民詣山東 或謂下入

無徴 夷。 水竭,童謠訛言,國 庚 求 午之夕,辛未之朝,天有陰雲,熒惑之亡,當在此二日之內。 其所詣。 今姚 之言。」浩笑而 興據咸陽,是熒惑入秦矣。」諸人皆作色曰:「天上失星,人安能知其所詣 浩對曰:「案春秋左氏傳說神降于華,其至之日,各以其物祭也。請以日辰推之, 不應。 內諠擾。 後八十餘日,熒惑果出於東井,留守盤遊,秦中大旱赤地 明年,姚興死,二子交兵,三年國滅。於是諸人皆服曰:「非所 庚 之與未,皆主於秦,辛爲西 , 昆 而妄 明池

若假 敵。 意, 非 入。脱我 必 不 臣 及 可 也。 上 議 德我假 必欲 之 縱 泰常元 今蠕蠕 水 入關 宜 外朝 道 道 司 乘 先 之惠, 馬 年, 內寇, 其 縱裕 一發軍 休之之徒 、後、還路甚難。 公卿 勁 司馬德宗將劉裕伐姚泓,舟師自淮泗入淸,欲泝河西上,假道於國。 令姚 西 民食又乏, 躁之人,不 斷河 咸曰:「函 入 氏 上流, 擾 然後 勝也 其 荆 谷關號 顧 興兵 不 勿令 若北 亦 後 州 可 不失救隣之名。 患。 劉 塞 發 上河岸,其行爲易。 西過。」又議 日天險。 一人荷戈,萬夫不 其 軍。 裕 今若塞其西路,裕必 東 切 歸 發軍 齒 之路, 來 赴 久。 之內朝,咸同外計。 南 所謂 縱 則 今興 使裕得關 北 | 木 莊 揚言伐姚,意或難測。 宼 死子劣, 進擊, 上岸北侵,如 刺 中, 虎,兩得 -得進。 若其 乘其危· 縣遠 太宗將從之。 救 之 裕 2難守, 此 北 七而 勢也。 舟船步兵,何能 則 則 姚 東 伐之,臣觀 彼 假其水道,寇 無事 州 不能 使 浩曰:「此 復 裕 危。 而 記守,終 勝 我受 詔羣 也, 其 西

列

爲

我

物

河

北

也

揚聲

爲 關 助我。 裕將朱 超石所敗,師人多傷。 一西行, 意在 北進, 其勢然也。」太宗遂從羣議,遣長孫嵩發兵拒之,戰於畔城, 太宗聞之,恨不用浩計。

其主, 臂大 揚 之, 病 裕 垂? 至 日 之化 潼 軍 善人爲邦百年,可以勝殘去殺。 若夜蛾之赴火,少加 衆叛 浩日 關 呼 可 其勢然 年 不 於三秦之地 而 親 : "「裕勝。」太宗曰:「試言其狀。」浩曰:「慕容垂乘父祖 戦而 夷 其 離。 司 滅 事 也。 馬德宗齊郡太守王懿來降,上書陳計,稱劉裕在洛,勸國家以軍絕其後路, 克。 如 桓玄,北 裕 何? 秦 乘其 書奏,太宗善之。 譬無 地 以卿 戎 擒 危, 倚仗,便足立 翼而 夷混 慕容超,南摧 觀之,事得濟不。」浩對曰「昔姚興好養虛名,而 兵精 1. 并,虎 欲 :將勇, 飛,無 狼 今以秦之難制,一二年間豈裕所能哉? 功。 會浩在前進講書傳,太宗問浩曰:「劉裕西伐,前 以臣 足 盧 之國,裕 而 循等, 僭晉陵遲, 劉裕挺出寒微,不階尺土之資,不因 欲 .觀之,克之必矣。」太宗曰:「劉裕武 走,不 亦 不 可得 能守之。 也。 逐執 若 風 世君之資,生便尊貴,同 國命。 留 俗 衆守之, 不 同 人情 裕若平 必資於寇。 無實用。 且可治戎束甲, 難 姚 一卒之用, 能何如 變,欲行荆 而還,必篡 子泓 慕容 孔子 類 軍已 則 叉

管仲 德 宗 遣 醪 衆 息 日 人 日 於 酒 笑 雖 精 民 南 卿 盛 + 姚 屈 也 E 騎 備 入中 興 謂 境, 觚 丐 , 而 南 慕 家國 先帝 卿 襲 撅 將 水 地 容 以 彭彭 量 精 竪 無韓 玄恭 待其歸,秦地 之已 城 夷 如 變 戎 小 何? 滅 風 自 壽 人 心輔少 鹽 審 易俗 春 浩曰「 矣。」浩 無 身 裕 長 兩 大 , 孫 孤 主, 化 經 亦 寄,爲 嵩 日 亦當終爲 洽 略 小 目 何 慕容暐之霍光 有治 下, 正 能 几 人 朕 姚氏 海 管窺懸 自立 臣 味 可 國之用, 管私 殘 自 卿 或 封 有 暴,終爲 與義 言 浩 殖 象, 論 ,可坐而 若 近 目 無 農 何能 也; 世 此 不 淮 齊列 思樹 甌 人 人物,不 劉裕 今西 取 見 所 酒 守也。」太宗曰:「裕 之能 一臣遗 玄穹之廣大。 滅耳 黨 北 之平逆亂 故 强 二寇未 敢 則 て。」太宗 隣 能 非 不上 卿同 仰 劉 報 名。」太宗 裕 殄, 其旨 聞 讎 大悅,語 敵 司 雖 雪耻 陛 馬 心。 然, 若 也 德宗之 下 已入關 王猛 , 太 不 日 臣 功 至 謂 祖 可 結 之治 中 曹操 不能 親 屈 用 待之不 夜 忿 漠 御 丐 國, 於 北 六 也 賜 何 進退力 蠕 晚。 浩 醇 存 師。 如 蠕 太宗 御 壓 樸 浩 太 之 我 之 兵

諸 故 同 有 儒 人 所 失 或 隱 術  $\equiv$ 家 於 士 年 問 主 下 咸 彗 之 算 共 則 星 推 日 臣 變 出 卑 浩 見 天 今 ٠, 令 津 於 上 對 天 L • 下 下 入 一,天 有序 浩 未 太 微 事 日 . 二古 民 恒 經 几 象 無異望。 方 北 ~, 百 人有言 岳 斗 峙 代 絡紫 災 不 唯營 易。 夫災 咎之應, 微, 晉卑削 異 漢 犯 }書 之生 天 格, 載 將 , 主弱 王 在 由 八十 莽篡位 何 臣强 國 mi 餘 起。 之前 日 朕 累世 甚畏 至 人 漢 陵 無 巷 之, 釁 遲 而 星 馬 滅 盡 出 故桓玄逼奪, 情 入, 妖 太宗 以言 不 IE 自 與今 復 作。 勿

列

傅

第

劉裕 深然之。 射鳥,聞之,驛召浩,謂之曰:「往年卿言彗星之占驗矣,朕於今日始信天道。」 秉權。 五年,裕果廢其主司馬德文而自立。 彗孛者,惡氣之所生,是爲僭晉將滅,劉裕篡之之應也。」諸人莫能易浩言,太宗 南鎮上裕改元赦書。時太宗幸東南潟滷池

祭法,次序五宗,蒸嘗之禮,豐儉之節,義理可觀。性不好老莊之書,每讀不過數十行,輒 詔、軍國書記、盡關於浩。浩能爲雜說,不長屬文,而留心於制度、科律及經術之言。 作家 棄之,曰:「此矯誣之說,不近人情,必非老子所作。 餘 不息,家人罕有知者。及父終,居喪盡禮,時人稱之。襲爵白馬公。 初,浩父疾篤,浩乃剪爪截髮,夜在庭中仰禱斗極,爲父請命,求以身代,叩頭流血,歲 老聃習禮,仲尼所師,豈設敗法文書,以 朝廷禮儀、優文策

亂先王之敎。 韋 生所謂家人筐篋中物,不可揚於王庭也。」 道懸遠,或消或應。昔宋景見災修德,熒惑退舍。 如之何?其爲我設圖後之計。」浩曰:「陛下春秋富盛,聖業方融,德以除災,幸就平愈。且天 社 無 禝幾危。 以 闇 今茲日蝕於胃昂,盡光趙代之分野, 股疾彌年, 療治無損, 恐一旦奄忽, 諸子並少, 將 太宗恒有微疾,怪異屢見,乃使中貴人密問於浩曰:「春秋:星孛北斗,七國之君皆將有 昧之說,致損聖思。必不得已,請陳瞽言。 今宜早建東宮,選公卿忠賢陛下素所委仗者使為師傅,左右信臣簡在聖心者以 自聖化龍興,不崇儲貳,是以永興之始, 願陛下遣諸憂虞,恬神保和,納御嘉福,

悦 朝。 記 塞 壽 用 曉 丘 子 充 謂 堆 進御 所 解 禍之大備也。 **、賓友,入總萬機,出統戎政,監國撫軍** 以長,禮之大經。 興衰存亡, 疑,太宗 俗 爲 司 左右 在 情, 徒 右 .醫藥。 丽, 長 明 侍 專謹。 孫 .練 公曰:「此 臣曰:「長孫嵩宿德舊臣,歷事四世, 坐 嵩、山陽公奚斤、北新公安同為 尠不 於 西 萬歲之後,國有成主,民有所歸, 今長皇子燾,年漸一 事 以 厢 · ,穆觀達於政要,識吾旨趣,崔浩博聞强識,精於天人之會, 非 若須並待成 此 由此。」太宗納之。 東面。一 六人 我 所 知 輔 百僚總己以聽焉。 當當 相,吾與汝曹遊 人而 決之 周 擇,倒錯天倫,則生履霜堅冰 汝 於是使浩奉策告宗廟, ,明叡 一,六柄在手。 曹 國 行 溫和,衆情所繫, 主 左輔, 太宗避居西宫, 四境,伐叛柔服,可得志於天下矣。」 抽 則姦宄息望,旁無覬 功存社稷,奚斤辯捷 坐東 若此, 廂 匹 則陛下可以優遊無為, 面; 命世 時隱 時登儲副, 之禍。 浩 祖 覦。 而 與太尉穆觀 智謀,名聞 窺之, 爲國副主,居正 自古以 此 則天下 乃萬 聽其 丘堆 遐邇; 、散騎常 來,載籍 世之令典, ·幸甚。 決 雖 頣 羣臣時 斷, 無大 安同 神養 殿 侍 臨 所

敬 弔 子 大 事 其不 陛 會 存 下 聞 其 伐 劉 孤 喪, 不 裕 弱 幸 死 以 太宗太宗 今死, 恤 爲 其 恩足 欲 区 乘 災, 取 喪伐之, 以 洛陽、虎牢 感孝 布義 子, 難得 風於天下, 義 滑臺 之不令。 足 以 動 令德之事也。 諸侯。 浩曰:「陛下不 ·春秋 晉 今 土 或 丐 家 若此 以劉裕歘起,納其 亦 帥 未 師 列 能 侵 化 齊 被荆揚 舉 聞 in 齊侯 定江 南 卒 使貢 南 金象齒 一宜遣 功 ~; |裕 還。 羽 君 人 亦

列

傳

第

+

 $\equiv$ 

崔

浩

待 親 囿 爲 攻 略 交 意 毛 之珍珍 其 爭 南 中 南 限 地 其 ', |裕 巡。 之物 小 伐 惡 列 批 )?[厅 城 稔 置置 可 乃伐之。」太宗大怒,不從 詰 ر ا ا 拜 |守宰,收歛租 若不 浩 不 浩 曰「請先攻城。」浩 公孫 如 求 日 其强 相 ·時克? 而 州 表 自至 劉裕因 刺 臣爭權,變難 請 挫損 史, 先圖 穀。 裕新 姚 加 軍 其城。 興死 左 勢, 滑臺、虎牢反 光 死,黨與未離,兵臨其境,必相率拒戰, 百. 南 禄大 而 必 敵 浩言,遂 厅等濟河, 起,然後 滅其國 得 夫, 徐 人長 嚴 隨 在 裕 遣 而 於 命將揚威 軍 軍北,絕 來。 先攻 奚斤南伐。 為謀 守城,苻氏 死我伐之,何爲 冷滑 臺, 我怠彼 主 望南 可可 攻襄陽,經年 不勞士卒,而收淮北之地。」太宗銳 經 銳 議 救 時 於 必沿河 危道 不可。」浩固執 不 監 拔, 國之前 也。 東走。 表請濟師。 功不可必, 朩 不如 目 拔。 「先攻城也?先 曰:興死,二子 若 分軍 今以大 或 略 不 太宗怒,乃 不 ·然, 即 地,至 如緩之, 國 之力 是

古, 言 謙 感 道 之每 隱 也 遂 臨事 惠 居 及 與同 與浩言 車駕之還 皆 陽味。 不 僚 營 口 底 論 世 聞 務, 行 五 卿爲吾撰列王者治典,幷論其大要。」浩乃著書二十餘篇, 也,浩從 等郡 一,亦當 其論 忽受神 古治 縣 今之皐 太宗 之是 中 亂 之 非 幸 之迹,常自 訣 繇 、考秦 西河 也。 當 、太原。 兼 始皇、漢武 但 修 夜 世 儒 達 人 敎 貴 登憇高陵之上,下臨河 旦,竦意斂容, 遠賤近, 輔 帝 助 之違 泰平眞 失。 不 能 無有 君 好古識 深 察之耳。」 縋 懈 倦。 千載之絕 流 治, 時伏 旣 傍覽川域, 因 而 上推太初, 謂 歎美 其言 統。 浩 **之日** 日 而 慨然: 學 天 吾行 師 亦 有 稽 斯 寇

秦漢變弊之迹,大旨先以復五等爲本。

過之。 有 疑議 世 召 祖 旣得 卽 而 ·歸第, 位,左右 問焉。 因欲修服食養性之術,而寇謙之有神中錄圖新經,浩因師之。 浩纖妍潔白,如美婦人。 忌浩正直,共排毁之。 世 祖 而性敏達,長於謀計。 雖知其能,不 **発**羣議,故 常自比張良,謂己稽古 出 浩,以公歸第。及

熒惑 倪 軍 日 氼 集,不可 隱 。」浩叱之曰:「是何言歟! (其城下,收衆僞退。 進 再守羽: 出,奄 始光 曰「今風 失也。」 中,進爵東郡公,拜太常卿。 擊不意。 林,皆成鈎己,其占秦亡。 雨從賊後來, 世祖乃使奚斤等擊蒲坂,而親率輕騎襲其都城,大獲 風道在 昌 |鼓躁| 人,豈有常也」世 我向彼背,天不 干 而前, 里制勝,一日之中豈得變易? 舒 時議討 又今年五星併出東方,利以西伐。 陣 爲 助人。 兩翼。 |赫連昌, 羣臣皆以爲難, 唯浩曰:「往年以 祖曰「善」。分騎奮擊,昌 會有風雨從東南來, 揚沙昏冥。 又將士飢渴, 賊前行不止,後已離絕,宜分 願陛下攝騎避之, 而還。 軍大潰。 天應人和,時會並 及世祖復計昌, 宦者趙 更待後

年 初 部 太 集 祖 浴諸文 詔 尚書郎鄧淵著國記十餘卷,編年次事,體例未成。 人撰錄國書,浩及弟覽、高讜、鄧穎、晁繼、范亨、黃輔等共參著作,敍成國 逮于太宗,廢而 不述。 神

是年,業

議 擊 蠕 蠕 ,朝臣內外盡不欲行,保太后固止世祖,世祖皆不聽,唯浩讚成策略。尚

和 巳,三陰之歲,歲 淵等,云 潔、 淵 左 少 僕 時嘗諫苻堅不可南 星 射安原等乃使黃門侍郎仇齊推赫連昌太史張淵、 襲月,太白在西方,不 征, 堅不從而敗。 可舉兵。 北伐必敗、雖克、不利於上。」又羣 今天時人事都不和協, 徐辯說 世祖曰: 何可舉動 臣 今年己 上共贊 世

意

不

決,

万召

淵

等辯

之。

其元 功 難 淵 能 昴 伐 義 諸 祖 其 地 漢 等 行 至 得 也 原 慚 ,非不可耕而食也。 悪 淵 野 世 非 浩 而 今 猶 等俗 收收 小小 舊 歲 制 常之事 難 而 「說常! 淵 有 星 言 然。 則 其 生,志 一襲月, 日 曰:「陽者,德也;陰者 、善民、 肆 何 0 談,施之於今,不合事 之市. 1浩令與 其占: 汲 蠕 古人 汲 意 年 令復 蠕 朝。 而 淺近,牽於小數, 飢 八語曰:『 荒 『三年,天子 苦 民 舊役,非 戰伐者,用刑之大者也。 流,應在 蠕蠕子弟來降,貴者尙公主,賤者將軍、大夫,居滿朝列,又高車號 外 勞士馬 無用 "非常之原,黎民懼焉,及其成功,天下晏然。" 之物。沿 無 也。」浩日 他國、遠期十二年。 大破旄頭之國。』蠕 刑 用 宜也。 也。 也。 不達大體,難與遠圖。 得其 『淵言天時,是其 漠北 故日蝕修德, 何以言之? 地不可 高涼,不 耕而 以此言之,三陰用兵, 太白行倉龍宿,於天文爲 蠕、高車,旄頭之衆也。 食,得: 夫 生 月蝕修刑。 蚊 蠕 蚋, 蠕 所 臣 其民 者,舊 職,若論 觀 水草美善,夏則 天文, 不 夫王 是 ·可臣 國家 形勢,非 比年 蓋得 者之用刑, 而 原際 北邊叛隸,今誅 使,輕疾無常, 以來, 其 夫聖明 北遷。 彼 下勿疑也。 東, 類, 所知。 不妨 大則 月行奄 修 御 田 刑 斯 之 陳 牧 北

辯 或 我 實 日 名 不 通 亦 至 解數術 能 知 騎,非不可臣 秋 意 遠逐,與之進退,非難制 復 是 決矣。 來,不得安臥。 其無術。」時赫連昌在座,淵等自以無先言, ,明決成 浩曰:「此等意猶 亡國 而畜也。 敗。 之師 臣請試之,問其西國未滅之前 不可 自太宗之世,迄於今日,無歲不驚,豈不 夫以南人追之,則患其輕疾,於國兵則不 不伏,卿善曉之令悟。」 與謀, 也。 且. 信矣哉。」而保太后猶難之, |蠕蠕往數入國,民 有何亡徵。 慚赧 吏震驚。 而不能對。 今夏不 汲汲乎哉 復令羣臣於保太后前評 知而 然。 世祖 不言,是其不忠;若 乘虛 何 者? 大悅, 世 掩 人皆 進,破 彼 能 謂 謂 遠 滅 公 淵 卿 其

謂

得 衆 以 蠕 家 議 不 前 駒 能 幷 也。 無 往 備 犢 固 西 世 所 旣 還之 子 獲,後 罷 圃 齒 或 且. 蠕 朝 虎 以 軍 間 舉 來,南 ,或有尤浩者曰:「今吳賊南寇 蠕 口 ,故不 軍盡 耳。 有 也? 恃 南 其 夫見 沒。 賊之患, 設 人恐懼, 絕遠, 見其至 令國 瓶 號哭之聲,至今未已。 謂 水 家 也。 揚聲 之凍, 危之道 或 與之河 家 何 力 動 以言之? 知天下之寒, 嘗肉 不能至,自寬來久,故夏則散衆放畜, 也。」浩曰:「不然。今年不捲蠕 衆以衞 南,彼必不能 淮 而 劉 北。 舍之北伐。 裕 如 得關 何 守之。 彼北 正 一臠, 當 中,留 我 或 自 行 南,彼勞我息, 家休明之世,士馬强 識 量 師千里,其誰不知。若蠕蠕遠 其愛子,精兵數萬, 鑊 不 中之味。 能 蠕,則 守, 是以 其勢然矣。 無 秋 物 必不 以禦南賊。 有 肥 乃聚, 其類, 盛之時,而 良將 來。 勁卒, 若或 比破 可 背寒向 推 自 遁, 蠕 或 有 欲 猶 而

列

傳

瑣 行。 溫 不 馬 瑣 戀 口 ,南來寇 失 駒 前 天師 也。 後 驅 謂 馳難 抄。 顧慮,不能 浩 唯 患上 曰:「是行 制,不得 今出其慮表,攻其不備。 無此意, 乘勝深 水草 也, 今聖 如之何, ,未過數 入,使不 慮已決,發曠世之謀,如 果 全舉耳。」 日 則 可克乎。」浩 大軍卒至,必驚駭星分, 聚而 困敝,可 對曰:「一 何止之? 舉而 天時形勢,必克 滅。 望塵 陋矣哉,公卿也 暫勞永逸,長久之利,時 奔走。 無疑。 牡馬護 但 一恐諸 諸 軍 將 牝 逐

旭 者 千 滅 去 知 之矣。  $\equiv$ 停 百 所 里 一十餘 南南 八 爲 止 及軍 + 不 乃焚 北 萬落。 里 追。 入其境,蠕蠕 世 三千 一,追軍 祖 燒穹廬 深 天師 里, 恨 虜逐 不 之。 以 凡所俘 至, 科 浩 散 先不設備,民畜布 曩 亂矣。 功 車 徐 自 軍 日 **虜及獲畜** 之言, 載 既還,南 徐 將 西 世 遁 祖 數 固 沿弱水 產車廬, . 勸 賊  $\subseteq$ 百 竟不 世 人入 唯此得 野,驚怖四奔, 祖 西行,至涿邪 能 Щ 窮討,不 彌 南 動 発。 漫 , 走。 如 山澤、蓋 浩 聽。 後 民 聞 所 莫相收攝。 畜窘聚, Щ 後 涼州 量 數百 有降 諸 賈 大 萬。 方六 胡 人 將果疑深 言蠕蠕 於是分軍搜討, 高 十里中 若 車 復 殺 入有 嶿 前 大 」, 無 檀 行 蠕 伏兵, 先被 種 人 類 領 日 東 則 疾 統 勸 歸 西 不不 杰 相 世 降 五

記 L 其 ,或立嘗而 異。 浩 明 識 世 祖 天 文, 毎 旋。 幸 好 浩第 其見寵愛 觀 星 變。 多 問 如 常置 以 此。 異 事 金 銀 於是引浩出 或 銅 倉 鋌 卒 於 酢 不 入 器 及 臥 束 中 內, 帶 令 , 加侍中、 奉 靑 , 進 夜 疏 有 食, 特進、 所 不 見卽 暇 撫軍大將軍 精 以 美。 鋌畫紙作字以 世 祖 ·、 左 爲 光 舉

近。 計 雖 以 因 禄 令 有 大 卿 夫, 之, 征 歌 其 等所 思 討之意 賞謀謨 日 歷 不 頌 規 能 汝 心, 而 諫,匡 群 之功。 曹 決 臣, 慮 視 皆先 予 不 此 事 自 世 在 酮 人 諮 形 框 子, 決, 祖 長孫道 浩 一從容謂 一、然後 勿 前後 纖 有 懦 生 克 弱,手 濦 傳。 浩日 施 捷, 懷 行 皆 不 叉 朕 能 召 卿 此 雖 彎弓 新 才 人 當 降高 導 智淵 時 持矛 吾令 遷怒, 車 博, 渠 至 其 若 事 帥 此 胸 朕 數 或 也。」乃敕 中 百 不 祖 所 考, 人 用 懷 賜 久 忠著 諸 乃 酒 久 尙 踰 食 可 三世 書 於 於 不 日 甲 前 深 , 肸 兵 思 卿 凡 世 故 朕 軍 祖 延 言 始 或 卿 指 也 大 自 時 浩

朝 亦 北 就 且 備 從 在 不 廷 欲 守 使 彼 也。 界 先 虞 南 能 將 上 俄 背 從 抄 嚴 者 來 往 而 非 絕 南 公 年 有 敢 陛 以 待 存 備 或 藩 其 先 取 下 其 私 必必 家 諸 勞 發。 鄉導, 資 征 大 將 倦 堅 爲 財 討 破 表 城 或 叉 蠕蠕 西 秋 足 劉 是 固 南 生 滅 涼 以 義 守。 事 以 土 赫 馬 隆 挫 馬 , 下 披 其 非 連 大 肥 毛 濕 屯 力 忠臣 銳氣, 嚴 求 有 因 軍 夏 北 瑕 餘 破 敵 攻 欲 也。」世祖從浩 月 ·, 妄張 之, 使不 蠕 取 犯 蒸暑, 南 食, 蠕 河 則 賊 敢深 南。 賊 多 徐 糧 震懼,常 水 勢 獲 往 食 潦 請 入。 美 冀 擊 不 兵三 方 給 議 女 之,萬全之計 得 多 恐 詔 珍寶,馬 一萬, , 草 肆 輕 公 分 南鎭諸將復表 心 兵 卿 兵 木 先其未 奄 議 肆 深 畜 至 旣 之, 討 邃, 一,臥 不 成 |咸言: 勝 發逆 群 獲 則 疾 必 不 聽 無 変 安席 賊至,而 可 宜 之擊之, , 南 以 必 克。 許。 故 鎭 應 起, 故 數 諸 敵 因 浩 在 自 稱 先 非 將 誅 朝 目 賊 陳兵少 聞 未 聲 行 群 河 動 動 見 加 師 臣 此 北 之 衆, 生 其 以 及 不 流 一,簡 羡, 利 恐 西 以 可 民

列

傳

魯軌 大功。 發而 先 之。 之人,善設權譎,乘間深入,虞我國虛,生變不難,非制敵之良計。 在 幽 災 宜 趸 月 所以招令速至 有聲無實,恃其先聚,必喜而前行,徑來至河,肆其侵暴,則我守將無以禦之。 在 變 修 先 變 一後,欲存 l危亡,三也;熒惑伏匿於翼軫,戒亂及喪,四也;太白未出,進兵者敗,五也。 州 前 故楚之往則彼來,止則彼息,其勢然也。且楚之等瑣才,能招合輕薄無賴,而 以南 舉 賊 還。 、韓延之等,令誘引邊民。 攻人哉?彼必聽我虛聲而嚴,我亦承彼嚴而動, 屢 人 爲 兵,一也;午歲自刑,先發者傷,二也;日蝕滅光,晝昏星見,飛鳥墮落, 事,次盡 掠 賣爲. 可待 成兵佐守,就漳水造船,嚴以爲備。公卿議者愈然,欲遣騎五千,幷假 或 :立司馬,誅除|劉族,必舉 是天時 生 奴,使禍 事,使兵連禍結,必此之群矣。 也。 使至,審而後發,猶未晚也。且楚之之徒,是彼所忌,將奪其國,彼安得端 地利,後觀 不協也, 舟行 夫張虛聲而召實害,此之謂矣。不可不思,後悔無及。 及姚泓,已然之效。」浩復陳天時不利於彼,曰「「今茲害氣在揚州,不 天時,故萬 浩曰:「非上策也。 水涸,是地利不盡 國 駭擾,懼於滅亡,當悉發精銳,來備北 舉而萬全,國安而身盛。 臣嘗聞魯軌說姚興求入荆州,至則散敗,乃不 也。 彼聞幽州已南精 三事無一成,自守猶或不安,何得先 兩推其咎,皆自以爲應敵。 今義隆新國,是人事 今公卿欲以威力攘 兵悉發,大 境。 我使在 宿値 造 署 夫興國之君, 若彼 後 舟 司 兵法當分 審 不能 彼, 斗牛,憂 船 馬楚之、 未周也; 知官 有 成敗,乃 ,輕騎 期四 見機 成就 坐視 軍

災迎受害氣,未可舉動也。」

意也。 連定 契, 之西 動 北上,東道向冀州,西道衝鄴。 之等屯潁川。 用 二千里,一處不過數千,形分勢弱。 敢先入。 示蒙遜使曰:「所云崔公) 無立草矣。 ,先其未至,徑前入河,若其不動,住彭城勿進。 初無失矣。」後冠軍將軍安頡軍還,獻南俘,因說南賊之言云,義隆敕其諸將,若北 計 行,前寇未可必克,而義隆乘虛,則失東州矣。」世祖疑焉,問計於浩。 同惡相招,連結馮跋,牽引蠕蠕,規肆逆心,虛相 世 世 祖聞赫連定與劉義隆懸分河北,乃治兵, 赫連定殘根易摧,擬之必仆。克定之後,東出潼關,席卷而前,則威震南極,江淮以北 爲謬,驚怖固諫。 祖 以臣觀之,有似連雞,不得俱飛,無能爲害也。 不能 聖策獨發,非愚近所及,願陛下西行勿疑。」平凉旣平,其日宴會,世祖執浩 違衆,乃從公卿議。 於是賊來遂疾,到意之自清水入河,派流西行,分兵列守南岸,西至 常勝之家,始皆自謂踰人遠矣,至於歸終,乃不能及。」遷浩司徒。 此是也。才略之美,當今無比。 如此,則陛下當自致討,不得徐行。 浩復固爭,不從。 以此觀之,傳兒情見,止望固河自守,免死爲幸,無北渡 欲先討赫連。 如浩 唱和。 遂遣陽平王杜超鎭鄴, 所量。世祖謂公卿曰:「卿輩前謂我 臣始謂義隆軍來當屯住河中,兩道 **朕行止必問,成敗決焉,若合符** 義隆望定進,定待義隆前,皆莫 群臣曰:「義隆猶在河中, 今則不然,東西列兵,徑 浩曰:「義隆與赫 琅邪 潼 王司馬楚 國兵 手以

列傳

皇帝 內, 對 旭 彼 從 殷 日 四 之。 應 商 時 王 先王 方 之稱 天 受 或 土 家 建 那 命 實 積 纖 或 開 奏 德,著在 奄 以 拓 邦畿 作 立 洪 蕃 匹 了,名之: 業, 王,以 屛 圖 ", 不 史, 諸 應假 日 則 所 當享萬億, 逆,不可承用。」先是,纖奏改代爲 東西南 制 置,無不 名 以 北為 爲 其 循古 不待假 名,欲以致禎吉,除災異。 福 夫 以始 名以爲益 日 . 月運. 封 代土,後稱 神,周 也。 歷 纖之所聞, 萬 四 年,浩 爲魏,故代 方,京 詔 浩 日 都 與 皆 「昔太祖 所 學 非正 魏 土 居,在於 議 兼 義。」 之。 用 道 其 武 浩 猶

其不 傷不 貢, 尚書古弼、李順之徒皆曰「自溫圉河以西, 横,民心 鹵斥,略 不 可 朝廷 ·意,不 滿 不 是時 誅。 公卿議 八千,歲常 離 接 無 ٠, 圖 解 水 以 河西王沮渠牧犍 官軍 大軍 草,大軍 蕃 之。 禮 加 往年 比 卒至,必驚 0 羸 弘 叉 年 死, 旣 農 北 王 以來,天災 恒不 伐 到 王 姬 一 不 奚斤等三十餘 釐降,罪未甚彰 雖 内有貮 滅萬,乃不 駭 得 不克獲, 騷 久停。 擾,不 地 意, 變, 實無 彼聞 知 少 都在 人 世 於 所 謂謂 祖 皆 所損。 至於姑臧城南,三 此。 軍 出,擒之必矣。 秦 將討焉,先問於浩。 日 宜 來, 涼,成滅之 羈 牧犍 而遠方承 必完聚城 縻 于 而 時 틴 行 西 者內外 國 虚, 垂 (守,攻 今士 且 也。 下國 牧犍劣弱,諸弟 便謂 天梯山上冬有積雪,深一丈 馬 軍 則 ·, 雖 世 浩對 勞止,宜 馬三十萬匹, 大 難 祖 損, 心 日二 拔, 曰:「牧犍惡 不 不能 野 純 可 善,吾意 無 臣 小 驕恣,爭 所掠。」 復 , 息 振 計 然 ì 繼 在 叉 亦 已露, 權 今出 道 其 於 以 父 死 是 地 職 爲 從

草,何以畜牧?又漢人爲居,終不於無水草之地築城郭、立郡縣也。又雪之消液,纔不斂塵, 諸人不復餘言,唯曰「彼無水草」。浩曰:「漢書地理志稱:『凉州之畜,爲天下饒。』若無水 里之內, 赤地無草, 叉不任久停軍馬。 目 乃出,親見斤等,辭旨嚴厲,形於神色。 何得通渠引漕,漑灌數百萬頃乎?此言大詆誣於人矣。」李順等復曰:「耳聞不如目見,吾曹 餘,至春夏消液,下流成川,引以漑灌。 見,何可共辨!」浩曰:「汝曹受人金錢,欲爲之辭,謂我目不見便可欺也!」世祖隱聽,聞之 厅等議是也。」世祖乃命浩以其前言與厅共相難抑 彼聞軍至,決此渠口,水不通流 群臣乃不敢復言,唯唯而已。於是遂討涼州而平 ,則致渴乏。 去城百

之。

多饒水草,如浩所言

効也。 |兗無塵,平逋寇於龍川,討孽豎於凉域。 豈朕一人獲濟於此,賴宗廟之靈,群公卿士宣力之 赫 戰戰兢兢,如臨淵海,懼不能負荷至重,繼名丕烈。故卽位之初,不遑寧處,揚威朔裔,掃定 祖道武皇帝,協順天人,以征不服,應期撥亂,奄有區夏。太宗承統,光隆前緒,釐正 大業惟新。 連。 乃詔浩曰:「昔皇祚之興,世隆北土,積德累仁,多歷年載,澤流蒼生,義聞四海。 逮於神歷,始命史職注集前功,以成一代之典。自爾已來,戎旗仍舉,秦隴克定,徐 而史闕其職,篇籍不著,每懼斯事之墜焉。 然荒域之外,猶未賓服。此祖宗之遺志,而貽功於後也。 公德冠朝列,言爲世範,小大之任,望君 朕以眇身,獲奉宗廟, 一刑典, 我|太

騎 存 之。 侍 郎 張 命 偉 公 留 參 著 臺 一,綜 作 :,續 理 史務, 成 前 紀 述 成 至 此 於 書, 損 益 務從 褒貶,折 實 绿。」 中潤 浩於是監 色,浩 所 一祕書事 總 ,以以 中書侍 郞 高允

時 欲 而 而 討 潔 出 恨 及 賊 必 恭宗 計 乃召 與 三十 不 乏 始 用 遇 里 問 總 浩。 沮 則 百 誤 是潔等之計 可 揆 諸 浩 擒 浩 將 對 獲。」 復 日 無 與 世 功 過矣。 宜 往 祖 而 撃 都 還。 以 嶿 Ŧ. 爲 穆 夫 蠕 事在 然 壽輔 北 師 土多積 {潔 乃 不多 政 分軍 }(傳 事 日 雪 爲 , 潔 , 時 兀 至 等 叉 道 一冬時 將 各 詔 討 欲 常避 諸 回 蠕 還。 將 蠕 寒南 俱 劉 會 後 潔復致 徙。 鹿 獲 渾 其 若因 海 生 異議 П 其時, ', 云 期 H 軍 世 還 祖 軍 逾

走。 營 浩 北 軍 叛 下 道 往 去 自 日 賊 此 世 薛 來 世 六十 祖 蓋 永 若 加 日 宗 從 吳 從 西 心 便 南 之。 里 在 壨 巡 安 到 長 賊 道 開 進軍 詔 安 永宗 則蓋 魁 浩 平 北 北 圍 所 與 吳 潰 九 風 吳徐入 之。 尙 在 之 + 滅 讯 書、順 後 里 疾 永宗 擊 0 車駕 宜 北 蛇 回 渭 陽 Щ 向 之 出 急 濟河 北 公 .,卒未 法 長 兵欲戰 擊之, 蘭 地 安, 空 前 延 當 都 可 須 亦 穀 須 驅 平。 督 世 破 臾 草 告 祖 行 頭 H 不 賊 必 世祖 問 臺 而 碎。 備 在 頭 中 浩 至 渭 外諸 不 破 日 若 欲 北 從, 則 渡 待 尾豈 今 軍 乃渡渭 日 渭 明 世 H 事 之內 南 祖 日 能 可 , 西 至 撃不 復 世 恐其 南 洛 行 未 動 祖 水 至 便 何 見官軍 吳聞 橋 東雍 宜 浩 損 如 傷 ? 賊 乘 日 世祖 浩 勢 已 盛 親  $\equiv$ 永宗 夜 先 對 大, 至 臨 撃 思 遁 日 汾 盡 吳。 未 謂 必 曲 散 蓋 夜 宜 詔 知 從 吳 陛 觀 入 今 問 遁

北 山,果如浩言,軍無所克。 世祖悔之。 後以浩輔東宮之勤,賜繒絮布帛各千段

著作令史太原閔湛、趙郡郄標素諂事浩,乃請立石銘,刊載國書,幷勒所注五經。 浩贊

成之。 恭宗善焉,遂營於天郊東三里,方百三十步,用功三百萬乃訖。

郡,通西域,勸農積穀,爲滅賊之資。 臣愚意,猶如前議,募徙豪强大家,充實涼土,軍舉之日,東西齊勢,此計之得者。」 地空虛,雖有鎭戍,適可禦邊而已,至於大舉,軍資必乏。 凉州,臣愚以爲北賊未平,征役不息,可不徙其民,案前世故事,計之長者。 祖蒐于河西,詔浩詣行在所議軍事。浩表曰:「昔漢武帝患匈奴强盛,故開涼州五 東西迭擊。故漢未疲,而匈奴已弊,後遂入朝。 陛下以此事闊遠,竟不施用。 若遷民人,則土 昔平 如

記、周易。三年成訖。復詔臣學天文、星曆、易式、九宮,無不盡看。至今三十九年,晝夜記、周易。三年成訖。復詔臣學天文、星曆、易式、九宮,無不盡看。至今三十九年,晝夜 前奏造曆,今始成訖。 多,不可言盡。臣愍其如此。今遭陛下太平之世,除僞從眞,宜改誤曆,以從天 遂得周公、孔子之要術,始知古人有虛有實,妄語者多,真正者少。 自秦始皇燒書之後,經 典絕滅。 無廢。臣禀性弱劣,力不及健婦人,更無餘能,是以專心思書,忘寢與食,至乃夢共鬼爭義。 浩又上五寅元曆,表曰:「太宗卽位元年,敕臣解急就章、孝經、論語、詩、尚書、春秋、禮 漢高祖以來,世人妄造曆術者有十餘家,皆不得天道之正,大誤四千,四小誤甚 謹以奏呈。唯恩省察,以臣曆術宣示中書博士, 然後施用。 道。 非但時 是以臣

人, 苵 地 鬼 神 知 臣 得 正, 可以益 國家萬世之名, 過於三皇、五帝矣。」事 在律曆

咸 盡 夷 以 其族。 爲 眞 言 君 + 事遂 初 郄 年六月誅浩 聞 發。 標等立石 有司 清 銘 按驗浩, 刊 河 崔 國記,浩盡述 氏 取 無遠近,范陽 秘 書郎 或 吏及長曆 事 備 盧氏、太 而 生數百人意狀。 不 典。 原 郭 氏 而 石銘顯在衢路,往來行者 河東柳氏,皆浩之姻 浩伏受財,其秘

郎

吏已

下

盡

死

害李順 也, 哭 階 此 其 時 及 北 上,呼 成 而 讀 親 將 眞 如 矣, 屬 軍 出 誦 浩 火 不 王 始 以 之燎 聲嗷嗷 盏 日 基 浩怒, 仲 爲 公其圖之。」浩曰「吾方思之」, 弱 萌 也 德 冠 不 了,非復 此輩 於原 Ē 可 姊 成,夜 太原 聞 取 主, 王 也, 下, 吾 而 不,不 于行 虚 每奇浩 焚 固 郭逸以女妻之。 夢 可 事 賊 之, 執 秉 路。 向 也 與之, 火 捐 邇 夫 \_1 才 | 熱順 以 以 自 灰 能 其 戈 逸 宰 火 於 自 猶 "擊之, 不 爇 寢 司 厠 可 室 中。 以爲 之被戮辱,未 能 人,暴之極 浩晚成,不曜華采,故時人未知。 撲 違,遂重 火作而 滅 悉投於 得壻。 及浩 而 乎? 不能悛, 组织 一結好。 也。 順 河 執 俄 且 有 死 置 而 兆 う |浩 階 如 寤 女亡,王深 至是而 始 浩非 浩 之艦 亂 而 與室 惡 者 兆 惡之, 者 内, 毁 禍 世 族 家羣立 有 佛 復 皆以 送於 終殃, 法 以 以告館客馮景仁。 浩旣 己招 ,而妻郭 傷恨,復以少女 爲 而 城 積 觀 報 I 也。 南 逸妻王氏,劉義隆鎭 之。 書 不 應之驗 ·善者 使 商 氏 書 俄 衞 人 敬 多託寫急就 無餘 也。 土 日 而 好 數 繼 順 \_; — 釋 景仁曰 弟 十人 婚。 惡之易 初 典, 息 浩 時 溲 厲 號 構 逸

少至 老,初不憚勞,所書蓋以百數,必稱「馮代强」,以示不敢犯 國 一,其謹 也如 此。浩

書體勢及其先 人,而 妙 巧不 如 也。 世 寶其迹,多裁割綴連以 爲 模

業書,乃占授爲九篇,文辭 蘊 錦,食則粱肉。 會,平暴除亂,拓定四方。 臻,饘蔬 習酒食。 浩 母盧氏、湛孫 餬口,不能具其 朝夕養舅姑,四 遠惟平生,思季路負米之時,不可復得,故序遺文,垂示 也。 物用,十餘年間不復備設。 浩著食經敍曰:「余自少及長,耳 約舉, 余備位· 時 祭祀,雖有功力,不任僮使, 婉而 台鉉,與參大謀,賞獲豐厚,牛羊蓋澤,貲累巨萬。 成章, 聰辯强記,皆此類 先妣慮久廢忘, 目聞 常手自親焉。 見,諸母諸姑所修婦功,無不 也。 後生無知見, 親沒之後, 來世 昔遭 喪 値 亂 而 或 龍 飢 衣 少不習 則 饉 興之

向,每雖糞土之中,禮拜形像。 浩小名桃簡 爲 親。 始浩與冀州 浩恃其家世魏晉公卿,常侮模、賾。模謂 ,隨小名周兒。 刺史賾、滎陽太守模等年皆相次,浩爲長,次模,次賾。三人別祖,而模、賾 世祖 浩大笑之,云:「持此頭顱不淨處跪是胡神也。」 頗聞之,故誅浩時,二家獲免。 人曰:「桃簡正可欺我,何合輕 浩旣 不 信佛、道,模深所歸 我家 周 見也。」

太宗爲政之秋,值 史臣 曰: 崔浩才藝通博, 究覽天人, 世 祖經營之日,言聽計從,寧廓區夏。 政事籌策,時莫之二,此其所以自比於 遇旣隆也, 勤亦茂哉。 子房 謀雖蓋世, 也。 屬

列

傳

第

威未震主,末途邂逅,遂不自全。 遭斯酷,悲夫 豈鳥盡弓藏,民惡其上? 將器盈必概,陰害貽禍? 何斯人

## 校勘記

而

乃徐徐西遁 諸本「西」作「四」、北史卷二一作「西」。 按通鑑卷一二一三八二三頁也作「西」。 卷

四 ·上世祖紀上神麍二年五月丁未、卷一〇三蠕蠕傳補記此事並云「絕跡西走」。「四」字訛,今

據改

- 至於姑臧城南 北史卷二一崔宏附崔浩傳此句作「至於凉州、地純枯石、了無水草、不見流川。
- 又言姑臧城南」、「至於」下多出十六字。 按無此十六字,語意不全,當是本書傳本脫去
- **一** 三 し 不想走北道,這裏是說從北道往只一天路程,還長安也止一天,一天的糧食匱乏,不致受損害。 一日之內未便損傷 、北史卷二一「內」作「乏」。按上文說「渭北地空,穀草不滿」,所以拓跋燾
- 29 大誤四千 李慈銘云:「四千當作四十。」

作「乏」較長。

五五 並 人多託寫急就章 一因而致誤。」按文義不當有此字,今據北史删。 諸本「人」上有「蓋」字, 北史卷二一無。 李慈銘云:「與下文『蓋』字行次適

# 魏書卷三十八

# 列傳第二十四

#### 李順

知名於世。 原,以系爲平棘令。 李順,字德正,趙郡平棘人也。 神瑞中,中書博士,轉中書侍郎。 年老,卒於家。 父系,慕容垂散騎侍郎,東武城令,治有能名。太祖定中 贈寧朔將軍、趙郡太守、平棘男。 始光初,從征蠕蠕。 以籌略之功,拜後軍將 順博涉經史,有才策,

軍,仍賜爵平棘子,加奮威將軍。

順,順又弗之伏也。 果於去就,不 前驅之事,卿以爲何如。」浩對曰:「順智足周務,實如聖旨。 世祖 將討赫連昌、謂崔浩曰一朕前北征,李順獻策數事,實合經略大謀。今欲使總攝 可專委。」世祖乃止。 由 是潛相 猜忌,故浩毁之。 初浩弟娶順妹,又以弟子娶順女,雖二門婚媾,而浩 至統萬,大破昌軍,順謀功居右,轉拜 但臣與之婚姻,深知其行,然性 左軍 頗輕

列傳

第

十四四

李順

將 賜 加 奴 賜 軍 諸 婢 + 將 後 五. 征 珍 戶 寶 統 書, 雑 , 萬 帛 甚 物 千 遷 見寵 , 匹。 順 前 固 將 待 一辭,唯 叉 軍 從擊赫 ٠, 授之以兵。 取 書數千卷。 連定於平涼。 昌 出逆戰,順督 世 祖 三秦平, 善之。 遷散騎常侍, 勒士衆,破 至 京 論 功,以 其 順 進爵爲侯, 左 爲 軍 給 及 事黃門侍 克 加 統 征 萬,世 廣將

軍

遷

四

部

尙

是宜 公。 王。 先 通 爲 殊 此 未 使 沮 荒 無 幾 還 使。 畢 嫌 蒙 復 至 拜 於 若蒙 遜 一,宜 徵 使 重 以 持 爲 令 河 遜 節、都 匹 爾 身 清 西 部 日 執 德 內 尙 之行 督秦 附, 玉 重 書, 帛 臣 世 雍 奉 加 而 豊 吳 王 祖 散 梁 朝 詔 欲精簡行人,崔浩曰:「蒙遜 騎常 益 褒慰 於 股, 匹 入 州 向 侍 觐 復 諸 書李 也 何 軍 以 事 順 世 加 寧西 之? 祖 卽 從 其 將 之, 浩 人 二日:日 也。 軍、開府、長安鎭都大將,進爵高 以 順 稱蕃, 邢貞使吳,亦魏之太常 世 爲 祖 太常, 日 款著 順納言 策 河右, 拜蒙遜爲太傅、 大臣 若俾 遐 固 域域 不 茍 凉 流 平 宜

順 有 不 詔 堪 IE. 旨 色大言曰 拜 延 · 岩 和 伏 初 得 此 自 復 三五 安不 使 不 涼 謂 H 州 見 门消 此 E 叟無 蒙遜 使 息 也 小 禮 差 遣 乃 蒙遜 當 中 至 兵校 於 相 黎 是 見。 郎 H 楊定 延 順 今則 順 百三 Ź, 歸白 覆 亡之不 王之年 至 順 戸庭 日 中 . 「年衰 老, 恤 ٠, , 而 而 朝 蒙 多疹,舊 敢 廷 遜 陵 所 箕 侮 知 坐 天 隱 患發動,腰 以王 地 几, 無 祗 魂 神 執 動 脚 逝 臣 起 矣,何 之狀。 禮 不 · 隨, , 別

用

見之。」

將握節

而

出

蒙遜使定歸追順於庭曰:「太常旣雅恕衰

疾,傳云朝

廷

有

不

拜

之韶,

年 經涉 順 旣 艱 使 難 還, 粗 世 識 祖 機 問 變,又綏集荒陬,遠人頗亦畏服, 與 蒙遜 往 復 之辭 及蒙 遜 政 敎 得 雖 失。 不能貽 順 厥孫 日 謀, 蒙 遜 猶 車威 足以終 河右三 其 一十許 世

扈

列

傳

第

前 **朕克凉州** 爲 聖 聞 遠,其子必復襲世,襲世之後,早晚當 後圖 歳表 明 敦煌太守牧犍,器性粗立,若繼蒙遜者必此人也。 也。」世 。此既 許 未有 十月送曇無讖,及臣往迎,便乖 亦當不遠。」於是賜絹千匹,廐馬一乘,進號安西將軍。 而 祖曰:「朕今方事于東,未暇營西,如卿所言,三五年間不足爲晚。 無禮不 蒙遜死問至,世祖謂順曰:「卿言蒙遜死, 敬而能久享福禄。 滅。」順對曰:「臣略見其子, 以臣觀之,不復周矣。」世祖 本意。 不忠不信,於是 然比之於父,僉云不逮。 今則驗矣, 又言牧犍立,何 而 並非 曰:「若. 龍待彌厚,政之巨細無所 甚。 才俊, 禮者身之輿,敬 如 卿言, 能 且 保 殆天 停前 則 其 隅 所用資 劾 妙哉。 計,以 者行 在 無 如

涼州乏水草,不宜遠征。 卿 苒 延三年,順 之 不 之間 旣 往 復 廷 順 一、遂及 積 凡 崔浩惡之。 (歲,洞 使涼州十有二返,世祖稱其能。 復 以金寶納順懷中,故蒙遜罪釁得不聞徹。 寧息, 于 |使凉州,及還,世祖曰:「昔與卿密圖,期之無遠。 但以頃年東伐,未遑西顧,在 鑒 此。 廢興,若脫此年行師,當克以不ご順對曰:「臣疇日所啓,私謂 不可 今和龍旣平,三方無事,比繕甲治兵,指營河右,掃蕩萬里,今其時也。 "頻動, 與崔浩庭諍。 以增勞悴。 浩固執以爲宜征。 而蒙遜數與順遊宴,頗有悖慢之言,恐順東還 願待他年。」世祖從之。五年,議征凉州,順議 浩知之,密言於世祖,世祖未之信。 世祖從浩議。 及至姑臧,甚豐水 如然。 但民 以 泄

草。 州 順頗受納 順 言, 無水草,不可行師。 受蒙遜 虚實: 祖與恭宗書以言 皆 ,品第不 金, 如此 聽其 類。 平。 殺 之。 初, 及陛 凉州人徐桀發其 上其事, 世 蒙遜 祖克涼州 下至姑 頗 有西域沙 銜 臧,水草 順。 後,聞 事。 門曇 後謂 十豐足。 而 浩又毁之,云·「順昔受牧犍 浩日 無讖, 嫌 順。 其詐如此,幾誤國 微有 「卿昔所言, 涼土旣平, 方 術。 世祖 韶順差次羣臣, 今果驗矣。」 浩日: 事。 詔 順令蒙遜送之京邑。 父子重賂, 不忠若是,反言臣 賜 「臣之所 以爵位。 毎言涼

順子敷等貴寵,顯祖追贈順侍中、鎭西大將軍、太尉公、高平王,諡曰宣王 讒之於陛下。」世祖大怒,眞君三年遂刑順於 「卿從兄往 順 死後數年,其從父弟孝伯爲 雖誤國,朕意亦未便至 此。 世 祖知重, 由 浩譖毁,朕忿遂 居中 用 事。 盛 及浩之誅, 殺 卵從 兄者, 世祖怒甚, ,妻那氏 浩 也。」 謂 皇 日孝妃。 孝伯曰: 興 初,

城

西

順

四

退、 內外秘書。 夫,典掌 度世等並以聰敏內參機密,出入 長 子敷,字景文。 子要切, 襲爵高 加前 平公。 軍 將軍,賜爵平棘 眞君 朝政大議,事無不關。 二年, 選入中書教學。 詔 子。 命 後 敷性謙恭,加有文學,高宗寵遇之。 兼錄南部,遷散騎常侍、南 及劉彧徐州刺史薛安都 以忠謹給侍東宮。 叉為 部 尚書、 司州 中散, 遷秘 刺 中 與李訢 史常珍奇 書 書下大 監, 領

列

傳

第

\_

機歸命,奉誠萬里,小民元元,企仰皇化。 牆,骨肉內離,藩屏外叛。今以皇朝之靈,兵馬之力,棄幷之會,宜在於今。 以彭城、懸瓠 降附,于時朝議,謂彼誠爲未可信保。 今之事機,安可復失。」於是衆議乃同,遣師接援。 敷乃固執必然,曰:「劉氏喪亂,釁起蕭 况安都、珍奇識

淮海寧輯,敷有力焉。

叔珍等,皆坐關亂公私,同時伏法。 二十餘條,顯祖大怒,皇興四年冬,誅敷兄弟,削順位號爲庶人。 |敷旣見待二世, 兄弟親戚在朝者十有餘人。 敷兄弟敦崇孝義,家門有禮,至於居喪法度,吉凶書記, 弟弈又有寵於文明太后。 敷從弟顯德、妹夫廣平宋 李訢列其隱 罪

皆合典則,爲北州所稱美。 旣致斯禍,時人歎惜之。

敷長子伯和。 次仲良,與父俱死。 伯和走竄歲餘,爲人執送,殺之。 伯和有庶子孝祖,

式自

以家

年小藏免。後數妻崔氏得出宮,養之。至平涼太守。 敷弟式,字景則。學業知名。歷散騎常侍、平東將軍、西兗州刺史,濮陽侯。

先告式,使者給云:「我須南過,不停此州,不煩令刺史知也。」津人信之,與使俱渡。 據 權要,心慮危禍,常敕津吏;臺有使者,必先啓告,然後渡之。 旣而: 使人平曉卒至,津 使者既 : 吏欲

濟,突入執式赴都,與兄俱死。

所 散 撫 年 於 軍 趙 ·, 拜 劾 軍 尙 脩 尙 書 將 與 式 書 光 其 子憲 軍 事 上 祿 左 高 州 具 丞 大 祖 高 里 夫, 字 所 聰 永 長 脩 賞 仲軌 復 (傳 平三 兼 歸 本爵 吏部 车, 葬 稍 正 遷散 清粹 父 濮 光二年二月, 郎 出 母 以陽伯。 中。 爲 騎 也,牧守 ,善風儀, 待郎 左將軍 遷長 五 , 以下 年,除持節 接 兼 兗州 肅宗講 好學, 业 司 畏之 蕭 徒 刺 衍 左 於 有器度。 累 史。 使 長 國 安西 蕭 跡,惟 史、 子堂, 琛 匹 [將軍 定州 年 太 憲不爲 范 召 和初, 坐事 雲。 、行 大中正 憲 預 之屈, 除名。 雍 以 襲爵, 聽, 州 日; 刺 老 時人 又以子騫爲 尋 史。 後 乞歸養, 又降 遷 以 高 河 尋除 黨附 Z 爲伯。 南 尹 拜 七兵 高 國 轉 肇 趙 拜 授 尚 郡 爲 驍 議 生 祕 太守。 新 騎 御 加 史 將 匹 令

景 脑 亶 憲 敗 北 女壻安 。 長 從 將 計 淮 黎 軍 軍 Ŧ 孝 纶 漿 昌 慰 彧 元 見 /樂王 勞 等 樹 初 而 執 討 元 屯 賜 右 鑒 於 之。 憲 法 樹 衞 據 城 等 僧據徐州 驊 將 南 相 會 乘 騮 軍 州 蕭 之, 馬 胡 行 憲 反 能 遣其 謂 憲 匹, 反 牙 靈 力 不 叛 太 豫 先 仍 屈 護 o 章 破 除 后 軍 以 詔 調鑒 主 元 征 憲爲 城 將 綜 樹 東 降 軍 心 秶 據 將 夏侯 使持節、假 懷 彭 軍 因 則 劫脅 城 揚 求 夏 亶 俄 侯 等 還 州 逐 或 自 來 刺 而 鎭 線降。 詔 無 寇 史、 衍 東將 賜 壽 由 聽歸 淮 憲 口 陽 軍、 南 克 死 徐 大 樹 州 徐 旣 功 時 都 쑄 旣 州 至, 遣 年 督 從 平 都 子 五 敕 下 長鈞 督 韶 十八。 ·蔡軍 付 遣 年, 與安 廷 率 兼 尉 於 衆 蕭 黄 永 、豐王 城 舸 逆 衍 熙 之東 戦。 遺 侍 中 年 延明、 其平 郎 北, 常 贈 軍

列

使持節 、侍中、都督定冀相殷四州諸軍事、驃騎大將軍、 儀同三司、尚書令、定州刺史,諡 日

文靜。

子希遠,字景冲。早卒。

子祖俊,襲祖爵。齊受禪,例降。

希遠兄長鈞,興和中,梁州驃騎府長史。

彭沛, 尉 遘 擢 疾, ,參軍事,轉直後,領侍御史,遷通直散騎常侍。 爲中外府長史,爲齊王納其第二女。 希遠第二弟希宗,字景玄。 興 克之,轉齊獻武王大行臺郎中。 和二年四月卒於郡,年四十。 出後憲兄。 希宗以人望兼美,深見禮遇。 遷散騎常侍、中軍大將軍、金紫光祿 贈使持節、都督定冀滄瀛殷五州諸軍事、驃騎大將 性寬和,儀貌雅麗,涉獵書傳,有文才。 尋爲東南道行臺邸珍右丞,與諸軍討 出行上黨太守。 大夫。 獻 起家太 尋 武 賊 於 而 王

軍、司空公、殷州刺史,諡曰文簡。

長子祖昇,武定末,太子洗馬。

希宗弟希仁,字景山。 武定末,國子祭酒、兼給事黃門侍郎。

希仁弟騫,字希義。 博涉經史, 文藻富盛。 年十四,國子學生。 以聰達見知。 歷大將

軍府法曹參軍、太宰府主簿,轉中散大夫,遷中書舍人,加通直散騎常侍。 曾爲釋情賦,曰:

猶潘生之秋興,王子之登閣也。 代序以長懷,觀爽氣而軫慮。 單關之年,無射之月,余承乏攝官,直於本省。對九重之淸切,望八襲之崢嶸,感 籠樊之念旣多,寥廓之想彌切。 厠鄭璞於周寶,編魚目於隨珠,未敢自同作者,蓋亦各 含毫有思, 斐然成賦。

言爾志云。

岳 旣公侯之必復,亦慶緒之所融。 貞,若坤四之方直。 之三人。協嗜欲於將至,豈物色而方臻。 抱玉 逮藩魏之優遊。 軒教之方洽,遇周命之惟新。 曰:「上東少陽,厥位在寅。 於來裔。 爲嵩。 而懷珠,且滋蘭而樹蕙。 荷峻極之層構, 導積石之洪流。 書金册以葳蕤,布銀繩而昭断。 同羽儀於班氏,均載德於楊公。 爲衢樽於上葉,號木鐸於前修。 條風動物,月值孟春。」王武子詩曰:「於顯我王, 內弼諧於本朝,外關土於殊域。 或舟楫以匡時,或棲遲以卒歲。 譬龍虎其有合,信山川而降神。 績並樹於八凱, 道俱升於二宮。 有馬形而謨舜,亦龍德而史周。 荷天寵以來儀,步康衢而騁力。 清風忽其緬邈,啓皇祖於庚寅。摩伯仁上東門銘 何日月之逾邁,引寒暑而相終。 若緣龍之不隕,似窮桑之世濟。〔〕故 乘紫氛以厲羽, 編乘斯民。俊明有德,嚴恭惟夤。」逢 尚無忝於先人,諒貽厥 若勝庭之五傑, 遂遵流以至海, 負靑天而鼓翼。 爱相趙之鴻烈, 如乾元之利 委晉會於 似不速 且因

列

弱齒,遺堂構於微躬。

道而 等渤澥 迷,宅顯 慚忠信於十邑。 之可望。參四科其未獲,入三選而誰許。 子之萬字,異應生之五行。 修書。 嗟蒙昧之無取,故告舍而不及。 之乘雁,類九罭之逃魚。 晦而乖所。 少賓客於季彥,謝朋交於太初 非珪璋之特達,詎芳菲之易襲。 旣無懷於四至,安有情於再舉。 不請觀於石室,豈借書於晉皇。 處江淮而不變, 已濩落而少成,又擁腫而無立。 本無聲於梁魏,故未聞於 對朝市而閑居。 未砥礪以 雖衣冠之末冑,而世祿之緒餘。 自進, 求班莊 寧琢磨而 空闔門以靖軌,非論 陳汝。 而 不遂,三況廢文 愧精堅於百鍊, 成章。 居玉石以多 乖床

紊, 羣 飛 動於思歸。 自牽役於宰朝,實有懷於胥耻。 遂陟降於庭 而 不存。 見四維之不理。 於溟海,火載燎於中原。 在 正光之御曆, 實明皇之拱己。 天步忽其多難,横流且其云始。 越來流以鼓枻,遡北風而結騑。 止。 同崔駰之謁帝,若謝策之來仕。〔三逮孝莊之入統,乃道喪而時昏。 顧茂草以 延膠船 多傷懷, 在下僚而 視匪車 曾問 而越水,若朽索而乘奔。 栖 旣雲擾而 政於上學,著爲君而我齒。 入成都之舊宅,反觀津之故扉。 屑, 而 思起。 願奮迅於泥滓。 海沸,亦岳 雖風 雨之如晦,亮膠喈而 立而 玉羊失而 眷故 棊峙。 鄉以 叫關 無御, 睇 三 綱 之 日 臨 人以望予, 乃曲肱而 睨,悵有 金雞亡 不已。 水

不悶,信抱甕而 無機。 且耕而食,且蠶而衣。 恒一 日以自省,亦三月而無違。 遊仁義

之肴覈,採墳素之精微。 誠因閑而養拙,亦有樂於嘉肥。

落牖。 芳鮮。起白雪於促柱,奉綠水於危弦。 遂杖策緩步,或漁或田。 弋鳧雁於淸溪,釣魴鯉於深泉。 余心之所守也。至於少昊爲帝,庚辛處躔,視墟里之蕭蕭, 賓奉萬年之觴,主報千金之壽。 石,遂嘯儔而命偶。 外,疏散造化之間。人生行樂,聊用永年。 近援,起次寥於遠天。 及勾芒御節,姑洗之首,散遲遲於麗日,發依依於弱柳。 聽乃越於笙簧,望有踰於新婦。 同浴所之五六,似禊洛之八九。 思多端以類長,若臨水而登山。 。各笑語而卒獲,傳禮儀於不朽。 賦湛露而不已,歌驪駒而未旋。 襲成服以逍遙,願良辰而聊厚。 或促膝以持肩,或援笙而 幸出遊之或寫,冀觀濤之可蠲。 張廣幕,布長筵。 過寒夜之綿綿。 鳥間關以呼庭,花芬披而 斯蓋先民之所樂,而 跌蕩 乃席 酌濁酒,割 積霜靄於 世俗之 壠 鼓缶。 īlii 踞

海 求季主之高說。 而無紀,喻江河而有缺。 悟柱下之稱工,聞首陽之爲拙。 去衡門以策勵,望象魏而投轍。 眷重地而 懼深,念索米而 旣有惜於苽懸,且自悲於井渫。 服毳衣以從務,乘大車而就列。 慚結。 訪鄭詹之格言, 比汗

運有折於玉斗,時忽亡於金鏡。 始蒙塵以播蕩,卒流處而居鄭。彼上天之降鑒,

遺令。 弁之如星。 序,四門穆其惟淸。 倫 實 各秉文而經武,故天平而地成。 於 下 九疇,班平章於百 民之請 奄四海以爲家, 非巡潰以窺井,信夕惕而懷驚。 因艱難以隆基,據殷憂而啓聖。 如得人於漢 開七百 姓。 喻繩契以論蹤, 而 世,比多士於周庭。 增 伊余身之忝穢,得再入於承明。 慶。 援成 昭 調南風以負展,居北辰而 而比盛。 有 信光華之始映。 一匡以作 酌徙歸之故典,究遷毫之 相, 執綸言之猶紼,戴會 或十亂 百揆鬱 爲政。 而 爲 以 創 楨 時

長辭。 志之獲展,庶徽願之逢時。 之爲詩哉。 於瓊芝。 恒 興言於寵辱。 承周任之有言,攬老子之知足。 擊壤而頌,結草而嬉。 同糟醨而無別,混名實而不治。 思散髮以抽簪,願全眞而守朴。 歌致命而 援巢父以戲願,追許子而升箕。 可卜, 奉烱誡 放言肆慾, 詠歸田 以周旋, 眷疏傅以徘徊,望申公 而 有期。 無慮無思。 抱徽猷而 揖帝 供暮餐於沆瀣, 與 城以高 屬。 何鷦鷯之可賦,鴻鵠 每有偃於唯塵, 而 逝 躑躅 , 與 給 人 翼鄙 朝 事 餌 而

尋 加散騎常侍、殷州大中正、鎭南將軍、尚書左丞。 仍以本官兼散騎常侍使蕭衍。 後

坐事免,論者以爲非罪。

騰嘗贈親友盧元明、魏收詩曰:「幽棲多暇日,總駕萃荒坰。 南瞻帶宮雉、北睇拒畦瀛。

沉冥。」 集錄 還沒 夢 流 尹 火 懃 時將末,懸炭漸 孤 後 荆 贈 飛 詔 本 息 將 兼 監 且驚。 軍 太 泂 府 愛 、太常 斗水 少 三褫 云 卿 輕。 殷州 蘇 俄 尋除 終 寒 子惜餘 刺 歲 風率已厲, 史。 征 南 明。 將 丸曾未營。 齊受禪 軍、給 益州 秋水寂 , 重 達 事 友趣, ·黄門 贈 閑 無聲。 使 居 込 持 節 侍 同 郎。 洛涘, 廷尉 層陰蔽長野, 、侍中、都督殷滄二 死 於 辯 歸 晉陽。 交情。 身款 武 凍 所著: **豈若** 城。 酮 暗窮汀。 一州諸 詩 忻蓬 稍 賦 旅 軍 碑 蓽 原 思藋, ·, 收 事 誄 侶 、車 別 志 浴 有 偶 浮 坐

騫 弟 希禮 ,字景節 o 武定末 ,通直散騎常侍 大將軍

・、儀同

三司

',仍殷

州

刺

史,

諡

日

文惠

希遠庶長 兄長劍 , 急興和 中 · ,梁州 驃騎 府長史。

與 兄 敷 式 弟 同 奔 死。 字景世。 太和 初, 美容貌, 文明太后追念弈兄弟, 有 才 藝。 早歷 顯 乃誅 職 李訢, 散騎 常侍 存問 · 、 宿 憲等 衞 監、 都官尚 家, 云 書, 歲 安平侯 時 賜 以

,

布 帛

安,冏 之 驤 一日.「一百. 將 軍 弈 以 · 、 南 卿 別 咸 生弟問 陽 豫 昨 州 Щ 有 河 刺 啓, 字道 史。 險 固 欲 秦漢 還, 度。 股 都 拜冠 此。 少為 舊 都 軍 中散。 昔婁敬 將軍 古稱 0 逃避 陸 尋除 說, 海, 得 光祿 漢祖卽日 発。 勸 高 大夫,守 祖 太和 去 西駕。 洛 中,拜下 度 陽 支 而 尙 都 尙 書今 大夫、 書。 之。 以西京說朕, 後高 二十 南部 祖 給 年,高 引 事 見 o 笑 出 仍使股 加 爲 m 幸 謂

列

傳

第

\_

+

匹

李

順

敬之言,合於本旨。 言,常面折高祖,彈駁公卿,無所回避,百僚皆憚之。 不廢東轅,當是獻可 右僕射。 上動。」高祖大悅。 雖才學不及諸兄,然公强當世,堪濟過之。 其年冏卒。 今陛下百世重光,德洽四海,事同隆 理殊,所以今古相反耳。」問對曰:「昔漢祖起於布衣,欲藉 賜錢二十萬, 布百匹,朝服一具,衣一襲。 高祖常加優禮,故車駕巡幸,恒兼尚書 周 ,均其 職貢,是以愚臣獻說,不能 冏性 嶮 一鯁烈, 以 自 固,婁 敢直

空從事中郎、博陵太守。 子祐,字長禧。 篤穆友于,見稱於世。 所在亦以清幹著 稱 歷位給事 中、 尚書祠部郎、 相州撫軍府長史、司

順弟修基,陳留太守。卒。

子探幽。探幽兄子洪鸞,河間太守。

洪鸞孫悕傑,樂陵太守。武定中,以貪汙賜死。

脩基 季弟惲,字善祖,小字藥囊。 少有高名,爲中書侍郎。 從世祖征涼州,戰沒。 時人

咸惜焉。

初 順 與從兄靈、從弟 孝伯並以學識器業見重於時, 故能砥礪宗族, 競各修尚。 靈 與族

叔詵、族弟熙等俱被徵。事在高允高士頌。[刊]

詵,字令孫。京兆太守。 詵後繼。闕

司馬, 郡,批强扶 秀林,小名榼 加冠 弱 軍 一政以 ·將軍 、定州大中正、太中大夫。 (威嚴) 性 强 為名。 直。 太和 以母 中, 憂 去 自 職 中 書 IF. 後為 博 光 士爲頓丘相,豪右畏之。 中卒,年六十三。 太尉 浴騰. 参軍 ·,假節,行荆 贈左將軍 景明初,試 ・、齊州 州 事。 刺 守博 拜司 史。 烫 徒

葛樂, 都督。 祿 呼曰 定州鎭軍 4 戶 持節、散騎常侍、安北將軍、兼給 ), 加 大夫、 刺 史。〇 市王、驛王。 子裔 征 逐繫裔及高敖曹 賊旣圍城,裔 東將 齊獻武王大丞 長史,加輔 ,字徽伯。 四年八月,宇文黑獺攻陷州城,被執見害,年五十。 軍。 車駕 乃封 潛引洛周,州遂 或 出後 遷鄴,爲大行臺右丞,留在洛陽,監修宮 裔為定 將軍,帶博 、薛脩義 相諮 秀林兄鳳林。 議參軍。 州王。 、李無爲等於晉陽。 事黃門 陵太守。 陷沒。 洛周 天平初, 侍郎、慰勞山 裔 尋爲葛榮所滅, 初除汝南王悅常侍, 于時逆賊杜洛周 洛周僭竊,特無綱 以預定策之功, 從榮至洛。 東大使。 裔仍 侵亂 紀,至於 殿。 永熙中,除鎮 封固安縣開 事榮。 稍遷定州 韶贈使持節、都督定冀瀛 榮死乃免。 州界,尋假平北 尋除: 市 永安初, 使持 令驛 別駕。 國伯, 普泰 東將軍、金紫 節 帥 ··, 咸 介朱榮旣擒 、大將軍、陝 孝 初 將 食邑四 昌 以以 以 軍 ,防城 中, 爲王, 裔 爲 光 爲

列

八四四

四 州 諸軍 事 、驃騎 大 將 軍、尚書令、司徒公、定州刺史。

子直 ,襲。〔五〕武定末, 司徒屬。 齊受禪,例降

裔弟景義,大司馬諮議參軍、殷州 大中 正

景義弟伯穆,武定末,合州刺史。

曉

卒,時年四十四。 官爲軍司,與楊大眼、奚康生等率衆迎接。 喻,仍誅泰等。 舉兵作逆,令弟集義邀斷白馬戍。 蠻 城撫慰,民咸忻悅。 書侍御史。 至,遂共平之。 金養俱討之,大破集起軍。會秦州民呂苟兒反,煥仍令長樂等由麥積崖赴援。 擾動,敕煥兼散騎常侍慰勞之,降者萬餘家。 秀林從弟煥,字仲文,小字醜瓌。 恒州刺史穆泰據代都謀反,高祖詔煥與任城王澄推治之。 景明初, 遷司 空從事 時氏王楊定進猶據方山,與苟兒影響,煥密募民趙芒路斬定進。 贈征虜將軍 仍行揚州事, 、、幽州刺史、諡曰昭。 賜爵容城伯。 敕假煥平西將軍, 中郎。 有幹 用。 <u>煥至淮西,叔業兄子植遣使送質。</u> 蕭寶卷豫州刺史裴叔業以壽春歸附,詔煥以本 少與酈道元俱爲李彪 除輔國將軍、梁州刺 軍還,行河內郡事。 督別將石長樂、統軍王祐等與軍 拜司 所知。 史。 煥先驅至州,宣旨 時武 徒右長 自給 煥等濟師, 屬都督 興氏楊 還朝 史。 事 中轉治 集起 以荆 遇患 元麗 司 芍

子密、武定中、襄州刺史。

侍。 陽王繼第,肅時侍飲,頗醉,言辭不遜,抗辱太傅、淸河 福,故紹愛之。 初蹈 秀林 附侍 族子肅, 中元暉 延昌四 字彥邕。 ,後以左道事侍中穆紹 一年,薦肅爲黃門郎,加光祿 歷奉朝請, 凊 河王懌郎 常裸身被髮, 大夫。 中令。 王懌,爲有司 |肅爲 稍遷洛陽令、 畫腹 性酒 、銜刀, 狂 彈 ·熙平 劾。 於隱屏之處 步 初從 兵校尉、 靈太后怒之,出 靈 太后幸江 員 爲 外常 紹 求

爲 章武內史。 歲餘,遷右將軍、夏州刺史。卒,贈左將軍 、齊州 刺 史。

拜左軍將軍。 大 中正。 潚 從弟曒,字景林。 孝昌二年冬,卒,年五十七。 正光中,元叉以其弟羅爲青州刺史,曒爲羅平東府長史。 有學識。 初除奉朝請,太學博士、司空主簿。 贈平東將軍、齊州刺史、諡曰宣。 以 遷廷尉少卿、 母 憂去 職。 服闋,

子愼,武定中,東平太守。

軍 都 廟 司 ·、金紫光祿大夫。仍除北雍州刺史,將軍 牆 ☆都,以仲庭爲營構將作,〔10〕進號衞大將軍。 徒 宇 左長史、弘農太守。先是,宮牛二姓阻嶮爲害,仲琁示以威惠, 曒從弟仲琁,奉朝請、定雍二州長史、太尉諮議、中散、太中大夫、東郡汲郡二郡太守、 頗有頹毀,遂修改焉。 還,除將作大匠。 一如故。 所歷並清勤有聲。年六十六,卒。 出 除 轉車騎將軍、左光祿大夫。 車騎大將軍 一、克州 並卽歸伏。 刺史。 仲爽以孔子 天平初 還除衛將 贈驃騎 遷

大

將軍

、儀同三司

、青州刺史。

八四六

子希良, 侍御 史。

**詵從子善,犯孝靜** 諱。 趙郡 太守。

子顯進,州 主 簿

顯進子映,字輝道。 南安王國常侍、光州 征虜府主簿、相州治中、寧朔將軍、步兵校尉。

孝昌 三年冬卒,年四十二。 天平 中,贈通直散騎常侍、輔國 將軍、殷州 刺 史。

子普濟,武定中,北海太守。

之勳,賜爵趙郡公。 映弟育,字仲遠。 後除征東將軍、金紫光祿大夫。 奉朝請。 稍遷揚烈將軍、 奉車都尉、 都督相州防 城 別 將。 以拒葛榮

天平四年夏卒,

年五十七。

贈驃

騎大

將軍、都官尚書、定州刺史、諡曰貞。

子惜,襲。 武定末,齊文襄王大將軍府記室參軍。 齊受禪, 爵例降。

顯進弟恃顯,位至左中郎將。 卒,贈中壘將軍、安州 刺史。 恃顯養京兆王愉妾楊氏爲

女,愉改楊姓爲李,而親念恃顯 恃顯子道舒與愉同逆。 愉敗,走発。

第三子道璩、武定末、范陽太守。

道璩弟道瓘,少以父譴被刑,位至 中常侍

|恃顯弟曄,字季顯,涉歷書史。 司徒行參軍。稍遷濟州輔國府長史。 坐兄事免。 後除

以兵糧,令築谷陂城以立洛州,逼 尙 大 破之。 書中兵郎, 乘勝拔谷陂,叔興退走。 遷冠 軍、中散 大夫。 土山 正光 軍還,仍除尚 戍。 二年,南荆 詔 曄 書 持 州刺 左 節 丞。 史 兼 桓叔興驅掠城民, 尙 出除洛州刺史,將軍 書 左 丞爲 行 臺, 叛 督諸 入蕭衍, 如 故。 軍 討 未拜, 叔興, 行資

卒。贈左將軍、齊州刺史。

子暉賓,美容貌,寬和沉雅。太學博士。

暉賓弟

山儒

,少而清立,學涉羣書。

山儒

少弟大蓋

並

草卒。

爲民。 民 州 拒葛榮之勳,賜爵趙郡公,拜撫軍 寶夤長史。 與熙長史柳元章、別駕游荆之等率衆擒熙,賞爵昌 鎭北府長史。 **曄族弟孝怡**,字悅宗。 後安樂王鑒鎭鄴,起孝怡爲別將。 從中山王英破 遷冠軍將軍、魏郡太守。 蕭衍臨 中書學生、 川王蕭宏於梁城 將軍、光祿大夫。 相州高 永安初,除左將軍、太中大夫,仍爲防城都督。 相州刺史、中山 陽王 雍 「樂伯。 永安三年,行殷州事 除朔州安北府長史, 主簿、廣陵王羽掾、新蔡 王熙據鄴起兵也, 靈太后反政,以孝怡叉黨,除名 又爲 遷驃騎大將軍 孝怡陰結募 太守、 中堅將軍 別將 |相 以 城 蕭

光祿大夫。武定六年卒,八十。

左

子思道,儀同開府中兵參軍,武城縣公。

熙,字仲熙。 中,與高允等俱被徵,拜中書博士,轉侍郎。 以使沮渠有功, 賜爵元

氏子,加中壘將軍。 卒,贈鎭東將軍 、豫州刺史、諡 日

子季主,襲。卒,贈青州刺史,諡曰貞。

後拜中堅將軍、殷州 軍,帶扶柳令。 子遺元,襲。 爲愉 初除冀州趙郡王幹東閤祭酒,累轉尙書左民郎中、冀州京兆王愉功曹參 征北將軍長史。 所親,逼與同反。 卒,年六十三。 愉敗,遺元逃竄, 贈征 會赦乃雪。 北將軍、定州刺 復除兗州平東府長史。 史。

子恃寧,以父事被刑。」武定末,官至中尹。

恃寧弟子寧,襲爵。 開府 默曹參軍。[1]齊受禪,爵例降。

熙族孫蘭和,自右軍將軍歷平陽、勃海二郡太守。

蘭和弟蘭集,平昌太守。

一十二,舉秀才,射策,除奉朝請,領國子助教。 熙族孫同軌。曰司體貌魁岸,腰帶十圍。 學綜諸經,多所治誦,兼讀釋氏,又好醫術。 轉著作郎,典儀注,修國史。 遷國子博士, 年

加征虜將軍。

年春釋菜,詔延公卿學官於顯陽殿,敕祭酒劉廞講孝經,黃門李郁講禮記,中書舍人盧景宣 永熙二年,出帝 幸平等寺,僧徒講說,敕同軌論難,音韻閒朗,往復 可觀,出帝善之。

名僧 爲 解 慨 {大 於其 戴 恨。 禮 (愛敬、 天 夏 平 小正 中、二三十 同泰二寺,講涅槃大 0 轉 時 中 廣 書 招 侍 儒 學, 郎 ō 引令 品 興 經,引 和 預 中, 聽。 同 兼 軌 同軌 通直 預 席 散 經 ,衍兼遣 騎 義 常 素 侍, 優, 其臣並共 辯 使 蕭 析 兼美, 衍。 觀聽 衍 而 深 不 耽釋學,遂 同 得 軌論 執 經, 難 深 集

者, 亦殊嗟悼,賻襚 同軌夜爲解說,四時 盧景裕卒,齊獻 甚 武王 厚。 恒 引同 贈驃騎 爾,不 軌 大將軍、瀛 以 在 館教諸 爲 倦。 武定四年夏卒, 公子,甚嘉禮之,每 州刺史,諡曰 康 年四十七, 旦入 授, 時 日 暮 人傷惜之。 始 歸。 緇 齊獻 素請 武

之,道俗咸以爲

善。

同軌兄義深,武定中,齊州刺史。

同 軌 弟幼舉,安德太守。 武定中,以 在 郡貪汙,輒召部曲還京師,棄

幼舉弟之良,有幹用。前將軍、尚書金部郎。卒。

之良弟稚廉,武定末,幷州儀同開府長史。

克 敷 廣 式 其猷,宗緒扶疏 史臣 兄弟,位望並 李順器宇才識,一時推 高 人位盛顯,可謂字雖舊族,其世 憲風度恢 雅,夙重朝列。 重,謀宣中 國,氣折 而 遭 唯新矣 隨 外蕃。 有 命 ,報施俱 所以世祖 爽。 垂 嗚呼 心,而 以兹盛德, 崔 浩 側 目

### 校勘記

- 似窮 桑之世 濟 諸本「桑」作「葉」, 獨局本作「桑」。 按左傳昭二十九年蔡墨稱少皡氏有四叔,
- 求班莊 「世不失職,遂濟窮桑」,賦用此典故。 而不遂 按「班莊」不知所出。 今從局本。 前幾句都說讀書事, 後漢書卷四〇班固傳,稱固讀書禁

中,或卽指此,但「莊」字不可解,疑字訛

若謝兼之來仕 拜童子郎。」上云:「騫年十四,國子學生」,事類謝廉,故以此爲比。「兼」當是「廉」之訛, 按後漢書卷六一左雄傳稱:「汝南謝廉、河南趙建年始十二,各能通經,雄並奏 否則

後漢書「兼」訛「廉」。

- 뗃 誤引 州。 禹爲友,世稱『王陽郎吉在位,貢公彈冠』,言其取舍同也。」 益州達友趣 ,但也可證此詩用的是王吉、貢禹事。 「反」字訛,今據改。 御覽卷四〇六一八七九頁引漢書,說王吉爲益州刺史時薦貢禹, 諸本「友」作「反」,北史卷三三李騫傳作「友」。 按漢書卷七二王吉傳云:「吉與貢 王吉曾官益州刺史,故稱他爲「益 今漢書本傳無此語,或是
- 五五 希遠庶長兄長劍 墓誌集釋李憲墓誌記李憲諸子皆無此人。檢上文於騫子希遠下記「希遠兄長鈞, 北、汲、殿、局四本「長劍」單作「劍」,百衲本、南本作「長劍」。 興和中、梁州 北史卷三三、

與長劍同。 驃騎府長史」。 八瓊室金石補正卷一八、越縵堂文集卷七跋李憲墓誌都認爲長鈞 長鈞是希遠兄、却排在希遠後、墓誌亦同、說明其爲庶長子。 時、地、 長劍實是一人, 官位又全

魏書誤分爲二。 按魏收是長鈞弟李騫的「親友」見上器傳, 不致謬誤至此。 疑他書 「長鈞」 偶訛

「長劍」,後人以爲二人,妄加此一行。

. -------存問憲等一二家 按「一二家」當是「三家」之訛、指李順子敷、 式、弈三家,或敷兄弟與從弟顯

德、妹夫宋叔珍三家。 事見上文李敷傳。

-6 尋除使持節大將軍陝州刺史 事在高允高士頌 李慈銘云:「『高士』當從北史作『徵士』。」 北史卷三三李裔傳、「大將軍」上有「候衞」二字。

按李裔軍號先

號。 止「征東將軍」第二品,死後贈官是「驃騎大將軍」從第一品,不可能此時給以大將軍正一品 但東魏初也沒有「候衞大將軍」之官。疑是「衞大將軍」,此傳脫「衞」字,北史衍「候」字。 的 軍

. ≠. ∪ 子直襲 北史卷三三「直」作「子旦」。按隋書卷四六李雄傳也作「子旦」,這裏當脫「子」字,「旦」

訛 直 o

以仲琁爲營構將作 作『營構都將』,北史作『營構將』,疑當從碑, 北史卷三三本傳無「作」字。李慈銘云:「碑李仲琁修孔子廟碑,見金石萃編卷三一 此『作』字涉下文指將作大匠而行。」按 「營構都將」

見卷四五章闡附姜儉傳、卷四九李靈附李道傳、卷七六盧同傳、卷七九張熠傳, 也或作一將作都

列

將」,見卷八九羊祉傳補,從未見「營構將作」之名。疑本作「營構將」,省「都」字,與北史同,「作」

字衍。

開府默曹參軍 法、墨、田、水、鎧、集、士等曹行參軍」。 儀同三司加開府也有諸曹屬官, 按「默曹」當作「墨曹」,隨書卷二七百官志中稱北齊三師、二大、三公府屬官有 雖有減少,墨曹却未

減。 北齊當因魏制。 魏書中「墨曹」常作「默曹」,今不改,以後也不再出校記。

熙族孫同軌 按卷八四儒林傳也有同軌傳,除傳首不同及傳末無「同軌弟幼舉」外, 文字全同,

實是一人二傳,參卷八四校記〇〇。

天平中 和」,只能是「天平」。「太」字訛,今據改。 諸本「天平」作「太平」。 卷八四李同軌傳此傳重出作「天平」。按上稱「永熙」,下稱「興

# 魏書卷三十七

## 列傳第二十五

### 司馬休之 司馬楚之 司馬景之 司馬叔璠 司馬天助

司 馬休之,字季豫,本河內溫人,晉宣帝季弟譙王遜之後也。〔〕司馬叡僭立江南,又以

遜

子孫襲封。至休之父恬,爲司馬昌明鎭北將軍、靑克二州刺史。

畒 與德宗鎭北將軍魯宗之、宗之子竟陵太守軌等起兵討裕。 文思繼休之兄尚之爲譙王,謀圖裕,裕執送休之,令自爲其所。休之表廢文思,幷與裕書陳 謝。 玄後,還建鄴,裕復以休之爲荆州刺史。休之頗得江漢人心,劉裕疑其有異志。 奔襄陽。 神瑞中,裕收休之子文寶、兄子文祖,並殺之,乃率衆討休之。 天興五年,休之爲司馬德宗平西將軍、荆州刺史。曰爲桓玄逼逐,遂奔慕容德。劉裕誅 裕復進軍討之。 太宗遣長孫嵩屯河東,將爲之援。 裕軍至江陵,休之不能敵,遂與 時姚興征虜將軍姚成王、冠 休之上表自陳於德宗, 而 休之子

列

傳

第二十

五

司馬

休之

軍 將 軍 司 馬 或 璠 亦 將兵救之,不 ·及 而 還。 休之遂與子文思及宗之等奔 於 姚 興

年 將 韓 妻 殞 延 子 之、 喪 裕 詣嵩降。 滅 殷約 股 姚 谌 泓 , 平 一愍焉。 休之與文思及 ·西參 月 餘, 其追 軍 休之卒 桓 贈 謐 征 于嵩 德宗 西 桓 璲 大 將 軍 及 河 軍 間 桓 · 、右 王 溫 詔 子 日 孫 光 道度、道子, 道 祿 司 賜 大 馬休之 夫, 輔 或 諡 將 率 始 勃 軍溫 平 其 海 聲公 同 刁雍 楷 義 元,竟 萬 陳 陵 里 內 郡 歸 袁式 史 誠 魯 雅 軌 等 數 操 荆 不 白 州 遂 治 皆 中 中

語 告 南 義 隆 之,皆坐誅 文思 趣 襄 遣 文 思 陽 將 ,言己將與 與淮南 裴 邀 方 其歸 明 以 擊楊 公國 文思 溫楷 路 0 璠 難當 及三 還京 爲 廷 池 於 為懷 尉 城 陽 仇 胡 卿 子 池 陽 酋 道 朔鎭 王珍 世 賜 節鬱 祖 不 將 平, 以 林 曹 文  $\equiv$ 栗等 而 公。 思 興 偽 爲假 安 善 外 親 初 於 叛 之, 節 薨 其 引 因 征 職 說 與 南 京 飮 聽 大 宴。 訟 師 將 豪 斷 軍 獄 强 國 璠 可 進 白 一爵 性 與 姓 譙 疏 爲 不 謀 直, 復 一,督 數 匿 因 十人 洛 其 酒 豫諸 情 醉 0 文 思 劉 逐

子 爾陀 襲 爵 以 選尙 臨 涇 公主, 而 辭 以 先 取 毗 陵 公竇瑾女。 與蓮並坐 元 詛 伏誅。

其 參 軍 긁 楊 馬 楚之, 承 配 所 字德秀, 殺 楚之時年十七,送父喪還丹楊。 晉宣帝 弟太 常 馗 之 八 世 孫 父榮 値 劉 裕 期 誅 司 夷 馬 司 德宗 馬 戚 梁益 屬 叔父宣期、 州 刺 爲 兄

貞之並 爲所殺。 楚之乃亡匿諸沙門中濟江。 自歷陽西入義陽、 竟陵蠻中。 及從祖荆州刺

史休之爲裕所敗,乃亡於汝潁之間。

報復, 雖有所防,恐有所失。」謙遂委身以事之。 首於席下,以狀告之曰:「將軍爲裕所忌憚,願不輕率,以保全爲先。」楚之歎曰:「若如來言, 謙夜詐疾,知楚之必自來,因欲殺之。 楚之少有英氣,能折節待士。 收衆據長社,歸之者常萬餘人。 與司 楚之聞謙病,果自齎湯藥往省之。 馬 劉裕深憚之, 其推誠信物,得士之心,皆此類 順明、道恭等所在聚黨。 遣刺客沐謙害楚之。 及劉裕自立,楚之規欲 謙威其意,乃出匕 也。 楚之待謙甚厚。

荆 抃舞,思奉德化。 以制服人望。 州 刺史。奚斤旣平河南,以楚之所率戶民分置汝南、南陽、南頓、新蔡四郡,四以益豫州 太宗末,山陽公奚斤略地河南,楚之遣使請降。 若蒙偏裨之號,假王威以唱義,則莫不率從。」於是假楚之使持節、征南將軍、 而 逼於寇逆,無由自致。臣因民之欲,請率慕義爲國前驅。 因表曰「江淮以北、聞王師南首、無不 今皆白衣,無

思舊, 使持節、安南大將軍,封琅邪王,屯潁川以拒之。 世 義衆雲集,汝潁以南, 祖初,楚之遣妻子內居於鄴,尋徵入朝。 望風 回首革面。 時南藩諸將表劉義隆欲入爲寇,以楚之爲 其長史臨邑子步還表曰「楚之渡河,百姓 斯誠陛下應天順民,聖德廣被之所致

列傳第二十五 司馬楚之

也。

世祖

大悅,璽書勞勉,賜前後部鼓吹。

漢。 未 勝 託 耻 搖 疏 叉 人 之威 與冠 疾, 賓 其 至 動 日二 造 世 者 敗 荆 義 檀道 祖 北, 揚 軍 義 降 臣 建立 臣 隆 奉 將 將 以 多加 私 濟斥 所 兵 命 軍 到 而 功勳 讎 在 彦 南 安 已。 **外勞,不從。** 罪罰 順 放 陳 之派 伐 頡 亦 爲 說, 今天 一,受任 攻滑臺,拔之,擒義隆將朱脩之、李元德及東郡太守申謨,俘萬餘 司 凡在 河而 因 具論 州 到 網 離 刺 一方,而 彦之削 腹 貢 西,列守南岸,至於潼關。 遐 史,統淮 以 天 心, 舉,殊方 之 散 朝盛化之美, 勢。 悉 位, 騎常侍 智力淺短 懷 伏惟陛 北 退同卒伍 仰德。 疑阻。 七郡,代垣苗守懸瓠。 徴 還 下聖德膺符 莫不忻承聖德,傾首北望。 民怨 誠節未效,所 固 宜 殺姚縱 臣猜, 掃 清 及彥之等退走,楚之破其別軍 東 , 道 夫於壽春,斬竺靈 可謂 南 光四 以夙夜 齊 今日。 自鞏 海 區字,使濟濟 浴、 憂惶,忘寢 神神 臣 旌 聞 滑臺 所指,莫不 而 平殄寇逆, 秀 義隆 於彭 敗散 與食。 之風 兄弟知 城,王 :已來, 推服, 一被於 於 必 臣 長社 乘 屢 休 義 人 Ŀ 其 造 情

陽 公皮 從 豹 征 子 凉 等督關 州 以 功 中諸軍 賜 隸 戶 從散關 一百。 西入, 義隆 擊 遣 走 將 裴 方 明 方 滴 明、 崇之。 胡崇之寇仇 仇 池 平 池。 in Til 還 以 楚之爲假節, 與 |淮

察。楚之曰:「必是覘賊截之以爲驗耳,賊將至矣。」卽使軍人伐柳爲城,水灌之令凍,城立 令 擊楚之等 車 駕 伐 以 蠕 絕 蠕 糧 韶楚之與濟陰公盧中山 運。 蠕 蠕乃遣 一姦覘 入楚之 等督運 軍 以繼 截 騙 大軍 耳 而 · 0 去。 時鎭 有告失驢耳者 北 將 軍 封 沓亡 入蠕蠕 諸 將 莫 能 而

賊至。 冰峻城固,不可攻逼,賊乃走散。 世祖聞而 嘉之。

十餘年,以淸儉著聞。 事、征南 尋 拜假節、侍中、鎭西大將軍、開府儀同 大將軍 (領護西戎校尉、揚州 和平五年薨,時年七十五。 刺史、諡貞王。 三司、雲中鎭大將、朔州刺史,王如故。 高宗悼惜之, 陪葬金陵。 贈都督梁益秦寧四 州諸軍 在邊二

長子寶胤,與楚之同入國。 拜中書博士、雁門太守。 卒。

顯 祖 在東宮、擢爲太子侍講。 楚之後尚諸王女河內公主,生子金龍,字榮則。 後襲爵。 拜侍中、鎭西大將軍、開府、雲中鎭 少有父風。 初爲 中書學生,入爲 大將、朔州 中散。 刺 史。

初納太尉、隴 女,世祖妹武威 西王源賀女,生子延宗,次纂,次悦。 公主所 生也。 有寵於文明太后,故以徽亮襲。例降爲公。 後娶沮渠氏,生徽亮,即河西王 坐連穆泰罪失爵 沮 .—

徴

爲

吏部尚書。

太和八年薨。

贈大將軍、司空公、冀州刺史、諡康王。

贈絹

一千匹。

金龍

延宗,父亡後數年卒。

子裔,字承業。 世宗時,悅等爲裔理嫡, 還襲祖爵。 位至後軍將軍。 卒,贈征虜將軍

洛州刺史。

子臟,襲。齊受禪,例降。

纂,字茂宗, 中書博士。 歷司 州治中、別駕,河內邑中正。 永平元 年卒。 贈鎭遠將軍

南 靑 州 刺 史, 諡

子澄,字元鏡。 司 州秀才, 司空功曹參軍 、給事中。 卒,贈龍驤將軍、夏州 刺史。

澄弟仲粲,武定中,尚書左丞

悦,字慶宗。 自司空司馬出爲立節將軍、建興太守,轉寧朔將軍、司州別駕。 遷太子左

衛率、河北太守。

鞘。」及祖款引, 實。 疑民張堤為劫,又於堤家得錢五千。 此 刀鞘門手所作, 刀鞘而已。」悦取鞘視之,曰:「此非里巷所為也。」乃召州城刀匠示之,有郭門者前曰: 引見毛奴兄靈之,謂曰:「殺人取錢,當時狼狽,應有所遺,此賊竟遺何物。」靈之云:「唯 世宗初、除鎭遠將軍、豫州刺史。 靈之又於及祖身上得毛奴所著皂襦, 去歲賣與郭民董及祖。」悅收及祖, 堤懼拷掠,自誣言殺。 時有汝南上蔡董毛奴者,齎錢五千,死在道路。 及祖伏法。 詰之曰:「汝何故殺人取錢 獄旣至州,脫觀色察言,疑其不 悦之察獄,多此類也。 m 遺刀 郡 豫

州于今稱之。 蕭 悅

行遣其豫州刺史馬仙碑, 左軍將軍、永陽戍主陳可等率衆一萬, 於三關南六十里因山起 與鎭南將軍元英攻義陽,克之。 韶改蕭衍司州爲郢州,以悅爲征虜將軍、郢 州 刺史。

燔 城, 起 且 城 違 其 名爲 京 城 仙 樓儲 旣 竹敦, 琕 **外**,屢請 輕 積 騎 遣 東 擒 其輔國將軍、 入朝。 西爲之節度。 薊沛 及 미 其 遂 輔 此 國將軍 濟陰太守薊沛精卒二千以戍之。 志, 關南之民,多懷 聽 ` 其赴 軍 主劉 製。」 靈秀。 兩 尋認 望。 以本 詔 悦 日 令 將軍 西關 司馬悅首 爲 後於關南四十里麻陽 統 豫州 軍 諸 刺 謀 靈 史。 義 鳳 陽, 掩擊,敗之, 論義 征 陽之 略 有 售 捷 栅

馬倪 愍。 用慰亡存。」贈平東將 暴罹 尚 永 平元 書 横 可 酷,身首異所, 量 年,三城 贼 將齊苟兒等 軍、青州 人白早生謀爲叛逆,遂斬悅首 或 四 一戚舊勳 刺 人之中 史,賜 , 帛三百 特 分遣二 可 悼 匹,諡 念。 人, 敕揚 主書董 1, 送蕭 日莊 州 0 行。 子 紹 爲 朏 移 , 銜 , 旣而 襲 命 以 爵 易 公行 邢 悦首 巒復懸 囚 及紹, 漂殊 瓠, 域,事 迎接還本。 詔 可矜 司

封

漁

陽

縣

開

或

子,食邑三百戶

朏 尚 世 宗妹 華陽公主 一,拜 駙 馬 都 尉。 特除 員 外散騎常侍, 加 鎭遠將軍。 正光五 年,公

子鴻,字慶雲。 月餘 朏 卒。 性 贈 粗 左 將 武。 軍 襲爵 滄 州 位 刺 至都水使者。 史。

坐

與

西賊交通

賜

死

子孝政 襲。 齊 受禪 爵 例降

軍 、河內公。 金龍弟躍, 躍 表 字 寶 罷 龍 河 西 苑 尙 封 趙 郡 與民 公主,拜 2墾殖。 駙 有司 馬 都 尉。 執奏「此麋 代兄 爲 雲中 鹿 所聚, 鎭將、 太官 朔 州 取 給, 刺 史, 今若與民, 假安北將

祿大夫,賜朝服一具、衣一襲、絹一千匹。 祖從之。 損?尋先朝置此,豈苟藉斯 至於奉獻 詩禽、懼有所闕。」詔曰:「此地若任稼穡、雖有獸利、事須廢封。 還爲祠部尙書、大鴻臚卿、潁川王師。 禽,亮亦以俟軍行薪蒸之用。 楚之父子相繼鎭雲中,朔土服其威德 以疾表求解任。 其更論之。」 太和 十九年卒。 躍固請宜 若是山澗,虞禁何 以與民,高 贈金紫光

司馬景之,字洪略,晉汝南王亮之後。 太宗時歸闕,爵蒼梧公,加征南大將軍。 清直有

節操,太宗甚重之。卒,贈汝南王。 子師子襲爵。

公、假相州刺史。隨駕至京。 後降號爲平遠將軍,改爲密陵侯。 景之兄準,字巨之。以泰常末,率三千餘家歸 出除廣寧太守。 興光初卒。 悦近來遠,清儉有稱。 國。 子安國襲爵。 時太宗在虎牢,授寧遠將軍、 世祖嘉之,賜布六百 新蔡

兄國璠北奔慕容超。 司 馬 叔璠,晉安平獻王孚之後也。父曇之,司馬德宗河間王。 後西投姚興。 劉裕滅姚弘,北奔屈丐。 世祖平統萬,兄弟俱入國。「太」 桓玄、劉裕之際,叔璠與

國 璠 賜爵淮南公。 卒,無子,爵除。 叔璠,安遠將軍、丹楊侯。

虎牢 陽 太守,治有清儉之稱。 長 滑臺、洛陽三城, 子 靈 壽 靈 壽 出 除陳郡 ,神魔中, 太守。 太和 徙五 與弟 九年卒。 百餘家 道 劉義隆 壽俱 入河內。 來 侵境, 詔靈壽招 贈懷州刺 歸 國。 叉從討 靈壽 史,諡 蠕蠕, 冠軍 引義士, 日 . 靖。 將軍 西征 靈壽娶太宰、頓丘王李峻女,與 得二千餘 溫縣侯 涼州, 所在著 人,從 道壽, 功。 西平公 寧朔 出 派將軍 安頡 爲遼 宜 破 西

婦父雅不相善,每見抑 退,故位不大至。

子惠安,高 祖 時襲爵。 歷恒州 別駕、桑乾太守、太尉諮議參軍 事。 卒。

子祖珍, 年十 五,舉司 州秀才。 解褐員外散騎侍郎。 年十八,先父卒。

馬。 祖珍弟宗龐, 善射,未 曾自伐。 世宗時,父惠安以久病 性閑淡,少所交遊。 識者云 其淳至。 永安中卒。 子嵩

啓以爵

轉授。

解褐安定王府騎兵

〈参軍

洛州龍

司 惠安弟直安, 歷位 尚書 郎、 濟北 濟南 二郡太守、 員外散騎常侍。 還京,爲中散大夫,加征虜將軍 蕭寶夤征 鍾離 。 引

太 中大夫,遷左將 軍。 正光四年卒。 贈大將軍、濟州刺史。 長

史。

坐軍退,発官

加刑。

以疾

得免。

尋除

東平原太守。

府

子龍泉,滄州開府長 史。

道壽 長子元興,襲父爵

列

傳

第

\_

+

五

司

馬

景

之

司

馬

叔

璠

八六二

將 軍 、涼 子 元 景 興 州 弟 和 刺 仲明, ,給事 史。 坐貪殘,爲御史所彈, 中,稍遷揚州驃騎府 侍 御 史、中書舍人。 長史、清河內史。正光元年卒。 以謹 遇赦 敏著 免, 積 稱。 年不敍。 稍遷 衞 後娶 尉 少卿,仍領舍人。 靈太后從姊 贈 左將軍 爲繼室,除 平州 出 爲 刺 征 史。 武 虜

北將軍、恒州刺史,常侍如故。正光五年卒。

衞

將

軍

征

虜

將軍

o

轉光

禄

大夫,武

衞

如

故。

遷

大司

農

卿,加

安

東將軍

、散騎常侍。

出

安

贈 散 騎常侍、 子 彦邕, 都 有風 督懷洛 望。 二州諸軍 正 員 郎。 事、 稍 驃 遷 騎 相 大 州 刺 將軍、儀 史、 驃騎大將軍、左光祿大夫。 同三司、 懷 州刺 天平四年卒。

靑 眞 軍 ٠, 君 徐 前 三年, 司 後 州 馬 多 天助, 刺 與 所 史、 司 虜 自 馬 獲。 東海 云 文 思 司馬 公。 拜 等 侍 南 德宗驃騎將軍元顯 中、 天 討 助 都 招 還, 督青徐兗 率 義 叉 士 從駕 , 三州 欲 北 之子。 襲裕 征 諸 東 軍 在 平、 劉裕 事 陣 殁。 濟 首立, 征 北 東 將 功 軍 郡 來 及 青
完
二 城 歸 成, 闕。 (F) 州 叉 刺 破 除 裕 史,公如故 平 將 東 閭 將軍 萬齡

子元伯 字 歸都。 襲爵 後 降溫 縣子。 太和 中, 爲 建威將軍 、泰山太守。

史臣曰 語司馬以亂亡歸命。 楚之風概器略,最可稱乎? 其餘未足論也。 而以往代遺

緒,並當位遇。 可謂幸矣。

### 校勘記

晉宣帝季弟譙王遜之後也 南本以下諸本及北史卷二九司馬休之傳「遜」作「進」。 錢氏考異卷二八、李慈銘魏書礼記、張森楷魏書校勘記 百衲本作

說。按晉書卷三七譙王遜傳,遜是進子,進死於曹魏時, 「遜」,汲、局二本注宋本作「遜」。 封譙王的是遜, 不是進。 但進才是晉

各有

恐

宣帝司馬懿季弟,遜是從子,作「遜」也有問題。 作「進」作「遜」旣都有問 題, 而宋本作「遜」,

原來就錯。 此卷史實上的謬誤較多,疑有訛脫竄亂,非魏收原文。

天興五年休之爲司馬德宗平西將軍荆州刺史 按晉書卷三七譙王遜附休之傳,晉元興元年即魏

天興五年(四〇三) 休之以襄城太守助其兄豫州刺史譙王尚之守歷陽, 爲桓玄所敗,奔南燕。 荆州

刺史自晉隆安四年四〇〇以來就是桓玄、這時正從荆州東下攻建康。 司馬休之當荆州刺 史 有二

次,一次在桓玄敗後,又一次是在晉義熙八年魏永興四年(四二二),第二次才加「平西將軍」, 天 興五年已十年。 這裏所稱官職顯 誤。 上距

列 傳 第 + 五 司 馬 天 助 校 勘

記

- <u>=</u> 爲懷朔鎭將 北史卷二九「懷朔」作「懷荒」。按卷三九李寶傳云:「高宗初,代司馬文思鎭懷荒。」
- 北史是、這裏作「懷朔」誤。
- 四 \*州郡 以楚之所率戶民分置汝南南陽南頓新蔡四郡 志豫州 有「汝陽」,無「南陽」。 當時僑置亦 必因豫州原有此郡、疑作「汝陽」是。 北史卷二九「南陽」作「汝陽」。 按宋書卷三六
- 工 永平元年 諸本 「平」作「元」。 按事見卷八世宗紀永平元年十月, 今據北史卷二九司馬悅傳

改。

- . ~ ~ 劉裕滅姚泓北奔屈丐世祖平統萬兄弟俱 在始 九月癸酉記司馬休之父子及國 光四年四二七、國璠已先死八年。 播等 「來降」。 下文又稱國璠卒, 入國 泰常五年五月即 按卷三太宗紀泰常三年四一七 一字不及被殺, 記國璠被殺。 却見於此卷司馬文思 拓跋燾平統萬,事 八月劉裕滅 姚泓,
- 一 一 一 劉裕自立乃來歸闕 將閭萬齡軍」「裕」字皆誤。 三三、代晉久矣。 此文殊疏略。」 張森楷云:「帝紀卷四上世祖紀上延和二年司馬天助來降,於宋爲元嘉 按下文稱天助「招率義士、欲襲裕東平、 濟北郡及城戍,又破裕 一十年

四

}傳。

也可怪。

# 魏書卷三十八

## 列傳第二十六

# 刁雅 王慧龍 韓延之 袁式

洛陽,後至長安。 不還,執而徵焉。 口,位至尚書令。父暢,司馬德宗右衞將軍。初,暢兄逵以劉裕輕狡薄行,負社錢三萬,違時 刁雍,字淑和,勃海饒安人也。 雅博覽書傳,姚興以雅爲太子中庶子。 及裕誅桓玄,以嫌故先誅刁氏。 高祖攸,晉御史中丞。 雍為暢故吏所匿, 奔姚興豫州牧姚紹於 曾祖協,從司 馬叡渡江,居于京

爾亦率衆入京口,規共討裕,裕遣兵破之。六月,雍又侵裕靑州,雍敗, 將軍。 劉裕遣將李嵩等討確,雍斬之於豪山。 泰常二年,姚泓滅,與司馬休之等歸國。 雍遂於河濟之間招集流散,得五千餘人,南阻大闕,[1]擾動徐克, 於是衆至二萬,進屯固山。 上表陳誠,於南境自效。 太宗許之,假雍建義 乃收散卒保於馬耳 建牙誓衆,傳檄邊 七年三月,雍從弟

列傳

山。又爲裕靑州軍所逼,遂入大鄉山。

遣 未下。 懼 持 险,不得 內 郡 州 父。」太宗笑曰:「劉裕父子當應憚 傷兵 刺 数 縣, 土人盡下, 其將檀道濟等救青州 不休,兵自死盡,何須復戰。 地道,南下入 史、東光侯, 年 士, 彼旣素憚 方軌。 難之。 太宗南 雍求將義 給五萬騎,使 卿 送租 澠水澗,以爲退路 雍曰: 幸鄴, 威,士民 供 兵五 「若懼傷官兵者,雍今請 軍。 朝 雍謂建曰:「賊畏官 叉 於 是時攻 千,要嶮破之。」建不 別立 相 行 今不損大軍,安全 信 觀 卿。 義 服, 0  $\Xi$ 東陽、平其 軍 雍謂 叉謂 今欲遣卿 問: 建先攻 建 之曰「朕先遣叔孫建等攻青州 「先聞卿家縛劉裕, 軍突騎,以鎖 曰:「此城已平,⑤ 北 助 將義 東陽 而 建等, 聽曰:「兵人不宜 城三十許 返,計之上也。」建乃引 雍 兵先入。」 卿宜 至 連 步。 勉之。」於 車 招 爲 建 集 於卿親 宜 劉 義 不 函 時 義 水上, 衆, 陣。 聽。 符 入 疏? 是假雍 得五 取。 靑 大峴 夔 疫病 州 還 民盡 欲 雍 千 刺 不 已南 鎭 東 日 過 者走 人。 史 走, 東 藏 半。 () 竺 夔 「是臣 將軍 避,城 處 盡 遣 會義 若 處 於 撫 |青 建 伯 相 狹 符 城 慰 猶

梁 京 招 集譙、梁、彭 雍 頻歲爲邊民所請。 逐鎭 沛 兀 郡 尹卯固。 、沛民五千餘家,置二十七營,遷鎮 九縣,以雍 又詔令南入,以亂賊境。 爲平南將軍 世祖嘉之,眞君二年復授使持節、侍中、都督揚豫院徐四州諸軍 、徐州 刺史, 雍攻 賜 濟 陰。 克 爵 項 東安侯。 城。 延 和 會有 年,立徐州 在 鎭 敕追 1 年, 令隨機 於外黃城 太延 立 四 效, 年 雍 置 徴還 於 譙 是

事、征南將軍、徐豫二州刺史。

三年,劉 義隆將裴方明寇陷仇池,詔雍與建興公古弼等十餘將討平之。 五年,以本將

軍爲薄骨律鎭將。至鎭,表曰:

夫,雖復布 以 爲儲積。 臣蒙寵 野,官渠乏水,不得廣殖。 夙夜惟憂,不遑寧處。 出鎮,奉辭 西藩、總統諸軍、戶口殷廣。 以今年四月末到 乘前以來,功不充課,兵人口累,率皆飢儉。 **海,時以夏中,不及** 又總勒戎馬,以防不虞,督 東 作。 課諸屯, 念彼農 略加

檢行,知

此

土稼穑艱難。

平 渠 西 漑 丈。[四]河水激急,沙土漂流,今日此渠高 舊 非近代也。 高 地鑿 迹。 而 何 懸,水 北,復 小 夫欲育民豐國,事須大田。 葉, 廣 狹,水廣 其兩岸作溉田 八十里,合百二十里,大有良田。 不得上。 富平西南三十里,有艾山, 十五. 百 步 四 少,深五 十步。 雖復諸處案舊引水,水亦難求。今艾山北,河 大渠,廣十餘步, 尺,築其 臣今求入來年正月,於河西高渠之北八里、分河 此土乏雨,正以引河爲用。 兩岸,令高一 南北二十六里,東西 山南引 於河水二丈三尺,又河水浸射,往往 計用四千人,四十日功,渠得成訖。 水入此渠中。 丈。 北行四十里,還入古高 四十五 觀舊渠堰,乃是上古所制, 計昔爲之, 中有洲渚,水 里,鑿以通河,似禹 高於水不 之下五 渠,卽循高 崩 分為 頹。 所欲 過一 渠

列

傳

廣 鑿 新 新 渠,水則充足,溉官私田四萬餘頃。一旬之間,則水一遍,水凡四溉,穀得成實。官 十步,高二丈,絕斷小河。二十日功, 渠口 ,河下五尺,水不得入。今求從小河東南岸斜斷到西北岸,計長二百七十步, 計得成畢,合計用功六十日。 小河之水,盡入

課常充,民亦豐贍

有

可

以

便

詔 日 「卿憂國愛民,知欲更引河水,勸課大田。宜便興立,以克就爲功,何必限其日數也。 國利民者,動靜以聞。」

乃得 流 十石 斛,計用人功,輕於車運十倍有餘,不費牛力,又不廢田。」詔曰:「知欲造船運穀,一冬卽成, 臣 日 沃 船勝 . 前 乃 方. 野 鎭,以供 被詔 毎 得一返,大廢生民耕墾之業。車牛艱阻,難可全至,一歲不過二運,五十萬斛乃經三年。 七 日 至, 穀 年,雍 涉深沙,必致滯陷。又穀在河西,轉至沃野,越度大河,計車五千乘,運十萬斛,百餘 而 二千 有 猶 至,自沃野牽上,十日還到,合六十日得一返。 軍糧。 稱 可 表曰:「奉詔高平、安定、統萬及臣所守四鎮,出車五千乘,運屯穀五十萬斛付 ·斛,一舫十人,計須千人。 以便國利民者動靜以聞。 或 有儲糧,民 臣鎭去沃野八百里,道多深沙,輕車來往,猶以爲難,設令載穀,不過二 用安樂。 今求於牽屯山河水之次, 造船二百艘, 二船爲一舫, 臣鎭 臣聞鄭、白之渠,遠引淮海之粟,泝流數千,周年 內之兵,率皆習水。一運二十萬斛。 從三月至九月三返,運送六十萬 方舟順

運穀 大省民力,旣不費牛,又不廢田,甚善。 ,卿鎮 可 山 百 兵爲船工、豈 可專廢千人? 非但一運,自可永以爲式。 雖遣船匠,猶須卿指 授,未可專任 今別下統萬鎭出兵 也。 諸 有 以 供

國利民如此者,續復以聞。」

恃。 次。 禦敵 也。 城已周訖, 不煩官。 者也。 脫 大小高下,量力取辦。」詔許之。 九年,確表曰:「臣聞安不忘亂,先聖之政也。 有妖姦,必致狼狽。 又於三時之隙,不令廢農。 邊境無不虞之憂,千載有永安之固,朕甚嘉焉。 臣鎭所綰河西,爰在邊表,常懼不 雖欲 自固 至十年三月,城訖。 一歲、二歲不訖, 無以得全。 虞。 今求造城儲穀,置兵備守。 平地積穀,實難守護 况綏服之外,帶接邊城,防守不備, 三歲必成。 詔 曰:「卿深思遠慮,憂勤盡 即名此城爲刁公城, 立城之所, 必在水陸之 兵 人 散居,無所依 鎭 自 以旌爾 建立,更 思, 無以 功 知

興光二年,詔雍還都,拜特進,將軍 ·如故。 和平六年,表日:

崇而 釋,恭敬溫文。 於云岱,揚鴻化於介丘。令木石革心,鳥獸率舞。 用之,況統御八方,陶鈞六合者哉。 臣聞 有國有家者,莫不禮樂爲先。 是以安上治民,莫善於禮;易俗移風, 故樂記云: 故帝堯修五 禮所 禮 莫善於樂。 以明典章,作咸池 以 包天地之情,達神明之德。 制 外, 樂所以 且 於一民一俗, 修內。 以諧 萬 和 類 尙 氣 深, 顯 中 須

列

至

則

不違。

揖讓而治天下者,禮樂之謂歟?

故 感 天 報天祭地。 動 神,莫近於 禮行於郊,則上下和肅。 、禮樂。 故大樂與天地同和,大禮 肅者, 禮之情; 與天地同 和者, 節。 樂之致。 和, 故百物阜生,節, 樂至則無怨,

坑燼 薄德,無以易民視聽。博士曹褒覩斯詔也,知上有制作之意,乃上疏求定諸儀,以爲漢 情。 色,協音樂,制禮儀,正聲古禮,粗欲周備。 傷禮樂之崩亡,痛文武之將墜,自衞返魯,各得其中。 儒士,盲天下之目,絕象魏之章,簫韶來儀,不可復矣。 終於休廢,寢而不行。 故王者治定制禮, 功成作樂。 唯 聖人知禮樂之不可以已,故作樂以應天,制禮以配地。 及魏晉之日,修而不備。 虞夏殷周, 易代而 至於孝章,每以三代損益,優劣殊軌,歎其 逮乎秦皇,翦棄道術,灰滅典籍, 起。 及周之末,王政陵遲。 賴大漢之興,改正朔,易服 所以承天之道, 治人之 仲尼

異 政 閼 有 世不相襲。 有 其 於 時 唐 闕 伏惟陛下無爲以恭己,使賢以御世,方鳴和鸞以陟岱宗,陪羣后以昇中岳,而三禮 所致 而 辰,象舞替於周日。 無其禮,有其德而無其樂。史闕封石之文,工絕清頌之饗,良由禮樂不興,王 也。至臣聞樂由禮,所以象德,禮由樂,所以防淫。五帝殊時不相沿,三王 事與時並,名與功偕故也。 夫君舉必書, 古之典也。 臣識昧儒先,管窺不遠,謂宜修禮正樂,以光 柴望之禮,帝王盛事。臣今以爲

大聖之治。

詔令公卿集議,會高宗崩,遂寢。

皇 興 中 -, 雍 與 隴 西 王源賀及 中書監高允等並以耆年特見優禮,錫雍几杖,劍履 上殿 行,月

致珍羞焉。

施愛士 雍 ,怡靜寡 性寬柔,好尙文典,手不釋書,明敏多智。 欲。 篤 信佛道, 著教 誡 二十餘篇, 凡所為詩賦頌論幷雜文,百有餘篇。 以訓 導子 孫 太和八年冬卒,年九十五。 叉汎

雍長子纂,字奉宗。中書侍郎。早卒。

賜

命

服

襲,赗

帛

五.

百

匹,贈儀

同三

司

冀州

刺

史,將軍

如

故,諡

日

簡

纂弟遵,字奉國。襲爵。

遵弟紹 字 奉 世 武騎 侍 郎、 汝陰王天賜凉州征西府 司馬。

紹弟獻,字奉章。秘書郎。

獻弟融,字奉業。汝陰太守。

融弟庸,字奉誠。中書博士。

尉 諮 議 遵 少不 參軍 拘 小 年 節,長 七 十,志力不衰。 更修 改。 太 嘗經篤疾,幾死,見神明救免,言是福 和 中, 例降爲侯。[公景明中, 除 相 州 門之子,當享長年。 魏 郡 太守。 還為太

列傳第二十六 刁雍

八七二

令杜龍振、平陽令杜臺定等,率戶三千據地內附。 延昌三年,遷司農少卿。 尋拜龍驤將軍、洛州刺史。 熙平元年七月卒,年七十六。贈平東將 遵招誘有方,蕭衍新化太守杜性、新化

軍、兗州刺史、諡曰惠侯。有子十三人。

長子楷,字景伯。州舉秀才。早卒。

子沖,字文助。日五儒林傳。

|楷弟||6,字景||勝。本州治中。早卒。

尚 弟整,字景智。少有大度,頗涉書史。郡功曹。 太和十五年、奉朝請。 高祖都洛,親

自臨選、除司空法曹參軍。

初 仍 明 南境,平南 除郎 少以 中 - ,除給事中,領本州中正。 高祖· 軍 中。 功除員外散騎常侍,仍除郎 南討,以廣陽王嘉鎭荆州,整爲嘉外兵參軍事。 將軍楊大眼討之,詔整持節爲大眼軍司,大破茂先,斬衍輔國將軍王花等。 尋轉驍騎將軍。 未幾,丁父憂。 尋除尚書左中兵郎中。正始中,蕭衍江州刺史王茂先來寇 中。 延昌三年秋,世宗親選百官於朝堂,拜右軍將軍, 尋轉太尉、咸陽王禧外兵參軍。景

相 州刺史、中山王熙在鄴起兵,云將誅元叉等。事敗,傳首京師、熙之親故莫敢視。 整

南 征 叛 弟婦卽熈姊, 廣將軍 () 送整與弟宣及子恭等 將 軍 光 出除范陽太守。 祿 遂收其屍藏之, 大夫。 元略 幽繁之。「九」賴 時已兵亂,整郡 曾於整坐泣 後乃還熙所 一謂黃 御 史王 獲 親。 門 王 全 基、 叉聞 誦、 去 前 郡之後, 而 尙 致憾, 軍 書袁翻 將 檢 尋被 因 事 日 以熙弟 使 陷 魏 「刁公收斂我 沒。 子 略南 建 靈 理 太后反 走蕭 雪 獲発。 家 衍 政, 誣 卿 除 整 後 將 自 安

知。

好 四 將 帝 祿 色,爲 年 大 軍 殺 夫。 介朱: 整以 如 卒 前 議 於 榮,就除鎭東將軍 母 鄴。 者 老, 尋加 年, 所 貶。 兼黃 贈 河北 車 司 騎將軍 空公, 門。 喪亂, 元 諡 、右光祿 顥 行 時整族弟雙為 日 入洛 一文獻 |滄州 大 事 用 夫。 整解音律 爲 普泰 滄 逢本 西兗 州 初,假 刺 鄕 州 史。 刺 輕 賊 史, 亂 征 財 莊帝還 好 東大將軍 奉母 整遂攜家依焉。 施 客於 朝 交結名 齊州 滄冀 坐発官 勝 瀛 , 聲 <u>=</u> 加 永安初, 酒 州 後 衞 自 刺 大 歸 娛 將 史 鄕 大大 軍 里 拜金紫 然 都 貪 天 及 平 莊 光

府 掾 初雍 與從弟 寶惠俱 入 國。 寶惠,字道明,太祖 以爲 上客。 卒,有六子。 子連城, 爲冀 州

刁氏世有榮祿,而門風不甚修潔,爲時所鄙。

開

除平原太守。 雍 族 孫雙,字子山。 至雙始還本鄉。 高祖藪,晉齊郡太守。 雙少好學,無涉文史,雅爲中山王英所知賞。 藪因晉亂居<u>青州之樂安。</u> 父道履,皇興初, 拜西河 太守。

萬一發覺,我死分也,無事相累卿。 乃令至境迎接略。 妻也,頻訴靈太后,乞徵略還朝廷。 遣從子昌送達江左。 曰:「人生會有一死,死所難遇耳。 我兄弟屠滅已盡,唯我一身漏 E 光初,中山王熙之誅也,熙弟略投命於雙,雙護之周年。 靈太后返政, 知略因雙獲免, 徵拜光祿大夫。 刃相託。 今遭知己,視死如歸,願不以爲慮。」略後苦求南轉,雙乃 乃以徐州所獲俘江革、祖暅二人易之。 若送吾出境,便是再生之惠,如其不爾, 卿雖厚恩,久見容蔽,但事留變生, 時購略甚切。 時略姊饒安公主,刁宣 以雙與略有舊, 輒欲 終恐難保。 略乃謂雙曰: 自裁。」雙 脫

擒 遣 光祿大夫。[10]興和三年卒。 獲。 使諭桃弓,陳示禍福,桃弓卽隨使歸罪,雙捨而不問。後有盜發之處,令桃弓 肅宗末,除西兗州刺史。 於是州境淸肅。 莊帝初,行濟州刺史,以功封曲城鄉男。出帝初,遷驃騎大將軍、左 贈車騎大將軍、儀同三司、齊州刺史、諡曰淸穆。 時賊盜蜂起,州人張桃弓等招聚亡命,公行劫掠。 追捕,咸悉 雙至境,先

以 爲 諸孫之龍,故名焉 王 慧龍,自云太原晉陽人,司馬德宗尚書僕射愉之孫,散騎侍郎緝之子 初,劉裕微時,偷 不爲 禮,及 得志 偷偷 合家 見誅。 慧龍 也。 年 幼 十四,爲 聰慧,愉 沙

別駕劉期公、土人王騰等謀舉兵,推慧龍爲盟主, 遂 彬 有 僧彬 變,遣其弟道規爲荆州, 西上江陵,依叔祖忱故吏荆州前治中習辟疆。 所置。 貧道從師有年, 止西岸, 今暫欲定省, 還期無遠, 此隨吾受業者, 何至如君言。」 旣 百餘日,將慧龍過江,爲津人所疑,曰:「行意忽忽徬徨,得 衆遂不果。 羅脩將慧龍,又與僧彬北詣 剋日襲州城。 時刺史魏詠之卒,辟疆與江陵令羅 而 劉裕聞 襄陽。 非王氏諸子乎。」僧 詠之卒,亦懼江陵 司馬德宗雍州刺 が 前、前

史魯宗之資給慧龍,送渡江,遂自虎牢奔于姚興。其自言也如 此

用 爲 之動容。 後拜洛城鎮將、配兵三千人鎮金墉。 泰常二年,姚泓滅,慧龍歸國。 謂曰:「朕方混一車書,席卷吳會,卿情計如此,豈不能相資以衆乎。」然亦未之 太宗引見與言,慧龍請效力南討,言終,俯而 旣拜十餘日, 太宗崩。 世祖初卽位,咸謂南人不 流涕,天子

之,不悅,言於 世 齇 初 崔浩弟恬聞慧龍王氏子,以女妻之。 江 東謂之齇王。慧龍鼻大,浩曰:「眞貴種矣。」 世祖,以其嘆服南人,則有訕鄙國化之意。 浩旣婚姻,及見慧龍,曰:「信王家兒也。」王氏 數向諸公稱其美。 世祖怒,召浩責之。 司 浩発冠陳謝 徒長孫嵩聞

宜

一委以

師旅

之任,遂停前授。

列

傳

得釋。 及魯宗之子軌 奔姚興,後歸 國,云慧龍是王隃家豎,僧彬所通生也。 浩雖聞之,以女

之故,成贊其族。慧龍由是不調。

年,農戰並修,大著聲績。 大破之。 臺,詔假慧龍楚兵將軍,與安頡等同討之。 乃授南蠻校尉、安南大將軍左長史。 司馬靈壽等一萬人拔其思陵戍,自己進圍項 久之,除樂安王範傅,領<u>幷</u>荆揚三州大中正。 世祖賜以劍馬錢帛,授龍驤將軍,賜爵長社侯,拜滎陽太守,仍領長史。 招攜邊遠,歸附者萬餘家,號爲善政 及劉義隆荆州刺史謝晦起兵江陵,引慧龍 相持五十餘日,諸將以賊盛莫敢先,慧龍設奇兵 城。 慧龍抗表,願得南垂自効。 晦敗,乃班師。 後劉義隆將王玄謨寇滑 崔浩固言之, 爲 援。 在任十

玄伯,購慧龍首,二百户男、絹一千匹。玄伯爲爲反間來,求屛人有所論。 將軍如虎,欲相中害,朕自知之。 將軍司馬楚之以叛。世祖聞曰:「此必不然,是齊人忌樂毅耳。」乃賜慧龍璽書曰:「義隆畏 夫,乃令老子訝之。」劉義隆縱反間,云慧龍自以功高而位不至,欲引寇入邊,因執安南 友人蕭斌書曰:「魯軌頑鈍,馬楚粗狂,亡人之中唯王慧龍及韓延之可爲深憚。 其懷,有尺刀。玄伯叩頭請死。 其後,劉義隆將到彦之、檀道濟等頻頓淮潁,大相侵掠,慧龍力戰,屢摧 慧龍曰「各爲其主也。吾不忍害此人。」左右皆言義隆賊 風塵之言,想不足介意也。」劉義隆計旣不行,復遣刺客呂 慧龍疑之,使人探 其鋒。 不意儒生儒 彦之與 大

心未已,不殺玄伯, 無以制將來。 慧龍曰:「死 生有命,彼亦安能害我。 且吾方以仁義爲于

鹵,又何憂乎刺客。」遂拾之。

時人服其

寛

恕。

侯。 草之報。」時制,南人入國者皆葬桑乾。 沒,謂功曹鄭曄曰:「吾覊 市,戮墳江陰。 制度十八篇,號曰國典。 布衣蔬食,不參吉事。 何言。身歿後,乞葬河內州縣之東鄉,依古墓而不墳,足藏髮齒而已。 吏人及將士共於墓所起佛寺,圖慧龍及僧彬象讚之。呂玄伯感全宥之恩, 慧龍自以遭難流離,常懷憂悴, 不謂嬰此重疾,有心莫遂。 舉動必以禮。 於南人,恩非舊結,蒙聖朝殊特之慈,得在疆場効 眞君元年,拜使持節、寧南將軍、虎牢鎭都副將。 太子少傅游雅言於朝曰:「慧龍,古之遺孝 乃作祭伍子胥文以寄意焉。 **瞱等申遺意**,詔許之。 非唯仰愧國靈,實亦俯慚后 贈安南將軍 生一男一女,遂絕房室。 庶魂 士。 、荆州刺史、諡穆 命。 未至 修 而 有 短 誓願: 鎭 也。」撰帝王 1知,猶 留守墓側, 命也,夫復 而 卒。 鞭 希結 屍吳 臨

終身不去。子寶興襲爵。

妻,時官賜度河鎭高車 宜 將 一盡其美。」及浩被誅,盧遐後妻,寶興從母也,緣坐沒官。 來 所生,皆我之自出,可指腹爲親。」及婚,浩爲撰儀,躬自監視。 寶與少孤,事母至孝。 滑骨。 尚書盧遐妻,崔浩女也。 寶興盡賣貨產,自出塞贖之以歸。 初,寶興母及遐妻俱孕,浩謂曰:「汝等 寶興亦逃避,未幾得出。 州辟治中從事、別駕,舉秀 謂諸客曰:「此家 八禮事 盧遐

列傳第

+

 $\pm$ 

楚

穑

才,皆不 就 閉 門 不 交 人 事。 襲餌長 社 侯 龍 驤將軍。 卒,子瓊 襲爵。

哭泣。 李崇, 笑愕。 爲嬪 勢傾 令。 領, 女適 奴。 得雪発。 瓊 范 朝 拜 瓊, 時瓊子遵業爲黃門郎,故有此授。 王誦聞之,笑曰:「東海之風,於茲墜矣。」孝昌三年,除鎮 入國,三世一身,至瓊始有四子。 晒 騎馬至 陽 野 道逢太保、廣平王懷,據鞍抗 久之乃 前 字 而掣去之。 ,初不候 神龜 盧道亮,不聽歸 世 軍 將軍 珍。 其 掩。 中,除左 、黄閣, ·、 弁州 之。 高祖 當時深怪,疑其 崇小子青肫, 騰 將軍、兗州 見崇子世哲, 賜 大 旣 名焉。 其 中正。 夫 權 家。 重,吞幷隣宅,增廣舊居,唯瓊 太和 正始 刺 嘗盛 穢 及女卒,哀慟 史。 直問 禮, 行。 九 中,爲光州 年, 卒,年七十四。 服 去州歸京, 自言馬 繼伯 加 爲 闕 以聾疾,每見道俗,乞丐 寵 在 典寺令。 痩。 無已。 勢亦 否。 刺 史。 多年沉滯。 懷 不 崇 贈征 瓊 卽 趨 十六年, 足 有受納 仍葬 以誕 恨。 出, 終 北將軍、中書監、幷州 東 之別 不肯 馬弁 瓊 領軍元叉 之響, 將軍 所居 降侯 乃下。 所, 與。 乘 在 無 ` 為伯。 具 爲中記 金紫 已。 冢不 司 崇儉 與 以 使 空劉騰宅西 此 之。 光祿 奴遺 尉 卽 造 久見 高 而 王顯 次 塞,常於 嘗 詣 祖納其長 好 瓊 大 見之, 抑 刺 以 夫、 所 馬, 史。 紙 尙 屈 劾 令人 壙內 幷 中 帖 書 騰 女 終 衣 瓊 雖 自 留

將軍 ,兼散騎常侍,慰勞蠕蠕。 長子遵業,風儀清秀, 涉歷 經 乃詣代京,採拾遺文,以補起居所闕。 史。位著 作佐 郎, 與 司 徒 左 長 史崔 鴻 同撰 與崔光、 人起居注 安豐王 遷 延 右 軍

郡袁翻 亂 遵業從容恬 等參定服章。 好 曰:「英英濟濟,王家兄弟。」轉司徒左長史、黃門郎、監典儀 有從姨兄弟之親, え處分。」 晉記 謀避 、尚書瑯琊王誦並領黃門郎,號曰三哲。 地, 遵業兄弟,並交遊時俊,乃爲當時所美。 自求徐州。太后曰「王誦罷幽州始作黃門、卿何乃欲徐州 素, 及光爲肅宗講孝經,遵業預講,延業錄義,口三並 若處丘 相率奉迎,俱見害河陰。 遠。 嘗著穿角履,好事者多毁新履以學之。 議者惜其人才,而譏其躁競。 時政歸門下, 及余朱榮入洛,兄弟在父喪中,以於莊帝 注。 世 一應詔作釋奠侍宴詩。 遵業有譽當 間侍 以胡· 中、黄門爲 太后 更待 贈幷州刺史。 時, 臨 一二年,當 與 小 朝,天下 中 宰 書 時 相 |令||陳 人語 有 方 m

遵業子松年,尚書庫部郎。

伐 求 士 耳。 庶,莫不怪駭。 司 馬 韓延之,字顯宗,南陽赭陽人,魏司徒暨之後也。 劉裕 休之,自己未至江陵,密使 足下 , 何者? 海 內 之人 莫 知 誰 師 不 與延之書招之。 出之名故也。 見足下此心,而復欲欺誑國士,天地所不容, 司 延之報曰:「聞親率戎馬, 馬平西體國忠貞,款愛待物, 司馬德宗平西府錄事參軍。 遠履西畿, 當於古 在彼不在此 劉裕率 闔 人 中

列

傳

日言 勞向 後 柏谷塢,省魯宗之墓,有終焉之志。 臣 乎? 奔 今伐 姚 事 北代葬也,即 假令天長 人當 興。 人之君,啗人以利,眞可謂處懷期物,自有由來者矣。 應 泰常二年,與司馬文思來入國,以延之爲虎牢鎮將,爵 如 喪亂, 此。 可 就此。」及卒, 劉裕父名翹,字顯宗,於是延之字顯宗,名子爲翹,蓋示不臣劉氏也。 九流渾濁, 子從其言, 當與臧洪遊於地下,不復多言。」裕得書歎息,以示諸佐 因謂子孫云:「河洛三代所都, 遂葬於宗之墓次。 以平西之至德,寧無授命之 延之死後五十餘年而 必有治於此者。 魯陽侯。 初延之曾來往 我死 高 不 祖

襲父爵,位至殿中尚書。 延之前妻羅氏生子 措, 進爵西平公。 措隨父入國。 又以淮南王女妻延之,生道仁。 措推道仁爲嫡, 徙都,其孫

即居於墓

北栢谷塢

長者,雖羈旅飄泊,而清貧守度,不失士節,時人甚敬重之,皆呼曰袁諮議。 遵 便 諮議參軍。 袁式,字季祖 盡 國 一士之交。 與司 ,陳郡陽夏人,漢司徒滂之後。 馬文思等歸姚興。 是時,朝儀 典章 ,悉出於浩,浩以式博於古事,每所 泰常二年 歸國,爲上客,賜爵陽夏子。 父淵, 司馬昌明侍中。 草創,恒 式在南, 延和二年,衛大 與 司 顧 訪之。 徒 歷武陵王 崔浩 性

面

道,周覽書傳,至於詁訓、倉、雅,偏所留懷。 將軍、樂安王範為雍州刺史、詔式與中書侍郎高允俱爲從事中郎、日四辭而獲免。 作字釋、未就。 以天安二年卒。 贈豫州刺史, 式沉靖樂

子濟,襲。 位魏郡太守,政有清稱,加寧遠將軍。 子姪遂居潁川之陽夏。

諡

肅侯。

歸,頗歷夷險,撫人督衆,見憚嚴敵。世珍實有令子,克播家聲。韓延之報書劉裕,國體在 袁式贊禮崔浩,時稱長者,一時有稱,信爲美哉。 史臣曰: 刁雍才識恢遠,著聲立事,禮遇優隆,世有人爵堂構之義也。 王慧龍拔難自

### 校勘記

- 一〕南阻大器 李慈銘云:「『大』下當是『峴』字。」
- [二]朝於行觀 北史卷二六刁雍傳「觀」作「宮」,疑是。
- .\_ = U 此城已平 李慈銘云:「『此』當作『北』。」按上有「平其北城」語、李說是。
- 29 高於水不 過一丈 通典卷一水利田引雍表「水」上有「河」字。按下云:「高於河水二丈三尺。」

例

傅

第

= +

六

袁

式

校勘記

疑此脱「河」字。

五五 王政 有闕 所致也 諸本脱「所」字,今據册府卷五八○六九五三頁補。

ハベン 太和 中例降爲侯 按卷四下世祖紀下太平眞君三年九月見「東安公刁雍」,墓誌集釋刁遵墓誌

圖版二二三稱雅爲「東安簡公」。是刁雅先曾進封爲公, 雍傳失書,這裏所謂「例降爲侯」,

可解。

フセン 子沖字文助 北史卷二六「助」作「朗」, 本書卷八四儒林刁沖傳補也作「朗」,疑「助」乃「朗」之

訛

相州 刺史中山王熙在鄴起兵 諸本「中山」作「山陽」。按卷一九下熙傳和其他紀載熙襲中山王,

從未封山陽王,今改正。

ヘガリ 司。 送整與弟宣及子恭等幽繫之 · 刁遵墓誌陰錄諸子名也作「宣」。「宜」字形近而訛,今改正。 諸本「宣」作「宜」。按下文习雙傳作「宣」,北史卷二六刁雙傳

COC遷驃騎大將軍左光祿大夫 北史卷二九「驃」作「驍」。按卷一一三官氏志載太和後品令驍騎

將軍在第四品,旣無加「大」之例,也不能兼第二品的左光祿大夫。「驍」字訛。但下文說雙死

後「贈車騎大將軍、儀同三司」。「驃騎」班在「車騎」上,一般不可能贈官反低於身前所任官職。

這裏當行「大」字、驃騎將軍兼左光祿大夫魏末多見。

- 慧龍督司馬靈壽等一萬人拔其思陵戍 諸本「靈」作「盧」,北史卷三五王慧龍傳作「靈」。 按卷
- 三七司馬叔璠傳附長子靈壽、「盧」字訛,今據改。
- 遵業預講延業錄義 諸本「延業」作「延明」, 北史卷三五作「延業」。 按下云:「英英濟濟、王家
- 延業是遵業第二弟,見北史卷三五,若是元延明, 和所謂「王家兄弟」不合。「明」字涉
- 弟。 北史傳末附見遵業弟廣業、延業、季和、皆魏書所宜有,疑此傳脫去。

上「安豐王延明」而訛,今據北史改。又按此傳王瓊四子,只舉遵業一人,

傳中却一再稱王家兄

疑『率』下當

- 劉裕率伐司馬休之 按北史卷二七韓延之傳無「率」字。 張森楷云:「此句殊費解,
- 有『兵』字。」按也可能是衍文。
- 據改。 延和二年衞大將軍樂安王範爲雍州刺史詔式與中書侍郎高允俱爲從事中 郞 「三年」,「中郞」作「郞中」。 從事 中郎是三公和將軍開府的屬官, 按範爲雍州刺史,見卷四上世祖紀上延和二年正月。「三」字訛,今 卷四八高允傳也說「以本官領衞大將軍樂安王範 諸本「二年」作
- 從事 中郎」。 「郎中」是倒誤。 今乙正。

# 魏書卷三十九

## 列傳第二十七

#### 李寶

遜所 私署 朝, 懷達散騎常侍、敦煌太守,別遣使授寶使持節、侍中、都督西垂諸軍事、鎭西大將軍、開府儀 走。 傾身禮接,甚得其心,衆皆樂爲用,每希報雪。 同三司、領護西戎校尉 滅 遂留京 寶 驍騎將軍 李寶, 自伊吾南歸敦煌,遂修繕城府,規復先業。 ,實徙於姑臧。 字懷素, 師 ·,祁連、酒泉、晉昌三郡太守。 拜外都: 小字衍孫,隴西狄道人,私署涼王暠之孫也。父翻,字士舉,小字 沙州 歲餘,隨舅唐契北奔伊吾,臣於蠕蠕。其遺民歸附者稍至二千。 大官。 牧、敦煌公、仍鎮敦煌、四品以下聽承制假授。 轉鎭南將軍、幷州刺史。 寶沉雅有度量,驍勇善撫接。伯父歆爲沮渠蒙 屬世祖遣將討沮渠無諱於敦煌,無諱捐城 遣弟懷達奉表歸誠。世祖嘉其忠款,拜 還,除內都大官。 高宗初,代司馬文 眞君五年,因入 武彊, 遁 寶

列傳

第

 $\equiv$ 

十七七

李寶

思鎮懷荒,改授鎮北將軍。 太安五年薨,年五十三。 詔賜命服一 襲,贈以本官,諡曰宣。 有

六子:承、茂、輔、佐、公業、沖。 公業早卒,沖別有傳

孝 持 姑 於 節 臧 聞。 是遂決。 侯 承,字伯業,少 本 出 承 將軍 爲 應 仍令承 龍 傳 雍 先封,以自有爵, 驤 將 州 刺史, 軍 隨表入質。 有策略。 樂 諡 陽太守。 日 初 穆。 乃 世 寶欲謀歸款,民僚多有異議,承時年十三,勸寶速定大計, 祖 讓弟茂, 爲 深 政嚴明, 相器異, 時論 甚著聲稱。 多之。承方裕有鑒裁,爲 禮遇 甚優,賜爵 延 興五年卒, 姑臧侯。 時所重。 時年四 後遭父憂,居喪以 十五。 高宗末,以 贈 使

重 延 長 興 子韶,字元伯,學涉,有器量。 中 - ,補中: 書學生。 襲爵姑 臧 侯,除儀 與弟彦、 曹令。 虔、 **蕤並爲高祖賜名焉。** 時 修 改 車 服 及羽 儀 制 韶 度,皆令韶 又爲季父沖所知 典焉。

遷 給 事黄 門 侍 郎 o 後 例降侯爲伯。 兼大 鴻 臚 卿,黃門 如 故

中 實 正 均 朝 高 貢 出 稲 爲 將 惟 創 安東將軍 王 遷都之計,詔 建 國 英尚 於此。」 刺史。 引 侍臣 高 訪 高祖自鄴還洛, 祖 以古 稱善。 事 遷太 韶 對 子右 韶朝於路, 洛陽 詹 事 九鼎舊所, 言及庶人恂事 尋罷 左 右,仍爲 七 百攸基,地 詹 高祖 事 則 秦州 土 中, 卿 大

若

示

出

東宮,或未至此。」

世 · 宗 初,徵 拜侍中,領七兵尚書。 尋除撫軍將軍、幷州 刺史。 以從弟伯尚同元禧之逆, 敕參定朝儀、

在 州 禁止,徵 還京 師。 雖 不知謀, **猶坐功親免除官爵。** 久之, 起兼將作大匠,

律

夏之心。 平 卽 呂 <u>;</u>真 一 徴還,行 兒反於秦州, 面 書勞勉,復其 定 州 事 除撫軍將軍、西道都督、行秦州 、先爵。 尋轉相州 時隴 刺史,將軍 右新經師 旅 如 之後, 故 事, 百姓多不安業, 與右衞將軍元麗率衆討之。 韶善撫納,甚得夷

冀 曹 其 刺 月 幷 聲 遺 州 不不 史, 卒 衣 冠 愛 服 當 肅宗 父老皆 於官, 能 諡 如 時 寢 平 日 具。 初,入 此 心 文 年 送 肅宗 守正 恭 初 出 韶 1 為 十二。 嘉之,就 西 以 韶 殿 旣 通容 Ī境, 年 克定 中 葬 及懸 相聚而 尚 之後, 詔赗 而 秦隴, 書,行雍 加散 車, 已,議者貶之。 帛 有冀州 过。 抗 騎常侍。 永安 七百匹, 表 州 遜位。 事。 中追封 一州境 兵千餘 贈 遷 後除 侍 出 旣 車 優旨 安 為冀州 中 連 人戍於 騎 城 中軍 ·、持節、散 接, 大 不 縣 將 許 開 大 百 荆 刺 軍 、將軍、吏部尚書,加散騎常侍。 國 姓 史。 州 ٠, 轉定州 伯 素聞 賜 騎 還 常侍、 邑四四 劍 清簡 經 風 佩 刺 韶 德, 貂 百戶。 愛民,甚收 史, 墓, 車 蟬 州 騎 常侍 相 各 大 內 率 —具, 將 大 培冢 如 治。 名譽,政 軍 故 司 驊 , 正 數 空 騮 及 光 公 績 赴 馬 日 五 韶 雍州 之美, 方歸 一匹, 中 年 在 Щ 選 兀

長 子 璵 字 道 璠 襲。 武定 中, 驃騎大將軍 東徐州刺 史。

列

傳

參軍 兄也。 欟 典領 興  $\subseteq$ 轉著 儀 弟瑾,字道瑜。 注。 肅宗崩, 作佐 鰝 郎, 淮王彧謂瑾等曰「卿等三儁, Ŀ 諡策文, 瑾所制也。 加龍驤將軍。 美容貌,頗有才學, 稍遷通直散騎侍郎, 莊帝初,於河陰遇害,年四十九。 特爲韶所鍾愛。 共掌帝儀, 與給事黃門侍郎王遵業、尚書 可謂舅甥之國。」王、盧即瑾之外 清河王懌知賞之,懌爲司徒,辟 贈冠軍將軍、齊 郎盧

長子產之,字孫僑。 容貌短陋,而撫訓諸弟,愛友篤至。 年四十九,亡。 州

刺

史。

**蓮弟** 產之弟構之,武定末,司空主簿 瓚 ,字道璋,少有風 尙。 辟 司徒參軍事。 神龜中卒。 贈漢陽太守。

子

脩年,大

/將軍

開府士曹參

軍。

課, 降 韶 為元 弟彦,字 士。 次仲。頗有學業。 尋行 主客 1曹事, 徙郊 高祖初、舉司州秀才、除中書博士。 廟下大夫。 時朝儀 典章咸未周備, 轉諫議大夫。 彦留 心考定, 後因考 號

稱職。

軍 次於淮南,徵 高 祖 南伐,彥以蕞爾江閩,不足親勞鑾駕,頻有表諫。 爲廣陵王羽長史,加恢武將軍、西翼副將軍。 雖不從納,然亦嘉其至誠。 還,除冀州趙郡王幹長史。 及六 轉

將軍 行 靑 揚 州 T、徐州 州 廣陵王 事 刺史。 尋徵 羽長史,帶齊郡 拜 延昌二年夏,大霖雨,川瀆皆溢。 河南 尹。 太守。 還至 汝陰, 徵為龍驤將軍、司徒右長史、轉左長史、秦州大中正。 復敕行 徐州事。 彦相 水陸 轉平北將軍、平州 形 勢, 隨 便疏 通, 刺 史。 得 無淹漬之 灵, 平東 出

撫軍將軍、秦州刺史。

害。

朝廷嘉之,

頻韶勞勉。

入為河南

尹

0

遷金紫光祿大夫、光祿勳

卿,

轉度支尚書。

出

西府 薛珍、劉慶、杜起等因四方離 諡 日孝貞。 ,推其黨莫折大提爲帥,遂害彥。 是時,破落汗拔陵等反於北鎭,二夏、豳、凉所在蜂起。 叛,遂潛結逆謀。 永安中,追贈侍中、驃騎大將軍、司徒公、雍州刺史, 正光五年六月,突入州門,擒彥於 而彥刑政過猛,爲下所怨,城民 內 齋 一、囚於

子變,字德諧,少有風望。 解褐司徒參軍。 著作佐郎、司徒祭酒, 轉主簿。 卒, 贈輔 國

將軍、太常少卿。

變弟德廣,終於中散大夫。

德廣弟德顯,太尉行參軍,稍遷散騎侍郎。 卒,贈征虜將軍、東秦州 刺

德顯弟德明、祕書郎。

彦弟虔,字叔恭。 太和初、爲中書學生。遷秘書中散、轉冀州驃騎府長史、太子中舍人。 冀州 將軍 州刺 夫。 事平,轉長樂太守。延昌初,冀州大乘賊起,令虔以本官爲別將,與都督元遙討平之。 右曰:「李虔在冀州 世宗初,遷太尉 史。 孝莊 ,刺史,男如故,諡曰宣景。 ·、燕州刺史。還爲光祿大夫,加平西將軍,兼大司 永安三年冬薨,年七十四。 初,授特進、車騎大將軍 追論平冀州之功,賜爵高平男。 從事 日久, 中郎。 恩信著物, 出爲淸河太守,屬京兆王愉反,虔棄郡奔闕。 、儀同三司,加散騎常侍。 贈侍中、都督冀定瀛三州諸軍事、驃騎大將軍、太尉公、 今拔難而 還京,除河南邑中 來,衆情自解矣。」 農卿。 ·正,遷鎭軍將軍、金紫光祿 又進號 出爲散騎常侍、安東將軍、克 乃授虔別領軍前慰勞事。 驃騎大將軍、 世宗聞虔至,謂左 開 府儀 遷後 同 大

長 (子曖,字仁明。[三]解褐司空行參軍,稍遷尚書左外兵郎。 孝莊初,於河陰遇害,年四

子褒,武定中,太師法曹參軍。

贈安東將軍、度支尚書、靑州刺史。

同 時遇害,年三十八。〔三〕贈散騎常侍、左將軍、兗州刺史。 曖弟昞,字仁曜。 起家高陽王雍常侍,員 . 外散騎侍郎、太尉錄事參軍。 孝莊初,與兄曖

子爲,武定中,司空長流參軍。

| 所弟昭,字仁照。 卒於散騎侍郎。 贈征虜將軍、涼州刺史。

子士元、操,四武定中,並儀同開府參軍事。

昭弟曉,字仁略。武定末,太尉諮議參軍。

虔弟蕤,字延賓。 歷步兵校尉、東郡 太守、司 農 少卿。 卒,贈龍驤將軍、豫州

刺

史。

親甚 義眞, 刺 詠 初 史。 侍 ,遷安東將軍 中 見 長子詠,至字義 第七弟中 親昵, 、驍騎將軍、吏部尚書、冀州 及有天下, 濟州 書侍郎、太常少卿義邕、同時爲余朱仲遠所害。 興, 刺 史。 特蒙信任。 有幹局。 轉廣州 刺史, 起家太學博 刺 **尒朱榮之誅,義邕與其事,由是並** 史, 義眞贈前將軍 加散騎常侍。 士。 領 殿 、齊州刺史, 義邕贈安東將軍 前 中侍御 廢帝時,與第三弟通直散騎 義邕,莊帝居蕃 史, 稍遷. 一及於 東郡 禍。 太 之日, 出帝 守。 一、青州 初,贈 以 外 常侍 莊帝

常侍、征東將軍、雍州 詠次弟義愼,司空屬。 刺 史。 第四弟義遠, 國子博士。 莊帝初,並於河陰遇害。 義愼贈散

兗州 老疾,固請遜位。高祖 不入京師。 刺史,將軍 承弟茂,字仲宗。 景明三年卒,時年七十一。 如故。 不奪其志, 高宗 入為 光祿 末,襲父爵, 聽食大夫祿 大夫,例降為 諡 鎭 曰恭侯。 西 ,還私第,因居定州之中山。自是優遊里舍,以 將軍 侯。 、敦煌公。 茂性謙愼, 高祖 以弟沖寵盛, 初 ,除長安鎭都將。 懼於 盈, 遂託 轉西 以

八九二

子靜 字 紹安, 襲。 解褐太尉參軍 定州別 駕、 東平原太守。 神龜 三年 年五

五五

尚書右僕射、秦州刺史。以候駕之功,封盧鄉縣開國伯,邑三百戶。 河內太守。 謁候,仍從駕南渡。 子遐,字智遠,有几案才。 **尒朱榮稱兵向洛,次其郡境,莊帝潛濟河北相** 及河陰,爲亂兵所害,時年四十二。 起家司空行參軍,襲爵。 稍遷右將軍、尚書駕部郞 事寧,追贈散騎常侍、車騎大將軍、 會。 退旣聞榮推奉莊帝 中。 ",遂 開門 出

子孝儒,襲。齊受禪,爵例降。

守。孝莊初,以外親超授撫軍 靜弟字,字仲安,恭順篤厚。起家鎭北府功曹參軍。 ·將軍、金紫光祿大夫。 出除鎭東將軍、滄州刺史,加散騎常侍。 定州別駕,汝陽、汝南 、中山 三郡太

普泰元年卒,年六十二。有五子。

長子

惠昭,太傅開府

城局參軍

思昭弟惠諶,武定中,齊州別駕。

学弟敬安,奉朝請。早亡。

海 王 顥撫軍府長史。 敬安弟季安,粗涉書史。 正光末,顥爲關西都督,復引爲長史,委以戎政。 解褐彭城王行參軍。 稍遷寧朔將軍、步兵校尉。 尋加驍騎將軍。 出為徐州 孝 北

昌三年,卒於軍,時年五十三。 贈征虜將軍、涼州 刺 史。

子處默,少淸惠。 起家 青州彭 城王府主簿。 稍遷通直散騎常侍、安東將軍、光祿 大夫、

撫軍將軍、廣州開府長史。天平初卒,年三十九。

納 四 十七。 其 、女爲妃,除鎭遠將軍、潁川太守,帶長 茂弟輔,字督真,亦有 贈征 房將軍、秦州 人望。 刺史、襄武侯、諡 解褐中書博士,遷司徒議曹掾。 社成。 日惠。 輔綏懷招集,甚得邊和 太和 初,高 o 六年,卒於郡,年 祖爲咸陽王禧

侍郎, 敕撰太和 長子伯尙, 起居注。 少有重名。 尋遷秘書丞。 弱冠 除 秘 書郎。 世宗初,兼給事黃門侍郎。 高祖 |每云:「此李氏之千里駒。」 景明二年, 坐與咸陽王 稍遷 通直散騎

**禧謀反誅。時年二十九。** 

中 高聰 伯尙弟仲尙,儀貌甚美。 、尙書那 巒見而歎曰:「後生可畏,非虚言也。」起家京兆王愉行參軍。 少以文學知名。二十著前漢功臣序讚及季父司空沖誄,時 景明中, 坐

兄事賜死,年二十五。

侍

廢積 陰 圖 年。 義 仲尚弟季凱,沉敏 舉,季 孝昌中, 凱豫謀。 解褐太尉參軍 有識量。 莊帝踐阼,徵拜給事黃門侍郎,封博平縣開國侯,邑七百戶。 坐兄 事, 事,與母弟俱徙邊。 加威遠將軍。 尋除幷州安北府長史。 久之, 會赦免, 遂寓居於晉陽, 沉 肅宗崩,介朱榮 尋加散

列

騎常侍 通 知,於是見害,年五十五。 平 東 將 軍 轉 秘 書 監,進號中軍 出帝初,追贈侍 將軍。 中、 普泰 驃騎將軍、吏部尚書、定州刺史。 元年七月, 分朱 世隆以榮之死, 季凱

子統,字基伯,襲。 武定末,太尉刑獄參軍。 齊受禪,舒例降。

軍、金紫光祿大夫。永熙二年卒,年五十二。 季凱弟延慶,孝昌中, 解褐定州鎭北城局參軍。 贈本將軍、雍州刺史。 稍遷奉車都尉、 陳留太守。 遷鎭東將

子惠矩,武定中,儀同開府參軍事。

延慶弟延度,武定中,衞將軍、安德太守。

常 Щ 太守,賜爵眞定子。 輔弟佐,字季翼,有文武才幹。 遷冠軍將軍、懷州刺史,賜爵山陽侯。 高祖初,兼散騎常侍,銜命使高麗。 尋加安南將軍、河內公。 以奉使稱旨,還,拜 轉

安東將軍、相州刺史。所在有稱績。

鸞,安南將軍盧淵等軍攻赭陽。 簡騎二千逆賊, 爲賊所敗。 部,晨夜攻擊。 車駕南討,拜安南將軍,副大司馬、咸陽王禧爲殿中將軍。 屬蕭鸞遣其太子右衞率垣歷生率衆來援, 坐徙瀛州爲民。 各不相節度, 諸軍皆坐甲城下, 欲以不戰降賊。 車駕征宛鄧,復起佐,假平遠將軍、統軍。 咸以勢弱不敵, 規欲班 尋被敕與征南將軍、城陽 佐獨勒所 師。 佐 蕭

鸞新野太守劉忌憑城固守,佐率所領攻拔之。 平,廣陽王嘉爲荆州刺史,仍以佐爲嘉鎭南府長 史。 以功封涇陽縣開 加輔 國 1將軍 國子, ·,別鎭新野。 邑三百戶。 及大軍凱旋, 沔北旣

高 祖執佐手曰:「沔北,洛陽南門。 卿旣爲股平之,亦當爲股善守。」

萬許家。 高 祖崩,遺敕以佐行荆州事,仍本將軍。 尋正刺史。世宗初,徵兼都官尚書。 佐在州,威信大行,邊民悅附, 景明二年卒,年七十一。 贈征虜將軍、秦州 前後歸之者二

刺史,諡曰莊。子遵襲。

洛州 刺史。 遵,爽儁有父風。 孝莊初,以外戚超贈車騎大將軍、儀同三司、定州刺史。 歷相州治中,轉別駕、冀州征北府長史、司空司馬。 卒,贈龍驤將軍、

子果,襲。司空諮議参軍。武定中,坐通西賊伏誅。

空、任城王澄嘉其操尚,以爲參軍事。 遵弟柬,字休賢。 郡辟功曹。 以父憂去職,遂終身不食酒肉,因屏居鄉里。 尋轉司徒外兵參軍。 歷任城、濟北二郡太守。 肅宗初,司

初,遷鎭遠將軍、濟州刺史。卒,贈安北將軍、殿中尚書、相州刺史。

子經, 司徒諮議參軍、行豫州事。 興和初,坐妖言賜死。

東弟 神傷,小名提。 少以才學知名,爲太常劉芳所賞。 釋褐奉朝請,轉司徒祭酒、從事

列

中 郎 頃 Ź, 拜 驍 騎將 軍、中 書侍郎、太常 少 卿。 出爲 前 將 軍 刑 州 刺 史。

之後, 版。 吏 望,拜散騎常 於時葛榮 部 尙 神 時 城 書 儁 四 外 南逼 方 循 多有露 撫 多 侍 兵民, 事 殿 神儁 , 骸 所 中 戮 憂 在連 尙 懼 神儁 力 書。 , 固 兵。 乃故 守。 敎 追 令收葬之。 肅 論 墜 詔遣 衍 固 馬傷 遣 守 都 將 荆州 脚, 督 曹敬宗 崔 徵 之功, 仍停 拜 暹 別 大司 來寇 汲 封 郡 將 農 千 , 王羆 攻圍 有詔 卿 乘縣 0 裴 肅宗 追 積 開 還。 衍 時 或 等 末,除鎭軍 侯 叉 赴援 莊帝 引 邑一 水 纂 敬宗 灌 千戶。 統 將 城, 以以 軍 退 走。 神 行 城 轉 儁 不 中 相 沒 外 時 書監 州 戚之 寇 者 事 賊 數

四。 執, 儁 司。 黨 ",排 神儁 贈 孝 神 抑 靜 儁 都 勳 逐 初,行 天柱 意 督雍秦涇三州諸軍 人。 逃 尙 竄 將軍 風 幷 神儁 民 流 州 ",情在 間 介朱榮 懼 事 啓 出 推 尋除 帝 曾補 求 引 初 事 解 人物, 驃 , 驃 官。 人為 始 騎 騎 大 來 曲 乃 而 大將 將 歸 除 陽 不 軍 闕 衞 縣 能 軍 令 肆 守 拜散 將 · 、 尙 神儁 州 軍 Ē 書左僕 奉公, 刺 騎 右 史。 常 光 以 侍、 禄 階 射、司 無 入 大 縣 多 驃 爲 大。日 不 聲譽。 侍 騎 徒公、雍 用 中 大 , 將 樂聞 尋屬 軍 興 有 州 和 鉅 大怒, 介 左 鹿 刺史,侍 朱 光 年 人 祿 兆 薨 謂 李 入 大 炎 神 . 中、開 夫 京, 上 儁 年 書言 儀 乘 自 六 或 輿 樹 同 幽 公 親 神

浦 儁 風 韻 秀舉,博學多聞, 朝廷舊章及人倫 氏族, 多所諳 記。 篤好 文雅, 老而 不輟 凡

如

故

儁 於 所交遊 已,時人謂 少 之從甥也。 年 皆一 之徒, 神儁鳳德之衰。 時名士。 皆與褻 盧元 明 狎, 亦將 汲引後生,爲其光價,四方才子,咸宗附之。 不能清 爲婚, 神傷 正方重, 無子,從弟延度以第三子容兒後 遂至 一紛競, 識者以此 二家鬩 爲譏 於嚴祖之門。 神傷喪二 鄭 妻, 而性通率,不持檢度 卒 又欲娶鄭嚴祖 歸元明 神儁 惆悵 妹 至 神

韶 從弟元珍,小名大墨。 起家奉朝請,太尉錄 事參軍,卒於步兵 校尉。

殺。 將往。 州 軍 盧 刺史。 、太中大夫。 同 以恩信懷 唯兄子徽仁 元 城民 珍弟仲遵, 時四 、劉安定等先有異志,謂欲圖己,還相恐動,遂執仲遵。 方 誘,率皆怡悅。 出為京兆 得免。 州鎭謀逆,叛亂 有業 尚 內 0 史。 彭城王勰爲定州 後 庸宗 相續 大將軍、京兆 灣州 又詔盧同 城內,咸有異 王繼 請爲開府參軍 爲 行 西伐,請爲 臺, 北出 心。 慰勞。 仲遵單 諮議 累 參軍 轉 二子淸石、阿罕,尋亦 同 車赴州 員 疑彼 **。**〔元〕 外散騎常侍、游擊將 人 尋除 旣至, 情 難 左 信 將軍 與 大 聚 使 見 兵

穆有 母 憂解任。 韶 度量,善談論, 從叔思穆,字叔仁。 起為 都水使者。 工草隸, 為當時所 父抗,自凉州渡江左,仕 及車駕南伐,以本官兼直閤將軍,從平南陽,以 稱。 太和 十七年,攜家累自漢中 |劉駿,歷晉壽、安東、東萊三郡 歸 國, 除步 功賜爵爲伯 太守。 兵 校尉。 思

列

傳

尋除司 惠 華州刺史。永安中,子獎爲莊帝所親待,復超贈思穆衞將軍、中書監、左光祿大夫,諡曰宣 除平北將軍、中山太守,未拜,遷安北將軍、營州刺史。卒於位,時年六十一。贈安西將軍、 解,除征虜將軍、太中大夫。 有子十四人。 徒司馬。 彭城王勰爲定州,請爲司馬,帶鉅鹿太守。 出爲京兆內史,在郡八年,頗有政績。徵拜光祿大夫。 勰徙鎭揚州,仍請爲司馬。 肅宗初, 府

嫡子斌,襲。官至散騎侍郎。早卒。

斌兄獎,武定末,司徒左長史。

服、殆無慘容、相視窘乏、不加拯濟。識者以此貶之。 李氏自初入魏,人位兼舉,因沖寵遇,遂爲當世盛門。 而仁義吉凶,情禮淺薄,期功之

履度,聲績洽美矣。 史臣曰一李寶家難流離,晚獲歸正,大享名器,世業不殞,諸子承基,俱有位望。 神儁才尙風流,殆民望也,貞粹之地,君子或未許焉。 韶清身

### 校勘記

[一] 王盧即瑾之外兄也 諸本「王」訛「士」,今據北史卷一○○序傳、册府卷四五八五四三五頁改。

- . \_ \_ 長子曖字仁明 北史卷一〇〇「嗳」作「喚」。 按以下子孫名字, 魏書與北史常有異同, 見於唐
- 書卷七二上宰相世系表者多同北史,下不一一列舉。
- 李 孝莊初與兄曖同時遇害年三十八 慈銘 、張森楷均疑昞爲曖弟,同時被殺,上文說曖死年四十, 諸本「三」作「四」,北史卷一○○作「三」。本書殿本秀證 不應弟長於兄。 但都沒有檢北 及
- 29 子士元操 北史卷一〇〇「操」上有「士」字,不宜省,當是脫文。

史,今據北史改

- Œ. 長子詠 北史卷一〇〇「詠」作「諺」。按墓誌集釋元子邀妻李艷華墓誌圖版五七八稱 祖越, 司農、
- 豫 州 刺 史,父該,散騎常侍、濟州 刺史。 該官位與詠同,知「詠」「諺」均爲「該」之訛
- <del>Х</del> -1: 據 自是優遊 挺即神傷墓誌 乃除衞將軍右光祿大夫 北史卷一〇〇改。 里舍 圖版五九一 百衲本、南本、北本「里舍」作「早含」、汲本、殿本、局本作「早舍」、 也作「右」、與册府合。「左」字訛、今據改。 諸本「右」作「左」, 册府卷九四九一一六九頁作「右」。 按墓誌集 都不可解,今
- , Ш 與和二年薨 按墓誌稱「以興和三年六月十七日薨於位」。 此誌當年所作, 記年月較確, 這裏
- 「二」字當是「三」之訛
- ナセ  $\sqcup$ 請爲諮 列 傅 第 議 参軍 + 七 諸本「爲」作「而」,獨局本作「爲」。 校 勘 記 按殿本考證及李慈銘、 張森楷都說「而」當

-

## 列傳第二十八

### 陸俟

軍、虎牢鎭大將。 駕還,復典選部蘭臺事。 厲威將軍 本將軍。 部蘭臺事。 俟 陸俟,代人也。 少 )聰慧, 離石 時考州郡治功,唯俟與河內太守丘陳爲 當官而行,無所屈 . 鎮將。 有策略。 平涼休屠金崖 曾祖幹,祖引,世領部落。 天興中,爲上黨太守、關內侯。 與西平公安頡督諸軍 太宗踐阼,拜侍郎,遷內侍,襲爵關內侯, 一、羌狄 人機。 世祖 子玉等叛,復轉爲使持節、散騎常侍、平西將軍、安定 親 征 攻 父突,太祖時率部民隨從征伐,數有 赫 連昌, 虎牢,克之,賜爵建業公,拜冀州 天下第一。 詔俟督諸軍鎭大磧,以備 轉都督洛豫二州諸 轉龍驤將軍、 給事中, 軍 蠕 戦 事 刺 、本將 史,仍 功,拜 車

選

鎭

大將。

旣至,懷柔羌戎,莫不歸附。

追討崖等,皆獲之。

徵還, 拜散騎常侍。

亂彰矣。」世祖笑曰:「卿身乃短,慮何長也。」即日,復除散騎常侍 臣所以莅之以威嚴,節之以憲網,欲漸加訓導,使知分限。而惡直醜正,實繁有徒, 世祖聞之,大驚,卽召俟,問其知敗之意。俟曰:「夫高車上下無禮,無禮之人, 年,孤身必敗,高車必叛。」世祖疑謂不實,切責之,以公歸第。 世 無恩,稱孤之美。 祖韶許之,徵俟還京。 無禮之人,易生陵傲,不過期年,無復上下,然後收之以威,則 出為 平東將軍、懷荒鎭大將。未期,諸高車莫弗訟俟嚴急,待下無恩,還請 孤獲還鎭,欣其名譽,必加恩於百姓,譏臣爲失,專欲以寬惠治之,仁恕待 旣至朝見,言於世祖曰:「陛下今以郎孤復鎭,以臣愚量,不過周 明年,諸莫弗果殺 人懷怨懟,怨懟旣多,敗 前鎭將郎 難爲 郎 孤 故訟臣 其上。 而 孤

世 祖 征蠕蠕,破凉州,常隨駕別督輜重。 又與高涼王那渡河南,略地至濟南東平陵,徙

其民六千家於河北。

吳一身藏竄,非其親信,誰能獲之?若停十萬之衆以追一人,非上策也。不如私許吳叔,免 破之。獲吳二叔,諸將欲送京師,俟獨不許,曰「夫長安一都,險絕之土,民多剛强,類乃非 其妻子,使自追吳,擒之必也。」諸將咸曰:「今來討賊,旣破之,獲其二叔,唯吳一人,何所復 。清平之時,仍多叛動,今雖良民,猶以爲懼,況其黨與乎?若不斬吳,恐長安之變未已。 又以俟都督秦雍二州諸軍事、平西將軍、長安鎭大將。 與高涼王那擊蓋吳於杏城,大

耳,必不背也。」後數日,果斬吳以至,皆如 至。」俟曰:「吳之悖逆,本自天性,今若獲觅,必誑惑愚民,稱王者不死, 凉王那亦從俟計,遂遣吳二叔, 與之期。及吳叔不至, 「公言是也。 諸君不 見毒蛇乎? 但得賊不殺,更有所求,遂去不返,其如罪何。」俟曰:「此罪我與諸君 斷 其頭猶能 爲害,況除腹 其言。俟之明略獨決,皆此類 心疾,而曰必遺其類, 諸將各咎於 俟。 俟曰 妄相 也。 其 可 一「此未 遷 扇 乎?」諸將曰: 內都 動,爲忠必 當之。」高 大官。 得其便

當 與卿,則 超等恃險,不順王命,朕若以重兵與卿,則超等必合而爲一,據險拒 軍 呼,手斬超首。 公,必無二也。」遂偽獵 見超,觀其舉措,設掩襲之計。 旣 可取也。」乃密選精兵五百人,陳國恩德,激厲將士,言至懇切。 以酒食相供。」俟乃將二百騎詣超,超設備甚嚴。 至,申揚威信,示以成敗,誘納超女,外若姻親。 ,鎭長安。 安定盧水劉超等聚黨萬餘以叛,日日世祖以俟威恩被於關 不制矣。 世祖曰:「秦川險絕,奉化日近,吏民未被恩德,故頃年已來,頻 士卒 今使卿以方略定之。」於是俟單馬之鎮, 超等聞之大欣, 應聲縱擊,殺傷千數,遂平之。世祖大悅,徵俟還京師,轉外都大官,散 而詣超,與士卒約曰:「今會發機,當以醉爲限。」俟於是詐醉,上馬 超使人逆曰:「三百人以外,適當以弓馬 超猶自警,初無降意。 俟遂縱酒盡醉而還。 中, 士卒奮勇, 詔 戰,未易攻也,若 以本官 相待, 後謂 俟乃率 以爲 各曰 加 三百人以 將 有 都 無能 其 :「以死從 七曰:「超 叛 督 帳 秦雍諸 動。 以輕兵 下,往 爲也。 今

列

傳

第

\_

騎常侍如故。

高宗踐阼, 以子麗有策立之勳,拜俟征西大將軍,進爵東平王。 太安四年薨,年六十

七,諡曰成。有子十二人。

善」。 父矣。」少爲內都下大夫,奉上接下,行止取與,每能逆曉人意,與其從事者無不愛之。 扶 興安初,賜爵聊城侯,出爲散騎常侍、安南將軍、相州刺史,假長廣公。 長子酦,多智,有父風。高宗見酦而悅之,謂朝臣曰:「吾常歎其父智過其軀,是復踰於 叉簡 州 中 取 有德宿老名望重者,以友禮待之,詢之政事,責以方略。 諸縣强門百餘人,以爲假子,誘接殷勤,賜以衣服,令各歸家,爲耳目於外。 如此 者十人,號曰「十 爲政淸平,抑强 於

是發姦摘伏, 匹、奴婢 侍,民乞留] 酸者千餘人。 十口。 事無不驗。 馛之還也, 吏民大斂布 顯祖不許,謂羣臣曰:「馛之善政,雖復古人何以加之。」賜 百姓以爲神明,無敢 帛以遺之,馛一皆不受,民亦 劫盜者。 在州七年,家至貧 不取, 約。 於是以物造 徵 爲散騎 絹 佛寺 五. 百

者,骸皆免之。 時 劉 彧 司 州刺史常珍奇 百姓忻悅,民情乃定。 以懸瓠 內附,而新民猶懷去就。 蠕蠕犯塞,車駕親討,詔馛爲選部尚書,錄留臺事,督 **酞衡旨撫慰,諸有陷軍爲奴婢**  焉,名長廣

公寺。

後襲父爵,改封建安

主

兵運糧,一委處分。

德承 曰:「馛,直臣也,其能保吾子乎!」遂以馛爲太保,與太尉源賀持節奉皇帝 基, 顯 祖 四海屬望,不可橫議,干國之紀。 將禪位於京兆王子推,任城王雲、隴西王源賀等並皆固諫。 臣請刎頸殿庭,有死無貳。」久之,帝意乃解,詔 馛抗言曰:「皇太子聖 **璽紱,傳位于** 

初,試 和首。 沉毅 高祖 太子左詹事、領北海王師、光祿大夫,轉祠部尚書、司州大中正。 爲陸氏宗首乎。」誘對曰:「苟非鬭力,何患童稚。」 酞奇之,遂立锈爲世子。 年九歲,馛謂之曰:「汝祖東平王有十二子,我爲嫡長,承襲家業,今已年老,屬汝幼沖,詎堪 琇大逆, 少言,雅好讀書,以功臣子孫爲侍御長、給事中,遷黃門侍郎,轉太常少卿、散騎常侍、 延 守 時 興四年薨,贈以本官,諡曰貞王。 陸宗大小,咸見收捕。 河內郡。 以琇不先送曇和,禧敗始斬首,責其通情,徵詣廷尉。 咸陽王禧謀反,令子曇和與尹仵期、薛繼祖等先據河內。 母赫連氏,身長七尺九寸,甚有婦德。 會將赦,先薨於獄。 馛有六子,琇、凱知名。 廷尉少卿崔振窮治罪狀,按 會從兄叡事発官。 骸有以爵傳琇之意。 **酦**薨,襲爵。 秀聞禧敗,斬曇 景明

景祚襲。

軍 節 平之色。 所 戚 風 乞骸骨, 子、給事 一、南青 月 以數年之中 舊 大臣 人意 凱 幾 州 黄 失明,訴 並 詔 字 乃 闸 刺 智 有 不 令 史,諡 ·許,敕 侍 難 君 抱 解。 凱 色。 謹 郎 病 寃 私喻之曰「至尊 咸陽 忍 日 不 太醫給湯 重好學。 又每引劉芳、郭祚 凱 已 惠 死 在 者, 王 備 樞 禧謀逆, 盡 要十餘年,以忠厚見稱,希言屢中, 顧 藥。 年十五,爲中書學生,拜侍御 人事。 門戶 但欲 除正 凱 、計耳。 至正 兄琇陷 廣 等密 平太守,在郡 知 始 逝者不追, 前 與規 罪,凱亦被收,遇赦 初,世宗復琇官爵,凱 事 ·, 直 謨, 七年, 當問其古式 共論 今願 時政, 中散, 號爲 畢矣。」遂以其年卒。 '良吏。 高 轉通 乃 耳 而國戚謂遂疏己,快 祖 大喜 発。 終 嘉之。 直散騎侍郎,遷 無親彼 初, 置 凱 痛兄之死,哭 高祖 酒集諸親曰:「吾 後遇 而 將議 相 患, 贈 疏 龍 怏 革 頻 太 也。 驤 子庶 無 ·變舊 有 上 將 時 或 不 書

延譽。」 壁。 光 中 叉嘗 章表 卒 長 暐起 子 兄弟 暐 贈 數 家 司 字 共 州 司 道暉 篇 徒行 候黃 治 中。 暐 , 参 與弟恭之並 與恭之晚不睦,爲時所鄙 孝昌 軍 一、太尉 孫 惠蔚 中 ٠, 重 西閣 有時 惠蔚 贈 祭酒 冠 譽。 軍 謂 將 ,兼尚 諸賓曰 洛陽 軍 、恒州 令賈禛見其兄弟, 歎曰:「僕以 書右民、三公郎 「不意二陸 刺 史。 暐擬急就篇爲悟蒙章,及七誘、 復 ·, 坐 在 座隅 事 免。後除 吾 德 伏波 謝 老 張 年,更覩 公, 將 軍 無 。 正 以

子元規,武定中,尚書郎。

坐 河 事 北 発。 太守, 恭之, 孝靜 字季順 轉 征 初 虜 一還復 將軍 , 有操尚。 本任 、殷州 出 釋褐 刺 史。 除 侍 征 御史、著作佐 南 前 將軍 廢 帝 東東 初, 荆 拜 郎。 州 廷 刺 尉 建義 史。 卿 加 天 初,除中書侍 平 鎭 西 四 年卒。 將 軍 郎,領著作郎 所 贈散 歷 騎常侍、 並 有 聲 績 衞 尋除 將 後

子曄,開府中兵參軍。

軍

一、吏部

倘

書、定州

刺

史,諡

目

懿。

恭之所著文章詩賦

凡千

餘篇

献弟石跋,涇州刺史。

石跋弟歸,東宮舍人、駕部校尉。

歸弟尼,內侍校尉、東陽鎭都將。

尼 弟麗, 少 以 忠 謹 入侍左 右, 太武 特 親昵 之。 舉 動 審 愼 而 無愆 失。 賜 爵 章安子,稍

南部尚書。

苑 嫡 王 之重 中, 加 太 撫 立 一、民望 武 軍 之。 崩, 將 南 軍 所係,乃首建 社 安王余立, 稷 麗 獲安, 辭 日 麗之謀 大義, 旣 陛 而 下以正統之重,承基繼業,至於奉迎守順, 爲 與殿 矣。 中常侍宗愛等所 中 由 是受 尚 書 心膂之任, 長孫 渴 殺。 侯 尙 在 百僚 朝 書 源 者 憂 賀 惶, 無 出 莫知 羽 其 林 右 郎 所 臣 劉 立。 興安 . 職 尼 之常, 奉 麗 初 迎 以 쁐 高 封 高 宗 敢 平 昧 原 於 世

列

過 麗 將軍、司徒公,復其子孫,賜妻妃號。 曰:「朕爲天下主,豈不能得二王封卿父子也。」乃以其父俟爲東平王。 王 冒 好 以 學愛士,常以講習爲業。 于 臣幼荷 大典。」頻讓再三,詔不聽。 電樂,於分已過,愚款之情未申,犬馬之効未展,願裁過恩,聽遂所請。」<u>高宗</u> 其所待者,皆篤行之流,士多稱之。 麗乃啓曰:「臣父歷奉先朝,忠勤著稱, 麗以優寵旣頻,固辭不受,高宗益重之。 性又至孝,遭父憂,毀瘠 麗尋遷侍中、撫軍大 今年至 領太子太傅。 西夕,未登

「安有 朝 悖傲, 每 功臣 重,姦臣若疾民譽,慮有 和 聞 平六年,高宗崩。 爲 君父之喪,方慮 以 不法,麗數諍之,由是見忌。 麗 配 饗 「廟庭。 禍難,不卽奔波者」。遂便馳 先是麗療疾於代郡溫泉,聞諱欲赴,左右止之曰:「宮車晏駕,王德 麗二妻,長日杜氏, 不測之禍。 顯祖甚追惜 願少遲回,朝廷 次張氏。 麗, 赴。 諡 乙渾 寧靜,然後奔赴,猶爲未晚。」麗曰: 長子定國,杜氏所生; 目 簡王, 尋擅朝政, 陪葬金陵。 忌而 害之。 高 次叡, 張 祖 追錄先 初,渾

顯 讓 祖 弟 踐 定 叡 阼 或 在襁抱,高宗 ,乃聽之。 拜 散 騎 常侍,特賜封 俄遷侍中、儀曹尚書,轉殿中尚書。 幸其第,詔養宮內,至於遊止常與 東 郡王,加鎭 南 將 軍。 定 | 顯| 祖 國 前後大駕征巡,每擢爲行臺錄都曹 以承 同處。 父爵,頻辭 年六歲,爲中庶 不 許, 叉 水以父 子。 及

所

生。

而嫡妾不

加

輔

或

歷通

鎭

以

此

公主並

雖 無男,以子彰爲兒,乃過自生矣。」 子彰 字明遠,本名士沈。 年十六出後,事公主盡禮。 丞相高陽王雍嘗言曰:「常山

彰 贈 加 七 祿 豫 潁 刺 事 兵尚 ,,庶姓封王,由是封子彰濮陽王,食邑七百戶。 大夫。 州 史。 都督青光齊三州諸軍事 以虛己納物,人敬愛之。 州 妻卽咸陽王 刺 刺史,仍除徐州刺史,將軍 正 史。 書。 還,拜征東將軍、金紫光祿大夫,領廣平王贊開府諮議參軍 光 中,襲爵東郡公,尋除散騎侍郎,拜山陽太守。 又行瀛 行 以母憂去職。 一禧女。 青州 州 事。 事。 禧誅,養於彭城王第, 尋拜侍中。 子彰之爲州,以聚斂爲事,晚節修改,自行靑、冀、滄、瀛,甚有 、驃騎 元象 武定八年二月、除中書監。 並如 中,以本將軍除齊州刺史,又加驃騎將軍,行懷 大將軍、開 故。 復行滄州 一年歷三州,當世榮之。 府 莊帝親之, 事。 儀同三司、靑州刺史,公如故,諡 尋而 詔罷, 進號驃騎大將軍,行冀州 三月卒,年五十四。 略同諸姊。 莊帝即位,徵拜給事黃門侍郎。 仍復先爵。 事。 還朝,除衞大將軍、左光 建義 天平中, 初, 除安西將軍、 賻帛 事。 介朱榮欲修舊 日 州 拜 文宣 除侍讀、兼 一百匹,追 衞 時譽, 將軍 洛州 轉北 子

彰崇好道術,曾嬰重疾,藥中須桑螵蛸,子彰不忍害物,遂不服焉。 其仁恕如此。 敎

訓 六子,雅有法 度。

子昂,武定中,中書舍人。

妹

弟駿,太子 洗 馬

弟杳,尚書 倉部郎

其姓 使,待之甚厚。 刺 爵 史博陵 撫 軍 叡 敦婚自 了, 字 大將軍、平原王。 崔鑒女,回鑒謂所親云一平原王才度不惡,但恨 思确。其母張氏,字黃龍,本恭宗宮人,以 東徐還,經於鄴,見李彪,甚敬悅之,仍與俱趨京師,以爲館客,資給衣馬僮 爲北 征都督,拜北部長,轉尚書,加散騎常侍 沉雅 好學, 折節下士。 年未二十, 時人便以宰輔許之。 賜麗,生叡 其姓名殊為 麗之亡也,叡始十 重複。」時高祖 娶東 餘 歲 未改 徐 州

常 叉 五 犯 侍,遷 月,詔賜 塞 太和 尚 詔 八年正月,叡與隴 叡 書 叡 率 夏服一具。 左 騎 僕 五. 射,領北部 千以討之,蠕蠕 後以叡為北 西公元琛並持節為東西二道大使,褒善罰 尙 書。 遁走,追至石磧,擒其帥赤河突等數百 征都督,擊蠕蠕,大破之。 遷侍中、 惡, 都 曹尚 聲 人而還。 稱 書。 聞 於京 加散騎 時 蠕 師

蠕

蠕 鎭 北 蠕 大 十六年,降五 將 叡 以下 軍 與 各 陽 賜 等之爵,以麗 平王 衣 物 頥 布 並 帛。 爲 都督,督 動著 高 祖 前朝, 親幸城北,訓誓羣帥。 領 軍將軍 封叡鉅鹿郡開國公,食邑三百戶。 斛律桓等北征三道諸軍 除尚書令、衞 將軍 事, 步 尋爲 叡 騎十萬以討 大破 使持節、 蠕蠕

列

傳

第

\_

+

八

陸

俟

令敦喻。」後除使持節、都督恒肆朔三州諸軍事、本將軍、恒州刺史,行尚書令。 而 還。 詔曰:「 尋以 叡猶執私痛, 母 憂解令。 高祖 致違往旨,金革方馳,何宜曲遂也。 將 有南伐之事,以本官起之,改授征 加領 北將軍。 衞 尉 可重 叡 固 高 敕 辭 祖 有 請終情 大考百 , 速

,奪叡尚書令祿一周

難。今介冑之士,外攻讎寇;羸弱之夫,內動土木;運給之費,日損千金。 服 禮 願櫜旌卷斾,爲持久之方,崇成帝居,深重本之固。聖懷無內念之虞,兆庶休斤板之役,修 城之虜,將何以取勝乎。陛下往冬之舉,政欲曜武江漢,示威衡湘,自春 之館,府寺靡聽治之所,百僚居止,事等行路,沉雨炎陽,自成癘疫。 力屈。又南土昏霧,暑氣鬱蒸,師人經夏,必多疾病。 左,惡盈罪稔,天人棄之。 必茲年,競斯寸尺。 有 情,孰 "撫附 十九年,叡表曰:「臣聞先天有弗違之略,後天有順時之規。 ,諷風洛浦。 振威,回麾東指,則義陽以左馳聲可制。 不思奮! 還遣慕德之人効其餘力,乘流而下,勢勝萬倍,蕞爾閩甌,敢不稽顙 惟願顧存近敕,納降而旋,不紆鑾輿,久臨炎暑。」高祖從之。 然簡英略之將,任猛毅之雄,南取荆湘,據其要府,則梁秦以西覩機 取亂攻昧,誠在茲日。 然後布仁化以綏近,播恩施以懷遠, 愚以長江浩蕩,彼之巨防,可以德招,難 而鼎遷草創,庶事 **今蕭鸞盜有名目**, 且. 一兵徭並舉,聖王所 幾夏,理宜釋 甫爾,臺省 驅罷弊之兵,討堅 叡表請車 竊據 一無論 凡在 自 政

駕還代,親臨太師馮熙之葬,坐削奪都督三州諸軍事。 尋除都督恒朔二州諸軍事, 進號征

北大將軍。

以有順遷之表,加邑四百户。

灼,隱而弗窮,以連坐應死,特恕爲民。 朕本期有終,而彼自棄。 卿等之間,忽及今日,違心 其門子孫,永世不齒。 元丕二子一弟,首爲賊端, 其父無人明證, 理在可覩。 但以言無炳 失,處入門誅。朕諦尋前旨,許不盡法。反逆之志,自負幽冥,違誓在彼,不關朕也。反心 引子恂,若斯之論,前後非一。始欲推故南安王,次推陽平王,若不肯從,欲逼樂陵王。訕 陸叡無心之甚,一至於斯!乃與穆泰結禍,數圖反噬。以朕遷洛,内懷不可,擬舉諸王,議 之韶,朕許以不死之旨,思得上下齊信,以保大義。朕於卿等常忘短棄瑕,務相含養。豈謂 西郡民。韶僕射李冲、領軍于烈曰:「陸叡、元丕、早蒙寵禄,位極人臣。 自與卿等同受非常 侍、定州刺史,將軍如故。叡未發,遂與泰等同謀構逆。賜死獄中,聽免孥戮,徙其妻子爲遼 乖念,一何可悲,故此别示,想無致怪也。 逆意,既異餘犯,雖欲矜恕,末如之何。然猶憶先言,兼以末頗異議,聽自死别府,免厥孥戮, 弗聞。賴陽平王忠貞奮發,獲<br />
療之言,便爾馳表,得使王人糾慝,<br />
恒岳無塵。是以叡之愆 謗朝廷,書信炳然。事既垂就,叡以洛都休明,勸令小緩,於是之後,兩人復競。然猶隱而 時穆泰爲定州刺史,辭以疾病,土温則甚,請恒州自効,高祖許之。乃以叡爲散騎常 謀反之外,皎如白日耳。」

恩,重喻皎日之旨,伏讀悲慚,惟深愧惕。」 節,爲下之恒分;刑茲無捨,在上之常法。 妖逆,違悖天常,罪踰 叨 包藏姦逆,求情推理,罪乃常誅。 夏,測觀此狀,無容不知。 疑惑,何嘗片辭披露宿志,原心語跡,實爲賊首。 三縱宥,實虧 忝之寵,終古無比;莫大之施,萬殞靡酬。 沖 烈 表 憲典。 .曰:「臣等邀逢幸會,生遇昌辰。才非利用,坐班位列; **猶復上延天眷,言念疇日。** 萬殞。 雖聖慈含育,恕其生命,其若天地何! 叡結釁在心,陰構不息,問說戚蕃,擬窺乾象。 而慈造寬渥,更流恩貸,續叡三斷之骸,還丕已絕之魄,二 況曲蒙莫大之恩,獎以忠貞之義,而 而叡、丕識乖犬馬, 不以臣等背負餘黨,別垂明詔,再申齊信之 丕之二子,從惡累年,交扇 心同 其若 梟獍,潛引童稚, 功無汗馬, |神祇何 雖覩 東西,規擾幷 更違天背道, 休平,未懷 猥受山河。 夫効誠盡 構茲

発。 參議新令。 軍元英攻蕭衍司州,以希道爲副,及克義陽,以功賜爵淮陽男。 父事徙於遼西。於後得還,從征自效。以軍 ,轉平西將軍、涇州刺史。 叡長子希道,字洪度,有風貌,美鬚髯。 又除東夏州 轉廷尉少卿。 刺史,不拜。 加龍驤將軍、南青州刺史。 正光四年卒官。 轉北 中郎將, 遷前將軍、郢州 歷覽經史,頗有文致。 功拜給事中,遷司 贈撫軍將軍、定州刺史。 以本將軍 刺史。 中轉梁州 徒記室、司空主簿。 拜諫議大夫。 初拜 希道善於 希道有六子。 刺 中散,遷通 史。 馭邊, 希道 以學 關今古, 直郎,坐 頻 甚有威 征南將 表 辭

懋,字元偉。 天平中,以其曾祖麗有翼戴之勳,詔特復鉅鹿郡開國公, 邑三百戶,令

上懋襲。武定中,平東將軍、營州刺史。

士懋弟士宗,字仲彦。尚書左外兵郎中。

士宗弟 土 述 一字幼文。 符 1璽郎 中。 士宗、士述,建義初,並於河陰遇害。

士述弟士沈,出繼從叔昕之。

沈 弟 土 廉 字 季 脩。 建州 平北府長 史。 永安末,爲永朱世隆攻陷州城,見害。

士廉弟士佩,字季偉。武定中,安東將軍、司州治中。

希 道 弟 希 悅 尙 書外兵 郎 中 驃騎諮議參軍 通 直散騎常侍、平南將軍、光祿大夫。 遇

害於河陰。贈散騎常侍、衞將軍、相州刺史。

希悅弟希謐,太尉參軍,早卒。

希謐弟希靜,字季默。司徒默曹,稍遷邵郡太守。

驤 將 希 軍 靜 弟希質 膠 州 刺 字幼 史。 蕭 成 衍 遣 起家 將 率 員 衆 外 数萬 郎,領 從 侍 郁洲 御史, 浮 海 稍 據 遷散騎侍郎、 島, 來侵州 界, 陽城太守。 希質討 被之。 孝莊 初 轉 除 建

龍

希 州 質 刺 史,將 妻元氏, 軍 **|**榮妻之兄 如 故 **介朱榮之死** 孫,由 是獲

是

変

の

。 也, 世隆率衆 天平初, 北還晉陽, 給事黃門侍郎, 希 質 固守拒之, 遷魏尹 , 轉太常 城 陷, 卿 兄子 衞 被害。 大將

九一六

質 軍 〈名家 、都官尚 子, 位官 書。 又通, 武定七年夏卒,年五十八。 不能平心於物, 唯與 山偉、宇文忠之等共爲 贈驃騎大將軍、中書監、青州刺 別黨, 排毁朝俊, 史, 諡 目 文。 有識 希

子 珣,字子琰。 開府參軍。 次瑾,字子瑜。 性並粗險,乃爲劫盜,珣、瑾俱死 薄之。

瑾弟 瓘 字 子壁。 次悉達。 武定中,並 儀同 開 府參軍

麗 弟顔 早卒。 子□ 一,字清都。 性機 巧,歷位長 水校尉, 賜爵廣牧子。 遷龍驤將軍、 游

擊將軍 · 北 中 郎 將。 轉南. 中郎 將, 帶魯陽 太守, 進號前將 軍 卒, 贈本將軍、 夏州 刺 史,

日順。

類弟陵成,中校尉、河間太守、秘書中散、新城子。

陵成弟龍成,有父兄之風。 少 以 功 臣 子 爲 中散, 稍遷散騎 常侍, 賜 爵 永安子。 加 平遠

將 軍 一,出爲 安南 將軍、靑州刺史,假樂安 公。 愛民恤 下,百姓稱之。 卒。

西 **発**。 將軍、左光祿大夫。 將 軍 久之, 進號 子昶,字細文,襲爵。 京兆 內 廣 史, 武 固辭 將軍,遷司 天平中,進號驃騎 不 拜。 正始 空司 中,爲太 轉 平 北 馬,尋拜 將軍 大將軍,加散騎常侍、領左右、兼給事 深尉屬, 大肆州 光祿 加寧遠將 大 刺 夫。 史。 軍,以本官行滎陽 入 昶 寫 無他 衞 才 將 軍 能 唯飲 大鴻 郡 酒 臚 黄門侍郎, 事。 爲 卿 事 被 仍除 • 劾 出 仍 會赦 車 爲 兼 騎 平

太僕卿。 復以本將軍爲東徐州刺史。 尋卒。 贈本將軍、衞尉卿、靑州刺史。

龍 成 季弟騏驎,侍御中散,圖 轉侍御長。 太和初,新平太守、銀青光祿大夫,以彭城勳

除夏州刺史。

子高貴、孝昌中、兗州鎭東府法曹參軍。

子操,武定末,度支尚書。操弟楚。

高貴弟順宗,員外郎、秘書中散。

子概之,武定末,東莞太守。

俟族弟宜,雲中鎮將。

子雋,高宗世,歷侍中、給事。 顯祖初,侍御長。 以謀誅乙渾,拜侍中、樂部尚書。 遷散

尋拜尙書令。

後除安東將軍、定州刺史,

轉征

東大將軍、相 州刺史。 政尚寬惠,民吏安定。卒,諡貞公。

騎常侍、吏部尚書,賜爵安樂公,甚見委任。

子登,澄城太守。

子匡,司空倉曹參軍。

登弟子景元,元象初,衞將軍、儀同三司、南靑州刺史。

列傳

第

二十八

陸俟

校

勘

記

忠履義、制於一豎。 史臣曰:陸俟威略智器有過人者。 惜哉 • 叡、琇以沉雅顯達,而釁逆陷禍。 **馛識幹明厲,不替家風。** 深山大澤,實有龍蛇。 麗忠國奉主,爲時梁棟,蹈 希道 風

### 校勘記

度有聲,子彰令終之美也。

- (一)安定盧水劉超等聚黨萬餘以叛 三九二八頁「水」下更有「胡」字。 按盧水胡屢見後漢書、三國志、晉書等史籍。 若作 諸本「水」作「永」。 北史卷二八陸俟傳作「水」, 通鑑卷一二四 「永」,則是人
- 與度世子淵婚親 相好 諸本「淵」作「泉」。按盧淵,卷四七有傳。這裏當是唐人避諱改,今回改。

名,但下文只稱「超」等。

知「永」乃「水」之形訛、今據改。

- 娶東徐州刺史博陵崔鑒女 軍、東徐州刺史」,不云「徐州」。 還。」卷六二李彪傳稱陸叡 「娶東徐州刺史博陵崔鑒女」。 諸本無「東」字、北史卷二八陸叡傳有。 此傳脫「東」字,今據補 卷四九雀鑒傳也只稱鑒「出 按下明云:「叡婚自東徐 爲奮威將
- 129 侍御中散 從五品上。 「侍郞中散」無此官名,今據改。 諸本「御」作「郎」、北史卷二八作「御」。按「侍御中散」魏初已有此官,太和後品令在

# 魏書卷四十

# 列傳第二十九

#### 源賀

頭。 拔之如反掌耳。」世祖曰:「善。」於是遣賀率精騎歷諸部招慰,下三萬餘落,獲雜畜十餘萬 蠕 然皆是臣祖父舊民,臣願軍前宣國威信,示其福禍,必相率歸降。外援旣服,然後攻其孤城, 因 善 事 風 擊五城、吐京胡、討蓋吳諸賊,皆有功。 儀。 及圍姑臧,由是無外慮,故得專力攻之。 世祖征凉州,以賀爲鄕導。 分姓,今可爲源氏。」從擊叛胡白龍,又討吐京胡,皆先登陷陳。 源賀,自署河西王禿髮傉檀之子也。 世祖素聞其名,及見,器其機辯,賜爵西平侯,加龍驤將軍。謂賀曰:「 韶問攻戰之計,賀對曰:「姑臧城外有四部鮮卑,各為 拜散騎常侍。 傉檀爲乞伏熾磐所滅, 凉州平,遷征西將軍,進號西平公。 從駕臨江,爲前鋒大將。賀爲人雄 賀自樂都來奔。賀偉容貌, 進號平西將 卿 與股 軍 叉從 之援。 源 征 同, 嶿

列傳

第二十九

源賀

尙書。

|賀本名破羌,是役也,世祖曰:「人之立名,宜其得實,〔1〕何可濫也。」賜名賀焉。 果,每遇强寇,輒自奮擊。世祖戒之曰:「兵凶戰危,不宜輕犯,卿可運籌處分,勿恃 身力 拜殿中 也。

開門。 宗。 唯取戎馬一匹而已。 高宗卽位,班賜百僚,謂賀曰:「朕大賚善人,卿其任意取之,勿謙退也。」賀辭,固使取之,賀 令魔與劉尼馳詣苑中,奉迎高宗,賀守禁中爲之內應。 南安王余爲宗愛所殺也,賀部勒禁兵,靜遏外內,與南部尚書陸麗決議 高宗卽位,社稷大安,賀有力焉。轉征北將軍,加給 事中。以定策之勳,進爵 俄而麗抱高宗單騎 而至,賀乃 定策,翼 西平王。 戴高

殺人之罪,其坐贓及盜與過誤之愆應入死者,皆可原命,謫守邊境。是則已斷之體,更受全 聞:人之所寶,莫寶於生全,德之厚者,莫厚於宥死。 可矜恤。今勁寇遊魂於北,狡賊負險於南,其在疆場,猶須防戍。臣愚以爲自非大逆、赤手 爲可原其命,沒入縣官。」高宗納之。出爲征南將軍、冀州刺史,改封隴西王。賀上書曰:「臣 意,以不同謀,非絕類之罪,故特垂不死之詔。若年十三已下,家人首惡,計謀所不及,愚以 之類,彰大逆之辜,其爲劫賊應誅者,兄弟子姪在遠,道隔關津,皆不坐。竊惟先朝制律之 是時,斷獄多濫,賀上書曰:「案律:謀反之家,其子孫雖養他族,追還就戮,所以絕罪人 然犯死之罪,難以盡恕,權其輕重,有

皆恕死: 受恩深 活殊爲不少,生濟之理旣多,邊戍之兵有益。 生之恩;徭役之家,漸蒙休息之惠。刑措之化、庶幾在兹。 下 復 何憂哉 徙邊。 重,無以仰答,將違闕庭,豫增係戀,敢 ! 久之,高宗謂羣臣曰:「源賀勸脫宥諸死刑,徙充北番諸戍,自爾 顧憶誠言,四利實廣矣。」羣臣咸曰:「非忠臣不能進此計,非聖明不能 卿等事朕,致何善意也。苟人人 上瞽言,唯加裁察。」高宗納之。 虞書曰『流宥五刑』,此其 如賀,朕治天 至今,一歲所 已後入 義 死者, 也。臣 納

此言。」

宗 賀 遣宣意。 詔賀曰:「卿以忠誠款至,著自先朝,以丹靑之潔而受蒼蠅之汙。 股登時研檢,已加極法,故 之忠誠, 謂羣臣曰:「賀誠心事國,朕爲卿等保之,無此明矣。」乃精加訊檢,華果引誣。於是遣使者 賀 之臨州,鞫獄以情,徭役簡省。 請代,朝議 尚致其誣,不若是者,可無愼乎!時考殿最,賀治爲第一,賜衣馬器物,班宣天下。 其善綏所莅,勿以囂謗之言致損慮也。」賀上書謝,書奏,高宗顧謂左右曰: 以賀得民情,不許。 武邑郡姦人石華告沙門道可與賀謀反,有司 在州七年,乃徵拜太尉 以聞。 以質

傳 徴 賀。 蠕 蠕 賀旣 寇邊,賀 至, 從駕追討,破之。 乃命公卿議之。 賀正色固執不可。 顯祖將傳位于京兆王子推,時質都督諸軍屯漠南,乃馳 即韶賀持節奉皇帝璽綬以授高 祖

河 西 敕 勒 叛,遣賀率衆討之,降二千餘落,倍道兼行,追賊黨郁朱于等至枹罕,大

而

四 十

破 金 之, 城 ず斬 斬首 首 三千 五千 級。 餘級,廣男女萬餘口、雜畜三萬餘頭。復追統萬、高平、上邽三鎭叛敕勒至于 質依古今兵法及先儒者舊之說,略採 至要,爲十二陳圖 以上之。顯 祖 覽

近州 鎭 出, 有 三萬 撫 百 北 以 之。 鎭 乘。 顧 賀 備 之慮 租 以 人,復其徭賦,厚 北 年 冬則 栗 弩一 寇,至 老辭位,詔不 也 以 床,給: 充 講 之, 春 事 武, 寢 中乃 春 足食足兵,以 牛六頭;武 不報 則 班 加 · 許。 種 師。 赈 殖 恤 並 又詔 衞 了, 分 賀 備 成 以勞役京 都督三道諸軍,屯于漠南。 爲三部。 乘,給牛 並 不 耕,則 虞,於宜 都,又 兵 爲 未勞 頭。 鎭 之間 非 便。 禦邊 而 多 造 築 不 有 馬 可 盈 長計,乃 城,城置萬人,給强弩十二床, 歲常舉 畜 槍及諸器械,使武略 矣。 是時,每歲秋冬,遺軍三道並 上言:「請募諸 衆, 叉 於 連 白 動 道 京 南三處立 師, 大將二人 州 鎭 令朝庭 有 武 武 河,運 以 恒 衞 健

以 册 遺 元 令 事 嫉 年 君 妬 敕 叉 ,清約以行己。 諸 月 上 疑思問 療疾 子 書 国 稱病篤, 音 於溫 言言 思 頃 湯,高 乞骸骨,至于再三,乃許 審 以 吾終之後,所葬時服單櫝,足申孝心,芻靈明器, 行行 老患 祖 思 辭 一文明 恭 事,不悟 服 太 思 后 度;遏惡揚 遣 天 慈降 使 者屢 之。 恩,爵逮於 善 問 朝有 消 ,親賢遠 息, 大議皆就 汝。汝 太 佞 醫 視 目 其 詢 疾。 觀 册 訪, 傲 必 叉 患篤 眞, 吝 給 無用也。」三年秋 册 衣 耳屬 荒怠 還京 藥 珍 必 羞。 師 Ē 毋 奢越 誠 賀 勤 和

薨,年七十三。 贈侍中、太尉、隴西王印綬、諡曰宣、賻雜綵五百匹,賜輼輬車及命服、 溫明

秘器,陪葬于金陵。

刺史、廣武侯、諡曰簡。 長子延,性謹厚好學。 子鱗襲。 初以功臣子拜侍御中散,賜爵武城子,西冶都將。〔三〕卒,贈凉州

史。 清儉有惠政,善於撫恤,劫盜息止,流民皆相率來還。 爵,拜征南將軍。尋爲持節、督諸軍,屯於漠南。 北大將軍、夏州刺史、轉都督羅岐東秦諸軍事、征西大將軍、雍州刺史。 從駕南征,加衞大將軍,領中軍事。以母憂去職,賜帛三百匹、穀千石。 又督諸軍征蠕蠕,六道大將咸受節度。 延弟思禮,後賜名懷,謙恭寬雅,有大度。 遷尙書令,參議律令。 高宗末,爲侍御中散。 還,除殿中尚書,出爲 歲餘,復拜殿中尚書,加侍中,參都曹 後例降爲公。 父賀辭老, 詔懷受父 長安鎭將、雍州 十九年,除征 除司 刺史。 州 刺

遣邊戍?按守宰犯罪,逃走者衆,祿潤旣優,尚有兹失,及蒙恩宥,卒然得還。 釋然。自今已後,犯罪不問輕重,而藏竄者悉遠流。若永避不出,兄弟代徙。 按條制:逃吏不在赦限。 竊惟聖朝之恩,事異前宥,諸流徙在路,尚蒙旋反,况有未發而仍 景明二年,徵爲尚書左僕射,加特進。時有詔,以姦吏犯罪,每多逃遁,因眚乃出,並皆 懷乃奏曰:謹 今獨苦此等,

九二

四

其諸 寬 子。 恐 峻 爲 赦,使大宥之經不 縦 非 制 法 貴 均 上 州 雖 流 守宰, 經 \_\_\_\_ 欲 此 之法 抑 乃古今之達政,救世之恒規。 通 法 一,治 絕姦途,匪爲通式。謹按事 切 職 下 任淸流,至有貪濁,事 尚簡要, 刑憲之設, 所以 如 吏,育: 通,開生之路致壅,進違古典,退乖今律,輒率愚見,以爲宜停。」 臣 [管執,謂宜줲之。」 書奏,門下以成式旣班,駁奏不 物 有差,惠罸 發 不 條,侵官敗法,專據流 伏 等。 、逃竄,而遇恩免罪。 網 尋條 羅 罪 又謀逆滔天, 制 人。 動品 苟理之所備,不在繁典,行之可 已下 輕恩尙免, · )罪發逃亡,遇恩不宥, 外, 豈九品已上, 人皆貞白也? 勳品已下 ٠, 許。懷 獨 吏犯 乖 斯 重奏曰:「臣 微罪,獨不 例。 書奏, 通 如 仍 一、豈容 此 流 則 |世 以

宗納 里[3 昔士治有言,皓若暴死,更立賢主,文武之官,各得其任,則勁敵也。若蕭衍克就,上下同心, 達 斯 淮 滋 其 於 實 陰 日甚,貴 荆 天 並 其 雍 啓之期,吞幷之會。 年 郢 鼎 州 ,除車 峙 刺 臣 然後 而 史 重將,靡有孑 觀 騎 蕭 得 奮雷電之威, 大將軍、涼州 行勒兵而 失。 秣陵 遺,崇信姦 乘 東襲,上流之衆已逼其 孤 厥蕭 布 大中 危,制不 Щ 牆之釁,藉其分崩之隙,東據 河之信, 谎 回 出門。 一,昵比 懷奏曰:「南賊遊魂江揚, 則江 閹 君子小人,並罹 豎,內 西之地, 郊。 外離 廣陵、京口 不刃 心,骨肉 災禍, 自來, 歷陽 各持兵 職爲亂 猜叛 、兼指 延首 吳會 而 北望, 逆, 之鄉 蕭 瓜 懷 步 寶融 肆厥淫昏 緣 兩 指 朝 望, 僭 不 期 江 號 鍾離、 鎭 及 口 於荆 「, 月 成, 夕。

寶卷,衍兵獲進,則衍之主佐,又是亂亡遺孽,皇靈其能久祐之乎? 但以養害,仁者不爲。且十月五日,衍軍已達大航,其大傷小亡之勢,久應有決。 臣,江南常弊,有粟不食,其在斯矣。 土崩之形,邊城無繼援之兆,淸蕩江 江湘無波, 企德,邊書繼至,殄悴之氓,理須救接。 直後圖之難,實亦揚境危逼。 君臣 效職,藉水憑舟,倏忽而至,壽春容不自保,江南将若之何? 何則?壽春之去建鄴,七百而已,山川水陸,彼所諳 區,實在今日。臣受恩旣重,不敢不言。」詔 上天将欲亡之,諸蕃又願取之,人事天道,孰 若爾者,揚州兵力,配積不少,但可速遣任城,委以 今之所矜者, 今寶卷邑居 曰:「不君不 Ē 假 云 令天罰 利。 匪 以南黔 會 ? 脫

麗 扶負聖躬、親所見識、蒙授撫軍大将軍、司徒公、平原王。 中 處分,別加慰勉,令妙盡邊算也。」以衍事克,遂停。 見顧問。先臣固執不可,顯祖久乃許之,遂命先臣持節授皇帝璽綬於高祖。 爵西平王。 ·,宗愛異圖,神位未定。 臣亡父先臣賀與長孫渴侯、陸麗等表迎高宗,<三纂徽寶 ,不容及例。 息叡狀秘書,日日稱其亡父與先臣援立高宗,朝廷追錄,封叡 懷又表曰:「昔世祖昇遐,南安在位,出拜東廟,爲賊臣宗愛所弑。 皇興季年,顯祖將傳大位於京兆王。先臣時都督諸將,屯於武川,被徵詣京,特 至二十年,除臣雍州刺史,臨發奉辭,面奏先帝,申先臣舊勳。時敕旨但赴所 興安二年,追論定策之勳,進先臣 鉅 鹿 郡 開 時高宗避難,龍潛苑 國 公。 至太和十六年, 臣時 命。麗以 丁與草

列傳

第

麗以父功而 不白。竊惟先臣遠則援立高宗,寶曆不墜;近則陳力顯祖,神器有 臨 元 (丕,云如所訴,訪之史官,頗亦言此。 尋當 别 獲河山之賞,印臣有家勳,不霑茅社之賜。 至二十一年,車駕幸確,臣復陳聞,時蒙敕旨,征還當授。 可依比授馮翊郡開國公,邑百戶。」 得否相懸,請 歸 如 垂裁處。」詔曰:「宿老 、斯之勳,超世之事。 自宮車 一晏駕

懷 撫,存恤有方,便宜運轉,有無通濟。時后父于勁勢傾朝野,勁兄于祚與懷宿昔通 殿 尼 沃野鎭将,頗有受納。 日 最, 須 之集,乃是源懷 少舊,亦貪穢狼藉,置酒請懷,謂懷曰「命之長短,由卿之口,豈可不相寬貸?」懷曰「今 類淚而 又韶爲使持節,加侍中、行臺,巡行北邊六鎮、恒燕朔三州,賑給貧乏, 事之得失,皆先決後聞。自京師遷洛,邊朔遙遠,加連年旱儉,百姓困弊。 已,無以 與故人飲酒之坐,非鞫獄之所也。明日公庭,始爲使人撿鎭将罪狀之處。」 對之。 懷将入鎭,祚郊迎道左,懷不與語,即劾祚発官。 懷旣 而表刻尼須。其奉公不撓,皆此類 也。 懷朔鎮将元尼須與 兼採 風俗, 人婚,時 懷銜命巡 考論

将參僚,專擅 先貧後富,若 周。 懷 又表 北鎮邊蕃,事異諸夏,往日置官,全不差別。沃野一鎮,自将已下八百餘人,黎庶怨 , 曰:「景明以來,北蕃連年災旱,高原陸野,不任營殖,唯有水田,少可菑畝。然主 分 腴美,瘠土荒嚋給百姓,因 付 不平,令一人怨訟者,鎮将已下連署之官,各奪一時之祿,四人已上奪祿 此困弊,日月滋甚。 諸鎮水田,請依地令分給細民,

有司一依所上,下爲永準。 陵壓,積年枉滯,一朝見申者,日有百數。 嗟,僉曰 「煩猥 邊隅 事尠,實少畿服,請主帥吏佐五分滅二。」詔曰:「省表具恤民之懷,已敕 如斯之比,不便於民,損化害政者,其備列以聞。」時細民爲豪强 所上事宜便於北邊者,凡四十餘條,皆見嘉納

規,總驍捍之衆,足以擒其酋帥,獻俘闕下耳。」時年六十一。 本官,加使持節、侍中,出據北蕃,指授規略,隨須徵發,諸所處分皆以便宜從事。 大呼,顧謂賓客曰:「氣力雖衰,尚得如此。 直 寢徽隨懷北行。 正始元年九月,有告蠕蠕率十二萬騎六道並進,欲直趨沃野、懷朔,南寇 詔賜馬一匹、細鎧一具、御矟一枚。 蠕蠕 雖畏壯輕老,我亦未 懷拜受訖,乃於其庭跨鞍執矟, 懷至雲中,蠕蠕 便可欺。 恒代。 今 奉廟 又詔 詔 勝之 躍 懷 以

遠。 将,力算俱竭,胡人頗遁,中國以疲。于時賢哲,思造化之至理,推生民之習 粒食邑居之民、蠶衣儒步之士,荒表茹毛飲血之類、鳥宿禽居之徒,親校短長,因宜 水草爲家,中國患者,皆斯類耳。 城郭之固,暫勞永逸。 及儲糧積仗之宜,犬牙相救之勢,凡表五十八條。 代表諸蕃北固,高車外叛,尋遭旱儉,戎馬甲兵,十分闕八。去歲復鎮陰山,庶事蕩盡, 懷旋至恒代, 案視諸鎭左右要害之地,可以築城置戍之處。 自皇魏統極,都於平城,威震天下,德籠宇宙。 歷代驅逐,莫之能制。 表曰:「蠕蠕不羈,自古而 雖北拓 榆中, 遠臨瀚 皆量其高下,揣 今定鼎成周 爾。 業。 海, 遊魂鳥集, 而 量夫 防制 ,去北遙 其厚薄, 智 中夏 臣 勇

列

傳第

騎之寇,終不敢攻城,亦不敢越城南出,如此北方無憂矣。」世宗從之。今北鎭諸戍 夏乏水草,時有小泉,不濟大衆。 戍,分兵要害,勸農積粟,警急之日,隨便翦討。 遣尙書郞 中韓貞、宋世量等檢行要險,防遏形便。謂準舊鎭東西相望,令形勢相接,築城置 脫有非意,要待秋冬,因雲而動。 如此則威形增廣,兵勢亦盛。 若至冬日,冰沙凝厲,遊 且. 北 方沙漠, 東西九

城是也。遷驃騎大将軍

西,民餘惠化,入總端貳,朝列歸仁,依諡法,布德執義曰『穆』,宜諡[穆公。二諡不同。」詔曰: 議諡曰,懷體尙寬柔,器操平正,依諡法,柔直考終曰『靖』,宜諡靖公。 衣一襲、錢二十萬、布七百匹、蠟三百斤,贈司徒、冀州刺史。兼吏部尚書盧昶奏:「太常寺 「府、寺所執,並不克允,愛民好與曰『惠』,可諡惠公。」 廢,任從權計。 時武興氏王楊紹先叔集起反叛,詔懷使持節、侍中、都督平氏諸軍事以討之,須 其邢巒、字煥並禀節度。三年六月卒,年六十三。詔給東園秘器、朝服一具、 司徒府議,懷作牧陝 有

病 如 (也。)又性不飲酒而喜以飲人,好接賓友,雅善音律,雖在白首,至宴居之暇,常自操絲竹。 爲屋,但外望高顯,楹棟平正,基壁完牢,風雨不入,足矣。斧斤不平,斲削 懷性寬容簡約,不好煩碎,恒語人曰:「爲貴人,理世務當舉綱維,何必須太子細也。譬 不密, 非屋之

||| ||| ||

有七子。

長子規,字靈度。 中書學生、羽林監,襲爵。 年三十三卒。

子肅,襲。卒。

子紹,襲。 景明初,詔復王爵,〔五〕尋除隴西郡開國公。 卒於光祿大夫。 贈度 支尚 書、

冀州刺史,諡曰文。

子文遠,襲。齊受禪,例降。

規弟榮,字靈並。 年三十二,卒於司徒掾,贈光州刺 史。

榮弟徽,字靈祚。 年二十八,卒於直閤將軍 ,特贈洛州刺史,諡 日質。

|徽弟玄諒, 出後||懐弟奐。 卒, 贈代郡太守。

人、涼州中正。 玄諒弟子雍,字靈和。 肅宗踐作,以宮臣例轉奉車都尉,遷司徒屬。 少好文雅,篤志於學,推誠待士,士多歸之。自秘書郎,除太子舍 轉太中大夫、司徒司馬。 除恒

農太守,遷夏州刺史。

求糧,留子延伯據守。 中糧盡,煮馬皮而食之。 時沃野鎭人破落汗拔陵首爲反亂,所在蜂起,統萬逆胡,與相應接。 僚屬僉云:「今天下分析,寇賊萬重,四方音信,莫不斷絕,俄頃之間, 子雍善綏撫、得士心、人人戮力、無有離貳。 以飢饉轉切,欲自出 子雍嬰城自守,城

密遣 拔 臺 外 向 恩,早受藩寄,此是吾死地,更欲 變 共 一、哭而 在不 令降 東州 固 子雍 人齎 阿各拔 具 拜辭,三軍莫不 得 子雍 書, 陳 數月之食,還與諸 賊 間行與城中文武 雖被囚 將從 可 滅 之狀。 之,未果而 一執,雅爲胡人所敬,常以民 -嗚咽。 顯給子雍兵馬,令其先行。 人保全必矣。」遂自率羸 云:「大軍在近,努力 死。 子雍行數日,爲朔方胡帥 拔弟桑生 代 禮 總 事之。 圍守, 部 弱,向 衆, 時 曹 必令 竟隨 東 子 阿各拔 東夏運糧 雍 夏 諸 合境 子雍 爲 人福 陳 所邀 安危禍 降。 反 0 流 饭,所 延伯 苗裔 時 力 屈 北 福 與將 在 海王 見執 之 讵 叉敕 理 土 結 顥 , 送 勸 延伯 爲 子 出 子雍 大行 雍 阿 各 城 令 乃

雍 節 堡 維 擾, 轉 、假 在白水郡復破 摩 鬭 破 咫尺不 擁 而 及 之。 撫 蕭 前 率 軍 **羌胡守鋸谷**,斷 籫 通。 子雍 將 九 夤 軍 旬 等爲賊 時 之 都 出自 阿非軍 子雍 中 督、兼 西 凡數十戰,仍平東夏,徵稅 所敗, 夏 新 , 平黑城 行 駟 多 漸 業橋 臺尙 贼 所 至 帥宿 斬獲。 於 書。 逐率 子雍 東, 勤 轉 明達遣息 復 詔 土 與交戰 破 遣侍中、尚書令、城陽王徽於潼關宣旨慰勞。 戰千里 馬 賊 幷 帥 、大破 夏州募義之民,攜 紀 単 阿非 ,至是, 租 栗,運於 步 Ž, 率衆 胡 朝 生 提於 邀路 廷 一禽維 統 始 萬。 曲 得 摩。 沃堡。 華州 家 其 於是二 席 委問 叉攻 卷, 门自 肅宗璽書 夏 賊 鼓 水 除散 行 獑 帥 被 契官斤 南 寍 圍 騎 出 逼 勞勉之。子 常 侍 捌 於 賊 除中 楊氏 使 右 帥 康 騷

軍 將軍、金紫光祿大夫、給事黃門侍郎、封樂平縣開國公、邑一千戶。

子雍 彼 以 朝 詔 子 進 反, 雍 冀 號 求 野 不 敕子雍 還洛 痛 聽 戰 孙 鎭 乘 重 情之。 》 逐 表 則 不 東 機 守,上 以以 固 繼 將 不 與都 與 請 進, 得 軍 葛 行 贈 榮 徑圍 督 野 書 俱 如 車 遂與裴衍 謂 掠 李 進。 日 久 騎 1...「賊 鄴 無 逼 神 不 大將軍、儀同三司、雍州 信 至 所 城,與裴衍、神軌等攻鑒,平之。 軌 可,乞令裴衍 陽 獲 中 先討之。子雍 都 發鄰以討葛榮,而 一詔假 一不盈 平郡東北漳曲 甚飢,專仰野 子雍 數 獨 旬 行 行 , 征 미 達湯 掠。 北 坐制 榮 若 將 信都 今朝 刺刺 陰,鑒遣弟斌之夜襲子雍軍,不克,奔敗 率 不 軍 区 賊 史,公如故。 賜 城陷。 爲 醜。 十萬 解, 廷足食,兵卒 北討 求停裴行 時 改封陽 來逼官軍 除子雍 都 裴衍復表求行,詔 督。 永安 平縣開 冀 飽暖。高 時相 メ中ツ 0 州 苟逼同行 子雍 刺 州刺史安樂王鑒據 重贈 國公,增邑千五 史,餘官如故。 壁深 戰 敗被 司 101 子 空,諡 壨, 雍 害, 勿 取 與 年 敗 衍 與 日 百戶 莊 日 速 爭 而 匹 子雍 夕。 返。 穆。 十。 進 鄴 ,

小 字 那 長 延 子 延伯, 襲。 武定 出 後 從伯。 中,齊文襄王府參軍 次子 士則,早亡。 齊受禪 士 一則弟 例 降 士正、 士規,並坐事 死。 次楷, 字士質

軍 司 延伯 延伯 初 爲 爲 統軍 司 空 ·, 隨 多 子恭 軍 事 西討 0 時南秦民吳富 ,戰必先鋒。 反叛,詔 子恭見其年幼,常訶制 以 河 間 王 琛 爲 都 之 而 督,延伯 不能禁。 叔父子恭為

延伯 衆還 龍 害公,誠孝 驤 留延伯 赴 將軍 子 乃人人曉喩 子雍 雍 在 ·, 行 並闕,諸君 城守,付以後事。 夏州 共平 夏州 ,表乞兵援,詔延伯率羽林一千人赴之,城鬭野戰,勇冠三軍。 曰:「吾父吉凶 黑城。 事 寸,封 幸 得 五. 在麵棠橋戰,先鋒陷陳, 城 此 縣開 延伯 心,無虧所寄。」於是衆感其義,莫不 示測 與兵 國子,食邑三百戶。 ()方寸焦爛,實難裁割。 士 一共分湯菜,防固城隍。及子雍 身擒 維摩。 卒能固守。 但奉 及至白水 ·勵憤。 命守城,所爲處 及後 爲胡所執,合城憂懼, 首摧 刺史至,延伯 朝廷聞 311 子雍 非。 而 重 嘉之。 ,若以私 率領 之向東 除 義

葛榮戰歿 隨 子雍 時時 至都 年二 進館 十 应。 浮陽伯,增封 贈持節、平 北 百戶,為諫議 將軍 一、涼州 大夫。 刺史,開 假 或 冠 如 軍將 故。 軍 、別將,隨 子雍北討。與

子孝孫,襲。齊受禪,爵例降。

子 雍 弟 子 恭,字靈順,聰惠好 學。 初辟司空參軍 事。 司 徒祭酒、尚書北主客郎 中,攝南

主客事。

辭讓,貽彼赫怒,遂被出爲齊康郡。 人 許 團 蕭 幷 衍 亡人許周 其 弟 周 等。 自 究其牒狀 稱 爲行給事黃門侍郎,朝 周 列云己蕭衍 因 爾歸國,願畢志嵩嶺 黃門: 士翕 侍 然,咸共信待。 郎。 叉 稱 此 加 心 採 存 子恭 . 訪, Щ 水 奏 略無證明; , (日:「徐 不 好 樂宦, 州表 尋其表 投 屢 化 曾

請下徐揚二州密訪,必令獲實,不盈數旬,玉石可覩。」於是詔推訪,周果以罪歸闕,假稱職 者,初屆之日,即 狀,又復莫落。 位,如子恭所疑。 無憂戚。 時忽遽,不得攜將,及其來後,家貲產業應見簿斂,尊卑口累亦當從法。 志安在。昔梁鴻去鄉,終傭吳會,逢萌浮海,遠客遼東。 道,逼士 因 何其懸哉?又其履歷淸華,名位高達,計其家累,應在 未甚悖 成 以其美。 出郡,未爲死急,何宜 若無種族,理或可通,如有不坐,便應是衍故遣,非周投化。 豈有 斯實古先哲王,必有不臣之人者也。 案牒推理, 實有所疑。 應杖策尋山,負帙沿水,而乃廣尋知己,遍造執事,希榮之心已見,逃宦之 士辭榮祿而苟不聽之哉?推察情理,此則孟浪。 輕去生養之土,長辭父母之邦乎? 何者? 昔夷齊獨往,周王不屈其志,伯況辭祿,漢帝 蕭衍 不輕。 雖 並全志養性,逍遙而已,考之事實, 復崎嶇江 今者歸化,何其孤迥? 設使當 若言不好榮官,志願嵩嶺 假蕭衍昏狂,三三不存雅 左,竊號 推究二三,真偽難辨, 而周兄弟怡然,嘗 阳,至於 、處物,

軍,不得犯民一物,輕與賊戰,然後示以威恩,兩旬間悉皆降款。朝廷嘉之。 行臺左丞,巡行北 河州羌却鐵忽反,自己殺害長吏,詔子恭持節為行臺,率諸將討之。子恭嚴勒州郡及諸 正光元年,為

轉爲起部 郎。 明堂、辟雍並未建就,子恭上書曰:「臣聞辟臺望氣,軌物之德旣高;方堂

邊。

之名, 食 草昧,迄無成功。故尚書令、任城王臣澄按故司空臣沖所造明堂樣,幷連表詔答、兩京模式, 長 遺文,修廢典,建明堂,立學校,興一代之茂矩,標千載之英規。 蓋 布 稍 是 必 不 配 奏求營起。 有 得 「。」書奏,從之。 輟 ;定鼎遷民,均氣候於寒暑。高祖所以始基,世宗於是恢構。 以 有 進,養老之儀,寂寥而不返。 構厦止於尺土,爲 兵 國之盛 以對越上 政,範世 營造,委成責辦,容有就期。 粗 創 子 人,或給 終 舉 禮 來之歌; 無就 ·, 並 之重 典。 一之道 緣期發旨,卽加葺繕。 靈;宗祀配 미 功之實。 一千,或與數百,進退節縮,曾無定準,欲望速了,理在難克。 一,資 竊惟皇魏居震統極,總宙馭字,革制土中,垂式無外。 斯遠。 徹 興造勿亟,將致 除冠軍將軍、中散大夫,又領治書侍御史。 減,專事 不急之費,廢 是以書契之重, 爽塏荒茫,淹積 天,是用酬膺下土。大孝莫之能加,嚴父以兹爲大, 經 一綜,嚴勒工匠, 經 不日 但所給之夫,本自 國之功,供寺館之役,求之遠圖,不亦闕 侍中、領軍臣叉,總動作官,自宣賞授令。 之美。況本兵不多,兼之牽役,廢此 年載,結架崇構,指就無兆。 理冠於造化,推尊之美,事絕於生民。至 務 令克 山頓 成。 寡少,諸處競借,動卽 於一匱, 使祖宗有薦配之期,蒼生覩禮樂之 按功成作樂,治定制 良可惜歟! 永平之中,始創雉構,基趾 自北徂 仍 令肆 與彼,循 矣? 千計。 胄之禮, 愚謂 若使 南,同卜維於洛 乃皇王之休業, 今諸 自 如 環 兹 郊 專役此功, 召 雖 寺 厥後,方 無 民 禮,乃訪 天饗帝, 有 掩 ·大作, 經始, 極。便 海 維 作 仰

富

侍、假平北將 路 反,以子恭 險澀 秦益 不通 氏反, 兼給 ,以子恭 軍 、征 事 詔子恭持節爲都督、 黄 建 爲當 **門郎** 興都 郡 ,持節慰勞。 督,仍 別 將。三四俄 無尚 河 書行 爱 間 而 王 臺, 建 拜 琛軍司以討之。 興蜀 河內 與正 復反, 太 平都督長 守, 相 加後 與 孫稚合勢進討,大破之。正 連勢,進子恭爲 將 事 軍,平絳蜀 平, 仍行 南 反。 秦州 持 丹谷、清廉 節、散騎 事 及六鎮 平 常 賊

蕭衍 賊 並 將 復 夏 破 奔退。 之,斬智達,生擒次洪 走。 侯 直閣將軍、軍 武 夔 泰 蕭衍 率衆數萬 初 野州 加 鎭南將軍,又兼 豫州刺史夏侯亶復遣四將,率衆三萬,入圍南 主胡智達等八將,與其監軍閻次洪入寇,屯於州城東北四十 刺史元 來寇,遠近 原達 不安。 以城降蕭衍,詔徵都督尉慶賓還京師,回衆隸子恭以討之。衍 尚書行臺。 夔乘勢分兵,遂逼新蔡,自攻毛城。 子恭勒衆渡淮,徙民於淮北, 頓,北攻陳項。 <u>才</u> 子恭隨方應援,賊 郡 子恭遣 縣,置戍 餘 里。 軍禦之, 而 還

將

帥

范

明遠

與賊帥劉牙奴並

面縛請降。

事平、除平南將軍、豫州刺史、尋加散騎常侍、撫

軍

還洛,進征南將軍 元顥之入洛也,加子恭車騎將軍,子恭不敢拒之,而頻遣間使參莊帝動靜。未幾,顥 、兼右僕射,假車騎將軍,後加散騎常侍

破

板 橋蠻文石活、石忌麤受蕭 行印節,扇誘黨類,據險寇竊。子恭躬率將士,徑襲其棚,數

列

傳

第

其 日 八前後 之中 · , 殲殪 征討 功,封臨 略 盡。 潁 諸蠻款服,咸求輸稅。 縣開 國侯,食邑六百戶,加散騎常侍。 徵拜右光祿大夫、給事黃門侍郎,仍本將軍。 俄遷侍· 中

見釋。 車 府 義 卿李苗 開 騎將軍 棚降兆。 介朱: 一。率諸將於太行築壘以 夜燒河橋,世隆退走,仍以子恭兼尚書僕射,爲大行臺、大都督。 榮之死 子恭退走,為兆所破。 也,世隆、度律據斷河橋,詔子恭爲都督以討之,出頓於大夏門北。 防 之。 衆旣退散,兆因入洛。 旣而介朱兆率衆南出,子恭所部都督史仵龍、羊文 子恭竄于緱氏,仍被執送。俄而 尋遷衞將軍、假 尋而 太

時叛 軍 除 論 將 入 爲 軍 中 子 恭 蠻 、假車騎大將軍、行臺僕射、荆州 吏 前 雷 部 餘 廢帝初,除驃騎將軍、左光祿大夫,侍中如故。 騎 効,封 **尚書,加驃騎** 亂清受蕭 大 三年,拜 將軍 新 城 尙 術**兗州刺史章綬,**入爲寇掠,諸蠻從之,置立 魏 縣 書左 尹 開 大將軍。 一、又爲 國子,食邑四百 僕 射 齊獻武王 、司空公、兗州 以子恭 刺史。 前在 軍 戶 0 司。元象 豫州 以 刺 子恭尋表請轉授第五 與定策之勳,封臨汝縣 史, 戰功,追賞襄城縣開 諡 元年。江三興和 尋授散騎侍郎、都督三州諸軍事、本 文獻 郡縣。子恭討 二年, 子文盛,許之。 開 國男,食邑二 贈都督徐亮二州諸 國子,食邑三百戶。 平之。永 白 天平初, 熙 戶 中,

子彪,字文宗。 子恭存日,轉授臨潁縣開國侯。 武定末,太子洗馬。

彪弟文瑤,武定中,襲襄城縣開國男。 齊受禪、爵並降。

子 恭弟纂,字靈秀。 員外散騎侍郎,累遷征虜將軍、通直散騎常侍、凉州大中正, 轉太

府 少卿。 建義初,遇害河陰,年三十七。贈散騎常侍、征北將軍、定州刺史。

使檢察州鎭十餘所,皆有功績。 懷弟奐,字思周,少而謹密。 除長樂太守,以母老解官歸養。 初爲中書學生。 隨父討敕勒, 有斬獲之功, 卒,無子。 遷中散。 前後

舉,出 史臣 內有聲,繼迹賢考,不墜先業。 [曰:源賀堂堂,非徒武節而已,其翼戴高宗,庭抑禪讓,殆社稷之臣也。 子雍効立夏方,身亡冀野,惜乎! 懷幹略兼

## 校勘記

宜 其 得實 李 慈銘云:「『其得』當乙作『得其』。 北史卷二八源賀傳作『宜保其實』,『保 ے 乃『得』字

之誤。」

=: 顧 憶 誠言 李慈銘云:「『誠言』本當作『忠言』,此或隋 人所追改。 下延伯傳 誠孝 』二字亦同。」

 $\sqcap$  $\equiv$ 西冶 東 道 都 及 將 諸 諸 冶 本「冶」作「治」。 西 道 諸局 乃鑄冶機構。 按「西治 」無義, 北齊多本魏制 **隨書卷二七百官志中北齊太府寺所** 西冶都將」 當是管理 諸 治西 統 有諸 道的官 冶

列傳第二十九 校勘記

- 員。舊本「冶」字帶草,以後各本訛作「治」。今改正。
- 129 輕恩尚 発 北史卷二八源懷傳「輕」作「經」,這裏「輕」字當是形訛
- Ħ. 臣亡父先臣賀與長孫渴侯陸麗等表迎高宗 北史卷二八「表」作「奉」。按上文源賀傳、卷 四〇

陸麗傳都說「奉迎高宗」。這裏「表」字當是「奉」之訛。

- 麗 也 有 形訛,今據改。 文書檔案,當是陸叡上狀秘書省,請查核其父所謂「功績」。這次 息叡 說「訪之史官」頗亦言 狀秘 書 諸本「秘」作「私」, 此」。可知這類前朝臣僚事跡例由秘書所屬 北史卷二八作「秘」。按「狀私書」不可通。 源懷 史官查核。「私」乃「秘」 上表 論「功」,下文詔 秘書省掌修史, 字 書 藏
- $\overline{\phantom{a}}$ -麗 以父功而 獲河山之賞 按「麗」乃「叡」之誤,觀上文自見。
- 可依 比 授馮 翊郡開國公邑百戶 北史卷二八「百」上有「九」字。 按公的封戶百戶太少, 當脫

九」字。

- $\overline{\phantom{a}}$ *ታ*ս ∐ 子紹襲景明初詔復王爵 景明」年 號在「正始」前、哪有源懷未死、爵已傳襲到 張森楷云:「按懷以正始三年卒, 曾孫· 之理。 再傳 據卷一○孝莊紀建 而至 紹, 不得在景明 義 初 元 也。」按 年 四 月
- 苟 逼 同 行 稱:馬 翊 郡 諸本「同」訛「固」,今據册府卷四二八五〇九九頁改。 開 國 公源紹景復先爵隴 西王。」「紹景」即「紹」) 傳雙名單稱。 這裏「景明」二字顯誤。

- 假蕭衍昏狂 諸本「昏」訛「皆」,今據册府卷四七二五六三四頁改。
- 河州羌却鐵怱反 諸本「忽」作「忽」,北史卷二八源子恭傳作「忽」。按卷九肅宗紀神龜元年七

月、卷四二寇讚附寇治傳都作「忽」。「忽」字訛,今據改。參卷二七校記〔5〕。

侍中領軍臣叉總動作官 諸本「總」作「物」,冊府卷五八三六九八二頁作「總勤」。李慈銘云:

「『物』當是『總』字之誤。 因隸俗書『總』作『惣』,遂誤作『物』。」按「總動」「總勤」不知孰是,「物」

字據册府及李說改作「總」。

以子恭爲當郡別將 「當郡別將」可通,似無脫文,今不空格,删「闕」字。 百衲本、汲本「當」字下空一格,南、北、殿、局四本「當」下注「闕」字。按

(15) 元象元年 李慈銘、張森楷並云此句下當脫「卒」字。

## 魏書卷四十二

## 列傳第三十

薛辯 寇讚 酈範 韓秀 堯暄

寧朔將軍、平陽太守。及裕失長安,辯來歸國,仍立功於河際,太宗授平西將軍、雍州刺史, 故世號三薛。父强,復代領部落,而祖、落子孫微劣,强逐總攝三營。 賜爵汾陰侯。泰常七年卒於位,年四十 郎、建威將軍、河北太守。 石虎、苻堅,常憑河自固。 薛辯,字允白。 其先自蜀徙於河東之汾陰,因家焉。 辯稍驕傲,頗失民心。 仕姚興爲鎭東將軍,入爲尚書。 四 劉裕平姚泓,辯舉營降裕,司馬德宗拜爲 祖陶, 强卒,辯復襲統其營,爲興尚書 與薛祖、薛落等分統部衆, 善綏撫,爲民所歸,歷

軍。 子謹,字法順,容貌魁偉,頗覽史傳。 辯將歸國,密使報謹,遂自彭城來奔。 劉裕擒弘, 朝廷嘉之,授河東太守。 辟相府行參軍,隨裕渡江。 後襲爵平西將軍、汾 尋轉記室

列傳第三

+

薛

涪陵公 之後,儒 如 領偏 汾 與 中 之地 故。 Щ 師 山胡 , 前 王 儒道 雅道 刺史如 所治 鋒 辰 等斬於 自 鄉導 興焉。 息。 龍憑險作逆, 與屈 故。 謹 都南,時年四十四。 旣克蒲坂 **丐連接**, 眞君 命立庠,教 太延初,征 元 年,徵還京師,除內都 世 結 土抗 世祖 祖 吐 以詩書,三農之暇,悉令受業,躬巡邑里, 詔 一沒骨 鎭 敵, 以新舊之民幷爲 南將 ,平之。 尋贈鎭 甚有威惠。 軍 一奚眷 西 謹 |將軍 自 坐大官。 與謹自 郡 一郡, 始光中,世 遷州, 、秦雍二州刺 太平北入, 討平之。 五. 謹 威惠兼備, 年,爲都將,從駕 仍爲太守, 祖韶奚斤討赫 史,諡 風化大行。 遷秦州 親 日 加考試, 元公 連昌, 除安西將軍 北討 刺史,  $\dot{\exists}$ 於是 以 時兵荒 後期 敕謹 河

尉 平太 史。 際 叉 而 共 奇之。 斷二寇往來之路。 陸 守 其 延 長 年三 眞 許含等 年 子 興 三年 討反 眞 初 拔 君 古拔,一日 月,詔拔入朝,暴病卒,年五十八,贈左光祿 族 ,除鎭西 廷 中,蓋吳 以治民 叔 化 劉 傉檀、强免生,平之。 彧徐 著稱,徵 大將 車 事 擾 平,除 動 輅拔,本名洪祚, 州 關 軍 刺 詣京 · 開 右, 史安都據 中散,賜爵永康侯。 薛永宗 府 師 進 爵 顯 城 屯據 皇興三年, 平陽 世 旭 歸 祖 親 順, 河側 自 公。 賜名。 1勞勉, 敕 世 拔詣 三年 除散 世 沉 祖 祖 大夫,諡 復 ·, 拔 彭城 毅 南討,以 親討之。 騎常侍, 令還州 有 與南 勞迎。 器識,年始弱冠,司 日 兗 拔 尙 乃 州 爲都將,從駕 太和 詔 除 西 刺 拔糾 冠 河長公主, 史 六年, 軍 游 將軍 合宗鄉,壁於河 明根 改 、南 歸 一
舒
爲 拜 徒崔浩見 江 駲 豫 而 南陽 河東 馬都 州 刺

十七 於 恃 酉 假 公除, 賾 是羣 强 節 遣 生擒斬之。 年 將寇 假 長 憑 險。 高 盜 子 高 平南將 祖 懾 胤 邊 最 祖 詔 氣, 爲 南 字寧宗,少有父風。 諸 詔 狡 郡 軍 討 除立 刺 胤 害,劫掠道路,侵暴 , 爲 中清肅 史、 詔 爲 忠將軍、 都 幹副 趙郡 鎭 將, 將 王 軍 二十三年秋,遇疾,卒於郡, 曾經 與 幹 河 穆亮等 行 近侍 北 司空穆亮為 弱冠 達裒父, 太守。 拒於淮 鄕 者, 7,拜 閭 皆聽赴 那帶 以蕭 中散,襲爵鎭西大將軍、河東公,除懸 胤 西 上。 道 至 Щ 賾 闕, 郡 都 河 尋授持 死, 路多 之日 將。 胤 班 時 隨例 時幹 師 , 節義陽道 盗 年 卽 收其 四 賊 入 年少 叉 朝。 十 爲都將, 四 姦 有 一、未涉 都 韓 屬開 諡 魁二十餘 將。 馬 日 軍 革 兩 共討 敬 + 旅 姓 五等,降公爲侯 四 人, 秦州 各二 年,文明太后 瓠鎭 高 祖 反 千餘家, 時戮之。 乃除 將。 敗 胤 肅

將 軍 ,遷征 子 裔 字豫孫 虜將軍 八中 襲爵。 散 大 夫。 性豪爽,盛營園宅,賓客聲伎, 出 爲 洛州 刺 史。 卒,贈 平 西 以恣嬉 將 軍 岐 遊。 州 歷 刺 尚 史。 書 左 外 兵郎、

子孝 紳 ,襲爵 稍 遷前 將 軍 、太中大夫。 孝紳立 行 險薄,坐事 爲 河南尹元 世儁所劾 死。

後贈征西將軍、華州刺史。

胤弟□,字崇業。廣平王懷郎中令、〔□汝陰太守。

子修仁,司空行參軍。

修仁弟玄景,陳留太守。

列傳第三十 薛辯

拔 从弟洪隆 字菩提。 解褐陽平王國常侍, 稍遷河東太守。

長 子 驎 駒 好讀 書 舉秀才,除中書博士。 太和九年,蕭賾使至,乃詔麟駒 兼主客郎以

十年秋,遇疾卒,時年三十五。 贈寧朔將軍、河東太守、諡 日宣

圍,城陷。 郎、兼尙 之月,宜待秋分。 城,曾夏日於寺傍執得一狐。 長子慶之,字慶集,頗以學業聞。 ·書左丞,爲幷肆行臺,賜爵龍丘子,行幷州事。 尋患卒。 二卿裴延儁、袁翻互有同異。 後贈右將軍、華州刺史。 慶之與廷尉正博陵崔纂,或以城狐狡害,宜速殺之,或以長育 解褐奉朝請。 雖曰 領侍御史,遷廷尉 一戲謔,詞義可觀,事傳於世。 遷征虜將軍、滄州刺史,爲葛榮攻 丞。 廷尉寺隣接北 轉尙 書

慶之弟英集,性通率。 隨舅李崇在揚州積年,以軍功歷司徒鎧曹參軍,稍遷治書侍御

史、通直散騎常侍。 卒。

本 州 中正。 還京,其年秋卒,時年四十九,贈陵江將軍、光城太守。 麟 駒弟鳳子。 世宗登阼,轉太尉府鎧曹參軍, 自徙都洛邑,鳳子兄弟移屬華州河西郡焉。 稍遷治書侍御史。 正始初,爲持節、征義陽軍 太和二年,爲太子詹事丞、

鳳子 弟驥 奴,州主簿 司

洪隆弟破胡,州治中別駕。 稍遷河東太守、征仇池都將。 有六子。

長子聰,字延智。 有世譽。 累遷治書侍御史、直閣將軍、爲高祖所知。 世宗踐阼、除輔

國 將軍、齊州刺史。卒於州。 贈征· 房將 軍、華州刺

長子景茂,司州記室從事、猗氏令。 早卒。

景茂弟孝通,頗有文學。 永安中,中尉高道穆引爲御史,歷中書舍人、 中書侍郎、 常山

太守。 遇惡疾而卒。

聰弟道智,尚書郎。 卒。

子長瑜,天平中,為征東將軍、洛州刺史,擊賊潼關,沒於陳。 贈都督冀定太三州諸軍

事、車騎將軍、冀州刺史。

道智弟仙智,郡功曹

仙 智弟曇賢,卒於國子博士。

小子景淵,尚書左民 郎

諫 議 大夫。 曇賢 弟和,字導穆。 永平四年正月,山賊劉龍駒擾亂夏州,詔和發汾、華、東秦、夏四州之衆討龍 解褐大將軍劉昶府行參軍。 轉司空長流參軍,除太尉府主簿, 駒,

張齊寇晉壽 和因 認認 表立東夏州,世宗從之。 和兼尚書左丞,爲西道行臺,節度都督傅豎眼諸軍,大破齊軍。 正光初,除

叉行正

平、潁川二郡事,除通直散騎常侍。

蕭衍遣將

列

平之。

左 將軍、南靑州刺史,卒於州,年五十五。 贈安北將軍、瀛州刺史。

長子元信,武定末,中軍將軍、儀同開府長史。

和弟季令,奉朝請。

破胡弟破氐,爲本州別駕,早卒。

長子敬賢,為鉅鹿太守。

破氐弟積善,爲中書博士、臨淮王提友。

子隆宗,太原太守。

二州為立碑於墓。 又贈脩之母為馮翊夫人。及宗從追贈太守、縣令、侯、子、男者十六人, 道術,世祖敬重之,故追贈脩之安西將軍、秦州刺史、馮翊公, 寇讚,字奉國,上谷人,因難徙馮翊萬年。 父脩之,字延期, 賜命服,諡曰哀公,詔秦雍 苻堅東萊太守。 讚弟謙之

其臨民者七郡、五縣。

有

異, 恒以風味相待。 讚 少以淸素知名,身長八尺,姿容嚴嶷,非禮不動。苻堅僕射韋華,州里高達,雖年時有 華爲馮翊太守,召爲功曹,後除襄邑令。 姚泓滅,秦雍人千有餘家推

讚為主,歸順。 遠而至,叁倍於前。 拜讚安遠將軍、南雍州刺史、軹縣侯,治于洛陽,立雍州之郡縣以撫之。 拜綏遠將軍、魏郡太守。 賜讚爵河南公,加安南將軍,領護南蠻校尉,仍刺史,分洛豫二州之僑 其後、秦雍之民來奔河南、滎陽、河內者戶至萬數, 由是流民繦負自

郡以益之。雖位高爵重而接待不倦。

卒,年八十六。遺令薄葬,斂以時服。 息此望也。」乃賜文衣服、良馬。讚在州十七年,甚獲公私之譽,年老表求致仕。 也。」讚曰:「往時卿言杜瓊不得官長,人咸謂不然。及瓊被選爲盩厔令,卿猶言相中不見, 也,文以民禮拜謁,仍曰:「明公憶民疇昔之言乎。爾日但知公當貴,然不能自知得爲州民 而瓊果以暴疾,未拜而終。 初,讚之未貴也,嘗從相者唐文相,文曰:「君額上黑子入幘,位當至方伯封公。」及貴 昔魏舒見主人兒死,自知己必至公,吾常以卿言瓊之驗,亦復不 世祖悼惜之。諡曰宣穆。 眞君九年

子祖,襲爵。四高祖時,爲安南將軍、東徐州刺史,卒。 長子元寶,襲爵,爲豫州別駕。興安元年卒,贈安南將軍、豫州刺史。

子靈孫,襲。赭陽太守。

元寶弟虎皮,有才器。本縣令。

虎皮弟臻,字仙勝。年十二,遭父憂,居喪以孝稱。 輕財好士。 顯祖末,為中川太守。

旭 任 時 孫 南 初 馮 熙 遷 頭 乃 等追揃 爲 從 郢 洛 州 之。 州 地 之。 刺 高 爲 史, 祖 王 拜 畿 政 初 振 號貪 除除 武 母 憂 弘 將 虐。 農 軍 未 太 闋 比 仙 守。 陽 以 勝 微 鎭 恒 坐 農 能 將 受納 附之, 大 至 盜 爲 有 張 甚 御 威 煩 得 史 等財 惠 其 所 之 意。 害 彈 稱。 良 轉 遂 善善 遷 廢 弘 建 卒 農 徴 威 於 太守。 爲 將 都 軍 將 郢 後 州 與 以 荆 刺 母 老 史 州 刺 屢 史 求 高 公 解

長子祖訓,順陽太守。

夫。 **発**。 末, 杖 元 道 兵 元 以 遷 発官 尙 是 峻 祖 時 前 時 之, 書 刻 訓 節 將 弟治 請 蠻 開 雍 治 兼 軍 堂 治 州 反 狂 兄 字 列 爲 於 河 弟 刺 尉 拜, 史、 刺 州 祖 卿 並 鵐 史。 刺 禮 孝 昌 垂 史。 叉 治爲 友 淚 平 兼 自 朝 敦 男。 陳 洛 尙 在 議 穆 都 薦 陽 書。 任 以 督 若宗 **令稍** 數 白 邊 追 音 畏避 年 民 討 • 宜 廟 遷 同 遇 勢 戰 然,吉凶之事 居。 鎭 悅 家 却 遠 沒 鐵 乃 父亡 , 將 以 承 忽 贈 軍 治 顏 反 雖 `` 持 候 代 東 人 節 必 叉 色, 道 荆 , 都 爲 先 而 元 州 啓告 城 督 不 猶 刺 雍 民 能 進 史。 於 詣 遠 號 華 有 平 岐 所 都 征 代下 出行 生 虜 執 列 所 州 據 其 將 處 之後 反 貪 諸 軍 堂 亦 狀 軍 尋 如 十六 遷 事 蠻 ٠, 坐 之。 金 備 遣 民 衞 紫 條。 戍 設 以 治 大 光 幃 刺 兵 將 祿 世 會 帳 送 史 赦 道 几 麗

彌 不 納 治 遣 弟 彌 人 加害, 兼 尙 書 時論深 鄎 責之。 爲 城 陽 王 後 沒 徽 關 所 親 西 待 永 安末, 徽 避介朱兆脫 身 南 走, 歸 命 於 彌

除冠 爲 東荆州刺史。 軍將軍 治 長子朏之,字長明。 、東荆州刺史,兼尚書,爲荆郢行臺。 永熙中,鎮東將軍、金紫光祿大夫。 自直後、奉朝請,再遷鎭遠將軍、諫議大夫,仍直後。 代遷,於除征虜將軍。 武定四年卒,年五十八。 普泰中, 建義 襲爵,又 中,出

降,授兗州 永寧男,加寧遠將軍。以治禮郎奉遷世祖、恭宗神主於太廟,進爵爲子。 酈 範,字世則,小名記祖,范陽涿鹿人。祖紹,慕容寶濮陽太守。太祖定中山,以郡迎 監 軍。父嵩,天水太守。 範,世祖時給事東宮。 高宗踐阼,追錄先朝舊勳,賜爵

克。 密 軍 以 司 属 來 攻 之策是也。」 將 速,不去攻守, [刊]謂方城可憑,弱卒可恃。此天亡之時也。今若外潛威形,內整戎旅, 具未周,不宜便進。。範曰:「今輕軍遠襲,深入敵境,無宜淹留,久稽機候。 威始被,民 白 征 南 曜 士,出其非意,可一攻而克之。」白曜曰:「一日縱敵,數世之患,今若舒遲,民心固矣。 將 大將軍慕容白曜南征,範爲左司馬。師次無鹽,劉彧戍主申纂憑城拒守。 盡 以 朱霑澤,連城有懷貳之將,比邑有拒守之夫。[5] 宜先信義,示 其 遂潛軍偽退, 示以不 人人為 軍實。 範曰:「齊四履之地,世號『東秦』,不遠爲經略,恐未 攻。 纂果不設備,於是卽夜部分,旦便騰城,崇朝而 之軌物,然後 且纂必以我 可定也。 識者僉

列

鑒矣。 雖 民 心 於 可懷 攻則 衆曰:「此行也,得卿,三齊不足定矣。」 若飛書告喻,可不攻自伏,縱其不降,亦當 二州 淹 日,得之無益軍聲,失之有損威 可定。」白曜 日「此良策也。」乃줲之。 勢。 逃散。」白曜乃以書曉之,肥城果潰。 且見無鹽之卒,死者塗炭,成敗之機 進次肥城,白曜將攻之。 節日:「 一足爲 肥城

目範

孫奉牋 拔。 樂陵,然後方軌 叛,閉門拒守,偏師 殄,[亞] 意在 虧 南,青土 不失衷,今日之算,吾所 何所畏,已求援軍。且觀其使,詞 軍 進退無途,雖有韓白,恐無全理。 · 勢。 文秀旣據東陽 軍 歸 達升城, 無墳 款, 旣進無所取,退逼强敵,羝羊觸蕃,羸角 先誠。 栢之累。 請軍 連鑣,揚旌直進,何患不壺漿路左以迎明公者哉」」白曜 劉彧 在前,爲其所挫,梁鄒諸 ·接援。 爲諸城根本,多遣軍則歷城之固不立,少遣衆則 天與不取,後悔 太原太守房崇吉棄母妻東走。 擁衆數萬,勁甲堅城,强則拒戰,勢屈 不取。 白曜將遣偏 何者。道固孤城,裁能自守,盤陽諸戍,勢不野戰,文秀必克 煩而顏愧, 何及。」範曰:「短見猶謂不虛。 願更思審,勿入賊計中。」白曜乃止。 師赴之。 城追擊其後,文秀身率大軍,必相 視下而志怯,幣厚言甘,誘我也。 範曰:「桑梓之戀, 之謂。 彧青州刺史沈文秀遣其寧朔將軍 未若先守歷城,平盤陽,下梁鄒,克 則走。 歷城足食足兵,非一 無以 有懷 師未逼之,朝夕無患,竟 曰:「卿前 懼 同德。 敵 遂表範為青州 乘迫。 ان ان 若不遠圖 文秀家在江 後納策,皆 脫文秀還 腹背受 朝可 張元

刺 史 以 撫新民。 後進臂爲侯,加冠軍將軍,遷尚 書右丞

遠。 待 陷 時 賊 再 禄 卿 卿 交 齊 營丘 别 罪 通 後 雖 人 卒於 須窺 犯, 除 外 有 矣。」 無殊 高 占 平 京 處 覦 祖 夢 東 刑 州 師 效 範 者 將 詔 及鞭, 諡 任 亦亦 範 笑 日 軍 十、青州 史武,進云「豪盛 曰:「卿身非功舊, 而答曰:「吾將爲 日 未 有 穆。 今恕刑罷鞭,止罸 司 有 推 負 刺 範 驗,虛 、時之愆。 史, 五. 子,道元 假范陽 實 自顯, 卿必驗此夢。」果如其言。 於 而 位 在 五 齊下矣。 公。 鎭將伊利妄 一無重 十。 酷吏傳 有 範前 罪者 班, 卿 所以 解州 宜 使君 今伏其辜矣。 克循、綏輯邊服、稱朕意也。」還朝,年六 生姦撓, 表卿造船市玉與外賊交通 超 還 臨撫東秦,道光海岱,必當重牧 京 遷顯爵,任 也, 是時,鎮將元伊利表範 卿其明 夜夢陰毛拂踝。 居方 為算略 (夏者, 正以勤能 勿復 他日 公全齊, 說之。 懷 與外 疑。 規 致

將 平太守, 軍 道元第日 治 漢 有 Ш 四 行 能 弟 名。 臺 道愼,字 迎 遷 接降款。 長 善 季 樂 相。 0 以功除 E 涉 光 歷 五 一史傳,有幹略。 員外常侍 年卒,年三十八。 領 郞 自奉 # 朝請,遷尚書二千石 贈後將軍、平州刺 轉輔 或 將 軍 、驍騎將軍 郎中,加威遠 出

子中,字伯偉。武定初,司徒刑獄參軍

書。 性多 道 愼 造 弟 約 字 好 善禮 以 樂 利 干 起 家 謁 奉 乞丐不已, ·朝請 再遷 多為 冠 軍 人所笑弄 將軍 司 o 徒 浴議 坎填於世, ※参軍。 不発 樸 質 飢 遲 寒。 鈍, 頗 晚 歴東 愛琴

列

傳

第

Ξ

+

酈

範

萊、魯郡二郡太守,爲政淸靜,吏民安之。 年六十三,武定七年卒。

範弟神虎,尚書左民郎中。

將軍。 戶。 陷被害,時年三十六,世咸痛惜之。所作文章,頗行於世。 珍固守平陽。 招 其修起學校。又舉秀才,射策高第,爲奉朝請。後延儁爲討胡行臺尚書,引爲行臺郎。 撫 惲在軍,啓求減身官爵爲父請贈,詔贈變征虜將軍、安州刺史。 神虎 有稱,除尚書外兵郎,仍行臺郎。 惲頗兼武用,常以功名自許,每進計於雅,多見納用。以功賞魏昌縣開國子,邑三百 弟夔。 武泰中,分朱榮稱兵赴洛,惲與元珍不從其命,爲榮行臺郎中樊子鵠所攻,城 子惲,字幼和,好學,有文才,尤長吏幹。 及延儁解還,行臺長孫稚又引為行臺郎,日日加征虜 正光中,刺史裴延儁用爲主簿,令 撰慕容氏書,不成。 惲後與唐州刺史崔元 以

子懷則,武定末,司空長流參軍。

夔弟神期,中書博士。

神期弟顯度,司州秀才、尚書庫部郎。

韓秀,字白虎,昌黎人也。 祖宰,慕容儁謁者僕射。 父昞,皇始初歸國,拜宣威將軍 · 、 騎

都 遂 命 尉。 出 納 秀 歷 王 吏任 言 幷掌 , 稍遷尚書郎 機密。 行 幸 , 賜爵遂昌子,拜廣武將軍 遊 獵 隨 侍 左右 顯 祖 踐 o 阼 高宗稱秀 轉給 事 聰敏 中 , 參 清辨,才任 征 南 慕容白 一喉舌,

軍

煌 恐 之闚 太 强 僉 寇,而 醜 去 以 和 |涼州 初,遷 徒協契,侵竊涼 爲 延 然 興 兵 若徙 中 及 內 人素習,縱 ,尚書奏以敦煌 千 秀獨 侍 就 餘 長。 姑 謂 里, 臧 非 後為 土 拾遠就近, 慮 有姦竊 便,日:「此蹙國 及近諸戍 人懷 平東將軍 "; 鎭,介遠 異意。 遙防 能 則 爲 靑 關 有 或貪留 之事,非關 害,循常置成,足以 州 右荒 西北,寇賊路 闕。 刺 史, 擾,烽 重遷,情不願徙,脫 假 且 土之宜。 漁 警 廢 衝, 陽 不 罷, 息,邊役煩 公。 慮或不固,欲移就 是啓 自全。 愚謂 在 戎 州 敦煌之立,其來 心, 進斷 數年 引 興, 寇 則夷 ·, 卒。 艱難 北 內侵,深爲 狄 狄 涼州。 方甚。」乃從 之覘途,退塞 交構,互 子務襲 Ė 國 人。雖 羣官會議 患。 相 秀 來 西 土 且 敦 隣 夷

史楊 Щ 征 所 蠻 還,遷 府解 都督李崇司 靈 務,字道世 珍謀 復爲 長 叛 水 平北 校尉。 , 馬。 以務 性端謹,有治 長史。 崇揃 爲統軍 景明初,假節 蕩羣蠻, 務頗有受納,爲御史中尉李平所刻,付廷尉 ,受都督李崇 幹。 初爲 除 行 肆州 近畿之患, 中 節 散, 事 度 轉 以討 稍遷 左中 務 太 靈 有 郞 珍。 子 力焉。 將、 翊 有 軍 寧 校尉。 戰 後除 朔 功, 將軍、試守 鎭 授後軍 時高 北 會赦 府 祖南 司 長 常山 史, 征 行行 初 郡。 徴 後除龍 赴行 試 梁 守常 州 叉 在 刺

列

傅

第

Ξ

之流 將軍 來降。 、郢州 也。 務信之,遣兵千餘人迎接。 奇麗之物,有乖風素,可付其家人。」邊人李旻、馬道進等許殺 刺史。 務獻七寶牀、象牙席。 戶旣不至,而詐表破賊,坐以発官。 詔曰:「晉武帝焚雉 頭裘,股常嘉之,今務所獻亦此 蕭衍黃坂戍主, **外之**,拜冠軍將軍 率戶

太中大夫,進號左將軍。

神龜初卒。

堯暄 ,字辟邪,上黨長子人也。 本名鍾葵,後賜爲暄。 祖僧賴,太祖平中山, 與趙郡呂

舍首來歸國。

時蕭 鎭 車駕 賞 昌 中 够 將 遷 會陳顯達 | 積遣 及 衣 南征,加安南將軍。 喧 南 一聰 了, 長史貪暴事,推情診理,皆得其實。 服 部尚書。 其將 二十具、綵絹 美容貌,爲千人軍將、東宮吏。 遁走, 陳顯達寇邊,以暄爲 于時始立三長, 暄為東道十三州使, 更比戶籍。 暄乃班 十匹、細絹千餘段、奴婢十口,賜爵平陽伯。 轉大司農卿。 師。 暄前後從征及出使檢察三十餘許度,皆有克己奉公之稱。 使持節、假中護軍、都督南征諸軍 太和十九年,卒於平城。 除太尉中給事、兼北 高宗以其恭謹,擢爲 高祖爲之舉哀。 部曹事,後轉南部。 中散。 賜獨車 及改置百官,授太僕卿。 事 奉 平陽公。 一乘,廐 使 齊州,檢平原 贈安北將 馬四匹。 軍次許

軍、相州刺史,賻帛七百匹。

初, 暄使徐州,見 州 城 樓觀,嫌其華盛,乃令往往毀撤,由是後 更損落。 及高 祖幸彭城,

聞之曰:「暄猶可追斬。」

暄長子洪,襲爵。鎭北府錄事參軍。

子桀,字永壽。 元象中,開府儀 同三司、樂城縣開 或 公。

洪弟遵,伏波將軍 . 河州 冠 軍 府 長史、臨洮 大大守。 卒,贈龍 驤將軍 諡 日 思。

遵弟榮,員外散騎侍郎。

子雄,字 休武。 元象 中,儀同三司、豫州刺史、城平縣 開 國 公。

雄弟奮,字彥舉。興和中,驃騎將軍、潁州刺史。

**奮弟難宗,武定中,征西將軍** 、南岐 州 刺 史、征 羌 縣 開 國伯

呂舍旣歸國,從至京師,給賜田宅。

子方生,機識 明辯,卒於主 書 郞 贈 建武將軍 一、定州 刺史、高邑子、諡 日 敬

子受恩,爲侍 御 中散。 典宜官曹,累遷外都曹令, 轉北部給 事、秦州刺史。 卒於官。

牀飾寶,棄而不御,斯乃人主之盛德。 史臣曰 薛辯、寇讚歸身有道,並以款效見嘉。 堯暄聰察奉公,以致名位,禮加存歿,有餘榮矣 議敦煌得馭遠之算。日一務武夫鄙詐,貢

## 校勘記

改正

三年拔與南兗州刺史游明根

- 始光中世祖韶奚斤討赫連昌 諸本「祖」作「宗」。按「始光」是拓跋燾年號,「宗」字顯誤,
- 但|延 始置南兗州於譙城,延興中尚無『南兗』之名。」按南兗州實是正始間置見地形志校記,錢氏說微誤, 興中無南竞,當從游明根傳作「東克」,錢氏說是。

錢氏考異卷二八云:"明根傳卷五五作『東兗』, 此誤

也。

正光中,

- = 廣平王懷郎中令 有黑圍,當是『郞』字。」按「中」字宋本有殘跡,南、北等本不闕,今從之。所闕上一字,只能是 一字」。 李慈銘云:「宋本『懷』下空處有『中』形、蓋『中』字也。 百衲本「郎中」二字空格,汲本空一格、南、北、殿、局四本有「中」字, 魏制王國有郎中令。宋本『十』上 上注「闕
- \_\_\_\_ 129 \_\_\_\_\_ 子祖襲爵 墓誌集釋寇演墓誌屬版二三六稱「父祖唉」,卽此寇祖。「祖」字乃兄弟排行,下文有祖

「郎」、李說是、今補

訓 祖 禮 均從兄弟。 當時雖多雙名單稱,也不應取兄弟所同的「祖」字, 知此傳「祖」下脫「唉」

字。 }墓 誌 ·集釋載 寇氏 墓誌多件 ,官、爵、諡 和名 二字 和 此傳頗 有不 同,今不 列 舉

五.  $\sqcup$ 比 書 陽 }地 形 鎭 }志 將 雖 亦 渚 載此縣,也 本「比」作「北」。 不言置鎮,但 墓誌集釋寇臻墓誌圖版二〇六之二作「沘陽鎮 屢 見紀 傳。 水經注卷二九比水篇 將」。按比 太平寰宇記 陽, 卷 漢縣,本 四二

北陽」。「沘陽」即「比陽」、今據墓誌改。

引

}周

}地

}圖

記

都

說

魏

東荆州刺

史治

比陽

故

城。

比」「北」二字常相

混,

卷四

五章闡

傳比

陽

也訛

. . . . . . 代 遷 李 慈銘 張 森楷 都 說 遷 』當作『還』」。按李、張說是。 但「代 遷 作受代遷官解, 也可通,

 $\cap$ -不 去 攻 守 按「去」字當訛,册府 卷四二〇五〇〇四頁作「在」,也與 文義不 洽。

今

仍

之。

比 五. 田 有 }兵 拒 守之夫 匹 {示 `義 條 作「比」。 百 衲 本 南 比 本「比」作「北」、北、 邑」與 (上 連 城」對 文, 汲、殿三本 當 是先訛「北」, 作此 北 獨局 本 本作「比」。按通典卷 以下 ·以意改: 作 此

局本當亦是以意改,但通典引文同,今從之。

(九) 文秀必克殄 | 李慈銘云:「『必』上當有『知』字。」

(10) 行 形 似 臺 長 而 訛 孫 稚 今 叉 據 引 卷 爲 二六長孫雅傳 行 臺 郞 諸 本 改。 稚 下同 作 雅」, 殿 本考證以爲唐 人避諱改, 李 慈銘、 張森楷 以為

列傳第三十 校勘記

九五八

議敦煌得馭遠之算 李慈銘云:「『議』上有脫文,當是舉酈範贊取三齊事,與韓秀議敦煌相對,

連上句便似「議敦煌」也是薛辯、

寇讚事。

}魏

書傳論通常於正傳諸人都加評論,這裏不應獨遺酈範。

不止脫一『秀』字也。」按李說是。此句上有脫文,

# 魏書卷四十三

### 列傳第三十一

#### 嚴稜 毛脩之 唐和 劉休賓 房法壽

中山太守,有淸廉之稱。年九十,卒於家。 遠將軍,賜爵郃陽侯,假荆州刺史。隨駕南討,還爲上客。及世祖踐阼,以稜歸化之功,除 陽公奚斤南討,軍至潁川,稜率文武五百人詣斤降,驛送稜朝太宗於冀州。 嚴稜,馮翊臨晉人。遇亂避地河南,劉裕以爲廣威將軍、陳留太守,戍倉垣。 嘉其誠款,拜平 泰常中,山

谷,至甘亭。 出爲平南將軍、東兗州刺史,假馮翊公。卒,子曇襲爵。 子雅玉,襲爵。眞君中,詔雅玉副長安鎮將元蘭率衆一萬,迎漢川附化之民,入自斜 劉義隆梁州刺史王玄載遣將拒嶮,路不得通,班師。 太和二年,太倉令。五年,

列

世 祖 連 子 祖 昌 義 征 平涼 一,獲 親 眞 毛 脩之, 待 鎭長安,以脩之爲司 脩之。 之,進太官尚 有功,遷散 字敬文, 騎常侍、前 中,以脩之領吳兵討 榮陽陽武人也。 書,賜爵南郡公,加冠 馬。 將軍、光祿 及赫 連屈丐破義眞於靑泥,脩之被俘,遂沒統萬。世祖 父瑾, 蠕蠕大檀,以功拜吳兵將軍,領步兵校尉。 大夫。脩之能爲南人飲食,手自煎調,多所適意 軍將軍,常在太官,主進御膳。 司馬德宗梁秦二州刺史。 劉裕之擒 姚泓 後從世 平赫 留

雲中 堡 告脩之, 功 多 鎭 從 一、遷特 將 討 脩之不聽, 乃止。 朱脩之,劉義 和 龍,別 進、 撫 破三堡,賜 軍 大將 隆 放將也,時從在 軍、金紫光祿大夫,位次崔浩之下。 是日. 奴婢、牛羊。 無脩之,大變幾 軍,欲率吳兵謀爲大逆,因入和龍,冀浮 是時,諸軍攻城,宿衞之士多在戰陳,行宮人少。 作。 朱脩之遂亡奔馮文通。 又以脩之收三 海南歸。以

負之, 云 無 及 或 應 壽 浩 變 非挾恨之矣。 者。 有 以 將 古 其 略 中 脩之曰: 良 非 史 國 之風 其 舊 門,雖 所長 何以云然? 昔在 其所著述,文義 學不 蜀中,聞長 浩 博洽,而 乃 與論 夫亮之相劉備 老言,壽曾爲諸葛亮門下書佐,被撻百下,故 日「承祚之評亮,乃 典正 猶 涉獵 ,皆揚于王廷之言,微 書傳,每推 當 九州鼎沸之會,英雄奮發之時,君臣相 重之,與共 有 故 義 而 過美之譽,案 八論說。 顯,婉而 言次, 成章,班 其迹也,不 其論 遂及陳壽 史以 武 爲 來 侯

摧 之地 得,魚水爲喻,而不能與曹氏爭天下,委棄荆州,退入巴蜀,誘奪劉璋,爲連孫氏, 盡,憤結攻中,發病而死。 貶亮非爲失實。 才負能,高 言爲然。 **衄**而 一,僭 反;後入秦川,不復攻城,更求野戰。 號邊夷之間。 自矯 舉。 且亮旣據蜀,恃山嶮 欲以邊夷之衆抗 此策之下者。 由是言之,豈合古之善將 衡 可與趙他 之固,不達時宜, 上國。 魏 爲偶, 出兵隴· 人知其意, 見可 而以爲管蕭之亞 右,再攻祁山, 弗量勢力。 而進, 閉壘堅守, 知難 嚴威切法,控勒蜀 以 不 而退者乎。」脩之謂浩 一攻陳倉, 匹,不亦過 戰 屈之。 疏遲失會, 乎? 守窮踦 知窮勢 謂 驅

太延二年,爲外都大官。卒,諡曰恭公。

常侍。 脩之在南有 法仁言聲壯大,至於軍旅 四子 ',唯子法仁 · 入 國。 田狩,唱呼處分,振於山谷。 高宗初,爲金部尚書,襲爵。 和平六年卒。 後轉殿 贈征 中 尙 東 書,加散騎 大將軍

南郡王,諡曰威。

興 中 ,蠕蠕犯塞,從 長子猛虎,太安中,爲東宮主書,轉中舍人,又遷中散大夫。 顯祖討之,有勇決之稱。 太和初卒,贈豫州刺史,諡 初襲爵,爲散騎常侍。 曰康公。 皇

子泰寶,襲爵。 征虜長史。 例降爲侯。 卒,子乾祐襲。

列

告家 其 通送之江南。 固守,授以內職,以宗室女妻之。 人日 朱脩 一「我年老,非復有乳汁之時, 之 者 劉義 隆 司徒從事 中 郎。 而佞巧輕薄,爲人士所賤。 今忽 守滑臺,安頡圍之。 如此,兒必歿矣。」果以其 其母 爲雲中鎭將。 在 家, 日 爲頡 乳汁 所擒 忽 及入馮文通 出 世祖善 母 一號慟

州。 唐 和 ,字稚起,晉昌冥安人也。[] 父繇,以凉土喪亂,民無所歸,推隴西李暠 李氏爲沮 展蒙遜所滅,和與兄契攜外甥李寶避難伊吾,招集民衆二千餘家,臣於 於敦煌,以

寧

蠕

蠕蠕

以

契爲伊吾王

安周 討 和 屯 經 横 二十年, 至白 截 城, 力城, 和 和攻拔之,斬安周兄子樹,又克高寧、白力二城,斬其戍主。 與契遣使來降,爲蠕蠕所逼, 和率騎五 百先攻高昌,契與阿若戰歿。 遂擁部落至于高昌。 和收 以餘衆, 奔前 蠕蠕遣部帥阿若率騎 部王 遣使表狀,世 國 時 沮

以 東六城,因共擊波居羅城,拔之。 世 祖 遣 成周公萬度歸討焉耆, 詔 後同征 和 與伊洛率所 龜茲, 度歸令和鎭焉者。 領赴度歸。 和 奉詔。 時柳驢戍主 會度歸喻下柳驢 乙眞伽率

嘉

其

誠

款,

屢賜

和。

和後

與前部王車伊洛擊破安周,斬首三百。

諸胡將據城而叛,和領輕騎一百匹入其城,擒乙眞伽,斬之, 由是諸胡款附。 西域克平,和

有力也。

世以是稱之。 太安中,出爲濟州刺史,甚有稱績。 正平元年,和詣闕,世祖優寵之,待以上客。 皇興 中卒,年六十七。 徵爲內都大官,評決獄訟,不加捶楚,察疑獲實者甚多, 贈征西大將軍、太常卿、酒泉王、諡 高宗以和歸誠先朝,拜鎭南將軍、酒泉公。 日宣。

子欽,字孟直。 中書學生,襲爵。 太和中,拜鎮南將軍、長安鎮副將,轉陝州刺史,將軍

如故。 子景宣,襲爵。

後降爵爲侯。

二十年卒。

歷幷州城陽王徽後軍府長史,加中堅將軍,遷東郡太守。 普泰中卒。贈

撫軍將軍、秦州刺史。

景宣 一弟季酮,武定中,滄州別駕。

還, 詔玄達討平之。 時,出爲華州刺史,將軍 契子玄達, 性果毅, 有父風。 杏城民成赤李又聚黨, 自號為王, 逼掠郡縣, 殘害百姓。 一如故。 杏城民蓋平定聚衆為逆,顯祖遣給事楊鍾葵擊平定,不克而 與叔父和 歸闕, 俱爲 上客。拜安西將軍、晉昌公。 玄達率騎二 顯祖

叛民曹平原復聚爲亂,玄達追擊悉平之。延興三年,有罪免官。

和十六年,降爵爲侯。 卒。 百,邀其狹路,擊破之。

列 傳 第  $\equiv$ + 唐 和

子崇, **|** 崇弟興業,定陽、闡熙二郡太守。 字繼祖,襲 爵。 盛樂 太守。

劉休賓,字處幹,本平原人。祖昶,從慕容德度河,家于北海之都昌縣。 父奉伯,

降, 時 虜、兗州。 北海太守。 休賓不從。 休賓 〈爲劉 會劉彧遣使授休賓輔國將軍、兗州刺史。 体賓少好學,有文才,兄弟六人,乘民、延和等皆有時譽。 一或虎賁中郎將,稍遷幽州刺史,鎭梁鄒。及慕容白曜軍至升城,遣人說之,令 劉彧龍驤將軍崔靈延、行勃海郡房靈建等數十家皆入梁鄒, 休賓妻、崔邪利女也,生一男,字文曄。 同舉休賓為征

自 歸 崔氏先歸 順, 曜 以報 密遣兼主簿 寧在魯郡,邪利之降也,文曄母子遂與俱入國。 休實,又於北海執延和妻子,送至梁鄒,巡視城下。休賓答白曜,許歷城降,當即 尹文達向 歷城,觀國 軍形 勢。 至是,白曜表請崔與文曄。

旣至,

若 望 風 識 自降者,非直處卿富貴,兼還其婦兒。 運知 文達 詣白曜,詐言聞王臨境,故來祗 機,束手歸化,不審明王加 何賞敍。」白 候。 体實縱令不畏攻圍, 豈不憐其妻子也! 私謂白曜曰「劉休賓父子兄弟,累郡連州,今 曜 曰:「休賓仕南,爵寵如 此,今若不勞兵甲 今在升

城,三 計 休賓 乎? 多, 文達 嶮,何爲 善共 吾荷 回還,復經白曜,誓約而 聞 日「升城 慰 卿自往見。」 便生憂怯,示 量 南朝厚恩, 受寄邊任, 日「此故當文達誑 議 已敗,歷城 自求 文達乃至升城, 多福。」 人以弱 非 朝則 文達還見休賓 也 詐耳。 去。 今顧 夕,公可早圖之。」休賓 白曜 見休賓妻子。 年常抄掠, 妻子 目 而降,於臣節足乎 卿是休賓耳目腹 出其 豈有多軍 妻兒爪髮, 文曄攀援文達, 撫爪髮泣 也? 」 然而 心,親 兼宣白曜 但可撫强兵, 涕 哭泣 見其妻子,又 日 密 與 所言及 |號咷,以爪髮爲信 其 妻子 (兄子) 勤 肅 幽 國 聞慰 知 隔 軍 衞 我 形 衆旅 方 議 誰 勢, 城 爲 謂 狹 降 愍 少

之表 付 休 與 補 白 文達 嚁 取 於是告兄子 休 詔 休 爲 賓 卿 策。 便 賓妻子 期 又謂文達 卽 ,剋日許送降款。 爲 文達 聞 也 梁鄒城主。」以酒灌 慰 還,謂休賓日「白曜 一, 顯 曰:「卿勿憚危苦,更爲吾作一返, 日 祖 事 以道固 ·勢可 文達旣至,白曜喜曰「非直休賓父子荷榮,城內 旣叛,詔授休賓持節、平南將軍 知,汝早作降書。」聞慰沉 地,啓告山 信誓 如 河曰:「若負休賓,使我三軍覆沒 此,公可早爲決計,恐攻逼之後,降悔 善觀形勢。」 疑,固執不作,「言遂差 、冀州 於是遺文達偷 刺史、平原公。 賢豪,亦隨 \_! 初, 道 本 而 契。 無由 至是, 出 令

造 僕 射,許送降文, 曜 尋遣著作 佐 歸 誠 郎 許赤虎夜至梁鄒 大化,何得無信,違期不來!」於是門人唱告, 南 門下,告城上人曰:「汝語 劉休賓,何 城內 悉知 由 逐相 遣 文達頻

列

僔

餘人,俱入代都爲客。及立平齊郡,乃以梁鄒民爲懷寧縣,休賓爲縣令。 曜遣道固子景業與文曄至城下。 休賓知道固降,乃出請命。 欲降不得,皆云:「劉休賓父子,欲以我城內人易榮位也。」尋被攻逼,經冬至春。 白曜送休賓及宿有名望者十 延興二年卒。 歷城降,白

文曄,有志尙,綜覽羣書,輕財重義。 太和中,坐從兄聞慰南叛,與二弟文顥、季友被徙

北 邊,高祖特聽還代。

離

鄒。 先降,百口必被誅滅,旣不固誠於本朝,又令尊卑塗炭,豈堪爲人臣以奉大魏乎? 初,皇威遠被,臣亡父休賓,劉氏持節、兗州 水陸道衝,青冀二城,往來要路,三城岳時, 郡太守崔邪利於鄒山歸國。 子慰勞。 曰:「卿欲何言,聽卿面自申盡。」於是引見。 |文曄對曰:「臣之陋族,出自平原,往因|燕亂,流 河 表,居齊以來,八、九十載。眞君十一年,世祖太武皇帝巡江之日,時年二歲,隨外祖魯 臣旣見亡父,備申皇澤。 高 祖 臣即被先帝詔,遣乘傳詣軍,又賜亡父官爵。 曾幸方山,文曄大言於路側曰:「求見聖明,申宣久屈。」高祖遣尚書李沖宣詔問 邪利蒙賜四品、除廣寧太守。 云:『吾蒙本朝寵遇,捍禦藩屛, 刺史,戍梁鄒。 並拒 王師。 白曜遣 白 以臣年小,不及齒錄。 曜 時慕容白曜以臣父居全齊之要, 知臣 右司 算卑 .母子先在代京,表請 馬盧河 百口, 並 內等送臣母 在 城。 汝且申吾 至天安之 子至 臣母 吾若

未 以 已沒,束手 叔父道固在 僧祐 張讜 不賞。」 見其可。」高 身居東海,去留任意,來則有位,去則 父子,始有 高祖 對曰:「亡父據城歸國,至公也,僧祐意計而來,爲私也。 歸誠,救母弟之命。 歷城。 日 祖笑而 「張讜始來送款,終不差信。卿父進非先覺,退又拒守,何 歸順之名,後有閉門之罪,以 僧祐遙聞王威遠及,恐母弟淪亡,督率 不言 聖朝嘉其附化,賞以三品。 他人,是故賞之。 功補 過,発罪為 郷閭 亡父之誠 卿父被圍 幸。 來欲救 爲私蒙賞, 臣 . 叉 造 援。 見崔 孤 城 後 得 僧祐 旣 僧 已是 至公不酬, 至 祐 不異。」對 郁 母 己 高 洲 弟 物, 祖 隨 歷 臣 所 城 其

愚 也。 歸 也 日 卿 頓 9 謂 若 與 高 理 卿 比 母 日 樂 僧 極 祖 父 部 弟 月 謂 羊 爲 尙 祐 與 等 再見無期, 妻子 書陸 文 食 赴 妻子 曜, 曄 字 母 ·, 有 弟之難 而 叡 日 何者 比 「卿之所訴, 來, 叱文曄曰:「假令先朝謬賞僧祐, 隆堯舜,宰相 顧 陛下旣垂慈澤,願敕有司,特賜矜理。」高祖曰 以 爲 事 一 此 不? 重。」文曄曰:「母 何 是其 相 亡父本心,實 反。 私。 則 |對日:「僧祐 頗 十亂 m 亦 亡父本爲大丈夫, 有途。 五. **!** 弟爲! 臣, 不 垂 重。」間 一顧,所 今言謬賞, 賞 若 從 無母弟, 豈可 重 以歸 日 , 罰 謬相賞 立身處世, 卿 豈不仰誣 從 化 來 輕, 者 歸 知 也!文曄日: 以不 尋 母 自 敕 弟 先朝 ]] 知 豊 :「王者無戲, 酬 爲 商 敍。」 可 重 周 乎。」尚書 )顧妻子 日 不敵 文 朝 「先帝 華泣 廷 不 天天 來。 賞 面 高 日 命 虧 僧 何待懃 中代聖 閭 文曄 祐 有 高 是 臣 所 節

懃。 旣而賜文曄爵都昌子, 深見待遇。 拜協 律中郎,邑 改授羽林監。 世宗世, 除高陽太

守。延昌中卒。贈平遠將軍、光州刺史,諡曰貞。

子元、襲。拜員外郎、襄威將軍、靑州別駕。卒。

文顥,性仁孝篤厚。徐州安豐王府騎兵參軍。

季友,南青州左軍府錄事參軍。

聞慰,博識有才思。至延興中,南叛。

休賓叔父旋之,其妻許氏,二子法鳳、 法武。[3] 而旋之早亡。 東陽平,許氏攜二子入

選盡物望,河南人士,才學之徒,咸見申擢。 國,孤貧不自立,並疏薄不倫,爲時人所棄。 法鳳兄弟無可收用,不蒙選授。 母子皆出家爲尼,引旣而反俗。 後俱奔南。 太和中,高祖

武後改名孝標云。

不復應州郡之命。 叔元慶、範鎭等坐法壽被州郡切責,時月相繼,宗族甚患之。 房法壽,小名烏頭,清河釋幕人也。幼孤,少好射獵,輕率勇果,結群小而爲劫盜。 常盜殺猪牛,以共其母。 招集壯士,常有百數。 弱冠, 州迎主簿。 後以母老, 從

列傳第三十一 房法裔

亂 城 法 壽 所 百 憚 姓,遂切遣之。 亦 母 亡 與 清 歲 加 法 餘 河 壽綏 太守王玄邈 遇沈文秀、崔 邊將軍 而 法 壽 起兵西屯, 魏郡 外託 道 固 太守。 裝 起兵應劉子勛。 辦 合討 而 內 子勛 不 道 欲行 固 死 道 玄邈 固 明 僧 文秀悉復 以 暠、 法 壽 劉 爲 乘 歸 司 民 彧 馬 起 兵 乃罷 累破 應 劉 兵。 道 彧 固 ٠ 道固 軍 攻討 , 甚爲 慮 其 歷

崇吉潛 兄伯 爲 觀 關 道 年 清 軍 以 固 志 赴 粗 玉 入 河 逼 會從弟崇吉在升城 太守 謀 爲 城 盤 相 切 部 陽 諧 襲靈賓 河 又矜崇吉情 協,而 間 思順 以 還崇吉 太守 法 爲 親則 壽 克之。 濟南 伯玉從父弟 爲 母 平遠將 妻。 理 從 爲慕容 太守 0 祖 仍歸款 初,道 兄弟 時 靈 軍, 道 思安 白 固 也。 悅 於 固 與韓 以 曜 爲 白 遣 兼治 崇吉 爲 所 平原 軍 曜 騏驎 樂陵 破 圍 以 中 以 贖 太守,伯憐 盤 對爲 母妻沒於白曜 太守,思安弟幼安 房靈賓 母 陽, 母 妻見獲, 妻。 冀 法 州 壽等拒· 督 白曜遣 刺 爲 清 託 史, 廣 河 軍 法 Щ 守二十 督 海軍 o 廣 壽 太守, 為 上租 崇吉奔還舊宅。 ĴΠ 爲 高 長 郡 計 餘 密 孫 糧。 叔玉 事 日 太守,以安 觀 , 法 0 戍 以 觀 等 繑 壽 法 自 盤 軍 高 旣 壽 至,賊乃散 大 陽 陽 不 從父弟 Щ 法壽 太守, 欲 初 南 法 南 附 是與崇吉 壽 行 、靈民 、馬耳 遂 , 與 恨

婢。 客, 崔劉 性好酒, 及 爲下 城 客。 梁鄒降, 愛施,親舊賓客率 法壽 法壽、崇吉等與崔 供給, 亞於安都 同 飢飽,坎壈常不豐足。 等。 道 固 以 功 劉休 賜 爵 賓 壯 俱 武 至京師 畢衆敬等皆尚其通 侯, 加 平 以 遠 法 將 壽 軍 爲 · , 上 愛。 客, 給 太和中卒。 以 崇吉 田 爲 奴

贈平東將軍、靑州刺史、諡敬侯。

伯 祖 衣 子 食 伯 不 祖 充。 , 襲,例降爲 後 廣 陵 王栩 伯。 爲 歷 青州 齊 郡 內史。 伯 祖 爲 伯 從事中郎 祖 温闇弱, 委事於功曹張僧皓, 平原相 轉幽 州輔 國 僧皓 [長史, 大有受納, 坐公事

発官。 卒。

子 翼 襲。 宣 威 將軍、大城戍主。 永安 (中) 青州 太傅開府從事 中郎

伯 祖 弟叔 祖 , 別 以 功賜 **爵魏昌子。** 歷廣陵 王 國 郎 中令、長廣東萊二郡太守、龍驤將軍、

中散大夫。永安中,安東將軍、郢州刺史。

叔 祖 弟 幼愍、安豐、新 蔡二 郡太守。坐事 奪官,居家,忽聞有客聲,出無所見,還至庭中,

爲家群犬所噬,遂卒。

圍 城 軍 初 中, 長 孫 與 + 觀 之將至 餘 騎 遙 共法壽語, 盤 陽 也, 城 中稍以震懼。 靈 賓 密遣 人捕 執 時劉彧給事 之。 始 法 中崔 壽 克盤 平仲欲歸 陽之 後, 江 常 南, 禁 靈 自 賓 歷 下至 於 别

齋 旣 得 平 仲 引 與 同 室, 致酒 食 つ。敍 國 軍 明 將 文 意。 夜 中, 北 城 上 縋 出 平 仲、 靈 賓 等 餘

人。厥明,官軍至城,靈賓遂歸梁鄒。

靈 賓 文 藻 不 如 兄 靈 建 一,而 辯 悟 過之。 靈 建在 南,官至州治 中 勃海 太守,以才名見稱

兄弟 俱 入 國,爲 平 齊 民。 雖 流 漂 屯 圯 7,操 尚 . 卓然。 並 卒於平齊。

列傳第三十一 房法審

靈建 子 宣明 亦文學著稱,雅有父風。 高祖擢爲中書博 遷洛,轉議郎,試守東淸河

郡。 正始 中,京兆王愉 出除 征東、冀州,以宣明爲記室參軍。 愉 反,逼宣明爲太守。云

高 空諮議、 祖 曰 靈賓 . :「昔有 齊州大中正。 《從父弟壓,字千秋,少有才名。 |祁,名垂往史,今有二溪,當聞 高祖 臨朝, 令諸州: 亦內徙爲平齊民。 中正 來牒。」出爲濮陽 一各舉所知, |干秋 太和 太守。 與幽 初,高祖擢 州 中正 世宗時,復爲司空諮 爲祕 陽尼各舉其子。 書郎,遷司

議 加立忠將軍。 卒,贈南青州 刺史,諡 日 懿

長 子祖淵 羽 林監。 從章武 王 一融計 葛榮 ,沒於陳。 贈安東將軍、濟州 刺 史。

祖淵弟祖 皓,長水校尉。 後討蕭 衍 將於 o 九山,戰歿。 贈撫 軍 將 · 克州刺

軍

崔 平仲自東陽南 奔,妻子於歷城 入國 太和 中 高 祖 聽其還 南

馬、齊州武昌王府司 思安,有勇力,伯玉,果敢 馬。 高祖 有將略 南伐,徵 爲步 思安賜爵 兵校尉、 西安子、 直閣 將軍 建威將軍、北平太守,遷大司 中統 軍 0 善撫 士衆 高 馬 旭 司

之。

漢陽旣平,復爲武昌

王 司

馬,

帶

東魏郡

太守,

加

寧朔將軍

,

改爵清

河子,卒官。

子敬寶

敬 亦壯健。 奉朝請、征北中兵參軍、北征統軍、 寧遠將軍, 毎有戰功。 早卒。 子法

境,爲臣之道,未敢聽命。伏惟遊鑾遠涉,願不損神。」高祖 河,此之小戍,豈足徘 戍 蕭 命 **賾殊常之眷,曾不懷恩,** 岢 舍人公孫延景宣韶於伯玉曰「天無二日,土無 伯 足以禦抗王威? 玉,坐弟叔玉南奔, 徊王師。 深可三思,封侯胙土,事在俯仰。」伯玉對曰:「外臣荷國厚恩,奉任 報以 徙於北邊。 但戎輅所經,纖介須殄,宜量力三思,自求 塵露。 後亦· 蕭鸞妄言入繼道成,賾子無孑遺。 南叛, 兩王,是以躬總六師, 爲蕭鸞南陽太守。 |又遣謂曰:「朕親率麾旆,遠淸||江 高祖南伐,克宛外城, **蕩一四海。** 多福 卿不能建忠於前 且卿早蒙 宛城 小

德,民 之,後 懇 面 [縛,待] 懇 悔 望 不 無 罪麾下,卿之罪三。 敢 有 及。」 失 歸。 墜 伯玉 主上龍 往者,北師深 對曰:「昔蒙武帝愷悌之恩,忝侍左右,此之厚遇,無忘夙夜。 一飛踐極,光紹大宗,非直副億兆之深望,實兼武皇之遺敕。 卿之此成,多則一年,中則百日,少則三旬,克殄豈遠。 入, 寇擾邊民, 輒厲將士, 以救蒼生。 此乃邊戍常事,陛下不 是以 但繼 宜善思 一熟熟 主失

君

方方

立

節於逆豎,卿之罪一。

又頃年

傷我偏

師,卿之罪二。今鑾斾親戎,清一

南服,

不先

得垂責。」

欲 清 及 寰域 克 宛 伯 卿 蕞 玉 爾 面 縛而降。 小 戍,敢 拒六師,卿之愆罪,理在不赦。」伯玉對曰:「臣旣 高 祖引見伯玉幷其參佐二百人,詔伯玉曰:「朕承 小人, 備荷驅 天馭宇, 方

列

傳

第

=

+

使,緣 所言。 云 遭陛下,願乞生命。」高祖曰:「凡人惟 迷節,古人所不 如 此 : 在 '為降,何人有罪 百 此 高祖以思安頻爲伯玉泣請,故特宥之。 口 不在 在南 [彼。』 天道攸遠, 變化無方, 卿寧知今日在此不在彼乎。] 伯玉乞命而已, 更無 為。 ,致拒皇略,罪合萬死。」<br />
高祖曰:「凡立忠抱節, 卿何得事逆賊蕭鸞,自貽 1 且朕前遣舍人公孫延景城西共卿語云:『天無二日,土無二王。』卿答 有 兩途:知機獲福,背機受禍。 伊譴」」伯玉對曰:「臣愚癡晚悟,罪合萬斬,今 皆應有所至。 勞我王師, 若奉逆君,守 彌歷 一歲月,

之。[10]世宗卽位,拜長史,兼游擊將軍,出爲馮翊相,卒官。 伯 玉 在 南 之日, 放妾楊氏爲尼。 入國,遂令還俗, 復愛幸焉。 爲有司所奏, 高祖聽

吉 戍 丽 升 崇吉卒 督 城 郡 崇吉 事。 崇吉 無 少驍勇,爲沈文秀中兵參軍。及太原戍守傅靈越率衆棄郡南赴子勛,文秀以崇 所 旣 顧。 以 而 其 背文秀,同於劉 會道 從兄靈 固 獻 歸 爲長史,姨 |彧, 乃出 彧。 母叔 其 兄賈延 母 o 在 歴城 彧 以崇吉為龍驤將軍 年 爲 ,爲崔道 司 馬 固所拘繫,又將致刑 · 、 幷州刺史,領 於 太原太守, 市 以恐之,

者 不 過七百 未 幾 而 人,而 白 曜 軍 白曜侮之,乃遣衆陵城。 至。 白 曜造 人招 之,崇吉不降 崇吉設土 草方梁,下相春擊,不時克殄。 逐閉 門 固 守。 升 城 至小,人力不 多,勝仗 白 曜遂

築 舍,母妻見獲。 長城,圍三重,更造攻具, 道固遣治中房靈賓慰引之,崇吉不肯見道固, 日夜攻擊。自二月至四月,糧矢俱盡,崇吉突圍 **遂東歸** 舊村, 陰募 出走, 壯 士 遁藏 欲以 民

偸 母,還奔河南。 白曜慮其如此,守備嚴固。 後與法壽 取盤陽,俱 降

遺其金帛,得以自遣。妻從幽州南出,亦得相會。 夫婦異路,剃髮為沙門, 委縣出臺,訟道固罪狀數條。 及立平齊郡,以歷城民爲歸安縣,崇吉爲縣令。 改名僧達、投其族叔法延。 會赦不問。 崇吉乞解縣, 崇吉至江東,尋病 住歲餘,清河張略之亦豪俠士也,崇吉 頗懷昔憾,與道固接事,意 許之。 停京師半歲, 死 乃南· 甚 奔。 不平。 崇吉 後

員 外散騎侍郎。尋出爲太山太守,轉兗州左軍府司馬,所在以淸和著稱。 崇吉從父弟三益,字敬安,於南陽內附。 高祖與語,善之,曰:「三益了了, 還,除左將軍 殊不惡。」拜

|光中卒,年六十三。 九子。

長子士隆,興和中,東淸河太守,帶盤陽鎭將。

|濟||州 左將軍府倉曹參軍。 士 隆弟士達,少有才氣。 時京兆王繼爲大將軍,出鎭關右,聞其名,徵補騎兵參軍,領帳內 其族兄景先,有鑒識,每曰:「此兒俶儻,終當大其門戶。」 起家

統軍。

列

熾,若萬一陷州,君家豈得獨全。旣急病如此,安得顧名敎也。」士達不得已而起,率州郭之 史元欣欲逼其爲將, 人二千餘人,東西討擊,悉破平之。 孝昌中,其鄉人劉蒼生、劉鈞、房須等作亂,攻陷郡縣,頻敗州軍。 士達以禮固辭。 武泰初、就家拜平原太守、抑挫豪强、境內肅然。 欣乃命其友人馮元興謂之曰:「今合境從逆, 時士達父憂在家,刺 賊徒轉 時那

永安末,轉濟南太守。 士達不入京師,而頻爲本州郡,時人榮之。

歸,乃就郡請之,命攝州事。永熈二年卒,年三十八,時人傷惜之。贈平東將軍、齊州刺史, 永安末、介朱兆入洛,刺史蕭贊爲城民趙洛周所逐,城內無主。洛周等以士達鄉情所

諡曰武。

士達弟士素,武定末,太尉諮議參軍。

士素弟士章, 尚書郎。

駿,歷七郡太守,後爲沈文秀青州建威府司馬。劉彧之殺子業自立也,子業弟子勛起兵攻 之,文秀遣其將劉珍之率兵助彧。後背彧歸于子勛,元慶不同,爲文秀所害。父愛親,率勒 法壽族子景伯,字長暉。 高祖諶,避地渡河,居於齊州之東淸河釋幕焉。祖元慶,仕劉

鄉 部攻文秀。 劉彧嘉之,起家授龍驤將軍。 尋會文秀降彧,乃止。顯祖時,三齊平,隨例內

徙,爲平齊民。以父非命,疏服終身。

|沖時 長史。 掾 郡 州 民韓靈 ",命喻 民 事。 典選, 劉 景伯 和等三 簡 以 政 山賊。 母疾 虎曾失禮 存寬簡,百姓安之。 生於桑乾,少喪父,以孝聞。 拔為奉朝請 一百餘 去官。 賊以景伯不念舊惡,一時俱 於景伯,聞其 人表訴乞留,復加二載。 、司空祭酒、給事中、尚書儀曹郎。 後値 臨 |清河太守||杜昶外叛,郡居山險, 郡, 家貧,傭書自給,養母甚謹。 闔家 下,論者稱之。 淡逃亡。 後遷太尉中郎、司徒諮議參軍、輔國將軍、司空 景伯督切屬縣捕擒之,即署其子爲西曹 除齊州輔國長史,值刺史死,敕行 舊守令六年爲限,限滿將代,郡 盗賊羣起,除清河太守。 尚書盧淵稱之於李沖,

毁之容,有 左 及 義 有禮 將軍 母亡,景伯 景伯 、齊州 房家兄弟。」 性淳 如 居 刺 居喪,不 和 史。 重。 涉 獵 , 廷 其次弟景先亡,其幼弟景遠期年哭臨,亦不內寢。 食鹽菜, 一尉 經史,諸弟宗之,如事嚴親。 卵崔 光韶好標牓 因此遂爲水病, 人物,二三 積年不愈。 及弟妓亡、自己蔬食終喪,期不內御,憂 無 が所推 孝昌三年卒于家,時年五十。 尙, 每云景伯 鄕 有 里 士大夫之行業。 一爲之語曰:「有 贈

子文烈,武定中,尚書三公郎中。

累遷步兵校尉,領尚 光遂奏兼著作佐郎,修國史。 秀才,值州將卒,不得對策。 兄傭賃以供景先也。請自求衣,然後就學。」母哀其小,不許。 然自足。 景先,字光胄。幼孤貧,無資從師,其母自授毛詩、曲禮。 晝則樵蘇,夜誦經史,自是精勤,遂大通贍。 太和中, 書郎,齊州中正,所歷皆有當官之稱。 解褐太學博士。 尋除司徒祭酒、員外郎。 時太常劉芳、侍中崔光當世儒宗,歎其精博, 侍中穆紹又啓景先撰世宗起居注 苦請,從之,遂得一羊裘,忻 年十二,請其母曰:「豈可使 例得還鄉,郡辟 功曹。 州舉

兄曾寢疾,景先侍湯藥,衣冠不解,形容毁瘁。 景先沉敏方正,事兄恭謹,出告反面,晨昏參省,側立移時, 親友見者莫不哀之。 兄亦危坐,相敬如對賓客。

軍遇疾而還。其年卒於家,時年四十三。贈持節、冠軍將軍、洛州刺史,諡曰文景。先作五 經疑問百餘篇,其言該典,今行於時,文多,略舉其切於世敎者: 神龜元年,蕭衍龍驤將軍田申能據東義陽城內屬,敕景先爲行臺,發二荆兵以援之,在

陽武革命,殺伐是用,水火爲次,遵而不改。 瑶光啓祚。<br />
人道承天,<br />
天理應實,<br />
受謝旣彰,玄命若契。 問王者受命,木火相生曰:五精代感,禀靈者興。金德方隆,禎發華渚,水運 既事乖代終,而數同納麓。 相生之義,有允不違。 逆順且殊,禎 告昌, 至如

運宜異,而兆徵不差,有疑符應。

亂 質 斯 主。 祀 與 (鱗甲 典。 問 是 禹 爲 以 以 降上帝爲罪鬼之賓,奏夾鍾爲 則 鯀 群。 天,不能私其子,紹堯,不敢尊其父。鯀旣罪彰於山川,受殛於羽裔,化 配天,舜不尊父曰:明明上天,下土是冒。 銘精不能上乘箕尾,而厚尊配於國陽,當升煙之大禮。 介蟲之樂,奉天之道,不乃有淪乎。 道高者負扆四方,神積者郊原 苟存及躬,以

邀 愆陽 神 湾 可 計 之運 澍 問 日 湯 之潤,升 不不 尊稷 而 代。 思 一般性 廢之道,無乃謬與? 理數之有時,黜元 求之二三、未究往旨。 日 神積道 存, 功於 異世 若柱 百 同 世。 不合薦,虞夏應失之於前,如以歲久宜遷,百 尊,列山見享,綿紀 且畢、箕感 應,風雨異徵,尊播 前代。 成湯革 ·命承天,當 殖之靈,而

尊,貶 主,道 咎,殷鑒致 問 協 土 湯 祇隔牲幣之享。 無爲,天地 克桀,欲遷夏社爲 誠 何獨 在 是依,棄德 斯? 就 不 如 可 言之,稷禀靈威, 弗崇,百靈 武王滅紂,以亳社爲亡國之誠曰:神無定方,唯人爲 更祀。 誠允聿追之宜,社 周武 承天,禮存咸秩 非商祖,孝孚乃考之 ,升后稷當 四圭之

是 辺 飛龍 問 湯著革 |啓徵,大人載就。 命之爻,而 無揖 及理運相推,帝圖異序。 讓之象曰:玄黃剖別,人道爲尊,含靈佇化,故義始元首。 虞賓以爲善終順守,有慚 未盡,不

列

傳

第

三

+

房

法

蒿

九八〇

顯揖讓之象,而著已日之美。 豈可兆巨釁爲貽厥之謀,訓萬世而開安忍之□?求之反

衷,未識理恕。

莫極於無上,逆莫甚於違天。行大辟禍不及族,理正刑愆止於身。 象載其美;五宥三刺,禮經寶其仁。 何戾受淪殄之辜? 問周禮秋官司烜氏,邦若屋誅,爲明竁焉曰:王道貴產,法理尚恩。舊德見食,八問周禮秋官司烜氏,邦若屋誅,爲明竁焉曰:王道貴產,法理尚恩。舊德見食,八 是以祿父巨釁,殷禮不輟;三監亂德,蔡胤猶存。罪 何惡當參夷之禍

神道不全,何終恩之有。方齊服是追,哭於野次,苟存降重,無乃過猶不及乎。 德,名義以興。棄鞠育有加,禮服是重。 問儀禮,繼母出嫁,從爲之服,傳云「貴終其恩」曰:繼母配父,本非天屬, 旣體違義盡,棄節毀慈,作嬪異門,爲鬼他族, 與算合

方始, 自己復弔之賓, 尚改緇襲, 奉哀苦次, 而無追變, 孝子孝孫, 豈天理是與? 縞冠玄武,子姓之服。 無總葛者,以戚非天屬,報養止身。 問禮記,生不及祖父母,父母稅喪,己則否曰:服以恩制,禮由 **縓練之後, 纏経已除,猶懷慘素,未忍從吉,況斬焉。** 祖雖異域,恩不及己,但正體於下, 「義立。 可無服乎? 慈母三年,孫 初之創 且

郊奠。 問 左氏傳,齊人殺哀姜,君子以爲不可曰:受醮從天,人倫所重。 而乃肆極昏淫,禍傾合卺之尊,怙亂無終,殄滅誕鞠之愛。 齊桓匡翼四方,正存 保育異宗,承奉

刑矩。 割不忍之恩,行至公之法。方生貶違,以殺爲甚。 而神道幽默,禍降未期,雖窮

勃履朝,自己臣不宜糾,既事反人靈,咎將有所,施之取夷,孰爲優允?

昊天至重,豈可納廢饗之虔。唐虞已往,事無斯典,三后已降,始見其文。 禮 不虛革, 庶昭異聞。 不上通,昏瘉後燼,四圭是主。此便至道相承,乾無二統。純風旣詖,玄牡肆尊,禮 問 公羊傳,王者之後郊天曰:神不謬享,帝無妄尊。介丘偏祀,猶不歆季氏之旅; 揖讓之胄,

流協 <u></u> 涼啓辰 君,告誡虔祀,穆卜迎吉,而休徵不至。若推咎於天,則神不棄鑒;歸愆於人,則頌聲宜 也 回星之辰,授衣非合璧之月。 旣命龜失辰,靈威弗眷,郊享不從,配天斯缺。卽傷所言,殆非虛美,何承而制? 運 問 問 。致望舒後律,耀靈爽次。 ·尚書胤征,羲和詰其罪,乃季秋月,朔辰弗合於房曰:衡紀不移,日月有度。 炎 樂以觀風,禮爲敎本,其細已甚,民不堪命。 ·穀梁傳,魯僖三十一年夏四月,「卜郊不從,乃免牲」,,傳曰「乃者,亡乎人之辭 ,次舍無代。 斯舉,將有異說。 履端屢臻,歸餘成閨。是以爰命羲和,升準徂節,使晷數應時,火 敍食弗當, 積失加誅, 律度暫差, 便遘殄絕。 即官闕永,容可爲愆。玄象一差,未成巨戾。 齊不加兵,屈於周典。 僖公魯之盛 且杪秋 仁者之

列

兵,義不妄興;王

赫

例。 如之。若謫見正陽,日維戊午, 也, 朔亦應爲災; 如不忌也, 辛卯豈獨成醜? 至之候,不爲愆咎。今同之辰而爲深戾者,專以金木相殘,指日成釁。 義不妄構,理用何依。 問 毛詩,「十月之交,朔日辛卯,日有食之,亦孔之醜」曰:日月次周, 生育相因, 猶子歸母,但以陰陽得無深忌乎? 若為忌 且舉凡之始,以屬月時,繫之在日,有爽明 推步不 行舍有常, 一,容可 分

悲,進涉無上之心,退深負杖之懼。 於彼我。 問論語,河不出圖,泣麟自傷曰:聖人禀靈天地,資識未形,齊生死於一同,等榮辱 孔子自生不辰,從心告齒,樂正旣修,素王斯著。 聖達之理,無乃缺 如 方興吾已之歎,結反袂之

貴往復、嘉其用心、特除神貴子鴻彦為奉朝請。 符璽郎王神貴答之,名爲辯疑,合成十卷,亦有可觀。 前廢帝時奏上之。 帝親自執卷,與神

景先子延祐,武定末,太子家令。

平原劉郁行經齊兗之境,忽遇劫賊,已殺十餘人。次至郁,郁呼曰「與君鄕近,何忍見殺」 賊曰:「若言鄉里,親親是誰。」郁曰:「<u>齊州主簿房陽是我姨兄。」陽是景遠小字</u>。 景遠,字叔遐。 重然諾,好施與。 頻歲凶儉,分贍宗親,又於通衢以食餓者,存濟甚衆。 賊曰:「我

急,不類家風,然事二兄至謹,撫養兄孤恩訓甚篤。 功曹參軍,以母老不應,豎眼頗恨之。 食其粥得活,何得殺其親!遂還衣服,蒙活者二十餘人。景遠好史傳,不爲章句。 益州刺史傅豎眼慕其名義,啓爲昭武府 天性小

卒於家。

子敬道、永熙中、開府參軍 事。

法壽、伯玉末能投命。 史臣曰:嚴稜夙款可嘉。 景伯兄弟,儒風雅業,良可稱焉。 脩之晚有誠効。 唐和萬里慕義,歸身著績。 休賓窮而委質。

#### 校勘記

晉昌冥安人也 諸本「冥」作「宜」、北史卷二七唐和傅作「冥」。按冥安、漢舊縣、因冥水得名、北

周時始省,見元和志卷四〇瓜州晉昌縣條及隋書卷二九地理志上敦煌郡常樂縣注。「宜」字訛,

今據北史改。

今在升城 諸本脱「在」字,今據册府卷四二六五〇七六頁補。

三三 固執不 作 諸本「固」訛「因」,今據北史卷三九劉休賓傳、册府同上卷頁改。

列 傳 第 Ξ + 校 勘 記

- $\sqcap$ 29 卿之所訴 諸本「訴」訛「許」,今據册府卷八三四九九〇四頁改。
- 五 拜協律中郎 諸本「中郎」作「郎中」,北史卷三九作「中郎」。按卷一一三官氏志載太和前品令、
- 通典卷二五太常屬官、魏有「協律中郎」、此傳誤倒作「郎中」、今乙正。
- 六〕 二子法鳳法武 册府卷九四〇二〇六七頁「武」作「虎」。 按北史卷三九也作「武」。 疑魏書本作
- 「虎」、北史避唐諱改、後人又據北史改此傳。册府所據尚是未改舊本。 但別無他證, 今仍之。
- -<del>L</del> 母子皆出家爲尼 北史卷三九「尼」下有「僧」字。張森楷云:「母爲尼, 子不應爲尼, 有『僧』

字是。」

- 以功賜爵壯武侯加平遠將軍 『平遠』之號,前後當有一誤。考房彥謙碑金石萃編卷四三述其先世,云法壽以魏郡太守立功歸魏, 平遠將軍第四品、龍驤將軍第三品、故云『加』。」 封莊武侯、『莊」、『壯』三文古相通。 使持節、龍驤將軍、東冀州刺史。然則後所加者蓋龍驤將軍也。 錢氏考異卷二八云:「按上文,法壽已授平遠將軍矣, 不應 更加
- 八 九 **山** 逼宣明爲太守 按元愉敗後,宣明如何,傳不應一無交待,此句下當有脫文。
- 高祖聽之 諸本「祖」作「宗」,獨局本作「祖」。按上文作「高祖」。伯玉城破被擒在元宏高祖時,
- 「宗」字顯誤,今從局本。
- 及弟妓亡 北史卷三九房景伯傳無「妓」字,册府卷八五二一〇二二六頁「妓」作「妹」。疑「弟」字下

記

當時封建禮俗、於妹喪不會那樣重視。

廷尉卿崔光韶好標牓人物 諸本「光」作「先」,册府同上卷頁作「光」。按崔光韶附卷六六崔亮傳,

「先」字訛,今據改。

況斬焉初之創巨方始 語意晦澀。疑「初之」爲「之初」誤倒、讀作「況斬焉之初,創巨方始」,但

無他據,今姑於「斬焉」斷句,「初之」屬下讀。

雖窮勃履朝 按齊人殺哀姜、見左傳閱二年。「窮勃」不知所出。

## 魏書卷四十四

### 列傳第三十二

羅結 伊 馛 乙瓌 和其奴 苟 頹 薛野賭

# 宇文福 費于 孟威

初,遷侍中、外都大官,總三十六曹事。年一百七歲,精爽不衰。 城,即號曰羅侯城,至今猶存。 監典後宮,出入臥內,因除長信卿。年一百一十,詔聽歸老,賜大寧東川以爲居業,幷爲築 幸賀蘭部。 羅結,代人也,其先世領部落,爲國附臣。 後以功賜爵屈蛇侯。 朝廷每有大事,驛馬詢訪焉。 太宗時, 除持節、散騎常侍、 劉顯之謀逆也,太祖去之。 年一百二十歲,卒。 寧南將軍、 世祖以其忠慤,甚見信待, 河內鎮將。 結翼衛鑾輿,從 贈寧東將 世祖

子斤,太宗時爲侍 列 傳 第 Ξ + 御中散。 雞 結 後從世祖討赫連昌,世祖追奔入城,昌邀擊,左右多死,厅 九八七

、幽州刺史、諡曰貞。

鎭 攻 力 都 戰 城 大 野 有 將。 戰 功 多有 後 世 以斤機辯,敕與王俊使蠕蠕, 祖 克捷,以 嘉之。 後錄 功賜 **爵帶方公,除長安鎭都** 勳,除散騎常侍、侍中、 迎女備後宮。 i 大將。 四部尚書,又加平 又以本將軍開 會蠕蠕 侵境, 西 府, 馳驛 將 軍 爲 徴 長安鎭都大 還, 後 平 除柔玄 涼 州

將。卒,贈本將軍、雍州刺史,諡曰靜,陪葬金陵。

子 敦 襲 爵。 有姿貌 ,善舉 止。 自太子洗馬稍遷散騎常侍、庫部尚書。 卒,贈安東將軍、

幽州刺史、諡曰恭。

史。 後 病 依 顯祖幸其宅, 例 善 子 降 撫 伊 導,在 利 爲 侯。 高宗 州 除 自視醫藥,其見 、數年、 時襲爵。 司 農 卿、光祿大夫。 邊民歸之五千餘戶。 除內行長,以沉密小心、恭勤不怠領御食、羽獵諸曹事。 待 如 此。 卒。 稍遷散騎常侍、儀曹尚書,出爲安東將軍 世宗初,贈征北將軍、燕州 高祖時,蠕蠕來寇,詔伊利追擊之,不及而反。 刺史、諡 靜 伊利 曾

子 阳 奴 亦亦 忠實 (寡言) 有智度。 以 勳臣之子,除侍御中散,襲爵。 稍遷中散大夫。

子殺鬼,襲爵。」武泰中,驃騎將軍、南青州刺史。

趙 郡 王 敦 弟拔 後 例降為 歷 殿 中 公。 尙 書, 卒,贈 賜 爵 寧 濟 東 南 將軍 公。 定州 高 祖 刺 時,進爵 史,諡 爲 日康,陪葬金陵。 玉。 除 征 西將軍、吏部尚書, 改封

子道生,肆州安北府外兵參軍。卒。

子延,天興中,驃騎將軍、左光祿大夫。〔〕〕

結從子渥,渥子提,並歷通顯。 提從世祖討赫連昌有功,賜昌女爲妻。

子雲, 早有名位。 顯祖時給事中,西 征敕勒,為賊所襲殺。

子蓋 世宗時 右將軍、直閣將軍。轉龍驤將軍、濟州 刺史。 卒,贈本將軍、兗州 刺史。

長子鑒,累遷 冠軍將軍、岐州 刺史。入除散騎常侍、金紫光祿大夫、主衣都統。 卒,贈侍

鑒弟衡 ,累遷天水、樂陵 二郡太守 ·, 輔 國將軍,光州 刺 史。

中、都督冀定瀛三州諸軍

事

、尚書右僕射、司

空公、衞將軍

、冀州

刺史,以孝靜外戚故也。

結宗人彌, 善射有膂力。 世祖時爲軍將,數從征伐有功, 官至范陽太守。 卒,贈幽州

刺史。

爾孫念,字子懷。武定中,驃騎將軍、膠州刺史。

伊馛,代 人也。 少而 勇健, 走及奔馬、善射、多力、曳牛却行。 神魔 初, 擢 爲侍郎,

郎,賜爵汾陽子,加振威將軍。

列傳第三十二 伊馛

病 深 姑 臧 亦 自 涼 不 可 世 謂 州 讀 祖 羣 無 書,而 之 水 臣 將 顧 草 曰:「崔公智計 謂 能 涼州 浩 何 大建 . 得 曰:「馛智力 也, 爲 (勳名,致位公輔。」世 國? 議者咸諫, 有餘,吾亦不 議者 如 不 此,終至公相。」浩日「何必讀 可 唯司 用 也 復奇之。 徒崔浩勸世祖 祖笑曰:「誠 宜從 浩 吾正 言。 如 奇馛弓馬之士,而 世祖 決行。 公言。」 善之。 書, 羣 臣 然後爲學。 旣克 一出後, 涼州 所 見 骸 能 世世 言於世 衞 與崔 祖 |青、霍去 大會於 祖 同, 此

秘 碎 世 魏 辭 加 安侯 二省 侍 祖 日 太安 中 親 骸 任 尚 性 多諸文 進 加 之。 書 忠 爵 冠 年, 務 謹 軍 河 從幸 土 殷, 領 南 將 世 太 軍 若恩矜 祖 公。 公 瓜 愛之, 子 爵 步 大保。 後 興 至 列頻 光 出 不已,請 重, 親 元 有 爲 待 非臣 三年 年 東雍 戰 ,拜 日 功 參其次。」世祖賢之, 殊, 年少 州 與司 進 司 刺史, 空。 號 賞 愚近 徒 賜 鎭 陸 優厚。 及 軍 恩化 所宜 麗等 爲三公,清約 將 軍 大行, 一荷任 o 眞君 並 平尚· 興安二年, 逐拜為 一請收過 百姓 初 世世 書 自守, 思之。 事 祖 中護 恩。」世 o 欲拜骸爲尚書,封 遷 五. 爲 將軍 征 轉殿 年 政 北 祖 舉 て秘 大將軍、 中尚 問 大 書 其欲、酸曰:「中、 綱 .書,常 監 而 已, 都 那公。 以 典 曹 不爲苛 功 宿 尚 り賜爵 書, 衞 骸

子蘭、襲。散騎常侍、庫部尚書。卒。

自 驍騎將軍 子 盆 生 一直閣 一,驍 勇 將軍 有 膽 ·為持節、右將軍、洛州刺史。與荆州刺 氣 初 爲 統 軍 ·, 累 有 戰 功 多遂 爲 名 將。 史、淮 以 勳 南 賜 王世 爵 平 遵。魯陽太守崔 城 子。 神 龜 年, 模

爲 將 俱 軍 西 、西道 道 襄陽,不克而還,坐発官。 都 別 將,每 戰 歿。 戰 贈 頻 捷。 車 騎 )將軍 自 崔 後除安西將軍 延伯 雍 州 之後,盆 刺 史。 一、光祿 生 永 熙 爲 次焉。 大 中 夫。 , 重 贈驃騎 進 又爲 號 撫軍 征 大 西 八將軍 將軍 將 軍 行 儀 太僕 岐 同 州 卿、 三司 刺 假 史。 定州 鎭 復 西

馛 武 子 族 平 武 子 從 弟 平, 孫 子 豹 武 司 **一条**,直 琳 子, 徒 祭酒 亦 武 武 閤 衞 衞 將 將 將 軍 軍 軍。

刺

史。

將 先 除 瓖 鎭 士 便  $\Xi$ 卒 南 弓 乙瓌 馬, ٠, 和 將 勇 平 軍 善 冠 中 人也。 射 駙 薨 軍 , 馬 , 手 時 0 都 其先世統 格 年 尉 後 猛 除 + 獸, 賜 侍 九。 爵 中 部落。 膂 西 力 贈 征 平 過 公。 太 東 人。 世 尉 將 祖 從駕 公, 軍 時, 數 諡 儀 從 南 瓌 日 同 征 征 恭 父匹 伐 , 除 司 甚 知 使 定州 慕 持節、 見 信 國 待。 威 刺 化, 史, 都 督 尙 遣褒 進 上谷 前 爵 鋒 入貢, 爲 公主 諸 丢。 軍 事 世 世 o 叉 旭 祖 爲 毎 因 之 西道 戰, 留 女 之。 也。 身 都

列

傅

第

Ξ

+

2

瓌

初 復尙恭宗女安樂公主,除駙馬都尉、侍中。 即位,為征 子乾歸,襲爵。 西道都將,又爲中道都 年十二,爲侍御中散。 將。 延興五年卒,時年三十一 顯祖初, 及長、身長八尺、有氣幹、頗習書疏、尤好兵法。 除征 西將軍、 0 秦州刺史,有惠政。 贈左光祿大夫、開府儀 高 祖

子海,字懷仁。 少歷侍御中散、散騎侍郎,卒時年四十一。 贈散騎常侍、 衞將軍、 濟州

刺史,諡曰孝。

同,諡

曰

.康

太守。 臺左丞宋顯戰,[三敗死,時 卿,銀青、金紫、左、右光祿 子 暖,字雅珍。 時為逆賊劉桃攻郡,暖踰 尚淮陽公主,高祖之女也, 大夫, 年四十六。 城獲免。 中軍將軍, 後都督李叔仁討桃平之,暖乃還郡。 西兗州刺史。 除駙馬都尉,汝南王友,固辭不拜。 天平元年, 舉兵應樊子鵠, 後除司 歴濟南 農 與行 小

暖弟諧,字遵和。」武定中,司馬。

諧 弟琛, 字仲珍。 解褐司空參軍 事。 稍遷東平、濟陰二郡太守, 散騎常侍。 卒時年四

十九。

安鎭 宗崩 射。 子 進, 歸 東 王 咎 久囚 除奮武 閭 將 於 太 和 ک 安 毗 金闆 東 其 未 渾 奴, 平 元 將 決。 與 太宰常英等並 王 年, 林 執 軍 代人也。 道符 金閭 金閭 其 詔 奴 高宗 羣 反, 以 與尚 擅 臣 付郁 議 少有操行,善射 殺 初, 詔 尚 書 立皇太子名。 平 其 毛法仁等窮問 書楊保 尚 奴領 遷尙書, 時 書 其 征 事 年 奴 西 0 等。 以金閭 大 在 御。 加散騎常侍,進爵 其 將 官愼法, 其 奴 殿 軍 初爲三郎,轉羽林中郎,以恭勤致稱 狀 與司 罪 中 , 尚 率 連 惡 未 徒麗等以 書 不受私請。 殿 日 中精甲萬騎以討之,未至而道符敗, 分, 元郁率殿 ,具伏。 乃出之爲定州 平昌公,拜安南將軍 為宜 和平六年,遷司空,加侍 時 中宿衞士 以 以德命名,帝從之。 西征 刺 |欲加兵於渾。 吐谷渾諸將 史。 , 皇 遷尙 一興元 賜 淹 書 爵 中。 叉 年, 渾 停 東陽 與 左 長 僕 不 河

子天受 襲爵。 初 爲 內行 令。 太和六年,遷弩庫曹下大夫,卒。 還。

\_\_\_\_

年

薨

",内

外咸

歎

惜之。

贈

平

昌

王,

諡

日

宣

戦,常 少言. 茍 先登陷 嚴 頹 毅 代 清 人也。 陳 直 , 武 世 祖 曾祖 力 至 渦 人。 烏提,登國初,有勳於 江 , 賜 擢 爵 爲 建德男, 中散, 小心 加寧遠將 謹 太祖 敬 軍 賜吳 世 祖 還, 八寧 子。 南 討 遷奏事 以頹 父洛跋,內行 中散, 爲 前 鋒 典涼州 都 長。頹 將,每 作 性厚重 曹 臨 敵 遷 對

將軍 敢爲 內行 徵拜散騎常侍、殿中尚書,進爵成德侯,加後將軍。 寇。 令, 、都曹尚書,進爵 轉給 承明元年,文明太后令百官舉才堪幹事、 事 中,遷 河南公。 司衛監。 以本將軍拜洛州刺史。 人足委仗者, [三] 於是公卿 太和元年,加散騎常侍,尋遷侍中、安東 爲政剛嚴, 抑强扶弱, 成以 山蠻畏威,不 頹 應選。

挽, 也, 杖於 (云) 頹並致諫,太后不從。 頹 方正好直 朝 言, 雖文明太后生殺不允,頹亦言 三年,遷征北大將軍、司空公, 至 懇 切,未曾阿 進爵 河東王。 諛。 李訢、 以舊老,聽 李敷 之誅 乘步

崇異, 宗社獲安者,實卿之功也。」七年,詔曰:「顏 至,文明太后曰:「當爾之日,卿若持疑不卽收捕, 大駕行幸三川, 以彰厥功。 自兹已後,可永受復除。」十三年冬薨。 頹留守京師, 沙門法秀謀反, 頹率禁衛收掩畢獲, 爲台鼎,論道是寄, 處分失所, 高祖痛悼者久之。 則事 歷奉 成 匹 不測 朝, 內外晏然。 矣。 庸 績彌 贈贈 今京畿不擾, 遠。 有 駕還飲 加 宜加

卒。 長 子寶、武定中、北梁太守。 贈 平 子愷,累遷冠 北將 軍 ・、恒州 軍將軍, 刺 史。 柔玄、懷荒、 武川鎭大將、襲爵河東王、例降爲公。 正光二年

僖王

愷弟養,步兵校尉,早卒。

衞 將軍 養 ,加後 弟資 , 武騎侍 公將軍 o 郎 延昌末卒。 、河間太守、太僕少卿、汲郡太守。 贈平北 將 軍 一、幷州 刺 史,幷給帛二百匹,布一百匹,諡 遷龍驤將軍、肆州刺史。 還,除武 日愍。

子景蠻,日莊帝時,撫軍將軍、金紫光祿大夫。

頹 弟若周,散騎常侍、尚書。 太和 中,安南 將軍、豫州 刺史、潁 川侯。 卒,贈光祿大夫。

若 周 弟壽樂,太和 中, 北部尚書、 安南將軍、 懷州 刺 史,假 山陽 公,未拜。 尋除散騎常

侍、殿中尚書、晉安侯。卒,贈安東將軍、冀州刺史。

史、 博陵公。 頹 從叔 孤 不治產業,死之日家無餘財,百姓追思之。 ,少以忠直稱。 太宗卽位, 以定策功拜車騎將軍。 後除鎭軍 大將軍、幷州

刺

民籍 日悼。 夫,待以上客之禮 事,校計 薛 野賭少失父母,養於宗 野賭,代人也。 戶 口,號 一賜 爲 妻鄭氏。 父達頭,自姚萇時率部落歸 稱職。 人利家。 達頭 賜爵順陽子。 閑 雅 及長,好 恭愼, 野賭少孤,父侯不襲, 太祖 學善射。 國。 深器之。 太祖 高宗初,召補羽 嘉其忠款,賜爵 卒,贈平 至是錫爵 南將軍 林。 聊 、冀州 城侯 遷給 和平中,除 散員 事 刺 史、諡 中 典

列

大將軍

史,諡

日

平南 將軍 、幷州 刺 史,進爵河東公。 轉太州刺史,在治有聲。 卒,年六十一。 贈散騎常侍、

子 虎子、姿貌壯偉、明斷有父風。 年十三,入侍高宗。 太安中,遷內行長,典奏諸曹事。

當官 正直,內外憚之。 及文明太后臨朝,出虎子為枋頭鎮

悟今日 屛跡。 虎子在鎭之日,土境清晏,訴乞虎子。 行,訪 路,曰:「臣昔事 都 詔虎子督三將出 副 將,與尉元等討平之。 虎子 以政事, 顯祖 得奉聖顏。」遂流涕 素剛簡, 璽 書慰喩。 數十里中, , 先帝, 過霑重恩。 壽春 爲近臣所疾, り與劉 後除平南將軍、相州刺 占對 嗚咽。 以本 昶 南 不 將 因 計。 陛下 絕。 顯祖 軍 小過點爲鎭門士。 四年, 爲 時 山 在諒闇之日,臣橫罹非罪,自擯黜 乃復除枋 曰:「卿先帝舊臣, 彭 城 東飢饉,盜賊競起。 徐州民 鎭 將。 史。 頭 (鎭將,即 桓 顯祖 至鎭 及顯祖南巡,次於山陽。 和等叛逆, 崩 雅 久屈非所, ,不行。 日之任。 得民 相州 屯於五 和 太和二年,襲爵。 至鎭, 民孫海等五 良用憮然。」 除 固。 開府、徐州 此蕃,已經多載,不 數州 韶虎子為南. 虎子拜訴於 之地, 百餘人,稱 詔 刺 虎子侍 史。 姦徒 征

固,非粟不守,韓白之勇,非糧不戰。 時 州 鎭戍兵, 資絹 自隨, 不 文 、公庫 故自用兵以來, 莫不先積聚, ٠, 任其 、私用, 常苦 ·飢寒。 虎子 然後圖兼幷者也。 上 表 日 臣臣 聞 金湯 今江 之

强漢。 邊。 汴通流,足盈激灌。 釐之潤;語其利私,則橫費不足。 穀帛俱溢。匪直戍士有豐飽之資,於國有吞敵之勢。昔杜預田宛葉以平吳,充國耕西零以 興力公田,必當大獲粟稻。 一歲之中,且給官食,半兵耘植,餘兵尚衆,且耕且守,不妨捍 不減數萬,資糧之絹,人十二匹,卽自隨身,用度無準,未及代下,不免飢寒。論之於公,無毫 左未賓,鯨鯢待戮,自不委栗彭城,以强豐沛,將何以拓定江關,掃一衡霍。竊惟在鎭之兵, 一年之收,過於十倍之絹,暫時之耕,足充數載之食。於後兵資,唯須內庫,五稔之後, 臣雖識謝古人,任當邊守,庶竭塵露,有增山海。」高祖納之。 其中良田十萬餘頃。 非所謂納民軌度,公私相益也。 若以兵絹市牛,分減戍卒,計其牛數,足得萬頭。 徐州左右,水陸壤沃,清、

宜用。 量也。 南之人,思慕聖化,延頸企足,十室而九。恐聞賦重,更懷進退。非惟損皇風之盛,慮傷慕 費,終歲乃有七縑。去年徵責不備,或有貨易田宅,質妻賣子,呻吟道路,不可忍聞。今淮 道洽羣生,恩齊造化,仁德所覃,迹超前哲。遠崇古典,留意治方,革前王之弊法,申當今之 義之心。 叉 定貢賦之輕重,均品秩之厚薄,庶令百辟足以代耕,編戶享其餘畜。巍乎煥焉,不可 臣竊尋居邊之民,蒙化日淺,戎馬之所,資計素微。小戶者一丁而已,計其徵調之 上疏曰「臣聞先王建不易之軌,萬代承之,聖主垂不刊之制,千載共仰。 且臣所居,與南連接,民情去就,實所諳知。特宜寬省,以招未至。其小郡太守, 伏惟陛下

列

數 奏,文明太皇太后令曰:「俸制已行,不可以小有不平,便虧通式。」 已行,布之天下,不宜忤冒,以亂朝章。 戶而已。 請 止六尺絹,歲不滿匹。 旣委邊捍,取其必死,邀之士 但猥藉恩私,備位蕃岳,憂責之地,敢不盡言。」書 重,何吝君 輕。 今班制

告刺史虎子縱民通賊,妄稱無端。 興,上下猜懼,則治道替矣。沛郡太守邵安、下邳太守張攀咸以貪惏獲罪,各遣子弟詣闕, 高祖曰:「此其妄矣,朕度虎子必不然也。」推案果虚。 郡太守邵安、下邳太守張攀咸以贓汚,虎子案之於法。 貸民粟,民有車牛者,求詣東兗給之。並如所奏,民得安堵。 年卒,年五十一。贈散騎常侍、鎭南將軍、相州刺史,諡曰文。有六子。 「卿頻使江南,徐州刺史政績何如。」彪曰:「綏邊布化,甚得其和。」 高祖曰:「朕亦知之。」 沛 可集州官兵民等,宣告行決。 在 州戍兵,每歲交代,虎子必親自勞送。喪者給其斂帛。 塞彼輕狡之源,開此陳力之效。」在州十一載,太和十五 安宜賜死,攀及子僧保鞭一百,配敦煌。安息他生鞭一 乃下詔曰:「夫君臣體合,則功業可 安等遣子弟上書,誣虎子南通賊虜。 高祖曾從容問秘書丞李彪曰 州內遭水,二麥不收,上表請

長子世遵,襲爵,例降爲侯。景明中,爲秦州刺史,稍遷左將軍。卒,年四十二。

獻武王大行臺左丞、中外府司馬。出爲殷州驃騎府長史。武定五年,除鎭北將軍、北廣平太 長子忱,字安民。正光中,襲爵。稍遷鎮南將軍、鉅鹿太守、定州儀同開府諮議參軍、齊

守。 爲治暴虐,曾因 「公事 <u>,</u> 家之內併殺數人。 爲民所訟,將致之罪,遇患, 卒於郡。 贈征

西將軍、西兗州刺史。

忧弟安顥,武定末,東豫州征西府長史。

世 遵弟曇慶,少有度量。 永平 中,員外散騎常侍,遷尚 書郎。 年五十一 , 卒。

子衍,字元孫,輕財慕義。 熙平 中,為: 侍御史、奉朝請。 永安中 ٠, 尚書駕部郎 中,行 河陰

縣事。卒於正平太守。贈征東將軍、徐州刺史。

校尉。 曇慶弟曇寶,初補散騎。高祖詔曇寶採遺書於天下。 世宗時,遣使巡行四方,以曇寶持節、兼散騎常侍、 歷侍御中散、直閤 龍驤將軍、 南道大使。 將軍 ·、太子 曇寶達豫 步兵

州,卒,年二十九。

射蕭 南陽 侍,使於榮,託以慰喻, 乞歸, 衍乃聽還。 於都督、安樂王鑒。 寶夤舉曇尚應選,馳驛之郡。 平郡事。 曇寶弟曇尚,有容貌, 母憂去職。 肅宗復其本秩。 鑒不能援,遂爲蕭衍將王希聃所陷,拘曇尚送蕭衍 密以觀之。 正光中,詔 性寬和。 武泰初, 孝昌初,徐州刺史元法僧叛入蕭衍,曇尚斬其使人,送首 建義初,除司徒左長史、兼吏部尚書,授太原王介朱榮 以陽平隣接蕭衍,綏捍須人,仰尚書舉才而遣。 初辟御史,加奉朝請。 介朱榮擅强**并**肆,朝 熙平二年,除徐州穀陽戍主,行 延欲揣 其情,除曇尚員 行以禮遇之,曇尚 外常 左僕

列傳

魏

蘭

根。

後爲鎭東將軍、金紫光祿

大夫。

官。 還,賜爵永安侯。 尋除後將軍、定州刺史。 太昌初,加征東將軍,行兗州 **介朱榮之死,授持節、** 事。 兼尚書北道行臺,代 天平中,除驃騎

大將軍 、齊州刺史。 曇尙凡歷三州,俱稱貪虐。還,除將作大匠,卒於官,年六十一。 贈都

督瀛滄二州諸軍事、本將軍、儀同三司、瀛州刺史。

子仲芬、武定中、齊文襄王中外府中兵參軍

曇尙弟琡,字曇珍。 武定末,儀同三司、尚書右僕射。

宇文福,河南洛陽人。其先南單于之遠屬,世爲擁部大人。 祖活撥,仕慕容垂,爲唐郡

內史、遼東公。 太祖之平慕容寶,活撥入國,爲第一客。

畜於牧所,福善於將養,並無損耗,高祖嘉之。 規石濟以西、河內以東,拒黃河南北千里爲牧地。 都牧給事。 |賾 有功,授顯武將軍。 福少驍果,有膂力。太和初,拜羽林郎將,遷建節將軍,賜爵新昌侯、南征都將。 十七年,車駕南討,假冠軍將軍、後軍將軍。時仍遷洛,敕屆檢行牧馬之所。 尋除恢武將軍、北征都將,特賜戎服。 尋補司衞監。 事尋施行,今之馬場是也。及從代移雜 破蠕蠕別部,獲萬餘。還,除 從駕豫州,加冠軍將軍、西道 撃蕭 福

都 將 假 節 征 虜 將軍。 領精騎 千,專殿駕後。 未幾, 轉驍騎將軍 ,仍領太僕 典牧令。 從

駕征南陽,兼武衞將軍。

將 恐 萬 勢 重 來 救 高 道 祖 尋 來戰 望 二年, 以 高 高 福 祖 o 指 軍 車 福 車 叛, 座 法 據 駕南 將 齊 鞍誓 命 整, 士 加 討, 衆, 征 敕 將 遣 北 福 士 身先 將軍 領 福 閑 高 與右 習, 土 北北 車 卒 羽 衛將軍楊播 大 ·, 賊 征 被 林 都 五. 褒 不 將, 得 歎 百 騎 追 前 討 爲 出 蕭 逐大 之。 鸞 前 賊 遣 軍 南 奔潰 其 軍 面 尚 敗 و. 至 奪 書崔 被 鄧 賜 其 城 黜 爵 八橋道, 慧景、黄門 昌 福 黎伯 選 遏絕 兵簡 IE 歸 郎 將 武 路 蕭 , 衞 爲 衍 攻圍 率 賊 加 衆 征 衆 之 虜 大

夫 出 降 此 中 ,轉 正 要 以 關 衝 景 勳 太 討之。 明 僕 封 初 得 卿 襄 之 樂縣 Ó 乃 則 叉 延 起 詔 義 昌 開 拜 陽 福 中 或 平 易 行 , 男, 遠 豫 以 圖 邑二 將 本 州 , 不 軍 官 事 丁,與 ` 獲 百戶 領 南 則 左 東 征 壽 衞 0 豫 統 春 除 將 州 軍 難 軍 太 刺 保 僕 , 史 進 除 少 田 計 散 加出 卿 益 於 騎 然之。 ò 宗 都督 常 尋 共 侍 以 彭 相 及 衍 都 影 城 勰 將 援, 官 王 爲 寇 尙 加加加加 州 邊, 綏 書, 日 ز 遏 假 遂 蠻 加 建安是淮 節 令 楚。 安 福 東 征 攻建安。 還, 將 虜 軍 將軍 南 爲 重 營 光 鎭 領 州 禄 建安 大 兵 彼

除 太 僕 熈 卿 平 初 叉 除 爲 鎭 金紫 北 將 光 軍 祿 、瀛 大 夫。 孙 刺 出 史。 除 散 福 騎 性 常侍 忠清 在 都 督 公 懷 嚴 朔 毅 沃沃 以 野 信 武 御民, Щ 甚 鎭 得 諸 聲 譽 軍 事 征 解 任 北 , 將 復

列

傳

第

\_\_\_\_\_

1001

軍 懷 朔 鎭 將 至 鎭 遇病 卒。 詔遣主書樂安嘉赴弔。 贈車騎大將軍 一、定州 刺史, 開國如

故,諡曰貞惠。

長 子善,字 慶孫,襲爵。 自司空掾,稍遷平南將軍、光祿大夫。 孝昌末,北征戰歿。 贈

車騎將軍、冀州刺史。

退,而 父老, 除 賊苦戰, 員 外 善弟延, 縱 詔聽隨 散騎常侍 · 賊乃散 火 燒 侍 字 齋 慶 閣 在 走。 ,轉直寢。 壽,體貌魁岸,眉目疎朗。 瀛 州 以 福 此 時 見稱。 在 屬 內,延突火而 大乘妖黨突入州 與万俟醜 孝昌中,授假 奴戰沒。 入,抱福出 城 永平中,釋褐奉朝請,直後、員外散騎常侍。 節、建威 延 贈 冠 、率奴客戰,死者數 外, 軍 將軍 浴將軍、 支體 大豫州 西 **灼爛**,髮盡 道 刺 別 將, 人, 赴援 爲燼。 身被 關 重創 隴,有 於是勒衆 賊 戰 乃 與 小 以

子仲鸞,武定末,齊王丞相府長流參軍。

將 軍 慶壽弟慶安,歷給 兗州刺史。 長子仲融。 事 中、尚書殿 融弟仲衍。 中 郞 中。 後加平北將軍、武衞將軍。 河陰遇害,贈征

費于,代人也。 祖峻,仕赫連昌,爲寧東將軍。 泰常末,率衆來降,拜龍驤將軍,賜爵犍

爲 公。 後 遷征 南將軍、廣 阿鎭大將,徙爵下邳公。 父郁,以隨父歸誠勳, 賜五等男, 除燕郡

太守。卒,贈幽州刺史。

于 少 有 節 操 起家 內 三郎。 世祖南伐,從駕至 江。 以宿衞之勤,除寧遠將軍,賜爵松楊

男。遷商賈部二曹令,除平南將軍、懷州刺史。卒。

子 萬 襲。 太 和 初, 除 平南將軍 梁 或 . 鎭將。 後 高祖南伐,萬從駕渡淮,戰歿。 贈鎭 東

將軍、冀州刺史。

嚴 非 駕 法 尋 明 之 子 加寧遠將軍 穆 穆,字朗 稱 正 色匡諫,集亦憚之。 興。 一,轉 性剛烈,有壯氣, 涇州 平 西 府 轉安定 長 史。 頗 太守,仍爲長 涉書史, 時 刺 史 (皇甫: 好尙功名。 集,靈 史。 還朝, 太后 世宗初,襲男爵。 之元 拜 左軍 舅, 將 恃外 軍 , 戚 轉 後除夏州 之親 河 陰令,有 多 爲 別

復叛, 之。 王 師 穆至 來討,雖畏 時 入寇涼州 蠕 凉州 蠕 主婆羅門自涼州 威 蠕 除穆 逃 蠕 跡 遁 走。 輔 然軍還之後,必來侵暴。 或 將 穆 歸降, 謂 軍 、假 其 所 其部 征 部 日 衆因飢 軍 夷 狄 兼尚 侵掠 獸 **今欲羸師誘致**, 、邊邑, 心 書 唯 左 丞、 利 部穆銜 是視, 西北 冀獲 見敵 命宣慰,便皆款 道 行 便 臺, 戰,若不 走,乘 仍 爲 虚 别 令其破 復 附。 將 出 往 明 年

列

甚衆。

見,謂 終恐疲 爲信弱,俄而競至。 於 奔 命 衆咸然之。 穆伏兵奔擊,大破之,斬其帥郁厥烏爾、俟斤十代等,獲生口雜畜 廖乃簡練精騎,伏於山谷,使羸步之衆爲外營以誘之。 賊 騎 覘

聚散 夫。 路阻塞,糧仗俱盡。 知誰堪此任。」愈曰:「無過穆者。」崇乃請爲朔州刺史,仍本將軍,尋改除雲州刺史。 朔州是白道之衝,賊之咽喉, ,頗得人心。 孝昌中,二絳蜀反,以穆爲都督,討平之。 及六鎮反叛,詔穆爲別將, 妖賊李洪於陽城起逆,連結蠻左,詔穆兼武衞將軍,率衆討擊,破於關口之南。 時北境州鎮,悉皆淪沒,唯膠獨據一 穆知勢窮,乃棄城南走,投尒朱榮於秀容。 若此處不全, 隸都督李崇北伐。 則幷肆危矣。 拜前將軍、散騎常侍, 遷平南 都督崔暹失利,崇將班師,會諸將議曰: 城, 四 今欲選諸將一人,留以鎭捍。不 面抗拒。 旣而詣闕請罪,詔原之。 久之,援軍不至,兼行 將軍、 穆招離 光祿大 遷金紫

光祿 大夫,正武衞將軍。

實,必有輕侮之心。 主上,順民心故耳。 爲榮所知,見之甚悅。 介朱榮向洛,靈太后徵穆,令屯小平。 若不大行誅罰,更樹親黨,公還北之日,恐不得度太行而內難作矣。」榮 旣無戰勝之威,羣情素不 穆潛說榮曰:「公士馬不出萬 及榮推奉莊帝,河梁不守,穆遂棄衆先降。 ·厭伏。 人,今長驅向洛,前無橫 今以京師 之衆,百官之盛,一 陳者,正 知 以推 公之虚 穆素 奉

心然之。 於是遂有河陰之事。 天下聞之,莫不切齒。 榮入洛,穆遷中軍將軍、吏部尚書,魯

縣開國侯,食邑八百戶,又領夏州大中正。

陰酷濫 順。 穆東討邢杲, 破平之。 公,增邑一千戶。 援之。穆潛軍徑進,出其不意,至卽大破之,生擒義宗送闕。以功遷衞將軍,進封趙平郡 穆先驅圍虎牢,盡銳攻之。 蕭衍遣將軍曹義宗逼荆州, 事 起於穆,引入詰讓,出而殺之,時年五十三。 遷使持節, 時元顥內逼, 加侍中、車騎將軍 將拔,屬天穆北 韶 穆爲使持節、 莊帝北幸, 渡,旣無後繼, 、假儀同三司、前鋒大都督。 顥 南征將軍、四都督南征諸軍事、大都督以 入京師。 莊帝還宮,追贈侍中、司徒公, 穆與天穆旣平齊地 人 、情離 沮, 穆 逐降顥 與大將軍 回 師 諡 將 元 以 開 墼 天 河 國 日

第二子孝遠,襲。天平中,叛入關西。長子慶遠,永安中,龍驤將軍、靑州開府司馬

四鎮高車叛投蠕蠕,高 孟威, 字能重,河南洛陽人。 祖 詔威曉喩禍福,追還逃散,分配爲民。 頗有氣尚,尤 曉北 土風俗。 歷東宮齋帥、云 後以 明解北人之語,敕在著 羽林監。

滄三州 作, 中為 鴻 夫,假員 城 臚 門校尉、直 以 卿 使主,以 備推 諸軍 尋 外常侍,為使主護送之。 訪。 加 事 威 閤 驃 司 將軍 騎 兼散騎常侍為副 永平中,自鎭遠將軍、前軍將軍、左右直長, 空公、冀州 大將軍、左光 、沃野鎭將。 刺 史。 禄 遠畿 前 大 正 子|恂 夫。 光 後 迎 初,蠕蠕主阿那瓌 頻使遠 接。 嗣 天平三年卒。 蕃 阿那瓌之還國 ,粗皆稱旨。 贈使持節、侍 歸國、韶遣前郢州刺史陸希道兼 加龍驤將軍,出使高昌。 也,復以威 復加 撫 軍 中、本將軍、都督冀瀛 將軍。 爲平北將軍、光祿 普泰中,除 還, 侍 遷 大

卒 鉅 ,贈 鹿 縣 威 車 弟季 開 騎 或 大將 7,稍 公, 軍 食邑一 遷 2鎭遠 、雍州刺史。 千戶。 將 軍、 左 除 一中郎 撫 軍 將、 將軍 廷 、廷尉 尉 監。 卿, 以本將軍除廣州刺史。 轉司農卿。 出爲平西將軍、華州刺史。 預介朱榮義舉,封

簪帶。 直 姑 ,虎子之威强,宇文之氣幹 滅之策, 史 臣 校之文和,異世同咎。 曰 請 羅結枝附葉 參 中 祕 之官, 從,當舊 世 成成 其死 旭 亦 嘉 己眷, 之於 也幸哉 有 用 之士。 前 子孫顯祿, 良 1 孟威致力荒裔,其勤 有 費 以 穆 也。 俱至公王。 出 身致 乙瓌之驍 力,遂 伊馛 猛, 有 可錄矣。 功 以勇力見擢,而能 名? 和 奴 之貞 而 末 路 正 苟 言,禍被 頹 贊伐 之 剛

## 校勘記

子延天興中驃騎將軍左光祿大夫 諸本卷末有宋人校語云:「羅結孫拔,高祖時進爵濟南王, 蓋年號誤

拔孫延,天興中驃騎將軍。 按太祖 初卽位,年號天興,拔仕高 祖,其孫必非太祖時,

也。」按「天興」當是「天平」之訛、 ,下面不書卒,是其人齊初尚存。

進爵爲王又爲西道都將 諸本無「王又爲」三字,北史卷二五乙瓌傳有。 李慈銘云:「元和姓纂

五質乙弗氏下云:『乙瓌,定州刺史、西平王。』則此當爲『進爵爲西平王、征西道都將』,

兩『西』

字相涉而誤脫耳。」按「西道都將」不得云「進爵」,今據北史補。

= Ü 與行臺左丞宋顯戰 諸本「宋」作「宗」。按事見北齊書卷二○宋顯傳。「宗」字訛,今據改。

高宗初 作「高宗」。按下文記「太安元年」,太安是拓跋濬高宗文成帝年號。「祖」字訛,今據北史改。 諸本「高宗」作「高祖」、北史卷二五和其奴傳作「文成」。李慈銘、張森楷並云「高祖」當

五 人足委仗者 諸本「仗」訛「此」。今據册府卷四五七五四二七頁、御覽卷二二四一〇六五頁改。

李訢李敷之誅也 北史卷二五荷頹傳「李訢、李敷」作「李惠、李訢」。按李敷爲拓跋弘顯祖 所殺

<u>+</u>; 子景蠻 見卷三六李順附李數傳。 墓誌集釋有苟景墓誌圖版二七一之二,卽此人,云「字景巒」,疑此「蠻」字訛。 李惠在卷八三上外城傳上,則爲馮太后所殺。 北史是。

列

傳

南征將軍 按「南征」疑是「征南」誤倒。

**ハ**丸 リカ 歷東宮齋帥 諸本「齋」作「齊」,北史卷五○孟威傳作「齋」。按「齊帥」無此名號。 「齋帥」及「東

宮齋帥」見卷二一上咸陽王僖傳末、卷四九李靈傳附見李纂、 卷九八蕭昭業傳。 隋書卷二七

今據北史改。

百官志中北齊門下省有「齋帥局、齋帥四人、掌舖設洒掃事」。北齊當因魏制。 這裏「齊」字訛,

## 魏書卷四十五

## 列傳第三十三

## 章閬 杜銓 裴駿 辛紹先 柳崇

太守,轉武都太守。 父逵,慕容垂吏部郎、大長秋卿。 章閬,字友觀,京兆杜陵人。 屬杏城鎮將郝溫及蓋吳反,關中擾亂,閬盡心撫納,所部獨全。 閬少有器望,值慕容氏政亂,避地於薊城。 世爲三輔冠族。 祖楷,晉建威將軍、長樂淸河二郡太守。 世祖徵拜咸陽 在郡十

六年,卒。

子範,歷鎭西大將軍府司馬,試守華山郡。 高宗時,賜爵興平男。卒。

襲爵。 在有聲。 子儁,字穎超,早有學識。少孤,事祖母以孝聞。 除荆州治中,轉梁州寧朔府長史。 世宗崩,領軍于忠矯擅威刑,與左僕射郭祚、尚書裴植同時遇害,語在植傳。 還,爲太尉外兵參軍、本州中正,遷都水使者。 性溫和廉讓,爲州里所稱。 太和中, 時年

列傳

第三十三

韋

闏

\_ O O

**騰歎曰:「吾一生爲善,未蒙善報,常不爲惡,今爲惡終。** 五十七。 |儁 與祚婚家、爲忠所惡,故及於難。 臨終,儁訴枉於尙書元欽,欽知而不敢申理 悠悠蒼天,抱直無訴」時人咸怨傷

焉。 熙平元年,追贈中壘將軍、洛州刺史、諡曰貞。有子十三人。

長子/榮緒,字子光,頗涉文史。 襲爵,除員外散騎侍郎、齊王蕭寶夤儀同開府屬,因戰

敗歿。

榮緒弟榮茂,字子曄。以幹局知名。 歷侍御史、尚書考功郎中。 出爲征虜將軍、東秦州

刺史。永熙末,兄弟並歿關西。

樂茂弟子粲,爲寶炬南汾州刺史。

子粲 少弟道諧,為南汾州鎭城都督。 齊獻武王命將出討,陷城克之。 武定末,子粲官

至南兗州刺史。

閬 兄子眞喜,起家 中書博士、遷中書侍郎、馮翊太守。

子祉,卒於太府少卿。

社子義遠,出帝時,為岐州刺史,沒關西。

|社 弟禎,有識幹。 起家奉朝請。 尚書郎中、司徒主簿、太子中舍人、廷尉少卿、給事黃

門侍郎、光祿大夫。卒,贈安西將軍、秦州刺史。

子文殊,員外散騎侍郎,早卒。

侯,因此仍家於彭城。卒,贈征虜將軍、兗州刺史,諡曰簡 事参軍。 左,仕劉裕爲輔國將軍、秦州刺史。 閬從叔道福。 時徐州刺史薛安都謀欲擁州內附, 父羆,爲苻堅丞相王猛所器重,以女妻焉。 道福 有志略,歷劉駿盱眙、南沛二郡 道福參贊其事。 以功除安遠將軍 為堅東海 太守, 太守。 領鎭 , 堅滅, 賜 爵高密 北 奔江 府錄

軍。 通直散騎常侍,出爲河北太守,不行。 廣陵侯元衍爲徐州刺史,又請爲長史,帶彭城內史。 子欣宗,以歸國勳,別賜爵杜縣侯。 尋轉太中大夫、行幽州事。 高祖初,拜彭城內史,遷大將軍、宋王劉昶諮議參 撫綏內外,甚得民和。 卒,贈龍驤將軍、南兗州 世宗初,除

子元叡,武定中,潁州驃騎府長史。

刺史,諡曰簡

欣宗從父弟合宗,卒於東海太守。

子元恢,有氣幹。 孝昌初,值刺史元法僧據州外叛,元恢招聚同志,潛規克復,事泄,爲

法僧所害。時人傷惜之。

列

傳第

三十三

章 閲

-0-

匹。遷洛,以崇爲司州中正,尋除右將軍,咸陽王禧開府從事中郎,復爲河南邑中正。崇頻 司 居衡品,以平直見稱。出爲鄉郡太守,更滿應代,吏民詣闕乞留,復延三年。 鄭羲所器賞。〔1〕解褐中書博士,轉司徒從事中郎。高祖納其女爲充華嬪。除南潁川太守,不 <u>弋陽二郡太守、豫州刺史。崇年十歲,父卒,母鄭氏以入國,因寓居河洛。少爲舅兗州刺史</u> 好發摘細事,常云:「何用小察,以傷大道。」吏民感之,郡中大治。。高祖聞而嘉賞,賜帛二百 徒諮議。久之,除華山太守,卒。 閬從子崇,字洪基。 父庸,字道壽。 劉義眞鎭關中,辟爲主簿,仍隨義眞度江,歷魏郡 在郡九年,轉

大夫。休之貞和自守,未嘗以言行忤物。卒。 猷之弟休之,起家安州左將軍府城局參軍,轉給事中、河南邑中正,稍遷安西將軍、光 子猷之、釋褐奉朝請、轉給事中、步兵校尉、稍遷前將軍、太中大夫。 卒。

子道建,武定末,定州儀同開府長史,帶中山太守。

祿

道建弟道儒,齊文襄王大將軍府東閤祭酒。

**閬族弟珍,字靈智,高祖賜名焉。 父尚,字文叔,樂安王良安西府從事中郎。卒,贈安遠** 

將 雍 州 刺史。 珍少 有 志操。 解褐 京 兆 王 子推常侍 ,轉尙 書南 部 郎

左。 宜 恒 將軍、樂陵鎭將,賜爵霸 以 用 珍自懸瓠 酒脯代用。」羣蠻從約,至今行之。 人祭之。 高 祖 初,蠻首桓誕 西入三百餘里,至桐 珍乃曉告日 歸 款, 厂厂天 城子 朝 地 廷思安邊之略,以誕爲 明 | 栢山,窮潅源,宣揚恩澤,莫不 靈, 即是民之父母,豈有父母甘子 凡所招降七萬餘戶 東 荆 厂,置 州 刺 史。 郡縣而 降附 令 肉味 還。 准 珍 源 爲 1 使, 舊 以奉使稱旨 自今已後, 有 與 洏 誕 堂,蠻 招慰蠻 「, 除 俗 悉

左

潛 相 於慧景。 珍 渡,親 祖 持 率 初 詔 旬 在 肅 至 珍移鎮 鎭 道 有二日 率步 氣 成 珍 土 銳, 一馬渡 司州 乘 土 夜開 未 勝 比陽,三 與賊對接。 淮援接。 民 可 馳進,又破慧景,擁降民七千餘戶內徙,表置城陽 謝 便挫,且共 城門掩擊之,賊遂奔潰。 天蓋自署司 蕭賾遣其雍 時道成聞珍將至,遣將苟元賓據潍逆 旗鼓始交,甲騎奄 〈堅守〉: 州刺史,規欲以州內附。 州 待 刺史陳顯達 其 、攻我疲 至, 以 弊, 功進爵 腹背奮擊,破之。 率 擊之未晚。」於是憑城拒 衆 來寇。 爲侯 事泄,爲 城中 拒。 、剛陵、義陽 將士 道成將崔慧景攻 天蓋尋爲左右所殺, 珍乃分遣鐵馬,於上 咸欲 戰,殺傷甚 出 三郡以處之。 戰, 童 珍日: 流

將 軍 府 車 駕 長 史 南 轉 ",)珍上 太保 便宜 齊 郡 一,幷自 王 長 史。 陳 在 遷顯武 邊 歲 **人,悉其要害,願** 、將軍、郢州刺史,在州有聲績,朝庭 爲 前 驅。 詔 珍 為隴 定嘉之。 西公源懷衛大 遷龍驤

列

軍、彭城王勰長史。 兵機要,在於上流。 征赭陽,爲蕭鸞將垣歷生、蔡道貴所敗,兎歸鄉里。 等,故賜以穀帛,吾何敢獨當。」遂以所賜悉分與之。 將 軍 賜 驊騮二匹、帛 若有事荆楚,恐老夫復不得停耳。」後車駕征樊郢,復起珍爲中軍大將 阿北旣平,以珍爲建威將軍,試守魯陽郡 五十匹、穀三百斛。珍乃召集州內孤貧者,謂曰:「天子以我能綏撫卿 臨別謂淵曰:「主上 尋加平南將軍、荆州刺史,與尚書盧淵 一聖明,志吞吳會, 用

駕, 及高 卿常翼務中軍, 祖崩於行宮,秘匿而還,至珍郡始發大諱。 高祖 永平元年卒,時年七十四。贈本將軍、南靑州刺史,諡曰懿。 復南伐,路經珍郡,加中壘將軍,正太守。 今日之舉,亦欲與卿同行。 還,除中散大夫,尋加鎭遠將軍、太尉諮議 但三鵐險惡,非卿無以守也。」因敕珍辭還。 珍從至濟水,「言 高祖曰:「朕頃戎車再

啓||橙 侍 州 子 御 爲 中散。 清纘爲 中舍人,仍兼黃門,又兼司徒右長史,尋轉長兼尚 長 長史。 子纘,字遵彦。 高祖 長史,加平遠將軍,帶梁郡太守。 澄出 一每與名德沙門談論往復,纘掌綴錄,無所遺漏,頗見知賞。 征之後,蕭衍將姜慶眞乘虛攻襲,遂據外郭,雖尋克復,纘坐覓官。 年十三,補中書學生,聰敏明辯,爲博士李彪所稱。 肅薨,敕纘行州 書左丞。 事。 壽春 任城王澄代肅爲 內附,尚書令王肅出鎭 除秘書中散、遷 轉散騎侍郎,徙 爲州,復

三年卒,年四十五

爲 境 以 田 入 內清 量 益 豩 |俗荒! 宗 夏行臺。 司 纘 徒掾 肅。 弟 子魯生、魯賢先叛父南 便,不識禮儀,乃表立太學,選諸郡生徒於州總教 彧, 還,遇大將軍 尋 字遵慶, 以功封陰盤 轉散 騎侍 亦有 、京兆王繼 郎 証 縣 開 學識。 入,數爲寇掠。 稍遷平遠將軍 國男, 解褐奉朝請, 西征 邑二百戶。 一,請爲長史,拜通直散騎常侍。 一、東豫 自彧 遷太尉騎兵參軍。 孝昌元年秋, 至州,魯生等咸牋啓修敬,不復 州 刺史。 彧綏 叉於 卒於長安。 懐蠻 城 出為雍州 北置宗武館 左, 尋 頗 贈撫軍將軍、雍 以本官 得 治 其 中 以習武焉。 爲 心。 一無尚 轉 害。 別駕。 蠻首 彧

子 彪,襲。 歷本州治中、 轉別駕。 孝莊末、藍田太守。 沒於關 西

州

刺

史,諡

日文。

卿 趙 郡 彪 弟 李瑾女,天平中,疑其妻與章武王景哲 融 解 褐員外散騎侍郎。 以軍 功賜爵長安伯。 姦通,乃刺殺之。 稍遷 大司 懼不 馬開府 免,仍亦自害 司馬。 融娶 司

幾,行 其 夷 所 郢 啓 活 州 稱 甚 |彧 南 弟朏 刺 朏 衆。 荆 父珍往 史 州 田 解褐 ,字遵顯,少有 事。 麛 任 憘 太學博士,遷秘 肅宗末,除征 荆州 率 衆 來寇,朏於石羊崗破斬之,以功封杜縣開 恩洽夷夏,乞朏 志業。 房將軍、東徐州 書郎中, 年十八, 辟州 充南道別將,領 稍遷左軍 主簿。 刺 史, 一將軍 尋遷安東將軍 時屬歲儉,朏以家 ,爲荆郢和糴 荆州 、驍勇,共爲 國子, 大使。 加 散騎 腹背。 粟造 邑二百戶。 一粥,以 常 南 侍。 郢 詔 州 從 餇 之。 永安三 蕭 刺 .飢人, 史田 衍 遣

列

傳

第

一〇一六

年,卒於州。贈侍中、車騎將軍、雍州刺史,諡曰宣。

長子鴻,字道衍,頗有幹用。 解褐奉朝請, 遷尚書令吏部郎中、四中書舍人。

年,坐漏泄,賜死於家,時年三十二。

鴻弟道植,武定末,儀同開府中兵參軍。

太祖時,有安定梁穎,先仕慕容寶,歷黃門郎, 入國,拜建德太守,賜爵朝那男。

子師禮,早卒。

孫景儁,起家趙郡王幹行參軍。

稍遷治書侍御史、司徒中兵參軍。

爲

中兵參軍,深見信任。寶夤反,令嵩遵率衆出征。 師禮族弟嵩遵,少有氣俠。 起家奉朝請, 歷司空外兵參軍。 嵩遵偽受其署,旣行之後,遂與侯終德 後蕭寶夤爲雍州刺史,引

等還來襲城。 以功封烏氏縣開國伯,邑五百戶。後除光州平東府長史,轉荆州驃騎府司

"。卒官,年四十四。

嵩遵弟嵩景,武定中,燕郡太守。

又有武功蘇湛,字景儁,魏侍中則之後也。 晉亂,避地河右。 世祖平涼州,還鄉里。 父

擁,字天祐,秦州撫軍府司馬。 湛少有器行, 頗涉羣書。 年二十餘,舉秀才。 除奉朝請,領

侍御史,轉員外散騎侍

郎

蕭寶夤之討關西,以湛爲行臺郎中,深見委任。 孝昌中,寶夤大敗東還,朝廷以爲雍州

未洽於民,但見其敗,未見有成。蘇湛不能以百口居家,爲王族滅。」寶夤復報曰「此自救 鳥投人,賴朝廷假王羽翼,榮寵至此。屬國步多虞,不能竭忠報德,乃欲乘人間隙,有不臧 爾。」湛曰:「百口居家,即時屠滅,云何不哭!」哭數十聲,徐謂儉曰:「爲我白齊王,王本以窮 也。 蕭衍意旨,乃欲見除。酈道元之來,事不可測。吾不能坐受死亡,今便爲身計,不復作魏臣 刺史。 此病死,可以下見先人。」寶夤素重之,以湛病,且知不爲己用,聽還武功。 今但共長安博徒小兒輩計校,辦有成理不? 湛恐荆棘必生庭閤。 願乞骸骨還鄉里,脫得因 之心。信惑行路無識之語,欲以羸敗之兵,守關問鼎。今魏德雖衰,天命未改。且王之恩義, 命之計,不得不爾。所以不先相白者,恐沮吾計故爾。」湛復曰:「凡爲大事,當得天下奇士。 與卿契闊,故以相報,死生榮辱,與君共之。」湛聞之,舉聲大哭。險遽止之曰:「何得便 後自猜懼,害中尉酈道元,乃稱兵反。時湛臥疾於家,寶夤令姜儉報湛云「元略受

也。」湛頓首謝曰:「臣雖言辭不如伍被,始終不易,自謂過之。然臣與寶夤周遊契闊,言得 寶夤敗,莊帝卽位,徵補尚書郎。旣至,莊帝曰:「前聞卿答蕭寶夤,甚有美辭,爲我說

列

初,病還鄉里,終於家。贈散騎常侍、鎭西將軍、雍州刺史。 盡 心 而 不 ·能令其不反,臣之罪也。」莊帝悅,拜散騎都尉, 仍領郎。 尋遷中書侍郎。

雍州 寶夤 夤 於營構都將。 也 回如何! 出 [討關西,引爲開府屬,軍機謀略,多所參預。 敗,城人殺之,時年三十九。蘇湛每謂人曰「以姜儉才志,堪致富貴。惜其不遇,命 湛 仍請爲開府從事中郎,帶長安令。及寶夤反,以爲左丞,尤見信任,爲羣下所讎疾。 從母弟天水姜儉,字文簡。父昭,自平憲司直,出爲兗州安東長史,帶高平太守,卒 儉少有幹用,勤濟過人。起家徐州車騎府田曹參軍,轉太尉外兵參軍。 儉亦自謂遭逢知己,遂竭誠委託。 寶夤爲 蕭寶

儉弟素,武定末,中散大夫。

豹 書 喪 在 監 杜銓,字士衡,京兆人。晉征南將軍預五世孫也。祖胄,苻堅太尉長史。父嶷,慕容垂 仍僑 濮陽,世 居趙郡。銓學涉有長者風,與盧玄、高允等同被徵爲中書博士。初,密太后父 祖欲命迎葬於鄴,謂司徒崔浩曰:「天下諸杜,何處望高。」浩對京兆爲美。

秘

世祖曰:「朕今方改葬外祖,意欲取京兆中長老一人,「哥以爲宗正,命營護凶事。」浩曰:「中

雅,世 銓 書博士杜銓,其家今在趙郡,是杜預之後,於今爲諸杜之最,卽可取之。」詔 遂與超如親。 祖 威悅,謂浩曰:「此眞 超謂銓曰:「旣是宗近, 吾所欲 也。」以爲宗正, 何緣復僑居趙郡。」乃迎引 令與杜 超子道生迎豹 同 屬魏郡 喪柩, 召 焉。 見。 致葬鄴南。 **銓器貌**褒 遷散騎侍

子振,字季元。 太和 初,舉秀才,卒於中書博士。 郎,轉中書侍郎,賜

爵新豐侯。

卒,贈平

南將軍、相州刺史,魏縣侯,諡曰宣

清論鄙之。 子遇,字慶期。 遷龍驤將軍 起家 、中散大夫。 奉朝請。 轉員 出爲河東太守。 外散 騎侍郎、 尚書起部郎 卒,贈中軍將軍、都官尚書、豫州刺 中。 竊官材瓦 起立私宅,

子鴻、永熙中、司徒倉曹參軍。

史,諡曰惠

銓 族子洪太,字道廓。 延興中爲中書博士。 後使高麗,除安遠將軍、下邳太守,轉梁郡

太守。 太和中,除鷹揚將軍、絳城鎭將,帶新昌、陽平二郡太守。卒,年五十二。

事。 正光中,入爲太尉、汝南王悅諮議參軍。 大將軍劉昶參軍事,稍遷天水、仇池二郡太守,行南秦州 出除高陽太守,卒於郡

子

祖悅,字士豁,頗有識尙。

子長文,字子儒 肅宗挽郎、員外散騎侍郎,稍遷尙書郎。 以隨叔顒守岐州勳,賜爵始

列

傅 第

= +

=

杜

銓

平伯

加平東將軍。

長文第四弟子達,武定中,齊文襄王大都督府戶曹參軍

天平末,卒於安西將軍、光祿大夫。

贈中軍將軍、度支尚書、雍州刺史。

於關西。 不行。 岐州事。 平縣開國伯,食邑五百戶。以平陽伯轉授弟二子景仲。後爲征西將軍、金紫光祿大夫,沒 開 守,帶大徐戍主。元法僧之叛也,顒逃竄獲免。後為諫議大夫。孝昌二年,爲西征軍司,行 國伯,邑五百戶。武泰中,轉授岐州刺史。永安中,除涇州刺史。 祖悅弟顒,字思顏,頗有幹用。 乃爲都督,防守岐州。 蕭寶夤起逆,顒據州不從。還,除征虜將軍、東荆州刺史。以守岐州勳,封平陽縣 醜奴攻之,不克。 解褐北中府錄事參軍。 事寧、除鎭西將軍、光祿大夫。 正光中,稍遷厲威將軍、盱眙太 時万俟醜奴充斥關右, 以勳又賞安

冠、通涉經史、好屬文、性方檢、有禮度、鄉里宗敬焉。 卒,贈平南將軍、東雍州刺史,聞喜侯。 裴駿,字神駒,小名皮,河東聞喜人。父雙碩,本縣令,假建威將軍、恒農太守,安邑子。 駿幼 而 聰慧,親表異之,稱爲「神駒」,因以爲字。弱

蓋吳作亂於關中,汾陰人薛永宗聚衆應之,屢殘破諸縣,來襲聞喜。〔云〕縣中先無兵仗,

散騎常侍,於境上勞接。 宜,甚會機理。 亦深器駿, 府縣今為 人奔赴。 人情駭動,縣令憂惶,計無所出。 賊聞 賊所逼,是吾等徇節之秋。諸君可不勉乎」諸豪皆奮激請行,駿乃簡騎 目為三河領袖。 教至,引兵退走。 世祖大悅,顧謂崔浩曰:「裴駿有當世才具,且忠義可嘉。」補中書博 皇興二年卒。 轉中書侍郎。 刺史嘉之,以狀表聞。 駿在家聞之,便率厲鄉豪曰:「在禮,君父有危,臣子致命。 贈平南將軍、秦州刺史、聞喜侯、諡曰康 劉駿遣使明僧暠朝貢,以駿有才學,乃假給事中、 會世祖親討蓋吳,引見駿,駿 驍勇數百 陳敍 事

悉推與之,時人以此稱焉。 宗時,追贈 甚有義方。 酌故實,咸有條貫。 太和十六年卒,時年五十一。 年,關塞清靜。 事,出爲張掖子都大將。 子修,字元寄,清辯好學。 輔國將軍、東秦州刺史。 次弟務早喪,修哀傷之,感於行路。 高祖嘉之,徵爲中部令。 張掖境接胡夷,前後數致寇掠,修明設烽候,以方略禦之。 年十三,補中書學生,遷秘書中散,轉主客令。 修早孤,居喪以孝聞。二弟三妹並在幼弱,撫養訓 轉中大夫,兼祠部曹事,職主禮樂,每有疑議,修斟 愛育孤姪,同於己子。 高祖悼惜之,賻帛一百匹,諡曰恭伯。 及將異居,奴婢田宅 以婦父李訢 在邊六 世

子詢, 字敬叔。 美儀貌,多藝能,音律博弈,咸所開解。 起家奉朝請,太尉集曹參軍

論善之。

**蕁監起居事,遷秘書監** 

壻,特除散騎常侍。 長流尚書起部 郎中、平昌太守。 時本邑中正闕,司徒召詢爲之。 時太原長公主寡居, 詢族叔所自陳情願此官,詢遂讓焉,時 與詢私姦, 肅宗仍韶詢尚焉。 尋以主

朴 乃退走。 略,緣境城戍,多爲國興所陷。 **捍,遂表朴特爲西郢** 特頗有力焉。 出 爲平南將軍 加散騎常侍、安南將軍。 、郢州刺史。 州刺史。 朝議許之。 賊旣乘勝,遂向州城。 詢以凡司戍主蠻會田朴特地居要險,「to 朴特自國興來寇,便與詢掎角,爲表裏聲援,郢州獲全, 蕭衍遣將李國興寇邊,時四方多事, 詢率厲固守,垂將百日,援軍旣至,賊 衆踰數萬, 朝廷未遑外 足爲邊

七 兵尚書,常侍如故。 徵爲七兵尚書,至都未幾,除豫州刺史。 武泰初、韶詢以本官兼侍中、爲關右大使、賞擢慕義之徒。未及發、會 贈侍中、車騎大將軍、司空公、雍州刺史,諡 尋進號撫軍將軍,加散騎常侍。 未之州,還爲 「貞烈。

|修 弟務,字陽仁,少而 聰慧。 舉秀才,州辟主簿。 早卒。

而 不納。 子美,字師伯, 除奉朝請,亦早卒。 少有美名。 無子。 舉秀才,州主簿。 太尉咸陽王雅相賞愛,欲以女妻之,美拒

埋掩。 自 李訢, 南 痍 兼 祖 員 秦州。先是, 者,免其兵役。」朝廷從 外散騎 司 稱 遷 徒右 善。 世 高 務 出 都已來,凡戰陳之處, 與言自 [宗初,除太中大夫,領本郡 祖 爲征 并符出兵 弟宣,字叔令,通辯博物,早有聲譽。 長史,又轉別駕,仍長史。 初 侍郎。[公] 遷都洛陽,以宣爲採材副 微徵 房將軍、益州 且 有陰 及夕 爲 、之鄉:其家有死於戎役者,使皆招魂復魄,祔祭先靈,復其年租 尚 舊令與吏部郎 ′, 斯嗟善不已。 書主客郎,與蕭賾使顏幼明 之。 刺史。宣善於綏撫,甚得羌戎之心。復晉壽,更置 及軍 孫,擁戶數萬,自立爲 罷兵還 同 中正, 將。 宣明敏 班 司空李沖有 阙 奉使稱旨,遙除司空諮議參軍。 之道,所有骸骼 仍別 高祖曾集沙門講佛經,因命宣 有器幹,總攝州府,事無凝滯,遠近稱之。 少孤,事母兄以孝友稱。 駕。 、劉思效、蕭琛、范雲等對接。 人倫鑒識,見而重之。 又爲同州都督,遷太尉長史。 王, 無人覆藏者,請悉令州 通 引 蕭行,數爲 舉秀才,至都,見司空 論難 府解 邊患。 益州 心。甚 ,改宣 轉都 轉 宣 郡戍邏檢行 調; 宣上言曰: 有 司 乃遣使招 理 州 官郎,遷 身被傷 一所莅爲 詣,高 治

列

傅

喻,

曉以逆順

孟

孫

感恩,卽遣

子

詣

闕。

武興氐姜謨等千餘

人上書乞延更

限。

世宗

嘉焉

公卿,將非運

宣家

世以

儒

學爲業,常慕廉退。

每數曰:「以賈誼之才,仕漢文之世,不歷

四 + 五

**篤,世宗遣太醫令馳驛就視,幷賜御藥。** 也 光國,瞻言往哲,可以言歸矣。」因表求解。 」乃謂親賓曰:「吾本閭閻之士,素無當世之志,直隨牒推移,遂至 宣素明陰陽之書,自始患,便知 世宗不許,乃作懷田賦 以敍 一於此。 心焉。 不起,因自剋亡日, 祿後養親,道不 永平 四 年,患

徐護 果如其言。時年五十八。 東,存訪故老。 相 |祖曾行值天熱,舍於樹下。 鷙鳥逐雉,雉急投之,遂觸樹而死。 祖曰:「高尙之事,非敢庶幾。且京師遼遠,實憚於栖屑耳。」於是閑居養志,不出城邑。 召其兄弟,以禮義責讓之。此人兄弟,明日 呼,而況人也。」自此之後,未曾獨食。 視, 安祖怪而問之。 第四子獻伯、武定末、廷尉卿。 **駿從弟安祖,少而聰慧。** 子敬憲、莊伯、並在文苑傳 良久得蘇。 安祖朝於蒲坂、高祖與語甚悅、仍拜安邑令。安祖以老病固辭、詔給一時俸, 此人云:「處君前日見放,故來謝德。」聞者異焉。後高祖幸長安,至河 安祖喜而放之。後夜忽夢一 世宗悼惜之。 年八九歲,就師講詩,至鹿鳴篇,語諸兄云「鹿雖禽獸, 贈左將軍、豫州刺史、諡曰定。尋改爲穆。 弱冠,州辟主簿。 相 率謝罪。 丈夫,衣冠甚偉,著繡衣曲領,向安祖 內外欽服之。復有 民有兄弟爭財, 詣州相訟。 安祖愍之,乃取置陰地,徐 入勸其入仕,安 安祖 得食 安

以供湯藥焉。年八十三,卒於家。

思濟弟幼儁,卒於猗氏令。子思濟,亦有志操,早卒。子宗賢。

境,遂徑屯呂梁。太和十三年卒。 皂帽。自中書博士,轉神部令。皇興中,薛安都以彭城歸國,時朝廷欲綏安初附,以紹先爲 陳顯達、蕭道成、蕭順之來寇,道成謂順之曰:「辛紹先未易侵也,宜共愼之。」於是不歷郡 下邳太守,加寧朔將軍。為政不苟激察,舉其大綱而已,唯教民治產禦賊之備。 飲亦厚遇之。<br />
飲與沮渠蒙遜戰於寥泉,軍敗失馬,淵以所乘馬援啟,而身死於難,以義烈見 同郡李承等甚相友善。有至性,丁父憂,三年口不甘味,頭不櫛沐,髮遂落盡,故常著垂裙 稱西土。 子鳳達,耽道樂古,有長者之名。卒於京兆王子推國常侍。 辛紹先,隴西狄道人。五世祖怡,晉幽州刺史。父淵,私署凉王李暠驍騎將軍。 世祖之平凉州,紹先內徙,家於晉陽。 贈冠軍將軍、幷州刺史、晉陽公、諡曰惠。 明敏有識量,與廣平游明根、范陽盧度世、 及劉彧將 暠子

一〇二六

苦執 兵藥 幷州 丕 府 道 平北 申之。 屬,敕行 鳳達 題被 府司 ||誣爲賊,官屬推處,咸以爲然。 月餘,別獲眞賊。 建興郡。 馬。 字萬 會刺史喪,朝廷以 福 咸陽王禧妃卽祥妻妹,及禧構逆,親知多罹塵謗,祥獨蕭然 舉司州秀才。 其公清,遂越長史,敕行州事。 司空行參軍,遷主簿。 祥曰:「道顯面有悲色,察獄以色,其此之謂乎。」 太傅元丕爲幷州 祥初在司馬,有白 刺史, **深**預 | 群 為 壁還 轉

||祥 繼 而刺 降沒, 史婁悅 容 將 後 曉 曉 除 唯祥堅城 喻, ,矢刃交下,賊大崩散潰,擒平虜,斬武城, 郢 州 耻 人心遂安。 .勳出其下,聞之執政,事竟不行。 龍驤府長史,帶義陽太守。 《獨守。 時出 蕭 行遣將胡武城、 [挑戰,爲退 以 白早生之反也,蕭衍遣衆來援,因此緣准鎭戍,相 驕 陶平廣於州南金山之上連營侵逼, 賊。 賊果日 以送 公京師, 來攻逼, 不復自備, 州境獲全。 論功方 乃夜出襲其 衆 情大懼 有賞授,

滅之。 胡 神 賊 龜 劉 龍 元 年卒, 駒 作逆華州,敕除 時 年五 十 克。 解華州安定王燮征虜府長史, 仍爲別將, 永安二年,贈冠軍 將軍、南青州 刺 史。 與討胡使薛和討

長 子 琨 字 懷玉 ,少聰敏。 解褐 相州 倉曹參軍。 稍遷陳郡太守、輕車將軍、濟州征虜府

長史。卒,年四十六。

琨弟懷仁,武定末,長樂太守。

初,修起居注。 坦 開府長史。 懷仁弟賁,字叔文。少有文學,識度沉雅。 武定中,中尉崔暹表薦貴,除闕太守。 除 濟州撫軍府長史。出帝時,轉膠州車騎府長史,遷平東將軍,太師、咸 起家北中府中兵參軍、員外散騎侍郎。 吏民懷其恩惠。 還,卒於鄴。 時年五 建義

賁弟烈,字季武。 歷太傅東閣祭酒,卒於梁州鎭南府長史。

一求出外,故匡爲之。 烈弟匡,字季政,頗有文學。永安初,釋褐封丘令,加威烈將軍。 後除平遠將軍、符璽郎中。 卒於龍驤將軍、通直散騎侍郎,時年三十 時經河陰之役,朝士

Ŧ.

贈散騎常侍、前將軍、雍州刺史。

多

造次決之,請託路絕,時稱賢明。正始中,詔百官各舉所知,高陽王確及吏部郎中李憲俱以 食。 從子懷仁兄弟同居,懷仁等事之甚謹,閨門禮讓,人無比焉。 士大夫以此稱美。 少雍爲舉首。遷給事中。侍中游肇後亦薦之,會卒,年四十二。 學博士、員外散騎侍郎。司空、高陽王雍引爲田曹參軍。 及紹先卒,少雍終身不食肝。性仁厚,有禮義,門內之法,爲時所重。 ||祥弟少雍,字季仲。 少聰穎,有孝行,尤爲祖父紹先所愛。 少雍性清正,不憚强禦,積年久訟, 少雍妻王氏,有德義,與其 紹先性嗜羊肝,常呼少雍共 釋褐奉朝請,太

子元植,武定中,儀同府司馬。

元植弟士遜,太師開府功曹參軍。

太中 訪 仕。 弟 馬,轉長 帝從之, 不 敬 · 得。 武,少爲沙門,從師遠學,經久不反。 詔 大夫,未發,卒於郡,年七十七。 鳳 引 逐敕 史,帶義 弟穆,字叔宗。 見,謂膠志力尚可,除平原相。 經二十餘年,始於洛陽見敬武,以物還之,封題如故, 汝陽一郡,聽以小絹爲 陽太守,領戍。 舉茂才,東雍州別駕。 雅 有恤民之稱。 調。 贈後將軍、幽州刺史、諡曰貞。 穆善撫導,民東懷之。 遷中散大夫,加龍驤將軍。 敬文 病 初隨父在下邳, 轉汝陽太守,值水澇民飢,上表請輕租賦。 (臨卒,以雜綾二十匹,託穆與敬 孝昌二年,徵爲征虜將軍、 世稱其廉信。 與彭城陳敬文友善。 正光四年,以老啓求致 歷東荆 武。 州司 穆久 敬文

洛 郎中 有禮 食邑二 三齊,瑕丘數州之界,多有盜賊。 元 一, 子 天 穆 長子 馥 持 一百戶。 後 征 節 不受其赦。 邢杲, 子馥 除 爲 給 南 ,字元穎,早有 天平 事中、南冀州防城都督。 濟、冀、濟、青四州 引 爲行 中 刺 為爲 史元 臺郎 東南 仲景附顥, 學行。 <del>|</del> 道 行臺左丞、徐州 尋除 慰勞使。 子馥受使檢覆,因辨山谷要害,宜立鎭戍之所。 孝昌初,釋褐南司州龍驤府錄事參軍。「己丁父艱,居喪 平原 拘子 素爲莊帝 相。 尋除寧朔將軍 馥,幷禁家 開 子馥 所知識,及卽位,除宣 府 長史。 父子 Ц 並 、員外散騎常侍,仍領 入除 爲 莊 帝 此 太尉府司 反政,詔封三門縣 郡, 吏民懷安之。 一威將軍、尚書右主客 馬。 郎中。 長 白 又諸州豪 開國男, 元 Щ |顥入 連接 太宰

丞,出爲清河太守。 右,在山鼓鑄, 姦黨多依之, 叉得密造兵仗, 亦請破罷諸冶。 武定八年卒於郡。 子馥以三傳經同說異,遂總爲一部,傳注並出,校比 朝廷善而從之。 還,除尚書右

短長,會亡未就。

子德維、武定末、司徒行參軍。

子馥弟子華,字仲夷。天平中,右光祿大夫。

問其親老存不,農桑多少,而微察其辭色。 洗馬、本郡邑中正。 內帖然。 河北太守。 檢斷,民官息訟。 爭境,其間有鹽池之饒,虞坂之便,守宰及民皆恐外割。 目,兼有學行。 柳崇,字僧生,河東解人也。七世祖軌,晉廷尉卿。崇方雅有器量,身長八尺,美鬚明 卒於官,年五十六。 崇初屆郡,郡民張明失馬,疑十餘人。 崇見之,不問賊事,人人別借以溫顏,更 舉秀才,射策高第。 屬荆郢新附,南寇窺擾,又詔崇持節與州郡經略,兼加慰喻。還,遷太子 轉中壘將軍、散騎侍郎。遷司空司馬、兼衞尉少卿,又領邑中正。 贈輔國將軍、岐州刺史,諡曰穆。 解褐太尉主簿、尚書右外兵郎中。于時河東、河北二郡 即獲眞賊呂穆等二人,餘皆放遣。 公私朋競,紛囂臺府。 崇所製文章, 寇亂遺失。 郡中畏服,境 高祖乃遣崇 出爲

列傳

第三

+

 $\equiv$ 

柳崇

010

長 子 慶和 ,性沉靜 不競於時。 起家奉朝請、稍遷輕車將軍、給事中、本郡邑中正。

子 德 逸,武 定末,齊王丞相府主簿

遷寧遠將軍、通直散騎侍郎、本郡邑中正。 事 和 征,公引引 て中 中, 慶 撫軍司 書郎,轉儀 和 弟楷, 爲車騎主簿,仍爲行臺郞中。 馬,遇病卒。 字 同開府長史。 孝則。 身長 八尺, 天平中,為肆州驃騎府長史,頗有聲譽。 善草 征還,以員外郎領殿中侍御史。 書, 普泰初,簡定集書省官,出除征虜將軍 頗 涉文史。 解褐員外散騎侍郎。 又加中軍將軍 轉太尉記室參軍, 、司徒從 蕭闕西 興

太守。 長 史。 崇從 後 屬 刺刺 父弟元章,姿貌魁偉。 靈 史元 太后反政,削除官爵,卒 熙起兵,欲除元叉。 歷太尉中兵參軍、司空錄事、司徒從事中郎、遷相州 於家。 元章 與魏郡太守李孝怡等執熙。 賜爵猗氏伯,除正 平東府

平

驤 將 崇 軍 平、平陽 族 弟 敬起 太守。 字 華之。 卒。 有 五 起家 子。 中 ·書博士,轉城陽王文學。 除寧遠將軍、尚書儀曹郎中、龍

夫, 叉 長 轉征虜將軍、太中大夫、本郡邑中正。 (子)水, 字 神護,性 粗 率。 解 褐 奉 ·朝請 ,轉員外散騎侍郎。 以母 老解官歸養, 卒於家。 除 太尉記室 贈 征 一参軍 西將軍 ,遷諫議 秦州

刺史。

守。 還,除左將軍、太中大夫,轉安東將軍、光祿大夫,卒。 永弟暢,字叔智。 自奉朝請,三遷伏波將軍、岐州征虜府長史。 贈衞大將軍、雍州刺史、諡曰穆。 遷征虜將軍、 魯陽太

暢弟範,字洪禮。 卒於前將軍、給事中、本州大中正。

節弟粹,字季義,出後叔仲起。 武定末,平東、後軍、三三遷遼西太守。

敬起弟仲起,字紹隆。 舉秀才,咸陽王禧爲牧,辟西曹書佐。 無子,兄子粹繼之。

<u></u>崇族子儁起,少有志尚。解褐奉朝請,轉太尉默曹參軍、伏波將軍、司徒倉曹參軍。卒。

長子達摩,武定末,陽城太守。

冠

傷起從父弟援,字乾護,身長八尺,儀望甚偉。 解褐太尉鎧曹參軍,轉護軍司馬。 稍遷

軍 ,轉征西將軍、金紫光祿大夫。遷車騎將軍、右光祿大夫。 卒,贈本將軍、秦州刺史。

軍將軍、司空長史,轉廷尉少卿。出除安西將軍、南秦州刺史。

尋爲散騎常侍、鎭軍將

子長粲,武定末,青州驃騎府中兵參軍。

援從父弟仲景,汝南王脫常侍。

史臣曰: 韋杜舊族門風, 名亦不殞。 裴、辛、柳氏,素業有資,器行仍世。 所以布於列

### 位,不替其美。

#### 校勘記

少爲舅兗州刺史鄭羲所器賞 諸本「羲」作「義」,北史卷二六章閬附章崇傳作「羲」。殿本考證

云:「本書鄭義傳 卷五六義嘗出爲安東將軍、西兗州 刺史。」按「義」字訛、今據北史改。

高 二〇六。「北」乃「比」之形訛、今改正。參卷四二校記〔三〕。 祖 詔 珍移鎭比陽 諸本「比」作「北」。按魏有比陽鎭,亦作「沘陽」,見墓誌集釋寇臻墓誌圖版

 $\Box$ =  $\Box$ 遠不 珍從至 相及,「濟」字顯訛。 濟水 北史卷二六章體附章珍傳「濟」作「淸」。按這次魏軍南下攻取南陽、新野,和濟水 魏書卷一〇六下地形志下荆州南陽郡宛縣有「清水」。 太平寰宇記卷

謂之瓜里。」似作「淸水」是。 四二 鄧州南陽縣下清水條云:「隋圖經云:清水經 但地形志和寰宇記所載的 獨山。 「清水」,實際上就是水經注卷三一的 史定伯碑云瓜里津, 即清水上三梁,

清水」。 水經注稱:「清水又南逕預山 東,山上有神廟,俗 名之爲獨山 也。」又云:「清水又西 南 逕

史定伯碑南。 叉西 口爲 瓜里津, 水上有三梁,謂之瓜里渡。」 寰宇記引隋圖經所謂 「清水」的 幾句

話, 全 見於水經淯水注。 雖或許當時清水又名清水, 但也可能北史此條和地形志、 寰宇記的

「淸水」皆「淯水」之訛。

- 24 遷尙書令吏部郎中 張森楷云:「『令』字不當有。」按「令」字當衍。
- 35. 意欲取京兆中長老一人 班府卷六二○七四五七頁、御覽卷二三○一○九二頁「京兆」下有「杜」字,

當是傳本脫去,但無「杜」字亦通,今仍之。

- 來襲聞喜 諸本脫「喜」字,今據册府卷七六一九〇五〇頁補。
- + 詢以凡司戍主蠻會田朴特地居要險 諸本「主」訛「土」,今據北史卷三八裴駿附裴詢傳、 册府

卷四二九五一〇九頁改。

- 遷員外散騎侍郎 諸本「遷」作「邊」,不可通。李慈銘、張森楷都以爲「『邊』當作『遷』」。今改正。
- へたし 孝昌初釋褐 南司 州龍驤府錄事參軍 錢氏考異卷二八云:「按 地形志卷一〇六中 南司州 正始元

年爲郢州, 孝昌三年陷,蕭衍改爲司州, 武定七年復,乃有南司之名。 辛子馥仕孝昌初,其時,

無南司州也。」

- [10] 蕭闕西征 李慈銘云:「闕處當是『寶夤』二字。」
- 平東後軍 按「平東後軍」可能是「平東將軍、後軍將軍」之省,但「平東」品高於「後軍」,敍歷官

應自卑至高,疑「後」字乃「將」之訛

## 魏書卷四十六

### 列傳第三十四

# 竇瑾 許彦 李訢

軍功。 鎭長安。還京,復爲殿中、都官,典左右執法。 氏、<br />
羌
會領,<br />
降下數千家,<br />
不下者誅之。<br />
又降<br />
蠻<br />
曾<br />
仇<br />
天爾等<br />
三千家於五 爲殿中、都官尚書,仍散騎常侍。 散騎常侍、都督秦雍二州諸軍事、寧西將軍、長安鎮將、毗陵公。 少以文學知名。自中書博士,爲中書侍郎,賜爵繁陽子,加寧遠將軍。 公之謂矣。」恭宗薨於東宮,瑾兼司徒,奉詔册諡。 **竇**瑾,字道瑜,頓丘衞國人也。 遷秘書監,進爵衞國侯,加冠軍將軍,轉西部尚書。初定三秦,人猶去就,拜使持節 世祖親待之,賞賜甚厚。 自云漢司空融之後。 世祖數曰:「古者右賢左戚,國之良翰,毗陵 出爲鎭南將軍、冀州刺史。 從征蓋吳,先驅慰諭,因平巴西 高祖成爲順丘太守,因家焉。 在鎭八年,甚著威惠。 一將山。 參與軍國之謀,屢有 清約沖素,憂 蓋吳平,瑾留

列

勤王 敎 爾陀 一事,著稱當時。 一辭託,有誹謗咒詛之言, 還爲內都大官。 與彌陀同誅。 興光初,瑾女壻鬱林公司馬彌陀以選尚臨涇公主,瑾 **谨有四子,康、持、依並爲中書學生,與父同時** 

受納。 遵善楷篆,北京諸碑及臺殿樓觀、宮門題署,多遵書也。 其子僧演,姦通民婦,爲民賈邈所告,免官。 後以善書,拜庫部令,卒官。 官至尚書郎、濮陽太守,多所 伏

法。

唯少子遵,逃匿得免。

州刺史。 陵侯。 後 諡 從沙門法叡受易。 日宣公。 許彦 彦質厚愼密,與人言不及內事。 在州 ,字道謨,小字嘉屯,高陽新城人也。 、受納,多違法度,詔書切讓之。 世 祖 初,被徵,以卜筮頻驗,遂在左右,參與謀議。拜散騎常侍,賜爵博 世祖 以此益親待之。 然以彦腹心近臣, 祖茂,慕容氏高陽太守。 進爵武昌公,拜安東將軍、相 弗之罪也。 彦少孤貧,好讀書, 眞君二年, 卒。

爲 妄也。朕爲天下主,何惡於超,而超有此言。 人 馬 鎭 超毀謗宗之,宗之怒,遂歐殺 東將軍 子宗之,初入爲 ·、定州 刺史,潁 中散,領內秘書。 JII公。 超。 受敕討 懼 世祖臨江,賜爵高鄉侯。 超 1 家 零,丁零旣平,宗之因 必是宗之懼罪誣超。」按驗果然。 人告狀,上超 一镑訕 朝政。 高宗踐阼, 遷殿 循 (郡縣)、求取 高宗聞之,曰:「此必 事下有司,司 不 中尚書,出 節。 深 澤

空伊馛等以宗之腹心近臣,出居方伯,不能宣揚本朝,盡心綏導,而侵損齊民,枉殺良善,妄

列無辜,上塵朝廷,誣詐不道,理合極刑。太安二年冬,遂斬於都南

宗之孫亮,字元規。正光中,盪寇將軍,稍遷冀州驃騎長史、司徒諮議參軍。

年五十

二,卒。

宗之長兄熈,字德融,襲爵武昌公。中書郎,早卒。

子安仁,襲。除中書郎。卒,贈安東將軍、冀州刺史,諡曰簡。

子元康,襲爵,後降爲侯。拜冠軍將軍、長安鎭副將。遷監河州諸軍事、河州刺史,將

軍 如故。入爲廷尉少卿。除魏郡太守,固辭不拜。尋卒,贈征虜將軍、營州刺史,諡曰肅。 子廓,字崇遠,襲爵。除奉朝請,累遷頓丘、東太原二郡太守。卒,年二十八。子子

射襲。

子躬、武定末、中外府水曹參軍。齊受禪、爵例降。

子躬弟子憲,太尉中兵參軍。

元康弟護,州主簿。

子瑞,字徵之,亦州主簿。卒。

**瑞弟絢,字伯禮,頗有業尚。** 閨門雍睦,三世同居。 吏部尚書李神儁常稱其家風。 自

列傳第三十四 許彦

侍御史累遷尚書左民郎、司徒諮議參軍,修起居注。 後拜太中大夫。 興和初卒,年四十七。

贈使持節、都督選瀛二州諸軍事、征東將軍、吏部尚書、冀州刺史。

絢弟遜,武定末,東陽平太守。

遜弟曄,字叔明,性開率。 州治中、別駕、西高陽太守、太中大夫。 興和三年卒,年四十

一。贈鎭東將軍、瀛州刺史。

**曄弟惇,字季良。**武定末,兼大司農卿。

熙弟龍,官至趙郡太守。

孫琰,字長琳,有幹用。初除太學博士,累遷尚書南主客郞、瀛州中正。 孝昌中卒,年

四十七。贈平東將軍、滄州刺史。永熙中,重贈散騎常侍、衞將軍、尚書右僕射、瀛州刺史。

瀛 州 大中正、散騎常侍、滎陽太守、行南青州事。 卒,年五十五。|琰兄弟並通率,多與勝流 一散騎常侍、

交遊。

南,應對敏捷,雖言不典故,而南人頗稱機辯滑稽焉。 又有博陵許赤虎,涉獵經史,善嘲謔。延興中,著作佐郎,與慕容白曜南討。 使還,爲東郡太守,卒官。 後使江

子陀,定州長史。

列傳第三十四 李訢

八高宗

吏 部 尚書、石城太守。延和初,車駕至和龍,崇率十餘郡歸降。世祖甚禮之,呼曰「李公」,以 訢 ,字<u>元盛,小名真奴,范陽人也</u>。 曾祖產,產子績,二世知名於慕容氏。 父崇,馮跋

|崇為

平西將軍、北幽州刺史、固安侯。卒,年八十一,諡曰襄侯。

日。 之。 霸 學生 爲 以女妻之,勿許他貴也。」遂勸成婚。南人李哲嘗言所必當貴達。 中 「云何不 股 \_。 |世: 見姪等以爲浩阿其親戚,言於恭宗。 書學生。 一器業 家幹事之臣。」「訴聰敏機辯,强記明察。 訢 世 訢 祖 以超壻,得在喪位出入。帝目而指之,謂左右曰:「觀此人舉動,豈不有異於衆?必 祖舅陽平王杜超有女,將許貴戚。世祖聞之,謂超曰:「李訢後必宦達,益人門戶,可 母 取 **%優者爲** 百一可 賤,爲諸兄所輕。崇曰:「此子之生,相者言貴,吾每觀察,或未可知。」遂使入都,爲 幽 世祖幸中書學,見而異之,指謂從者曰:「此小兒終效用於朕之子孫矣。」因識眄 州 刺史李崇老翁兒也?」 **炒教。** 浩舉其弟子箱子與盧度世、李敷 浩對 恭宗以浩爲不平,聞之於世祖。 日:「前亦言訢 初, 李靈爲高宗博士、諮議,口詔崔浩選中書 三人應之。給事高讜子酤、尚書段 合選, 但以其先行 杜超之死也,世祖親哭三 世祖意在於訴,曰: 在 外, 故不

使持節、安南將軍、相州刺史。爲政淸簡,明於折獄,姦盜止息,百姓稱之。 氏爲容城君。 有闕焉。 高宗即位 高宗顧謂羣臣曰:「朕始學之歲,情未能專,旣總萬機,溫習靡暇,是故儒道實 .,新以舊恩親寵,遷儀曹尙書,領中秘書,賜爵扶風公,加安東將軍,贈其母孫 出爲

異,以爲造士。 今聖治欽明,道隆三五,九服之民,咸仰德化,而所在州土,學校未立。 仰依先典,於州郡治所各立學官。使士望之流、冠冕之胄,就而受業,庶必有成。其經藝通 以 贊皇化。 明者貢之王府。 有成立之人,髦俊之士,已蒙進用。臣今重荷榮遇,顯任方岳,思闡帝猷,光宣於外。 不敏,誠願備之,使後生聞雅頌之音,童幼覩經教之本。臣昔蒙恩寵,長管中秘,時課修學 來,訪諸文學,舊德已老,後生未進。歲首所貢,雖依制遣,對問之日,懼不克堪。臣愚欲 斯上疏求立學校曰:「臣聞至治之隆,非文德無以經綸王道;太平之美,非良才無以光 是以昔之明主,建庠序於京畿,立學官於郡邑,敎國子弟,習其道藝。然後選其俊 則郁郁之文,於是不墜。」書奏,顯祖從之。 臣雖 自到

車徵訢,拷劾抵罪。 民告言,尚書李敷與訢少長相好,每左右之。或有勸以奏聞,敷不許。顯祖聞訴罪狀,檻 時敷兄弟將見疏斥,有司諷訴以中旨嫌敷兄弟之意,令訴告列敷等隱 乃受納民財及商胡珍寶。兵

家切 絕。 罪,可得自全。 如 恨之,但呼闡弟問之,足知委曲。」訴從其言。又趙郡范鸞具條列敷兄弟事 且亦 在事 不 ·知其事。」攸曰:「何爲爲他死也?」敷兄弟事釁可知。 旣有此勸, 新深所不欲,且弗之知也。 竟如何也? 昨來每欲為此取死,引簪 乃謂其女壻裴攸曰「吾宗與李敷族 自刺, 有馮闡者,先爲 以帶自絞, 狀, 世 敷 而 雖 所 不能 遠,情 、敗,其 以 致

聞。

敷坐得罪。

韶列訢貪冒,罪應死。以糾李敷兄弟,故得降免,百鞭髠刑,配爲厮

臣。」訢 之,腹心之事,皆以告爝。 延 聽 倉 一歲月, 尚 書,攝南部事。 訢 弟左將軍璞謂訢曰:「范澍善能降人以色,假人以辭,未聞德義之言,但有勢利之說。 之廢也,平壽侯張讜見訢,與語奇之,謂人曰:「此佳士也,終不久屈。」未幾而復爲 也甘,察其行 百姓競以貨賂各求在前,於是遠近大爲困弊。道路羣議曰:「畜聚斂之臣,未若盜 也賊,所謂諂諛、讒慝、貪冒、姦佞,不早絕之,後悔無及。」」訴不從,彌信 用范檦、陳端等計,令千里之外,戶別轉運,詣倉輸之。所在委滯 ''', 停 太

已復 功, 國家之楨 起家拜盧 禮 訢 一退食· 旣寵於顯祖,參決軍國大議,兼典選舉,權傾內外,百僚莫不曲節以事之。 、幹、當 奴令。 自 公,利 今之老成也。是以擢授南部,綜理 延興末,詔曰:「尚書李訢著勳先朝,弼諧皇極,讜言嘉謀,旬日屢進,實 上之事,知無不爲,賞罰所加,不避疏戚。 「煩務。 自在厥位,夙夜惟夤,乃心匪懈,克 雖孝子之思慈母,鷹鸇之逐 |捌以

列

傳

購募,必令擒殄。」

鳥雀,公 羣姦不息,劫訴宗人李英等四家,焚燒舍宅,傷害良善。 何以方之。 若鄭之子產,魯之季文亦未加也。 然惡直醜正,盜憎主人。 此而可忍,孰不可恕! 自往年以來, 有司可明加

於敷,爝今敢不忍於公乎。」」脈慨然曰:「吾不用璞言,自貽伊戚,萬悔於心,何嗟及矣!」遂見 然,爾不顧余之厚德而忍爲此,不仁甚矣。」掛曰:「公德於樹,何若李敷之德於公? 文明太后徵訴至京師,言其叛狀,訴曰無之。 司、徐州刺史。 六月,顯祖崩。 断有三子。 范捌知文明太后忿訢也,又知內外疾之。太和元年二月,希旨 訢遷司空,進爵范陽公。 七月,以所爲侍中、鎭南大將軍、開府儀同三 引臠證斷,斷言:「爾妄云知我,吾又何言! 告訴外叛。 公昔忍 雖

長 子邃,起家拜侍御中散、東宮門大夫。 遷散騎常侍,加平東將軍。 先訴卒。

子晴,字誨明。逃竄,遇赦免。

晴 子衡,字伯 琳。 武定中,中堅將軍、齊獻武王丞相府水曹參軍。

邃弟令和、令度,與訴同時死。

訢 長 兄恭 ,字元順。 成周太守。 卒,贈幽州刺史、容成侯,諡 日 簡侯。

恭弟瓘,字元衡。 營丘太守,襲父爵固安侯,平西將軍。 卒,贈兗州刺史,諡 日康侯。

子長生,襲。 長生卒,子元宗襲。 廣平郡丞,陳郡太守。

賜 爵 宜陽侯,太常 璞字季真,性 卿。 惇厚,多識 承 明元年,年五十一,先訴卒。 人物。 歷 中書博士、侍郎、漁陽王尉眷傅、 贈安西將軍、雍州刺史、諡 左將軍、 日穆。 長安副將,

子 暉 ·, 中 ·書議 郎

暉弟固、 太學博 士、高密太守。

欽 固 弟 欽 州 主 簿

子 奭 字元 熾。 武定末,鎭西將軍、南營州別駕。

仲炎。

| 爽弟

盛

字

安東將軍、開府諮議參軍

盛 弟叔樊,平西 將軍、太中 大夫。

欽

弟

蘊

,字宗令,有器

幹。

中

書學生、祕書中散、侍御

中散。

出為燕郡、范陽

二郡

太守。

入為 員 外散 騎常侍、尚書右丞、中堅將軍,遷左丞。 延昌 三年卒,贈平遠將 軍、南 青州 刺史,

諡 日 敬

初 · 崇之歸魏也,與州里北平田彪俱降,而彪子 ,孫遂微劣焉。

史臣 列 傅 日 第 魏氏  $\equiv$ + 之有 四 天下,百 李 訢 餘 校 勘 年中,任刑爲治,蹉跌之間,便至夷滅。 記 竇瑾 李訢器識旣

美,時日良幹。 **谨以片言疑似, 新以夙故猜嫌,而嬰合門之戮,悲夫! 宗之不 全,自 貽 伊** 

戚矣。

校勘記

[一] 爲高宗博士諮議 北史卷二七李訢傳無「諮議」二字。 按卷四九李靈傳云:「拜中書博士, 選授

高宗經、」亦不云爲「諮議」。二字疑衍。

## 魏書卷四十七

### 列傳第三十五

#### 盧玄

浩敗頗亦 郎,卿曾祖也。」旣還,病卒。 兄,每與玄言,輒歎曰:「對子眞,使我懷古之情更深。」浩大欲齊整人倫,分明姓族。 爲郡太守,皆以儒雅稱。 曰:「夫創制立事,各有其時,樂爲此者, 詎幾人也? 宜其三思。」浩當時雖無異言, 竟不納, 盧玄,字子眞,范陽涿人也。會祖諶,晉司空劉琨從事中郎。 由此。 後轉寧朔將軍、兼散騎常侍,使劉義隆。 神鶶四年,辟召儒儁,以玄爲首,授中書博士。 義隆見之,與語良久, 歎曰:「中 祖偃,父邈,並仕慕容氏 司徒崔浩,玄之外 玄勸之

子度世,字子遷。 列 傅 第  $\equiv$ + 五 幼而聰達,有計數。 盧 玄 爲中書學生,應選東宮。 弱冠,與從兄遐俱以學 一〇四五

行爲時流所重。

問延年日「范陽盧度世坐與崔浩親通,逃命江表,應已至彼。」延對曰「都下無聞,當 至。」世祖詔東宮赦度世宗族逃亡及籍沒者。 所言。度世後令弟娶羆妹,以報其恩。 日三君子殺身以成仁,汝雖死勿言。」子奉父命,遂被考掠,至乃火爇其體, 度 世 後以崔浩事,棄官逃於高陽鄭羆家,羆匿之。 世祖臨江、劉義隆使其殿中將軍黃延年朝貢。 。度世乃出。赴京,拜中書侍郎,襲爵 使者囚羆長子,將加捶楚。 因以 物故, 羆 卒無 戒之 世祖

使劉 遠將軍、齊州刺史。州接邊境,將士數相侵掠。度世乃禁勒所統,還其俘虜,二境以寧。 坐事囚繫,久之,還鄉里。尋徵赴京,除平東將軍、靑州刺史,未拜,遇患。 五十三。諡曰惠侯。四子,淵、敏、昶、尚。 駿。 興安中,兼太常卿,立保太后父遼西獻王廟,加鎭遠將軍,進爵爲侯。 遣其侍中柳元景與度世對接,度世應對失衷。還,被禁劾,經年乃 釋。 後除散騎 延興元年卒,年 除假節 侍 八鎭 郎,

及 度世有子,每誡約令絕妾孽,不得使長,以防後患。至淵兄弟,婢賤生子,雖形貌相類,皆 初,玄有五子,嫡唯度世,餘皆別生。崔浩事難,其庶兄弟常欲危害之,度世常深忿 恨。

不舉接。

爲識者所非。

監 客 對 敕 令, 一、本 日一一此自古所愼,如臣 如 此, 淵 典屬 州 大 字伯源,小名陽烏。 然於臣 中 國 Ė 遷秘 「心實有未盡。」及朝臣集議, 是時,高祖將立 書令、始平王 上愚意, 性溫雅寡欲,有祖父之風,敦尚學業,閨門和睦。 宜 師。 馮后, 更簡卜。」高祖曰:「以先后之姪,朕意已定。」淵曰:「雖奉 以 例 方集朝臣議之。 降爵爲伯。 執意如前。 給 高 馮誕有盛寵, 事黃門侍郎,遷兼散騎常侍、祕書 祖 先謂淵曰:「卿意以 深以爲恨, 襲侯爵,拜主 爲 淵 何 不以 如 ?

及高祖議伐蕭賾,淵表曰:

介

懷

然 軌 德 卒 陳 用 愚謂 之 蕭 之 政 田 期 豐 萬 間 氏 理 臣 之謀 以篡 者。 萬 誠 絕。 而 乘 袁 識 同 殺 然 則 紹 勝 親 不周 之會。 之燼 **猶**君 戎,轉漕 土崩,謝玄以步 不足爲武,弗 坐制 **原** 類,類 一,政 臣協謀,垂 若大駕 孟德矣。 難繼 虐役 尋篇籍。 南巡, 繁,又支屬 勝 ,千里饋糧,士有飢色, 有 \_數十 魏 兵三千而 既幷燭,迄于晉世,吳介有 虧威德,明千鈞之弩不爲 自魏晉以前,承平之世,未有皇輿親御六軍,決勝行 必左 載。 相屠,人 袵 逮孫 苻堅瓦解。 革 画, 皓暴戾,上下攜 神 閩 同 越 大軍之後, 勝負 棄。 倒 戈, 吳會之民, 不 鼷鼠發機 江 曲 其 爽, 水,居 衆寡,成 獪 必 運 水 有 陸 Щ 其 凶 故 延 壓卵, 俱 年。 上流 也。 踵 敗 進, 皇 在 昔魏 不若命將簡 澤,正 於 有 大 須 小 舉 征 武以 、臾,若 一始克。 勢殊, 無戦。 是齊 弊

列

傳

銳,盪滌江右,然後鳴鸞巡省,告成東岳,則天下幸甚,率土戴賴。

誠知干忤之愆實深,然不忠之罪莫大。 赤眉之禍。育其微萌,不芟之毫末,斧斤一加,恐蹈害者衆。 坐之中,以謗朝廷。無上之心,莫此之甚。 臣又聞流言,關右之民,自比年以來,競設齋會,假稱豪貴,以相扇惑。 愚謂宜速懲絕,戮其魁帥。 臣世奉皇家,義均休戚, 不爾懼成黃巾、 顯然於衆

詔日:

豈好輕動,利見之事,何得委人也! 固,奮臂一呼,或成漢業。經略之義,當付之臨機,足食之籌,望寄之蕭相。將希混一, 觀成敗,庶줲斯咎。長江之阻,未足可憚;踰紀之略,何必可師。 立政未至。定非弊卒之力强,十萬之衆寡也。今則驅馳先天之術,駕用仁義之師,審 雄,日一未聞不武,世祖之行,匪皆疑懾。且曹操勝袁,蓋由德義內舉,苻堅瓦解,當緣 徒,革輅之戎,寧非謬歟?尋夫昔人,若必須己而濟世,豈不克廣先業也。定火之 伐。今若喻之英皇,時非昔類;比之庸后,意有恧焉。脫元極之尊,本不宜駕,二公之 主,所以不親旆五戎者,蓋有由矣。英明之主,或以同軌無征,守庸之君,或緣志劣寢 至德雖一,樹功多途。三聖殊文,五帝異律,或張或弛,豈必相因。 洞庭、彭蠡,竟非殷 遠惟承平之

叉水旱之運,未 必 由兵;堯湯之難,詎 因興旅? 頗豐之後,雖靜 有之,關左小紛

敕 禁勒。 流言之細 易 足 以 行天 功。 深 錄誠 心,勿 恨不 相遂耳

牛。 過八 尚書, 奪常侍 位 將還,諸相 經三旬, 不 十,詣 副 尋 及 以蕭 車 實,然德聲甚盛,望踰 賊 駕南 衆 軍 餞送者 蹟 逃散 祿 門請見,言敍平 伐,趙郡王 死, 一周。 停師 五十餘人, ,降者數萬 ò 尋除豫州刺史,以母 幹督 是時涇州羌 生。 公輔。 口 別於渭 關 ,唯梟首惡,餘悉 右諸 未幾, 後二十餘年,當制 北。 叛,殘破 軍 拜儀 事 有 認認 :老固 相 曹尙 城邑, 加 者扶 不問。 淵 辭 書。 使持節、安南將軍 風 淵 人王伯達 命關 以步騎六千衆 高 詔兼侍 祖 右。 考課在位, 中。初,淵 日 願 一諸君皆不 不相忘。」 爲副,勒衆七萬將出 號三萬,徐 降淵 年十 此行 以王 DL 如 嘗 行 此 師 也, 盧郎 而 詣長安。 守常侍、 相 進。 者年 未 雖

許。 攻赭陽。 其利害。 淵 面 解曰:「臣 會蕭 淵曰:「但恐曹虎爲周魴耳, 昭業雍 詔川淵 蕭鸞遣 進 本 將 取 儒 州 南陽。 生, 垣 刺史曹虎 歷生來救,淵素無將略,爲賊 頗聞 淵以兵少糧乏,表求先攻赭陽, 俎豆, 軍旅之事, 遣使請降,乃以淵爲 陛下宜審之。」虎果偽降。 未之學也。 使持節、 所敗,坐発官爵 安南 以近 惟陛 淵至葉, 將軍,督前鋒 葉倉故也。 下裁之。」軍 爲 民 具曹虎 期 高 諸軍 譎 祖 已逼, 詐 許 之問 徑 赴 高 樊鄧 乃進 兼 旭 陳 不

尋遭 母憂,高 祖 遣謁者詣宅宣慰。 服闋, 兼太尉長史。 高祖南討, 叉 兼 彭 城王 中軍府

旣 表 御 長 廣二 聞 史。 物 朝 甚 尋爲 州 得 廷 不 人情,咸相 東 徐 南 納 州 民 陵 果 京 和 兆 扇 王愉 殺 南 惑。 將 徐 佐, 兼長史,賜絹百匹。 州 陵之餘黨, 刺 勒宿豫之衆逃叛。 史沈陵密謀外叛,淵 頗見執送, 愉旣年少,事無巨細,多決 濱淮諸戍, 淵皆撫而 覺 其 萌 漸 赦 由 潛 備得 之, 敕 惟歸 浴諸戍 全。 罪於陵, 微 陵 於 在邊 淵 爲之備 歷年,陰結 由 淵 是衆 以 誠 屢 信 有

景 明初,除秘書監。 二年卒官,年四十八。 贈安北將軍、幽州刺 史, 復本爵固安伯, 諡

目

懿

特 殿 由 多 相 沖 淵 初 友 善。 所題。 淵 有 冲 八 子 重 白馬公崔 淵 鍾繇書,傳業累世,世有能名。 門 風 玄伯 ,而淵祗沖才官 亦善書, 世 傳衞 ,故結爲 瓘 體 婚 至邈 姻, 魏 往 以 初 來 上 工. 親 書 兼善: 密。 者 崔 草迹。 至於淵荷高祖 盧 門。 淵習家 淵 與僕 法, 意遇 代京宮 射 う類 李 冲

彭 申 大 城 奏, 經 王 長 詔 祝い 何 子 乃 得 道 聽 任 輒授 將 許。 城王澄皆虛襟相 字 心。」而 道將: 祖 業, 涉獵 道將 應襲父爵,而 經 引 史, 待。 淸 河 風 勰爲中軍 王 氣 讓其第八弟道舒。 國 謇諤, 常常 侍 韓子 大將軍, 頗 有 熙 文 讓 才, 辟行參軍。 弟 有司 仲穆 爲 奏聞, 家 魯 後 陽 遷司 來 男 詔 之冠, 之例, 曰:「長嫡 徒東閤祭酒、尚書左 諸  $\Xi$ 2000 尙 承 書李 重 敬憚之。 平 禮 重 之

生,勵勸學業,敦課農桑,墾田歲倍。 外兵郎中,轉秘書丞。 出為燕郡太守。 入爲司徒司馬。 道將下車,表樂毅、霍原之墓,而爲之立祠。 卒,贈龍驤將軍、太常少卿, 謚 優禮儒 日獻

所爲文筆數十篇。

子懷祖,太學博士、員外散騎侍郎。卒。

懷祖弟懷仁,武定中,太尉鎧曹參軍。

道將弟亮,字仁業。[三]不仕而終。子思道。

終,復拜中書侍郎。 神龜二年,除左將軍、涇州刺史。其年七月卒官,年四十四。 子舍人,尋轉洗馬。 亮弟道裕,字寧祖,少以學尚知名, 風儀兼美。 遷龍驤將軍、太子中庶子,幽州大中正。 遷散騎侍郎,轉安遠將軍、中書侍郎、兼祕書丞。 尚顯祖女樂浪長公主,拜駙馬都尉、太 轉長兼散騎侍郎, 贈撫軍將軍、青州刺史, 尋以母憂去官。 加左將軍。 賜帛 服

子景緒,武定中,儀同開府錄事參軍

三百匹,諡曰文侯。

子博士。 邇,先無疹患,倉卒暴薨。 道裕弟道虔,字慶祖,粗閑經史,兼通算術。 靈太后追主薨事,乃黜道虔爲民,終身不仕。孝昌末,臨淮王彧因將出征,啓除道 時云道虔所害。 世宗秘其醜惡,不苦窮治。 尚高祖女濟南長公主。 尚書嘗奏道虔爲 公主驕淫,聲穢遐 國

列

侍,尋 衡。 虔奉 慧,昌仁早卒。 本州 驃騎 車都 大 大將軍、尚書右僕射、司空公、瀛州刺史, 兄弟競父爵 加 中正。 征虜 尉 將軍。 出除驃騎將軍、幽州刺史、尋加衞大將軍、卒於官。 道虔外生李彧尚莊帝姊豐亭公主,因相藉 道虔 至 以議 又娶司馬氏,有子昌裕。 今未襲。 曆勳,賜爵臨淄伯,遷散騎常侍。 及司馬見出之後,更娉元氏, 諡 日恭文公。 託。 天平初,征南將軍 主二子,昌宇、昌仁。 永安中,除輔國將軍、通直常 贈都督幽瀛二州諸軍事、 生二子昌期、昌 ,轉都官尚 昌宇不

爲後。 道虔弟 武定 中,征 道侃 字 虜 將 希 軍 祖。 、太尉記室參軍 州 主簿,沉雅 有學尙。 孝昌末卒。 二子早夭,以弟道約子正達

子景豫 道 侃 弟 道 景豫弟景熙, 和 字 叔維 [2] 兄弟之中,人望最下。 武定中,儀同 開 府諮 議 冀州中軍府中兵參軍。

以道約 贊 軍、光祿大夫。 岳 儀 兩藩,有毗佐之稱。 同 道 和 開 爲 弟道 府長 延寔 史。 長 約, 轉司 史, 字季恭。 天 加散騎 徒右長 平 興和末,除衛大將軍、兗州刺史, 中, 常侍,寄以 史。 開 起家 府 太傅李延寔出除青州 員 儀 同 、外郎, 高 匡維也。 岳請爲 累遷司 長 永熙中, 空錄 史。 事參軍、司徒屬、幽州 岳轉除青冀 在州頗得民和。 車騎 延寔先被病 將軍、左光祿 三州 道約, 武定元年卒,年五 道 大夫, 約 延寔 大中正、輔 仍 爲 之妻弟 領 長 廣平 、史,隨 或 將 干 詔

十八。贈使持節、驃騎大將軍、儀同三司、幽州刺史。

子正通,開府諮議。 少有令譽,徵赴晉陽,遇患卒。 妻鄭氏,與正通弟正思淫亂, 武定

中,爲御史所劾,人士疾之。

道約弟道舒,字幼安,襲父爵。自尚書左主客郞中爲冠軍將軍、中書侍郎。

淵弟敏,字仲通,小字紅崖,少有大量。 太和初,拜議郎, 早卒。 贈威遠將軍、范陽太

守、諡曰靖。高祖納其女爲嬪。敏五子。

干謁當途。養僖曰:「學先王之道,貴行先王之志,何能苟求富貴也。」 軍,辭疾不赴。 在此,時復惠好,至輒留連數日,得諮詢政道。」其見重若此。 軍、中散大夫。以母憂去職。 起家秘書郎、歷太子舍人、司徒中郎。 義僖,字遠慶,早有學尙,識度沉雅。年九歲,喪父,便有至性。 尋兼司空長史,拜征虜將軍、太中大夫。 散秩多年,澹然自得。 幽州刺史王誦與義僖交款,每與舊故李神儁等書曰「盧冠軍 神龜初,任城王澄奏舉義僖,除散騎侍郎, 齊王蕭寶夤啓爲開 少爲僕射李沖所歎美。 李神儁勸其 轉冠軍將 府諮議參

其必敗, 拒而不許。 孝昌中,除散騎常侍。時靈太后臨朝,黃門侍郎李神軌勢傾朝野,求結婚姻。 王誦謂義僖曰:「昔人不以一女易五男,卿豈易之也。」義僖曰:「所以不 義僖慮

列

一〇五四

族。 官尚書,尋除安東將軍、衞尉卿。 從,正爲此耳。 臨婚之夕,靈太后遣中常侍服景就家敕停。 從之恐禍大而速。」誦乃堅握義僖之手曰:「我聞有命,不敢以告人。」遂適他 普泰中,除都官尚書,加驃騎大將軍、左光祿大夫。 內外惶怖,義僖夷然自若。 建義初,

恩德 軍 顯位,每 、儀同 。性寬 義僖少時,幽州頻遭水旱,先有穀數萬石貸民,義僖以年穀不熟,乃燔其契。 至困 三司、瀛州刺史,諡孝簡 和畏慎,不妄交款,與魏子建情好尤篤,言無所隱。 乏,麥飯蔬食,忻然甘之。 永熙中,風疾頓發。 興和中卒,年六十四。 義僖性清儉,不營財利,雖居 州閭悅其 贈本將

子遜之,武定中,太尉記室參軍。

遜之弟世猷,齊王開府集曹參軍。

義僖弟義悰,字叔預。 司空行參軍 、本州治中、散騎侍郎、司徒諮議參軍。

子孝章,儀同開府行參軍,早亡。

義宗弟義敦,字季和。征北府默曹參軍。

子景開 敦弟義安,字幼仁,不仕。 字子達。 武定中,儀同 義僖諸弟並遠不逮兄也。 開 府屬。

横。 除 越。 甘彼芻菽,以辱君父乎? 是可恨。 還,高祖責之曰:「銜命之禮,有死無辱,雖流放海隅,猶宜抱節 以 莫以昶不作,便復罷 卿等欲,言便 常侍,使於 各率所知,以相規誨。」及冠至彼,值蕭鸞僭立,於是高祖南討之,昶兄淵 所識,欲見便見,須論卽論。 命,罪宜萬死,乞歸司寇,伏聽斧鉞。」遂見罷黜。 朝 中書侍郎、遷給事黃門侍郎、本州大中正。 鸞以腐米臭魚莝豆供之。 廷 敏 屬蕭鸞昏狂,誅戮無道。 加 弟昶,字叔達,小字師顏,學涉經史,早有時譽。 兵,遂酷遇昶等。 何乃俛眉飲啄,自同犬馬。 蕭 昭業。 無相疑難。」又敕副使王清石曰:「卿莫以本是南人,言語致慮 也。凡使人之體,以和爲貴,勿遞相矜誇,見於色貌,失將 高祖詔 縱不遠慚 昶本非骨鯁,聞南人云兄旣作將,弟爲使者。 昶曰:「卿便至彼,勿存 盧昶正是寬柔君子,無多文才,或主客命卿 恐不得仰奉明時, 而謁者張思寧辭氣謇諤,曾不屈撓,遂以壯烈死於館 蘇武, 有生 寧不近愧思寧」,昶對曰「臣器乏陸、隨, 必死,修短幾何。 昶請外祿,世宗不許。 久之,復除彭城王友,轉秘書丞。 歸養老母,苟存尺蠖,屈以求伸。 彼我。 太和 密邇 卿若殺身成名,貽之竹素,何 初,爲太子中舍人、兼員外散騎 江 致殞。 揚, 遷散騎常侍,兼尚書。 不早當 卿不能長纓羇首, 作詩 爲別道將 乃大恐怖,淚汗交 晚, 可可 若彼 命之體 率卿 會是朕 先有所知 景明初, 忝 中。 負辱朝 而 所知 使閩 蕭鸞 卿等 物。 E 昶 如

列傳第三十五 盧玄時洛陽縣獲白鼠。 昶奏日

降納隍之旨,哀百姓之無辜,引在予之深責。 而立 聞 禎 ,事光於舜右。 功,斯乃萬古之殷鑒,千齡之炯誠。 不虛見,德合必符;妖不妄出,咎彰則至。是以古之人君,或怠瑞以失德, 謹 案瑞典,外鎭刺史、二千石、令長不祗上命,刻暴百姓,人民怨嗟,則白鼠至。 伏讀明旨,俯觀徵譴,敢布庸瞽,以陳萬 比者,災氣作沴,恒陽虧度,陛下流如傷之慈, 舉賢黜佞之詔,道映於堯先,進思納諫之 --或祗變 臣

逞威 運。 其人,郡闕黃霸之君,縣無魯恭之宰,不思所以安民,正思所以潤屋。 於何取足? 劾,皆言誣枉;申雪罪人,更云淸白。 然後遣使覆訊,公違憲典。 望於道路,守宰暴貪, 私 **兼荆蠻凶狡,王師薄伐,暴露原野,經秋淹夏。** 而 逼掠。 福。 竊惟一夫之耕,食裁充 叉戰不 至使通原遙畛,田蕪罕耘;連村接閈,蠶飢莫食。 然自比年以來,兵革屢動。 遂令鬻桓祸以益千金之資, 必勝,加之退負,死喪離曠,十室而 風聞 於魏闕。 或承 口,一婦之織,衣止蔽形。 風挾請, 長侮上之源,滋陵下之路。 往歲法官案驗,多挂刑網,謂 荆揚二州, 屯戍不息, 鍾離、義陽, 師 制口腹而充一朝之急。 輕樹私恩; 九。 汝潁之地,率戶從戎;河冀之境,連丁轉 細役煩徭,日月滋甚,苛兵酷吏,因 或容情受賄,輒施己惠。 年租歲調,則惟常理,此外徵求, 而監司因公以貪求,豪强恃 忠清之人,見之而自 此皆由牧守令長多失 必顯戮, 故士女呼嗟,相 以 明 旅 御史所 勸 相繼。

怠;犯暴之夫,聞之以益快。 白鼠之至,信 而有徵矣。

存 問孤寡,去其苛碎,輕徭省賦,與民休息。 伏願陛下垂叡哲之鑒,察妖災之起。 延對公卿, 貞良忠讜,置之於朝;姦回貪佞,棄之於

廣詢庶政;引見樞納,博求民隱。

市 則九官勿戒而 恒敬,百縣不嚴而 自肅,士女欣欣,人有望矣。

白鼠告咎。 爲世宗所寵,時論鄙之。 中,又兼吏部尚書,尋卽正, 詔 曰:「朕纂承鴻緒,伏膺寶曆,思靖八方,惠康四海。 萬邦有罪, 實唯朕躬。 仍侍中。 尚書敷納機猷, 昶守職而已,無所激揚也。 獻替是寄,讜言有聞, 當必世之期,麟鳳不降,屬勝殘之會, 與侍中元暉等更相朋附 朕實嘉美。」 轉侍

衝,畜聚凶徒,虔劉邊鄙,青、光、齊、克每罹其患。 援,而衍郁洲已遣二軍以拒天惠。 天惠與萬壽等內外齊擊,俘斬數百,便卽據城。」 萬壽等獎率同盟,攻掩朐城,斬衍輔國將軍,琅邪、東莞二郡太守,帶朐山戍主劉晰幷將士 潛來詣臣,云朐山戍今將交換,有可圖之機。 四十餘人,傳首至州。 「彭宋地接邊疆,勢連淮海,威禦之術,功在不易。 出除鎭東將軍、徐州刺史。 臣卽遣無郯城戍副張天惠率驍勇二百,徑往赴之。 永平四年夏,昶表曰「蕭衍琅邪郡民王萬壽等款誠內結, 臣卽許以旌賞,遺其還入。至三月二十四夜, 朐山險塞,寇之要防,水陸交湊,揚、郁路 卿妙算旣敷,克城殄衆,展疆闢土,何善 琅邪諸戍絡釋繼 詔||昶曰:

列

之規,攘敵之略,使還具聞。」

如 之。 今旣失守,有不存之心;彼見扼喉,將圖救援之計。 庸勳之懋,朕用嘉止。 故遣左右直長閻遵業具宣往懷。 今水雨盛行,宜須防守。 此戍郁洲之本,存亡所繫。 卿 可深思擬捍

以傾 役使兵人,便已疲殆。 朐、固之間,本無停潦,宜時掩擊邊陲。 **拒守,以待涼月。** 狡勢旣强,後難除揃。 貢。 l念、王茂光承彼傳信,續發建鄴。 失利,則衆 相持至秋,天麾一動,開拓爲易。 九千,賊衆四萬,名將健士,遠近畢集,邀憑雨熱,[云]決死來戰,藉衆乘凶,希固巢穴。 所 所慮在大,有必爭之心。 國而舉,非爲朐山,將恐王師固六里,據湖衝,南截淮浦,勢崩 心挫怯,求待大衆俱至,奮銳擊之。 今歲已云秋,高風漸舉,經算大圖,時事旣至。 輒欲令征虜將軍趙遐率勒見兵,與之決勝。 若大衆臨之,必可禽捷。一城退潰,衆壘土崩,乘勝圖之,易於振朽。 若皇家經略,方有所討,必須簡將增兵,加益糧仗,與之亢擬 自存之計,幷歸於此。 圖南之計,事本在今,請增兵六千、米十萬石;如其不也, 而賊自夏以來,貫甲不歇,從六里以北,城 竊謂此謀,非爲孟浪。 量力準寇,事恐不輕。 難測,海利鹽物, 且 遐慮衆少不敵,若一舉 鮑口以東, 且臣本奉朝規, 何者。此兵 陸運 栅 交闕常 無閡, 相 王神 令相

脫 本 於 兵不 昶 速至,長彼熾心,軍士憂惶,自生異議。 乘 勝 之規,終宜 有寄。 是以 起兵之始,即委處分,前 請速簡配, 以及 機經 事機。」詔曰:「克獲朐山,計 略,一 以任之。 今旣請兵,

理

宜

速

逐。

可遺冀、定、瀛

相

四州

中品羽林、虎賁四千人赴之。」

詩。 少請 今旣 徒送 豫 若已如 刨 乃是 痊 死,規侵王 截 叉 益,今已遂 可 此 彼 復 詔 量 兩 更設 昶 東南,亮委高算。」 ,宜遵前旨,秉戈 宜 目 「朐山之克,實 若 若 卿 略,天亡小 何 ·策 ? 實 本意。 理 不 有 其軍奇 此, 可 爾 如 揮銳, 賊 卿可 亦 聞 叉 詔 數 由 兵變,遽以表聞。 東 將 量胸 唐陸道 於 在 昶 殄寇為懷 軍 、卿,開 日二 無遠。 裁 Щ 決 薪 甚 取 疆拓 水得 胸置 一狹,一 故 前者命 已發虎 土,實爲 支幾時。 皮,並是 軌 叉 之外, 聞 卿 旅五 衍 長策。 親 卵計 軍 脱事容往返, 臨指 皆是大 萬 將 帥 始終成 應 然經討未服,非卿 授,尋以卿疾 機電 水。 毎有 敗, 赴, 流 彼 馳 言, 必 驛 悉 指 據 速聞。 歸 未瘳 辰 云魏 之, 於 而 卿。 而 至, 且待 博 以 誰? 如 淮 斷 遂 薪 卿 陽 消 軍 水 以兵 卿 而 宿 息。 本 蟻 小

主傅 死及落 文 昶 驥 旣 世宗遣黃門甄 手 糧 儒 足者三分 |樵倶馨 生, 本少將略 而二。 一,以 以 琛 城 馳 降衍 文 驛鎖 自 羊 或 昶,窮其敗狀 家 加 昶 經 子變爲昶 見城降,於是先走退。 略 江 . 左, 司 唯 馬,專任 有 韶曰 「朐山之敗,傷損 中 Щ 王 戎 事, 英 諸 敗 軍 掩 於 相 昶 鍾 葬 耳目, 離 奔 遁, 實深,推始究末, 昶 將士 於 遇 朐 大寒雪, 怨之。 Щ 失 利 軍 朐 罪 最 Щ 凍 戍

列

10六0

元帥。 。 雖經大宥,輕重宜別,昶一人可以觅官論坐,自餘將統以下悉聽依赦復任。」

未幾,拜太常卿,仍除安西將軍、雍州刺 史, 又進號鎭西將軍, 加散騎常侍。 熙平元年

卒於官。贈征北將軍、冀州刺史、諡曰穆。

| 飛寬和矜恕,善於綏撫,其在徐州,戍兵疾,親自檢恤。 至番兵年滿不歸,容充後役,終

|昶一政,然後始還。 人庶稱之。

子元聿,字仲訓,無他才能。 尚高祖女義陽長公主,拜駙馬都尉。 位太尉司馬、光祿大

夫。卒,贈中書監。

子士晟,儀同開府掾。

夢由 陽縣子,遷中書侍郎。 尚書令、臨淮王彧欽愛之。 曰:「由性不狎俗,旅寄人間,乃今有夢,又復如此,〔七〕必有他故。」經三日,果聞由 攜酒就之言別,賦詩爲贈。 尋其亡日,乃是得夢之夜。 元聿第五弟元明,字幼章。 永熙末,居洛東緱山,乃作幽居賦焉。 及彧開府,引爲兼屬,仍領部 及明,憶其詩十字云:「自茲一去後, 天平中,兼吏部郎中,副 涉歷羣書,兼有文義,風彩閒潤,進退可觀。 曲。 李諧使蕭衍,南 於時元明友人王由居潁川,忽 出帝登阼,以郎任行禮,封城 · 市朝不復遊。」 元明歎 人稱之。還,拜尙 永安初, 為亂兵所 長兼

書右丞,轉散騎常侍,監起居。

積年在史館,了不厝意。

又兼黃門郎、本州大中正。

元明善

須誦 兄子士啓淫汙,元明不能離絕。 少時常從鄉還洛,途遇相州刺史、中山王熙。 自標置,不妄交遊,飲酒賦詩,遇興忘返。性好玄理,作史子新論數十篇,文筆別有集錄。 離騷,飲美酒,自爲佳器。」遂留之數日,贈帛及馬而別。 又好以世地自矜,時論以此貶之。 熙博識之士,見而歎曰:「盧郎有如 元明凡三娶,次妻鄭氏與元明 此風 神唯

大將軍、吏部尚書、幽州刺史、諡曰宣。 轉司徒祭酒。 元明弟元緝,字幼緒。 稍遷輔國將軍、司徒司馬、卒於官。 凶率好酒,會於婦氏飲宴,小有不平,手刃其客。 贈散騎常侍、都督幽瀛二州諸軍事、驃騎 起家秘 書郎,

子士深,開府行參軍。

軍。 轉左長史。出爲前將軍、 母憂去官。後爲太尉主簿、司徒屬、范陽太守、章武內史、兼司徒右長史,加冠軍將軍, | 昶弟尚之,字季儒,小字羡夏,亦以儒素見重。 濟州刺史。入除光祿大夫。正光五年卒,年六十二。贈散騎常 太和中,拜議郎,轉趙郡王征東諮議參

長子文甫,字元祐。少有器尙,涉歷文史,有譽於時。 位司空參軍,年四十九卒。

子敬舒,有文學,早亡。

侍、安東將軍、青州刺史。

文甫弟文翼,字仲祐。 少甚輕躁,晚頗改節。 爲員外郎,因歸鄉里。永安中,爲都督,

傅

守范陽三城, 拒 賊帥韓婁有功, 賜爵范陽子。 永熙中、除右將軍、太中大夫。 栖遲桑井而

卒,年六十。

子士偉,興和中,中散大夫。

文翼弟文符,字叔僖,性通率。 位員外郎、羽林監、尚書主客郎中,遷通直散騎侍郎。

永安中卒,年四十。

子子潛,公武定中,齊文襄王中外府中兵參軍。

敬。 弟亡,及道將卒後,家風衰損,子孫多非法,惟薄混穢,爲論者所鄙。 室,至暮乃入。 州 中表,致其 兄之子婦也。 旣 在洛 陷,諸崔墜落,多所收贖。 閨 度世,李氏之甥。 門之禮,爲世所推。 時 〈恭恤。 有 兗州刺史申纂妻賈氏,崇吉之姑 飢 朝府之外, 年,無以自贍,然尊卑怡穆,豐儉 每觀見傅氏,跪問起居,隨時奉送衣被食物, 其爲濟州也,四國家初平升城。 不妄交遊。 謙退簡約,不與世競。 及淵 其相 勗以禮 (女也, 皆亡破軍途, 老病憔悴。 同之。 父母亡,然同 如 此。 無鹽房崇吉母傅氏,度世繼外祖 親從昆弟, 叉 一門三主, 亦存賑賈氏,供其 居共財, 常旦 當世以爲榮。 一省謁諸父, 自 祖 至 孫, 而 服 度世 -畢拜致 膳。 家 出 淵兄 坐別 內 推 青 百 計 母

度世從祖弟神寶、中書博士。 太和中,高祖爲高陽王雍納其女爲妃。

初,玄從祖兄溥,慕容寶之末,總攝鄉部,屯於海濱,遂殺其鄉姻諸祖十餘人,稱征北大

將軍、幽州刺史、攻掠郡縣。天興中討禽之、事在帝紀。

溥玄孫洪,字曾孫。 太和中,歷中書博士,稍遷高陽王雍鎭北府諮議參軍、幽州 中正、

樂陵陽平二郡太守。洪三子。

長子崇,字元禮。少立美名,有識者許之以遠大。 景明中,驃騎府法曹參軍。

子子剛,司空行參軍、荆州驃騎府主簿。沒於關中。

弟三子叔矩,字子規。 |崇弟||一義,小名黑,知名於世。 武定中,尚書郎 高陽王雍司空行參軍、員外散騎侍郎、幽州別駕。

子規弟子正,司徒法曹參軍。 **|**崇兄弟官雖不達,至於婚姻,常與玄家齊等。

|仲義弟幹,字幼禛。 州主簿。

子讓,儀同開府參軍。

洪弟光宗,子觀,觀弟仲宣,事在文苑傳。

仲宣弟叔虎,江四武定初,司徒諮議參軍。

列傳第三十五 盧玄

一〇六四

洪從弟附伯,附伯弟侍伯, 並有學識。 附伯位至滄州平東府長史。 侍伯, 永熙中衛大

將軍、南岐州刺史。

侍伯從弟文偉,興和中,驃騎大將軍、靑州刺史、大夏縣開國男。

逮,餘烈所被,弗及盈乎? 重於時,聲高冠帶,蓋德業儒素有過人者。 史臣曰:盧玄緒業著聞,首應旌命,子孫繼迹,爲世盛門。 淵之兄弟亦有二方之風流。 其文武功烈,始無足紀,而見 雅道家聲,諸子不

#### 校勘記

- 定火之雄 李慈銘云:「『火』字有誤,蓋謂太武親征赫連定事也。」
- 而道將引淸河王國常侍韓子熙讓弟仲穆魯陽男之例 諸本「王國」誤倒作「國王」, 今據北史卷

三〇盧玄附盧道將傳乙正。

道將弟亮字仁業 「道將兄弟八人並以『道』字爲次,不應亮獨無之,疑 北史卷三〇盧玄附盧淵傳「亮」上有「道」字,「仁業」作「仲業」。張森楷云 此當誤脫文。 『仲』『仁』二字,未 知孰是。

按北齊書卷四二盧潛傳、隋書卷五七盧思道傳並作「道亮」。 這裏「亮」上當脫「道」字。 下一亮弟

### 道裕。同脱。

- $\sqcap$ , M 道侃弟道和 字 叔維 北史卷三〇「維」作「雍」。 張森楷云:「『雍』與『和』義洽,此形近而訛。」
- 五 時復 惠好 纰央卷三○盧玄附盧義僖傳「好」作「存」, 册府卷六八七八一八八頁作 「來」。疑作

「存」是。

- ~ \ 邀憑雨熱 諸本「雨」作「兩」,獨局本作「雨」。按「兩熱」不可解。 局本當是以意改。 據上文韶
- 書 有「水雨 盛行」語、局本改「雨」是、今從之。
- $\sqcap$ -又復 如此 北史卷三〇盧玄附盧元明傳「又」作「詩」。 李慈銘云:「『又』上脫『詩』字。」
- 子子潛 北史卷三〇盧玄附盧元明傳但云「子潛」。 按盧潛、北齊書卷四二有傳。 這裏「潛」上

當衍一「子」字。

- ナし 其爲濟州也 按上度世傳說他會除「齊州刺史」,而北史卷三〇度世傳却作「濟州」。北史前後
- 致、魏書前作「齊」、後作「濟」,似北史是。 但這裏接着說「國家初平升城」云云, 卽指皇興元
- 因之,治升城。」則慕容白曜取青齊後,升城朱僑置并州太原 年四六八慕容白曜攻取升城事。卷一〇六中地形志中齊州太原郡太原縣下云:「司馬德宗置 郡 屬齊州,不屬濟州。 前文作「齊州」未 魏
- 必誤,北史和此作「濟州」未必是。今前後都不改。
- 仲宣弟叔虎 諸本「虎」作「虔」〕北史卷三○作「彪」。按北齊書卷四二有盧叔武傳,卽此人。 本

是「虎」字、「彪」「武」都是避唐諱改、若本作「虔」、作「彪」作「武」便沒有理由。知「虔」是「虎」的

形訛、今改正。

# 魏書卷四十八

## 列傳第三十六

#### 高允

爲慕容垂太尉從事中郎。 高允,字伯恭,勃海人也。 太祖平中山,以韜爲丞相參軍。 祖泰,在叔父湖傳。父韜,少以英朗知名,同郡封懿雅相敬 早卒。

罷。 代偉器,但恐吾不見耳。」年十餘,奉祖父喪還本郡,推財與二弟而爲沙門,名法淨。 性好文學,擔笈負書,千里就業。博通經史天文術數,尤好春秋公羊。 允 少孤夙成,有奇度,清河崔玄伯見而異之,歎曰:「高子黃中內潤,文明外照,必爲 未 久而

郡召功曹。

以方春而 唯允以清平獲賞。 神廳三年,世祖舅陽平王杜超行征南大將軍,鎭鄴,以允爲從事中郎,年四十餘矣。 (諸州囚多不決,乃表)允與中郎呂熙等分詣諸州,共評獄事。 府解,還家教授,受業者千餘人。 四年,與盧玄等俱被徵,拜中書博士。 熙等皆以貪穢得罪,

列

允 遷 侍 甚 樂 郎 有 平王 匡益,秦 與太 丕 原 西討上邽, 張偉並以 人稱之。 本官領衞大將軍、樂安王範從事中郎。範,世祖之寵弟 復以本官參丕軍 尋被徵還。 允曾作塞上翁詩, 事。 語在丕傳。 有混欣戚, 涼州平, 遺得喪之致。 以參謀之勳,賜爵汶陽 ,西鎭長安, 驃騎大將

加建武

將軍

論 恐後 此 月, 也。 事 薄 說 ·, 不 蝕、五 月 必 不 日 妙理至多, 先驗 也 後 後 可 在 復 歲 譏 詔 唯 以 推 尾箕,日 星行度,幷識 叉謂 允與司 於近。 游 餘 今猶 之於 空言爭, 雅 ,浩謂允曰:「先所論 數以 雅 今之譏古。」浩 運。 何遽問此。」 '徒崔浩述成國記,以本官領著作郎。 日 且 災 高允之術 昏沒於 漢 宜更審之。」 浩日:「欲為 異問 前史之失,別爲魏曆,以示允。 元年冬十月,五 、申南, 允。 雅乃止。 日:「所謬云何。」允曰:「案星傳,金水二星常附 : '陽元 允 變者何 時 者,本不注心,及 日 而 坐者咸怪, 東井方出 之射 星 昔人有言, 所 聚於東井,此乃曆 也。 不可,君 I於寅: 唯東宮少傅游 衆 乃歎服。 更考究, 北。 知之甚難, 獨 不 允曰:「天文曆數 時浩集諸術士,考校漢元 疑三星之聚,而 二星何 果 術之淺。 允 如 雅 雖明於 既知復恐漏泄,不如不知也。 因背 君語,以 曰「高君長 日 今譏 唇數, 不可 而行? 前 怪二星之來。」允曰: 漢史,而 三月聚於 字論。 於 初 是史官欲 日 曆數, 不 儿以來, 而 推 不覺此謬, 行。 夫善言遠 步 東 當不虛 井, 的神其 有 日月 所 非

多禁封 胡 里 方 則 爲 回 尋 以本官爲秦王翰傅。 田三頃七十畝,百里則田三萬七千頃。 良田,又京師遊食者衆。 共定律令。 世祖引允與 後敕以經授恭宗,甚見禮待。 論刑政,言甚稱旨。 允因言曰:「臣少也賤,所知唯田,請言農事。 若勤之,則畝益三斗,不勤則畝損三斗。〔三〕 因問允曰:「萬機之務,何者爲先。」是時 又韶允與侍郎公孫質、李虛、日 古人云:方一

非,而 宰民 亦 州 ,宜使更事者。」浩固爭而遣之。 郡 初 校勝於上,何 選也,在職 崔浩薦冀、定、相、幽、并五 已久,勤勞未答。 以勝 濟。」 州之士數十人,各起家郡守。 允聞之,謂東宮博士管恬曰:「崔公其不免乎! 今可先補前召外任郡縣,以新召者代爲郎吏。 恭宗謂浩曰:「先召之人, 叉守令 苟逞其

哉。」世祖

善差之。

遂除一

田禁,悉以授民。

百

里損益

之率,爲粟二百二十二萬斛,況以天下之廣乎。若公私有儲,雖遇飢年,復何憂

覽、公 問 我 何其不 7,爲首 遼 孫 東 質 公翟黑子 爲諱 ,等咸言首實罪不可測,宜諱之。 直 乎。」允曰:「公帷幄寵臣,答詔宜實。 遂 與 有寵於世祖,奉使幷州,受布千匹,事尋發覺。 允絕。 黑子以不實對,竟爲 黑子以覽等為 世 祖所疏,終獲 又自告忠誠, 親己,而 罪戮 反怒允曰:「如君言,誘我 罪必無慮。」中 黑子請計於允曰「主上 書侍郎 崔

是 時 列 著 傅 第 作 Ξ 令 + 史閔湛、郄擹性巧佞,爲浩信待。 六 高 允 見浩所注詩、論語、尚書、易,遂上疏,言 一〇六九

刊所撰國史于石,用垂不朽,欲以彰浩直筆之跡。 注,命天下習業。 寸之間,恐爲崔門萬世之禍。 賈雖注述六經,並多疏謬,不如浩之精微。 幷求敕浩注禮傳,令後生得觀正義。 吾徒無類矣。」未幾而難作。 允聞之,謂著作郎宗欽曰:「閔湛所營,分 浩亦表薦湛有著述之才。 乞收境內諸書,藏之祕府。 旣 班浩所 而 勸浩

侍講 作。 罪,宜宥之。」允竟得免。 處累年,小心密愼,臣所委悉。 日 奏世祖,命允驂乘。至宮門,謂曰:「入當見至尊,吾自導卿。 1:「爲 曰:「國書皆崔浩作不。」允對曰:「太祖記,前著作郎鄧淵所撰。 · []|允曰 : 「臣以下才,謬參著作,犯逆天威,罪應滅族,今已分死, 此 |恭宗日:「天威嚴 然浩綜務處多,總裁 日 初 亦 何等事也。」恭宗曰:「入自知之。」旣入見帝。恭宗曰:「中書侍郎高允自在臣宮,同 ,浩之被收也,允直中書省。 久,哀臣乞命耳。 人情所難,而能 重,允是小臣,迷亂失次耳。 於是召浩前,使人詰浩。 實不問臣,臣無此言。 臨 而 死 已。至於注疏,臣多於浩。」 不移,不亦難乎 雖與浩同事,然允微賤,制由於浩。 恭宗使東宮侍郎吳延召允,仍留宿宮內。 ! 臣 且 浩惶惑不能對。 以實對, 對 臣向備問,皆云浩作。」 君以實, 世祖大怒曰:「此甚於浩,安有 不敢迷亂。」 脫至尊有問,但依吾語。」允請 貞 臣也。 先帝記及今記,臣 允事事申明、皆有條理。 請赦 不敢 世 如 《其命。」 祖謂 虚妄。 世 此言, 祖問 翌日,恭宗入 恭宗 世祖召允, 寧 殿 與浩同 如 下 失一有 曰 東宮 以 臣 生

觸, 切 時 世 祖 允 不 乞 怒甚, 至 更一 死。」世 敕允 見,然後 爲 祖 ?詔,自浩已下、僮吏已上百二十八人皆夷五 怒, 爲 命介 詔 韶引 士 執 允。 前, 允曰:「浩之所坐, 恭宗拜請 世 祖 日: 若 更 無 有 此 族。 餘 人忿朕, 纍, 允持 非 臣 疑 當 敢 不 爲, 有 知。 數 頻 千 直 初韶 口 以 犯 催 死

矣。

浩

竟

族

滅,餘皆

身死。

宗欽

臨

刑,

歎

日「高允

其

殆

聖乎

之所 之舉 殊。 跡 諤 當 言,怒帝 之節 時 者, 恭宗 誠 以 釋 國 孤 荷 觀 恐負 家 退 負 褐 如 殿下 往 後 得 私 聖 鳳 此。 一,後 讓 翟 失之事 恩 池,仍參麟閣 無 九日 一人當 大造之慈, 一自貽 黑 委蛇 之所 每一 子。 念之,使人心悸。」允 , 此 以 之稱,私 灰滅。 知 亦 今。 違 爲 知機, 尸 ì 史之 欲 卽 、素官榮,妨賢已久。 是以言行 茍 浩之跡 沒 趸, 不知 大體 其 公廉,愛憎 非 機, 未 诗 臣 舉 日:「臣東野 動 學復何益? 之意。」恭宗動 有 爲 了,莫不 多 可 違。 論 蔽 其 夫史 備載,故 直 然 浩 凡 當 以 臣 理 **発者** 生,本 與浩實 蓬蒿之才, 容 此 爾 之時, 稱 人 浩之責 君 歎 帝 無宦意。 順焉。 同 王之實錄, 吾導卿端緒, 允後 其 也。 荷 事,死 棟梁 然 屬休 與 至 人言 浩 於 之 生 將 延 世 書 一樂辱 重 來之 受 之會 何故 我 朝 殊 在 不 廷 遇, 烱 心應 奉 起 義 朝 不 戒, 東宮 從 樂 居之 旌 無 無 謇 曜 人 獨 今

私, 故能 恭宗 包養 季 年 頗 昔 之 親 明 近 左 王, 右 以 營立 至 公宰物,故藏金於山,藏珠於淵,示天下 田 袁 以以 取 以其利。 允諫 曰:「天 地 無 私, 以無私 故 能 覆載 訓 天下以至 王 者 無

列

傳

第

儉。 忠良,所在田園,分給貧下,畜產販賣,以時收散。 所以王天下。 之。商書云『無邇小人』,孔父有云,小人近之則不遜,遠之則怨矣。 土田、卒喪其國。 有四海,何求而不獲,何欲而弗從,而與販夫販婦競此尺寸。昔號之將亡,神乃下降, 曰乏人,儁乂不少。頃來侍御左右者,恐非在朝之選。故願殿下少察愚言,斥出佞邪,親近 顚覆傾亂之禍。 田,畜養鷄犬,乃至販酤市鄽,與民爭利,議聲流布,不可追掩。 故美聲盈溢,千載不衰。 殷紂愛飛廉、惡來,所以喪其國。歷觀古今存亡之際,莫不由之。今東宮誠 前鑒若此,甚可畏懼。夫爲人君者,必審於擇人。故稱知人則哲,惟 漢之靈帝,不修人君之重,好與宮人列肆販賣,私立府藏,以營小利,卒有 如此則休聲日至,謗議可除。」恭宗不納。 夫天下者,殿下之天下,富 武王愛周、邵、齊、畢, 賜之 帝難

高允悲乎?」左右曰:「臣等見允無言而泣,陛下爲之悲傷,是以竊言耳。」世祖曰:「崔浩誅 時,允亦應死,東宮苦諫,是以得免。今無東宮,允見朕因悲耳。」 左右莫知其故,相謂曰:「高允無何悲泣,令至尊哀傷,何也。」世祖聞之,召而謂曰:「汝不知

恭宗之崩也,允久不進見。後世祖召,允昇階歔欷,悲不能止。

世祖流淚,命允使出。

作,宣尼述史而春秋著,皆所以章明列辟,景測皇天者也。故先其善惡而驗以災異,隨其失 允表曰:「往年被敕,令臣集天文災異,使事類相從,約而可觀。 臣聞箕子陳謨而洪範

究鑒, 浩 傳、天文志 得 以 屢 自 危亡。 陳妖 修 乎! 而 筋 一效以禍福,天人誠遠,而報速如響,甚可懼也。 前 告 及高宗卽位, 皇所 豈不 厥後 而 撮 不 其事要,略其文辭,凡爲 不逮也。 見納。 · 哀哉 史官並載其事,以爲鑒誡。 1 允頗 伏惟 遂因洪範、春秋災異報應者而 臣學不洽聞, 有謀焉。 陛下神武 司徒陸麗等皆受重賞,允旣不蒙褒異,又終身不言。 、則天,叡鑒自遠,欽若稽古, 識見寡薄,懼無以裨廣 八篇。」世 漢成 祖 帝時,光祿大夫劉向見漢祚將危,權 覽而善之, 曰:「高允之明災異, 亦豈 爲其傳,覬以感悟人主,而終不 自古帝王莫不尊崇其道而稽其法數,以 、聖聽, 率 由 舊章, 仰酬 明旨。 前言往行,靡不 今謹依洪 歸 聽察,卒 外戚, 減 {範 其

以 宜 足 年 旣 多 口 漸 以 定 朝 天 致 給 之,不 下,始建 事 古 萬 中 推 郭 國 人有 之於古,驗 口 , 善明,性多機巧, 倉卒。 都邑。 西堂溫室 言 夫不 之於 計 其所營立,非因農隙,不 斫 足以安御 今,必然之效 耕,或受其飢 材運土及諸雜 欲逞其能, 勸高宗大起宮室。 聖躬, 也。 役須 紫 婦 樓 誠 有所 亦 一萬 臨 聖 織 望 主所宜 人,丁 興。 可以 ,或受其寒 觀望遠近。 **今建** 一思量。」 夫充作,老小 國已久,宮室已備, 允諫曰:「臣聞太祖道武皇帝 高宗 況 數萬 若 納 廣修壯 供 之衆 餉 ,其所損廢,亦 合 麗 四 爲 永安前 萬 異 人,半 、觀者,

忠

而

不伐,皆此

類

也

允 列 以 傳 高 宗 第  $\equiv$ 纂 十 承 平 六 之業,而 髙 允 風俗 仍舊,婚娶喪葬,不依古式,允乃諫

〇七三

下而有其二。明爲政者先自近始。誤云:「爾之敎矣,民胥効矣。」 人君舉動,不可 遲,一至於斯。昔周文以百里之地,修德布政,先於寡妻,及於兄弟,以至家邦,三分天 切禁斷。 前 ,朝之世,屢發明詔,禁諸婚娶不得作樂,及葬送之日歌謠、鼓舞、殺牲、燒葬,一 雖條旨久頒,而俗不革變。將由居上者未能悛改,爲下者習以成俗,敎化陵

以爲嬉戲,而獨禁細民,不得作樂,此一異也。 震云:嫁女之家,三日不息燭;娶婦之家,三日不舉樂。今諸王納室,皆樂部給伎禮云:嫁女之家,三日不息燭;娶婦之家,三日不舉樂。今諸王納室,皆樂部給伎

妻,多出宫掖,令天下小民,必依禮限,此二異也。 今, 頻有檢劾。誠是諸王過酒致責, 跡其元起, 亦由色衰相棄, 致此紛紜。今皇子娶 者,或長少差舛,或罪入掖庭,而作合宗王,妃嬪藩懿。失禮之甚,無復此過。往年及 重其別,親御輪以崇其敬,婚姻之際,如此之難。今諸王十五,便賜妻別居。然所配 古之婚者,皆揀擇德義之門,妙選貞閑之女,先之以媒娉,繼之以禮物,集僚友以

畝、舜葬蒼梧、市不改肆。 秦始皇作爲地市、下固三泉、金玉寶貨不可計數,死不旋踵, 奉死,則聖人所禁也。然葬者藏也,死者不可再見,故深藏之。昔堯葬穀林,農不易 萬物之生,靡不有死,古先哲王,作爲禮制,所以養生送死,折諸人情。若毀生以

焚之,以爲灰燼。 尸焚墓掘。 由此推之,堯舜之儉,始皇之奢,是非可見。今國家營葬,費損巨億,一旦 苟靡費有益於亡者,<br />
古之臣奚獨不然。<br />
今上爲之不輟,<br />
而禁下民之

必止,此三異也。

事 之如 古者祭必立尸,序其昭穆,使亡者有憑,致食饗之禮。今已葬之魂,人直求貌類者 ,父母,燕好如夫妻,損敗風化,瀆亂情禮,莫此之甚。 上未禁之,下不改絕,此四

異也。

藝,回污辱視聽。朝庭積習以爲美,而責風俗之清純,此五異也。 雅 聲則不奏,物非正色則不列。今之大會,內外相混,酒醉喧譊,罔有儀式。又俳優鄙 夫饗者,所以定禮儀,訓萬國,故聖王重之。 至乃爵盈而不飲,肴乾而不食,樂非

今陛 一下當百王之末,踵鬥亂之弊,而不矯然釐改,以厲頹俗,臣恐天下蒼生,永不

聞見禮敎矣。

見,高宗知允意,逆屛左右以待之。 此非一,高宗從容聽之。或有觸迕,帝所不忍聞者,命左右扶出。事有不便,允輒求 禮敬甚重,晨入暮出,或積日居中,朝臣莫知所 論

諫之,使人知惡,而 或有 上事 ,陳得失者,高宗省而謂羣臣曰:「君父一也,父有是非, 於家 內隱處也。 豈不以父親,恐惡彰於外也。 今國家善惡,不能 子何爲不作書於人中 面 陳而

貧。」是日幸允第,惟草屋數間,布被縕袍,厨中鹽菜而已。 高宗歎息曰:「古人之清貧豈有 年不徙官。 至股 初與允同徵游雅等多至通官封侯,及允部下吏百數十人亦至刺史二千石,而允爲郎二十七 此乎」卽賜帛五百匹、粟千斛,拜長子忱爲綏遠將軍、長樂太守。 曰 此 左右,曾不聞一正言,但伺朕喜時求官乞職。 上 表 高允雖蒙寵待, 人把筆匡我 )顯諫, 所不樂聞者,皆侃侃言說,無所避就。 此豈不彰君之短,明己之美。 時百官無祿,允常使諸子樵采自給 《國家, 而家貧布衣,妻子不立。」高宗怒曰:「何不先言!今見朕用之,方言其 不過作郞。 汝等不自愧乎。」於是拜允中書令, 至如高允者,真忠臣矣。 **股聞其過,而天下不知其諫,豈不忠乎!** 汝等把弓刀侍股左右, 允頻表固讓,高宗不許。 朕有是非,常正言面 徒立勞耳,皆至公王。 著作如故。 司徒 汝等在 陸 論, 麗

故。 |祚論名字貴賤,著議紛紜。 莫有恤者。允愍庶年老,保護在家。積六年,遵始蒙赦。 允上代都賦,因以規諷,亦二京之流也。 初,尚書竇瑾坐事誅,瑾子遵亡在山澤,遵母焦沒入縣官。 允遂著名字論以釋其惑,甚有典證。 文多不載。 其篤行 時中書博士索敞與侍郎傅默、梁 後焦以老得免,瑾之親故, 復以本官領秘書監,解太 如此。 轉太常卿,本官如

初,允與游雅及太原張偉同業相友,雅嘗論允曰:「夫喜怒者,有生所不能無也。 而前

常卿,進爵梁城侯,加左將軍

史載卓公寬中,文饒洪量,編心者或之弗信。余與高子遊處四十年矣,未嘗見其是非慍喜 明於鮑叔,良有以也。」其爲人物所推如此。 昇階長揖。由此觀之,汲長孺可臥見衞靑,何抗禮之有!向之所謂風節者,得不謂此乎? 者,更在斯乎。宗愛之任勢也,威振四海。嘗召百司於都坐,王公以下,望庭畢拜,高子獨 詔責,崔公聲嘶股戰不能言,宗欽已下伏地流汗,都無人色。高子敷陳事理,申釋是非,辭 云:『高生豐才博學,一代佳士,所乏者矯矯風節耳。』余亦然之。 司徒之譴,起於纖微,及於 之色,不亦信哉。 知 義淸辯,音韻高亮。明主爲之動容,聽者無不稱善。仁及僚友,保茲元吉,向之所謂矯矯 人固不易,人亦不易知。吾旣失之於心內,崔亦漏之於形外。鍾期止聽於伯牙,夷吾見 高子內文明而外柔弱,其言吶吶不能出口,余常呼爲『文子』。崔公謂 余

省參議 序 於周詩、泮宮顯於魯頌。 稽之舊 亦 ·建,爲日久矣。 專擅 高 宗 典,欲置學官於郡國,使進修之業,有所津寄。卿儒宗元老,朝望舊德,宜與中、祕二 以聞。」允表曰:「臣聞經綸大業,必以敎養爲先;咸秩九疇,亦由文德成務。故辟雍光 朝命,謀危社稷。 文明太后誅之,引允禁中,參決大政。 又詔允曰:「自頃以來,庠 重允,常不名之,恒呼爲「令公」。「令公」之號,播於四遠矣。高宗崩,顯祖居諒闇, 道肆陵遲,學業遂廢,子衿之歎,復見于今。 朕旣篡統大業,八表晏寧, 自永嘉以來,舊章殄滅。 鄉閭蕪沒雅頌之聲,京邑杜絕釋奠之禮。

列

傳

貴學以篤其道。 伏思明詔,玄同古義。 宜如聖旨,崇建學校以厲風俗。 使先王之道,光演 敎。 搢紳黎獻,莫不幸甚。 臣承旨敕,並集二省,披覽史籍,備究典紀,靡不敦儒以勸其業,

於明時,郁郁之音,流聞於四海。請制大郡立博士二人、助教四人、學生一百人,次郡立博

士二人、助教二人、學生八十人,中郡立博士一人、助教二人、學生六十人,下郡立博士一

人、助教一人、學生四十人。 其博士取博關經典、世履忠清、堪爲人師者,年限四十以上。

助教亦與博士同,年限三十以上。若道業夙成,才任教授,不拘年齒。 學生取郡中淸望,人

行修謹,堪循名敎者,先盡高門,次及中第。」顯祖從之。 後允以老疾,頻上表乞骸骨、詔不許。於是乃著告老詩。 郡國立學,自此始 又以昔歲同徵,零落將盡,感 也。

逝懷人,作微士頌,蓋止於應命者,其有命而不至,則闕焉。羣賢之行,舉其梗槪矣。今著

之於左

中書侍郎、固安伯范陽盧玄子眞

郡功曹史博陵崔綽茂祖

河內太守、下樂侯廣寧燕崇玄略

上黨 太守、高邑侯廣寧常陟公山

征 南 大將 軍從事 中郎勃海 高 毗子 翼

征 南 大將軍從事 中郎勃海李欽道賜至

河 西 太守、饒陽子博陵許堪 祖 根

中 書 郎、新豐侯京兆杜銓士衡

征 西 大將軍從事 中郎京兆韋閬友規

京 兆 太守趙郡李詵令孫

中書郎 太常博士 二、鉅 鹿公趙 郡李靈虎符

中、卽

丘子

趙

那李遐

仲

煕

營州 刺 史、建安公太原張偉 仲業

輔 或 大將軍從事中郎范陽 祖 邁

征 東 大 將軍從事 中郎 范陽祖 侃 士倫

東郡 太守、蒲 縣子 中 Щ 劉 策

濮 陽 太守、真定子 常 Щ 許 琛

列 傳 第 Ξ + 六 高 允

行

司

隸

校

尉

中

都

侯

西

洄

宋宣

道茂

中書郎燕郡劉遐彥鑒

中書郎、武恒子河間邢穎宗敬「型

太平太守、平原子雁門李熙士元<br/>公

秘書監、梁郡公廣平游雅伯度

廷尉正、安平子博陵崔建興祖

廣平太守、列人侯西河宋悟

州主簿長樂潘天符

郡功曹長樂杜熙

征東大將軍從事中郎中山張綱

中書郎上谷張誕叔術

秘書郎雁門王道雅

衛大將軍從事中郎中山 秘書郎雁門閔弼

寄心之所,出入無解顏之地。顧省形骸,所以永歎而不已。夫頌者美盛德之形容,亦 於桑楡之末。其人不幸,復至殞歿。在朝者皆後進之士,居里者非疇昔之人,進涉無 往昔之忻,變爲悲戚。張仲業東臨營州,遲其還返,一敍于懷,齊衿于垂歿之年,寫情 美興焉。 以縻之。其就命三十五人,自餘依例州郡所遣者不可稱記。 儁造,酬諮政事。夢想賢哲,思遇其人,訪諸有司,以求名士。 咸稱范陽盧玄等四十二 不羇之寇,南摧江楚,西盪涼域,殊方之外,慕義而至。於是偃兵息甲,修立文學,登延 可以長言寄意。不爲文二十年矣,然事切於心,豈可默乎。遂爲之頌,詞曰: 人,皆冠冕之胄,著問州邦,有羽儀之用。親發明詔,以徵玄等。乃曠官以待之,懸爵 一時,始於此矣。日月推移,吉凶代謝,同徵之人,凋殲殆盡。 此載籍之所記,由來之常義。魏自神廳已後,宇內平定,誅赫連積世之僭,掃窮髮 夫百王之御士也,莫不資伏羣才,以隆治道。 昔與之俱蒙斯舉,或從容廊廟,或游集私門,上談公務,下盡忻娛,以爲千載 故周文以多士克寧,漢武以得賢爲 爾乃髦士盈朝,而濟濟之 在者數子,然復分張。

漸化。 紫氣干霄,羣雄亂夏,王龔徂征,戎車屢駕。掃盪遊氛,克剪妖霸,四海從風,八垠 政教無外,旣寧且一,偃武櫜兵,唯文是恤。帝乃旁求,搜賢舉逸,巖隱投竿,異

列傳

人並出

亹亹盧生,量遠思純,鑽道據德,遊藝依仁。 旌弓旣招,釋褐投巾,攝齊升堂,嘉謀

日 中。 自東徂南,躍馬馳輪,僭馮影附,日劉以和親。

茂祖榮單,夙離不造,克己勉躬,聿隆家道。敦心六經,遊思文藻,終辭寵命,以之

自保。

燕、常篤信,百行靡遺,位不苟進,任理栖遲。 居沖守約,好讓善推,思賢樂古,如

渴 如飢。

子翼致遠,道賜悟深,相期以義,相和若琴。 並參幕府,俱發德音,優遊卒歲,聊以

寄心。

祖根運會,克光厥猷,仰緣朝恩,俯因德友。 功雖後建,祿實先受,班同舊臣,位並

士衡 孤立,內省靡疾,言不崇華,交不遺舊。 以產則貧,論道則富,所謂伊人,實邦

卓矣友規,禀茲淑亮,存彼大方,擯此細讓。 神與理冥,形隨流浪,雖屈王侯,莫廢

其 行。

而 起。 趙 )實名區,世多奇士,山岳所鍾,挺生三字。 詵 尹 、西都、靈惟作傳,垂訓皇宮,載理雲霧。 矯矯清風,抑抑容止,初九而潛,望雲 熈雖中天,迹階郎署,餘塵可挹,終

亦顯著。

仲業淵長,雅性清到,憲章古式,綢繆典誥。 時值險難,常一 一其操。 納衆以仁, 訓

下以孝,化被龍川,民歸其敎。

邁則英賢,侃亦稱選,聞達邦家,名行素顯。 志在兼濟,豈伊獨善,繩匠弗顧,功不

獲展。

|劉 許履忠,竭力致躬,出能騁說,入獻其功。輶軒一舉,撓瀌下崇,名彰魏世,享業

亦隆。

道茂夙成,弱冠播名,與朋以信,行物以誠。 怡怡昆弟,穆穆家庭,發響九皐,翰飛

紫冥。頻在省闥,亦司于京,刑以之中,政以之平。

猗 敷彥鑒,思參文雅,率性任真,器成非假。 靡矜于高,莫耻于下,乃謝朱門,歸迹

林野。

宗 敬 延譽,號爲四儁,華藻雲飛,金聲夙振。 中遇沈痾,賦詩以訊,忠顯于辭,理出

于韻。

一〇八四

高 滄 朗 達,默識淵通,領新悟異,發自心胸。 質侔和壁,文炳雕龍,燿麥天邑,衣錦

舊邦。

士元先覺,介焉不惑,振袂來庭,始賓王國。 蹈方履正,好是繩墨,淑人君子,其儀

不忒。

孔 稱游夏,漢美淵雲,越哉伯度,出類踰羣。 司言祕閣,作牧河汾,移風易俗,理亂

解紛。融彼滯義,渙此潛文,儒道以析,九流以分。

崔、宋二賢,誕性英偉,擢穎閭閻,聞名象魏。 謇謇儀形、邈邈風氣、達而不矜、素

而能賁。

潘符摽尚,杜熙好和,清不潔流,渾不同波。 絕希龍津,止分常科,幽而逾顯,損而

逾多。

張 綱 柔謙,叔術正直,道雅洽聞,弼爲兼識。 拔萃衡門,俱漸鴻翼,發憤忘餐,豈要

斗食。率禮從仁,罔愆于式,失不繫心,得不形色。

郎苗 始舉,用均已試,智足周身,言足爲治。性協於時,情敏於事,與今而同,與古

曷異。

物 以利移,人以酒昏,侯生潔己,唯義是敦。 日縱醇醪,逾敬逾溫,其在私室,如涉

公門。

季才之性,柔而執競,屆彼南秦, 申威致命。 誘之以權,矯之以正,帝道用光,邊土

納慶。

千 載。 羣 ·賢遭世,顯名有代,志竭其忠,才盡其概。 君臣 相 遇, 理 實難偕, 昔因 「朝命, 舉之克諧。[10] 體襲朱裳,腰紐雙佩,榮曜當時,風高 披衿散想,解帶舒懷,此忻如

昨,存亡奄 乖。 靜言思之,中心 九摧,揮毫頌德,淮爾增哀。

北伐 誠, 觀,垂 馬裹 襲凶 狐 禮 合,萬邦以協,義著春秋, 奔,假 化 神 一大捷 軌,背忠食言,招亡聚盜, 糧,星馳電發,撲討虔劉,肆陳斧鉞。 丕 皇興中,韶允兼太常,至兗州祭孔 一此仁旨,封尸 獻 一融,王猷允塞,靜亂以威,穆民以則。 其福 息窮墅,爪 而 還,至武川鎭,上北伐頌,其詞 遐邇 野 斯 牙旣摧,腹 懷, 獲, 功銘玉牒、載興頌聲、播之來葉。」顯祖覽而 惠加 無思 心亦阻。 不 生 醜類實繁。 服。 死。 生死 古稱善兵, 子廟,謂允曰:「此簡德而行,勿有辭也。」後允從顯祖 周之忠厚,存及行葦,翼翼聖 斧鉞暫陳,馘翦 蒙惠, 敢率犬羊,圖縱猖蹶, 曰:「皇矣上天,降鑒惟德,眷命有魏 北虜舊隸,禀政在蕃,往 歷時 人欣覆育, 始捷, 厥旅,積骸 今也 理 貫 乃詔 用 幽 師, 冥, 善之。 因時□ 明 塡谷,流 訓 有有 辰不 澤 師, 漸 兼 ],逃命北 ·及浹。 血 殊 斯 興戈北伐。 域。 美。 成 ,照臨萬 浦。 轅。 六軍 澤 物 被 元兇 歸 國。 其 京 躍 世

將 勤 是 于 泣 顯 傳 軍 屬 日 祖 述 位 叉 於 臣 顯 時 軍 高 不 祖 與 國 祖 敢 時 校 書 多 有 書 賜 檄 不 帛 郎 豫 多允 千 劉 以勞 ,以高 模 匹, 文 有 神 以 也。 所緝 祖沖幼,欲立京兆王子推,集諸大臣以次召問。 聽 標 忠亮。 綴,大較續 願 末 陛 年乃薦高 下上思宗廟託付 叉遷 崔浩故 中書監, 閭 以自代。 事,準春秋 加 之重 散 以定 騎常侍。 ],追念周公抱成王之事。] 議之勳, 進爵咸陽公, 之體,而 雖久典史事,然而 時 有 刊 允 正 進跪 自 上前 顯 高 加 不 宗 能 祖 鎭 消涕 迄 東 專 於

十 公 加 內 矣 廟 常 廢 尋 勸 景 毁 授 民學業 不立 追 使持節 思 允, 功 、散騎常侍、征 風 日 帥 化 一。一部公 郡 . 頗行。 中 故 之德, 老 然儒 一,爲 西 允 者 將 闕 立 優 軍、 而 遊 洞 不 懷州 不不 於 禮 野王之南 以斷 爲 刺 善者 史。 决 爲 允秋 樹 何望 事 碑 o 月巡境,問民疾苦。 紀 後 一乃表 德焉 IE 光 聞 中 修葺 , 中 之。 散 大夫 允 至 於 邵 時 中 縣, 書 年 含人 將 見邵 九

敕 州 郡 太 和 發 遣 一年,又 至 都 以 老 拜鎭 乞還 軍 鄉 大 里, 將 軍 十 餘章 領 中 ·, 上 書 監 卒 亦 聽許 固 辭 逐 不 許。 以 疾告 叉扶 歸 引 o 就內, 其年 ·, 詔 改定皇誥 以 安車 徴允,

酒訓日

將 歿之年, 臣 被 敕 勗 論 臣於已墜之地。 集 往 世 酒 之敗德, 奉命驚惶,喜懼 以爲 **酒**訓 臣 兼 甚, 以 朽 邁, 不知何 人 倫 事 所 棄,而 可以上答。 殊恩 過隆 伏惟 錄 陛下 臣 以 於

列 第 三十 六 髙 允

叡哲之姿,撫臨萬國,太皇太后以聖德之廣,濟育羣生。 踴躍,謹竭其所見,作酒訓一篇。但臣愚短,加以荒廢,辭義鄙拙,不足觀採。 憂勤,虛求不已,思監往事,以爲警戒。此之至誠,悟通百靈,而況於百官士民。 普天之下,罔不稱賴。 伏願聖 然日昃 不勝

慈,體臣悾悾之情,恕臣狂瞽之意。其詞曰:

也。 亡;公旦陳誥,周德以之昌。子反昏酣而致斃,穆生不飮而身光。或長世而爲戒,或百 失道,流浪漂津。不師不遵,反將何因。詩不言乎,「如切如瑳,如琢如磨」,朋友之義 損 損 時軌物,垂之於世。歷觀往代成敗之效,吉凶由人,不在數也。 哀矜而貸之。此實先王納規之意。往者有晉,士多失度,肆散誕以爲不羇,縱長酣以 於令也,聰達之士荒於聽也,柔順之倫興於諍也,久而不悛,致於病也。豈止於病,乃 代而流芳。酒之爲狀,變惑情性,雖曰哲人,孰能自競。在官者殆於政也,爲下者慢 行,不及於亂。故能禮章而敬不虧,事畢而儀不忒。非由斯致,是失其道。 (者夭年亂志,夭亂之損,不亦夥乎。無以酒荒而陷其身,無以酒狂而喪其倫。 《其命。諺亦有云:其益如毫,其損如刀。言所益者止於一味之益,不亦寡乎。言所 作官以箴之,申謨以禁之,君臣之道也。其言也善,則三覆而佩之;言之不善,則 自古聖王,其爲饗也,玄酒在堂而醑酒在下,所以崇本重原,降於滋味。 商辛耽酒, 殷道以之 將何以範 雖汎爵族 迷邦

爲妄也。

爲高 譬,以 達, 則 天之明,豈其然乎? 調 酒之頌,二二 以相 且子思有云,夫子之飲,不能一升。 : 眩曜。 稱堯舜有千鍾百觚之飲,著非法之言,引大聖爲 以此推之,千鍾百觚

節 德之隆, 誨 揚 下 ·逮,罔 名。 酒以爲度,順德以爲經。 今大魏 蹈閱會之前軌,遺仁風於後生。 有不遵,普天率土,靡不蒙賴。 應圖, 而 不倦,憂勤備於皇情,誥訓行於無外。 重明御世,化之所暨,無思不服,仁風敦洽於四海。 悟昏飲之美疾,審敬愼之彌榮。 仰以答所授,俯以保其成。 在朝之士,有志之人,宜克己從善,履正存貞。 故能道協兩儀, 遵孝道以致養,顯父母而 可不勉歟! 功同 太皇太后以至 覆載。 可不勉 仁恩

高祖悅之,常置左右。

歟

其志 顯官,而允子弟皆無官爵。 尋 職,披考史書。 詔 朝 詔 晡 允 特賜允蜀牛一 給膳、 乘車 入殿,朝賀不拜。 朔望 叉詔 致牛酒,衣服綿絹,每月送給。 日一允年涉 頭,四望蜀 其廉退若此。 車 危境,而 明年,詔允議定律令。 乘,素, 家 遷尙書、散騎常侍,時延入,備几杖,問以政治。十 几杖 貧 養 薄。 各 一,蜀刀一口。叉 允皆分之親故。 可 令樂部絲竹十人,五 雖年漸期頤,而志識無損,猶心存舊 賜 是時貴 珍味,每 臣之門,皆羅列 日 春 秋常致之。 娛

年,加光祿大夫、金章紫綬。朝之大議,皆咨訪焉。

之命 以 獄 也,常歎曰 訟留滯,始 魏 初 法 嚴, 令中 「皐陶 朝士多 書 以 見杖 至德也 經 義 罰。 斷 其後英蓼先亡, 允歷 諸 疑 事 事 Ŧi. 允據 帝 ,出入三省,五十餘年, 律評刑, 劉項之際,英布黥 三十餘載, 而 內外稱平。 王。 初 無譴咎。 經世 雖久,猶 允以 初,眞 獄 者 有 君 中 刑 兒

之餘釁。

況

凡

人能.

無咎乎

ું?

存納。 高 不感其仁厚。 設齋講, 事三年,未嘗見其忿色。 中黃門蘇興壽扶持允, 是,允被召在 至,率皆飢寒。 祖 、文明太后遺醫藥護治,存問相 其年 初,允每 雖處<sup>'</sup> 好生 应 月, 貴重,志 謂 方山作頭,志氣 一惡殺。 收其才能, 表奏申 徙 有事 人曰:「吾在中書時有陰德, 人之中,多尤姻媾,皆徒步 同貧 西郊,詔 性 曾雪 又簡至, 不妄交遊。 素。 恂恂善誘,誨人 中遇犬驚倒, 猶 以御馬車迎允就郊所板殿觀矚。 性好音樂,每至伶 不 用。 多損, 望。 時議者皆以新附 談說 不倦。 司駕將處 扶者大懼。 濟救民命。 造門。 舊事 顯祖 晝夜 人弦歌鼓舞,常擊節 ,了無 平青齊,徙其族望於代。 重 允散 手常執書,吟詠尋覽。 坐, 允慰勉之,不令聞徹。 致異, 所遺。 若陽報不差, 財竭產, 允啓 允謂 十一年 馬忽驚奔,車覆, 陳無恙,乞発其罪。 以相 取材任能, ·稱善。 正 吾壽應享百年矣。」先 贍 月卒,年九十八。 賑 時 叉雅 篤親念故,虛 諸 無 慰 興壽稱共允接 宜 問 士 傷眉三處。 信佛道,時 抑 周 人 先是, 流移遠 屈。 至。 命 先 無 己

詩拾遺 忱襲。 相屬 酒米 李脩 卒旬 慮。 州 匹、穀千斛 刺 往 外 史, 至 如 允喜 微微 於 是數日,夜 脉 將軍 論維解,二三 鹽 視之,告以無恙。 以 有 形 醢 公公 周 不 於色, 百 喪用。 適 如 有餘品,皆盡時味,及牀帳 中 故, 卒,家人莫覺。 猶不寢臥,呼醫請藥, 語 議何鄭膏肓事 魏初 諡 人曰:「天恩以我篤老, 日 脩 以來,存亡蒙賚者莫及焉,朝庭榮之。 文, 入,密陳允榮衞有異,懼其 賜 命服 , 詔給 凡 百餘篇,別有集行 絹 襲。 出入行止,吟詠如常。 、衣服、茵被、几杖, 一千匹、布二千匹、綿 允所製詩賦 大有所賚, 不 於世 得以贍客矣。」 誄 人。 頌 0 羅列 、箴論 於是遣 允明算法 五百斤、錦 高祖 將葬,贈侍中、司 於庭。 表讚, 使備 、文明太后聞而 表謝 ,爲算術三卷。 左氏、公羊釋 王官往還, 五. 賜 御膳 而 十匹、雜 已, 珍羞, 空公、冀 不 遣 慰問 綵 有 自 他 醫 百

忱, 学 |士和 以父任除綏遠將軍、長樂太守。 爲政寬惠, 民庶安之。 後例降爵爲侯。

尋卒。

孫貴賓,襲。除州治中,卒官。

在 散輩 忱 弟懷 十八年不易官。 字士仁。 任城王雲郎 太和 中 ', 除 太尉 中令、大將軍 東陽王 諮 從 議 事 參 中 軍 郎, 而 卒。 授 中 散。 恬淡退靜, 不 竸 世利,

子綽,字僧裕。 少孤,恭敏自立。 身長八尺,腰帶十圍,沉雅有度量, 博涉經史。 太和

馬、冠軍,又隨懌遷太尉司馬。 郡 轉洛陽令。 十五年拜奉朝請、太尉法曹行參軍,尋兼尚書祠部郎。 年冬,暴疾卒,年四十八。四年九月,詔贈安東將軍、冀州刺史,諡 史。爲政淸平,抑强扶弱,百姓愛之,流民歸附者二千餘戶。 御史中尉元匡奏高聰及綽等朋附高肇, 常侍,持節,以白虎幡軍前招慰。 事。 詔假節,行涇州刺史。 綽爲政强直,不避豪貴,邑人憚之。 延昌初,遷尚書右丞,參議壬子曆。 其年秋, 綽信著州里,降者相尋。軍還,除汲郡太守,固辭不拜。 大乘賊起於冀州,都督元遙率衆討之,詔綽兼散騎 詔並原罪。 又詔參議律令。 俄行滎陽郡事, 以母憂去職。 遷後將軍 肅宗 日節 遷長兼國子博士,行 久之,除治書侍御史, 以本將軍 、幷州刺史。 初,司徒淸河王 出除豫州 正光三 懌 瀬川 刺

子炳,字仲彰。 太尉行參軍,稍遷征虜將軍、開府掾。

推應選。 國將軍、臨邑子,諡曰恭,賜命服衣冠。允爲之作誄 允弟推,字仲讓,小名檀越,早有名譽。太延中,以前後南使不稱, 詔兼散騎常侍使劉義隆,南人稱其才辯。 遇疾卒於建業。 朝廷悼惜之。 妙簡行人。 喪還,贈 游雅薦

栖泊京邑。 推弟燮,字季和,小字淳于,亦有文才。 常從容於家。 州辟主簿。 卒。 世祖每詔徵、辭疾不應。 恒譏笑沧屈折久宦,

輔

孫 市 賓 奉 ·朝請、 冀州京兆王愉城局參軍。 愉構逆,市賓逃歸京。 後除青州安南府司

馬。 永熙 中 冠軍 將軍 開 府從 事 中郎。

始神廳中,允與從叔濟、族兄毗及同郡 李金俱被徵。

濟,字叔民。 初補 中 書博士,又爲楚王 一傅。 眞 君 中, 假員外常侍, 賜爵浮陽子,使於劉

義隆。 世 祖 臨江,於行所除盱眙 太守,後超 **心授游** 擊將 軍 0 尋出除滄水太守。 卒,年六十七。

贈鎭遠將軍 冀州 刺 史,諡曰宣。

子矯,襲。 卒,子師襲。

師,字孝則,有學識。 歷詹 事丞、太子舍人、 尚書主客郎。 轉通 直 一散騎侍郎、從事正

郎。 累遷光祿 小 卿,行涇 州 事。 卒,贈龍驤 將軍 河 州 刺 史。

子和仁,字德舒,襲。 釋褐 員 外散騎 侍 郎,領 殿 中 御 史。 少清簡, 有文才, 曾爲 五 言詩

白 贈 鹿 太尉 Щ 屬盧 未幾卒,時 仲宣, 仲宣甚歎重之。 人 悼 惜 之。 常有高尙之志。 後為 洛州 錄事 参軍 不赴, 服餌於

汲

和 弟德偉、武定末、東宮齋帥。

矯弟遵,自有傳。

毗,字子翼,鄉邑稱爲長者。官至從事中郎。

孫當,尚書郞。卒,贈樂陵太守,諡曰恭。

之。 闕, 每 微 復 模 爲僚友,並相愛好。 **猶**在 出 日 有注疏之用。 路經懸瓠,羇旅窮悴,時人莫識。 同 爲 如 初,允所引劉模者,長樂信都人也。 .郡,微報復之,由是爲新蔡太守。 在二郡積十年,寬猛 此者五六歲。允所成篇卷,著論上下,模預有功焉。 入史閣,接膝對筵,屬述時事。 陳留太守。 允領秘書、典著作、選爲校書郎。 時年七十餘矣,而飾老隱年, 至於訓導國胄,甄明風範,遠不及彪也。 允年已九十、三三目手稍衰,多遣模執筆而指授裁斷 模獨給所須,弔待以禮。 少時竊遊河表, 昧禁自效。 允修撰國記,與俱緝著。 遂至河南, 太和初,模遷中書博士,與李彪 相濟,頗有治稱。 遂家於南潁川, 出除潁州刺史。日四王肅之歸 肅深感其意。 尋復潛 常令模持管籥, 歸。 及肅臨豫州, 不復歸其舊 頗涉 正始元年, )經籍,

子懷 懷 恕弟懷遜,頗解醫術。 恕,聰率多□。 甚收潁川情和。 歷位給事中。 至襄威將軍、本州冠軍府功曹參軍。 卒於左軍將軍、鎭遠將軍。

鄉

終享百齡,有魏以來,斯人而已。 身濟物,卒悟明主,保己全身。 史臣曰:依仁遊藝,執義守哲,其司空高允乎。蹈危禍之機,抗雷電之氣,處死夷然,忘 自非體隣知命, 鑒照窮達, 亦何能以若此? 宜其光寵四世, 僧裕學治有聞,聿修之義也。

### 校勘記

冬十月日在尾箕 北史卷三一高允傳「日」下有「旦」字。 按下云「昏沒於申南」,則這裏當有

「旦」字。

李虛 有侍 卷 一一一刑罰志都不載李靈或李虚參加 .郞「李虛」其人,疑「虛」是「靈」之訛。 北史卷三一「虛」作「靈」。按卷四九李靈傳不載此事。 這次律令的修定。 但李靈這時是中書侍郎,同時未見 卷五二胡方回傳、卷五四游雅傳、

斗」。 若勤之則 「百里則田三萬七千頃」,又說「方百里損 七千頃正得二百二十二萬斛。 按漢書卷二四食貨志引李悝說「畝益三升」,臣瓚和 畝益三斗不 勤則畝損三斗 知作「斗」是,今據御覽改。 諸本及北史「斗」並作「升」, 益之率爲粟二百二十二萬斛」。 顏師 古都 說「升」當作「斗」。 御覽卷四五四二〇八七頁作 毎畝 損益共六斗、三萬 這 裏稱

낃 又俳優鄙藝 北史卷三一「藝」作「褻」。「藝」字當是形訛、但也可通、今不改。

- 五 征南大將軍從事中郎勃海李欽道賜 北史卷三一「欽」作「金」。按下文説允與 「同郡李金同被
- 徵」,卷七二李叔虎傳也説「從祖金,世祖神廳中與高允俱被徵」,疑作「金」是。
- <u></u>
  ✓ 中書郎中卽丘子趙郡李遐仲熙 是而『遐』非。」按「中書郎中」下「中」字當是衍文。 被徵,拜中書博士,轉侍郎, 封元氏子。 張森楷云:「李順傳卷三六有族 與此不同。以下文徵士頌稱『熙雖中夭』觀之,則『熙』 弟熙,字仲熙,神廳中,與高允同
- -『武恒子』,且地志亦無武恒縣,或『武垣』誤也。」 中書郎武恒子河間邢穎宗敬 張森楷北史校勘記云:「邢巒傳卷六五稱類假平城子使宋,不云封
- 太平太守平原子雁門李熙士元 雁門有原平縣,疑作「原平」是。 (北史卷三一「平原」作「原平」。 按當時封邑,往往取本郡地名,
- 八 九 馮弘,與下「劉以和親」句相對。「憑」字訛,今據北史改。 僭馮影附 本書卷四七、北史卷三○盧玄傳,又曾出使北燕馮弘,則魏書不載,只見北史玄傳。「僭馮」指 諸本「馮」作「憑」、北史卷三一作「馮」。按這幾句是說盧玄出使事。玄出使劉宋,見
- 舉之克諧 所見宋本同百衲本。這句上文云「君臣相遇,理實難偕」,接以「昔因朝命,舉之克諧」,「舉」即 指徵舉,不誤。今從百衲本。 諸本及北史「舉」作「與」,獨百衲本作「舉」。 按李慈銘云:「『與』,宋本作『舉』。」則李

列

- 調酒之頌 册府 卷五二三六三四七頁「調」作「諷」、「酒」下有「德」字。 疑是。
- 論雜 解 按「論雜解」不可解, 北史卷三一無「論」字,當連上文作「毛詩拾遺雜解」。 但也可能

「論」下脱「語」字。

- 允年已九十 『九』當爲『八』,或『已』是『近』之誤。」按傳稱允自中書監出任懷州刺史時,「年將九十」。 不及九十。「九」疑是「八」之訛 事在官中書監時,下文又説「如此者五六歲」。 張森楷云··「允以太和十一年卒,年九十八。此敍在太和前,則未及九十也。 若允出任懷州時「年將九十」,則遷中書監時,必 他典史 疑
- 出除潁州刺史 州的潁川後置,相對於同州的潁川,故也稱「南潁川」。 有潁州 蔡屬豫州卷一〇六中地形志中,王肅是豫州 積十年。」二郡卽指新蔡和潁川或南潁川,分明是官潁川或南潁川太守, 以 他當新蔡太守。 爲 當作「潁川太守」。 這裏汲本作「潁川」是,「刺史」也當作「太守」。 汲本「州」作「川」、北史卷三一「潁州刺史」作「南潁川太守」。 而且潁州 按下文説王肅「臨豫州, 於天平初置,武定七年改鄭州見地形志中,太和年間 刺 史,才和劉模相關,若模作潁州刺史,王肅 模猶在郡」、又説:「由是爲新蔡太守。 又當時同州也有潁川,是漢魏舊郡 不是刺史。 地屬司 李慈銘、張森楷都 州 又 又潁川 如 在二郡, 根 何 本没 能 新 豫 要

# 魏書卷四十九

## 列傳第三十七

### 李霊 崔鑒

散、內博士,賜虧高邑子。高宗踐受,除平南將軍、洛州刺史而卒,時年六十三。 書博士,轉侍郞。 贈散騎常侍、平東將軍、定州刺史,鉅鹿公,諡曰簡 平中原,聞勰已亡,哀惜之,贈宣威將軍 李 靈,字虎符,趙郡 從駕臨江,除淮陽太守。 人,高平公順從父兄也。 、蘭陵太守。 靈以學優溫謹,選授高宗 父勰,字小同,恬靜好學,有聲趙魏。 祖 徴 天下 經。 才儁, 後 加建威將軍、中 帝追悼之, 靈至,拜 太祖 中

駕李允等。 侯,假鉅鹿公。 子恢,襲子爵。 恢時年四 皇興元年,鎭軍大將軍、東平王道符謀反,殺恢及雍州刺史魚玄明 高宗以恢 十八。 顯祖愍之,追贈恢散騎常侍、鎭西將軍、定州刺史、 師傅之子,拜員外散騎常侍、安西將軍、長安鎭 (副將) 鉅鹿公, 雍州 進 爵 別

列傳第

 $\equiv$ 

+

七

李

靈

曰貞。

恢長子悅祖,襲爵高邑侯,例降爲伯。卒。

以二子自隨,次子戰死,瑾恐動人情,忍哀輟哭。 雍 瀛殷三州諸軍事、驃騎大將軍、司徒公、定州刺史。 司農卿,中正如故。 太中大夫、殷州大中正、累遷衞將軍、右光祿大夫、太尉諮議參軍。 害,詔瑾持節 長流參軍、太尉、清河王懌記室參軍。 子瑾,字伯瓊。 兼吏部郎中、東北道弔慰大使。 太和· **瑾淳謹好學,老而不倦。** 中,拜奉朝請,後襲爵。 後除中堅將軍、步兵校尉。 元象元年秋卒,年六十五。 至冀州,值葛榮圍逼,敕授瑾防城都督。 城陷沒賊,旣而走免。 轉司徒、廣陽王嘉集曹參軍,太尉、高陽王 天平初,除車騎將軍、大 葛榮反於河北,所 永安初,拜左將軍、 贈使持節、都督定 時瑾 在 殘

子景威,襲。武定末,西汝陰太守。齊受禪,爵例降。

悦祖弟顯甫,本州別駕,遷步兵校尉。 從駕南討,以功賜爵平棘子,行幷州事。 尋除河

北太守。卒、贈顯武將軍、安州刺史、諡曰威。

子元忠,武定中,驃騎大將軍、儀同三司、晉陽縣開國伯

子搔,武定末,河内太守。

顯甫次弟華,字寧夏。 初爲羽林中郎、武騎侍郎、步兵校尉,轉直閤將軍、武衞將軍。華

膂 力過 人,頗 有將略, 每從征伐, 頻著軍功。 賜爵欒城子 丁,定州 驃騎 長 史、 輔國 旧將軍 一、中山

太守。卒、贈前將軍、幽州刺史。有八子。

長子構,襲爵,至通直散騎常侍。卒,贈殷州刺史。

次敬義, 司徒長流參軍、兼光祿 少 卿 平 北將軍 、光祿大夫。 卒,贈本將軍、殷州刺史。

次叔向,爲徐州鎧曹參軍,帶郭浦戍 主。 値刺: 史元法僧叛,逼入蕭 衍

次幼緒,早亡。

次季脩,博陵、常山二郡太守。

次世幹,次稚 明,兄弟並不修名行,險暴無禮,爲時所賤。

**空長史、給事黃門侍郎** 華弟憑,字靑龍。 、武衞將軍、定州大中正。 秘書主文中散,累遷冀州征東長史、太子中舍 坐脩黨発官。 後除趙郡 人。 太守。 四 附 趙脩,超遷司 卒。

子道嘉,字同吉。 豫州外兵參軍、汝陽太守。

同吉弟文衡,開府行參軍。

恢弟綜,行河間郡,早卒。

綜子遵,[I]字良軌,有業尚。初 拜奉朝請、 尚書度支郎。遷洛,爲營構將。 高 祖 南伐,爲

行 臺郞。 車駕還,拜太子步兵校尉。 世宗初, 轉步兵校尉, 兼散騎侍郎副盧昶 東 北道使。

府以告之,遵不從,爲愉所害。 拜司空諮 加中壘將軍。 京兆王愉以征東將軍爲冀州刺史,遵爲愉府司馬。愉 時年四十四。 事平、詔賜帛二百匹、贈征虜將軍、幽州刺史、 反,召集州

諡曰簡,拜子渾給事中。

渾,字季初。武定末,大司農卿。

拜冠 將命 次,以 永樂薨,系送葬還都。 法 年四十六,時人傷惜之。 八人,頗爲稱職。 曹參軍,後除奉車都尉,加寧遠將軍。 ···, 時 軍將軍、中散大夫。齊獻武王從子永樂爲濟州刺史,聞而請與相見,待以賓交之禮。及 繪弟系, 三字乾經。 渾弟繪,字敬文。 卿 人稱之。 人才,故 有此舉耳。」尋加征虜將軍。武定五年,兼散騎常侍使蕭衍,與其二兄前後 太尉高岳出討,以系爲大都督司馬。 齊文 襄王攝選,以系爲司徒諮議參軍,因謂之曰「自郎署至此,所謂 蕭行遣使朝貢,侍中李神儁舉系爲尚書南主客郎。 齊王丞相府司馬。 齊初,贈平東將軍、北徐州刺史,諡曰文。 少聰惠,有才學,與舅子河間邢昕少相倫輩,晚不逮之。初爲征東 尋拜大司馬廣陵王錄事參軍。 師還,拜太子家令。 府解、還鄉里。 系前後接對凡十 七年八月卒,時 不

靈弟均,趙郡太守。

米船、大破之、斬首數千級。時大雪寒、冰軍凍死者萬計、於是遂定淮北。加璨寧朔將軍、與 參二府軍事。 張讜對爲兗州刺史,綏安初附。以參定徐州之功,賜爵始豐侯,加建武將軍。 等入城,收管籥。其夜,水攻南門不克,退還。時永輜重在武原,璨勸元乘永之失據,攻永 張永、沈攸之等率衆先屯下儘,元令璨與中書郎高閭入彭城說安都,安都卽與俱載赴軍。元 彭城降,詔鎮南大將軍、博陵公尉元,鎮東將軍、城陽公孔伯恭等率衆迎之。「三顯祖復以璨 別駕,轉趙郡、常山二郡太守。遷中書郎,雅爲高允所知。 均子璨,字世顯。 軍達九里山,安都率文武出迎,元不加禮接。 身長八尺五寸,衣貌魁偉。 受學於梁祚。 。天安初,劉彧徐州刺史薛安都 安都還城,使遂不至。時劉 興安中,爲秘書中散、本州 延興元年,年 或將

將軍、南征別將、彭城鎭副將、民吏安之。賞帛百匹、穀二百斛。太和二十年,年四十四, 子元茂,太和八年襲爵。加建武將軍。以寬雅著稱。闕又例降。 拜司徒司馬,尋除振威

四十,卒,諡曰懿。

卒,贈顯武將軍、徐州刺史,諡曰順。

秀之弟子雲,字鳳昇。 子秀之,字鳳起。初除京兆王參軍,轉員外散騎侍郎。 司空參軍、轉外兵參軍、本州治中。 襲舒,拜尙書都官郎。

子雲弟子羽,字鳳降。征南法曹參軍。

列傳第三十七 李靈

子 羽 弟子岳,字鳳時。 員外郎、大司馬祭酒。秀之等早孤,事母孝謹,兄弟並容貌魁偉,

風度審正,而皆早卒。

鳳昇子道宗,武定末,直閤將軍。

道宗弟道林、司徒中兵參軍。

試守正平郡,不拜。兼定州大中正。

元茂弟宣茂,太和初,拜中書博士。 稍遷司空諮議,轉司馬、監營構事。出除寧朔將軍,

坐受鄉人財貨,爲御史所劾,除名爲民。從駕征

新野,

又從討樊鄧。持節、兼散騎常侍、東南二道使。景明中,除平陽太守,以罪左遷步兵校尉。正

初,除太中大夫,遷光祿大夫。 宣茂議明堂之制,以五室爲長,與游肇往復,肇善之。遷平

始

東 將軍 子藉之,字脩遠。 幽 州 刺史。 延昌二年卒,年五十九。 性谨正,粗涉書史。 歷員外郎、給事中、司徒諮議參軍、前將軍、太中 遺言薄葬。 脂本將軍、<u>齊州</u>刺史,諡曰惠。

大 夫。 著忠誥一篇,文多不載。 永熙初卒,年五十四。 贈中軍將軍、定州刺史。

子徹,字伯倫。武定末,司空主簿。

子長瑜,郡功曹。

**藉之弟志,字敬遠,有氣尚。** 

州主簿。

敬遠弟幼遠,性粗暴,每為劫盜,刺史錄殺之。

宣茂弟叔胤,舉秀才,著作佐郎。 歷廣陵王諮議、南趙郡太守。 在位九載,有政績。

明三年卒,年三十六。諡曰惠。

子弼,字延軌。位至相州錄事參軍。

弼弟翼,字景業。 初爲盪寇將軍、齋帥。 又除員外郎, 遷尙書郎, 仍齋帥。

害河陰。贈平北將軍、定州刺史。

匹、布五十匹、綿五十斤、贈鎭遠將軍、光州刺史、諡曰恭。 叔胤弟仲胤,自中書學生,歷公府主簿、從事中郎、諫議大夫、尚書左丞。 卒,賜帛一百

少子子仁,尚書主客郎。

卒,贈冠軍將軍、靑州刺史、安平侯,諡曰康。 欲安悅新附,民有年老者,表求假以守、令,詔從之。又於州內冶銅以爲農具,兵民獲利。 中受詔使齊州、觀省風俗、行兗州事。以功賜爵桐廬縣子。 被徵,語在允傳。尋以母老固辭,後爲郡功曹而卒。鑒頗有文學,自中書博士轉侍郎。延興 崔鑒,字神具,博陵安平人。父綽,少孤,學行修明,有名於世。與盧玄、高允、李靈等俱 出爲奮威將軍、東徐州刺史。鑒

列

傳第三

十七七

崔鑒

一一〇四

子合 字貴和,少有時譽。 襲爵桐廬子,爲中書學生、主文中散、太尉諮議參軍、本州大

中正。出爲常山太守,卒於郡,時年二十七。

長 子 脩義,有風望,襲爵。 自司徒默曹參軍再遷寧遠將軍、新野太守。 還,除太尉掾,

出爲冀州征東府長史。卒,年四十五。

長子放寬、襲爵。齊受禪,例降。

頤之爲 合弟秉,少有志氣。太和中,爲中書學生,拜奉朝請,轉徐州安東府錄事參軍。 定州,四東復爲衞軍府錄事參軍,帶毋極令。 時甄琛為長史,因公事言競之間,秉 陽平王

以拳擊琛,墜於牀下。 踩以本縣長,笑而 不論。 其豪率若此。

西將 平內史,大納財貨,爲清 秉第二子仲哲 軍 後爲司空主簿,轉掾、城門校尉、長兼司空司馬。遷長史,加輔 彭 ,出除燕州 城 王勰征壽春,秉從行,招致壯俠,以爲部卒。 1赴救。 刺史。 譚 敗,仲哲 論 時天下 所鄙。 -多事, 死之。 入爲司徒左長史。 遂爲 秉遂率城民奔定州, 杜洛周攻圍。 未幾,除平東將軍、光祿大夫。 勰目之,謂左右曰:「吾當寄膽氣於此 秉堅守歷年,朝庭遣都督元譚 坐発官。 國將軍。 尋除撫軍將軍 出除左將軍、廣 一,行相 尋加安 與

州事

,轉征東將軍、金紫光祿大夫**。** 

年, 遷衞將軍 孝昌末,冀州流民聚於河外,因立東冀州,除秉爲刺史,加征東將軍。 ·、右光祿 大夫。 秉年老被疾, 上表辭事, 詔不許。 元顏入洛,秉避居陽武。 不之任。 永安二

年,除散 祿 如 故。 |騎常侍、車騎將軍、左光祿大夫。 頻以老病乞解。 永熙三年去職。 太昌中,除驃騎大將軍、至議同三司,常侍、左光 天平四年薨,年七十八。 贈使持節、侍中、 都督

定 嬴 滄 三州諸軍事、本將軍、尚書令、司徒公、定州刺史、諡 日靖穆。

除員 陰,年四十二。 外郎,復爲 長 子 忻,字伯悅, 安遠將軍、尚書左中兵郎 贈鎭軍將軍、殿中尚書、冀州刺 有世幹。 爲荆 州 平南府外兵參軍。 中。 以 史。 鄭儼之甥,兼尚書左丞。 北道行臺常景引為行臺郎, 莊帝初,遇害於河 叉啓

歿,時年三十五 以 平縣男。 將 略 忻弟仲哲。 自 許。 及父秉於 辟 司 生爲 燕州被圍 徒行參軍 祖 母宋氏所養,早有知識,六歲宋亡,啼慕不止,見者悲之。性恢達,常 。假寧朔 , 泣訴朝庭, 遂除別將, 與都督 元譚赴援。 到下口 將軍、統軍,從廣陽王淵北討,擊柔玄賊,破之,賜爵安 ,遇賊,仲哲戰

長子長瑜,武定中,儀同開府中兵參軍。

長瑜弟叔瓚,司徒田曹參軍。

仲哲弟叔彦,撫軍將軍。

列

傳

第

 $\equiv$ 

十

七

崔

鑒

叔彦弟季通、武定中、兼司農少卿。

歸養。 著作佐郎、通直散騎侍郎,轉征虜將軍、員外散騎常侍、太尉長史。及秉還鄉,季良亦去職 季通小弟季良,風望閑雅。 後除中軍將軍、光祿大夫。 自太學博士從都督李神軌征討有功,賜爵蒲陰縣男。 先康卒於家,時年三十六。贈車騎將軍、尚書右僕射、定 尋除

軍、幷州刺史。 民愛敬之。在郡九年、轉河康太守、卒於郡、年五十一。 康弟習,字<u>貴</u>禮,有世譽。 歷司徒主簿、彭城王勰開府屬。 贈中山太守。孝昌三年,重贈後將 遷幽州長史、博陵太守,吏

州刺史、諡曰簡。

長子世儒,字希業。卒於大司馬從事中郎。

世儒第三弟叔業,武定中,南兗州別駕。

步 兵校尉。 景明末,卒於家。贈安遠將軍、光州刺史。 康從父弟廣,字仲慶,有議幹。 韶守尚書左丞,父憂去職。後任城王澄爲揚州,引廣爲鎭南府長史,以母老 初爲中書學生。高祖時、殿中郎中、歷通直散騎侍郎、太

子元獻,字世儁,頗有學識。舉秀才,不行。 後卒於鄉里。

廣弟文業,爲中書博士,轉司徒主簿。 城陽王鸞爲定州刺史,引爲治中。 年四十九卒。

子伯謙,武定末,司空諮議參軍。

史臣曰:李以儒俊之風,當旌帛之舉,崔以文雅之烈,應利用之科。 世家有業, 餘慶不

已,人位繼軌,亦爲盛哉。

#### 校勘記

綜子遵 諸本「遵」作「道」。北史卷三三李靈附李渾傳作「遵」。張森楷云:「京兆王愉傳卷三二

東祖房下也作「遵」。張說是,今據北史改。 道』作『遵』,北齊書卷二九李渾傳同。疑此『道』字誤。」按唐書卷七二上宰相世系表趙郡李氏

李渾傳作「偉」,是「緯」的形訛 繪弟系 北史卷三三「系」作「緯」。 按本名「緯」,魏收避北齊後主諱改作「系」。 北齊書卷二九

孔伯 鎮東將軍城陽公孔伯恭等率衆迎之 恭傳 、卷六顯祖紀天安元年九月、卷五〇尉元傳並作「城陽」,這裏「陽城」乃誤倒,今據乙。 諸本「城陽」作「陽城」,北史卷三三作「城陽」。按卷五一

二 0人

四里 祖他已改封淮南王、墓誌集釋圖版六七有元顯墓誌、父、祖都稱淮南王、顯所襲自然也是淮南王。 陽平王頤之爲定州 諸本「頤」作「顯」、北史卷三二崔鑒傳作「順」。 按元顯是陽平王熙孫,但其

元順 有三:一見卷一五昭成子孫傳,封毗陵王,一見卷一九中任城王雲傳,封東阿公,又一見北

史卷一五宗室傳,封濮陽王。別無陽平王順其人。 據卷六八甄琛傳稱琛「後爲本州陽平王順衛

軍府長史」。琛爲定州毋極人,本州卽指定州,與此傳下文崔秉拳擊甄琛陰牀事 相合。 知一顯」

「順」都是「頤」的形訛,今改正。

五 「大」之例。卷一一出帝紀太昌元年九月記「以車騎將軍左光祿大夫崔秉爲驃騎大將軍」。「驍」 太昌中除驃騎大將軍 諸本「驃」作「驍」,北史卷三二崔鑒附崔秉傳作「驃」。按「驍騎」罕見加

字訛,今據改。

## 魏書卷五十

### 列傳第三十八

# 尉元 慕容白曜

虎牢,頗有軍功,拜中山太守。 加寧遠將軍。 小心恭肅,以匪懈見知。世祖嘉其寬雅有風貌,稍遷駕部給事中。 尉元,字尚仁,代人也。 和平中,遷北部尚書,加散騎常侍,進爵太昌侯,拜冠軍將軍。 世爲豪宗。 元年十九,以善射稱。 父目斤,勇略聞於當時。 神縣中,爲虎賁中郎將,轉羽林中郎, 泰常中,為前將軍,從平 從幸海隅,賜爵富城男,

驅而進,賊將周凱望聲遁走。 外示容納,而密備焉。 大將軍、博陵公、與城陽公孔伯恭赴之。劉彧東平太守、無鹽戍主申纂詐降。元知非誠款, 天安元年,薛安都以徐州內附,請師救援。 劉彧兗州刺史畢衆敬遣東平太守章仇掛詣軍歸款,元並納之。遂長 彧遣將張永、沈攸之等率衆討安都,屯于下磕。 顯祖以元爲使持節、都督東道諸軍事、鎭南 泳乃分遣羽

列傳

郎高閭 林監 卒二千守茱萸, 王穆之領卒五 、李璨等與安都俱還入城,別令孔伯恭精甲二千,撫安內外,然後元 督上租 千,守輜 糧, 重於武 供其 、軍實。 原, 龍驤將軍謝善居領卒二千據呂梁, 安都 出城見元,元依朝旨,授其徐州 散騎侍郎 入彭 刺 史。遣· 城 張引 中 ·書侍 領

萬級 棄船 外, 自 永、攸之輕騎走免。 州諸軍事 武 屈,元乘勝 五百餘乘,以給彭城諸軍。 王玄載守下邳, 原窮寇八千餘人,拒戰不下。 分擊呂梁, 而走。 元 追北六十餘里,死者相枕,手足凍斷者十八九。 以張永 元遣 ,梁、秦二州刺史, 元豫測永必將奔亡,身率 圍之,攻其南門,永遂捐城夜遁。 慰喩 仍據險 絕其 輔 張讜及青州 國 、糧運。 收其船 |將軍 要, 一、兗州 攻守勢倍, 善居遁奔茱萸, 車軍 寧朔 然後收 刺史沈文秀等皆遣 刺史樊昌侯王整, 將軍 資器械不 元親擐甲 師緩戰, 懼傷 ,益陽縣開 衆軍、邀其走路、南北 士卒。 可 胄,四面攻之,破穆之外營, 仍與張引 伯恭、安都乘勢追擊,時大雨 勝 開其走路。 數。 國侯垣 使通 乃命安都 龍驤 劉 東走武 誠 生擒劉 彧 將 恭 東 王 王 穆之率餘燼 祖, 軍 徐 奮擊,大破於呂梁之東。 與璨等固守, 原。 藤陵 整、桓忻 州刺 彧使持節,都督梁、南、北秦 龍 驤 馳騎 太守 史張 將軍 **妈追擊**, 相 奔于 殺傷 桓忻 與 讜 、羽林監 身率精銳, 歸 據 雪, 永軍 太半, 斬首 命 驅掠近民,保險 團城 泗水 沈 徐州 永勢挫 獲其輜 冰合、 承伯等 百餘級。 斬首 揚兵於 刺史 永 數 力 重

元表曰:「彭城倉廪虚罄,人有飢色,

求運冀、相、濟、克四州栗、取張永所棄船九百艘,

<u>-</u>

變。 未可 拔。 若天 雨 臣 旣降,或因水通,運糧益衆,規爲進取。 輒 與僚佐共議,咸謂 可 然。 若隱 而不陳,懼 恐近淮民庶, 有損敗之責,陳 翻然改圖, 而 無驗,恐成 青冀二州 誣罔之 卒

罪。惟天鑒懸量,照臣愚款。」

自淮 對爲 不行 玄載 拒之。 北兗州諸 詔遣 分兵置戍,以帖民情。 「賊將沈攸之、吳憘公等驅率蟻衆,進寇下邳,卿戎昭果毅,智勇奮發,水陸邀絕,應時摧殄, 東徐 征 以 狼 彧 北 伯恭 南 幷 復 狽 州 夜走,宿豫、淮陽皆棄城 빓 遣沈攸之、吳憘公領卒數萬,從沂淸而進,欲援下邳。 軍事,鎮東大將軍,開府,徐州刺史,淮陽 大將軍慕容白曜赴之。 ,蕩然淸定。 攸之前 大破 刺 史; 賊軍, 攸之、 僖公等輕騎遁走。 中書侍郎李璨與畢衆敬對爲東兗州刺史。 敗軍人傷殘手足、嫁瓦膝行者,自盡送令還,以沮 皆是元 今方欲淸蕩吳會,懸旌|秣陵,至於用兵所宜,形勢進止,善加 帥經略,將士效 不通。 白曜到瑕丘,遇患。 於是遣南中郎 力之所致也,朕用嘉焉。 元書與劉彧徐州 公,持節、散騎常侍、尚書如 會泗水暴竭, 將、中書侍郎高閭 以安初附。 元遣孔伯恭率步騎 刺 賊軍不得前 史王玄載, 所獲諸 其衆。 領騎一 拜元 城 故。 叉表 都督徐、 進, 千,與 示 要 求 量度,動 害之處, 詔元 其 白曜遂 濟師 禍 萬以 、張讜 南 福

是時徐州妖人假姓司馬,字休符,自稱晉王,扇惑百姓。 元遣將追斬之。 四年,韶徵元

靜

以聞。」

類 陰郡睢陵縣人趙憐等辭稱念祖善於綏撫,清身潔己,請乞念祖爲睢陵令。若得其人,必能 招集離 南叛,全無一人。令撫綏招集,愛民如子,南來民費係先等前後歸附,戶至二百有餘。 還京赴西郊,尋還所鎭。 也。 ,入寇淮北諸城,元分遣諸將,逆擊走之。 太和初,徵爲內都大官。旣而出爲使持節、鎭西大將軍、開府、統萬鎭都將,甚得夷民 叛,成立一縣。」顯祖詔曰:「樹君爲民,民情如此,可聽如請。」元好申下人之善,皆此 延興元年五月,假元淮陽王。三年,劉昱將蕭順之、王勑懃等領衆 。元表:「淮陽郡上黨令韓念祖始臨之初 南

三年,進爵淮陽王,以舊老見禮,聽乘步挽,杖於朝。

徒。 取 **青齊未定,從河以南,猶懷彼此。** 彭城水陸之要,江南用兵,莫不因之威陵諸夏。夫國之大計,豫備爲先。 總戎,廓寧淮右,海內旣平,仍忝除岳。同素餐尸祿,積有年歲,彼土安危,竊所具悉。每惟 節、侍中、都督南征諸軍事、征西大將軍、大都將,餘官如故,總率諸軍以討之。元討五固賊 桓和等,皆平之。東南淸晏,遠近帖然。入爲侍中、都曹尚書,遷尚書令。十三年,進位司 彭城,勢連靑兗。 十六年,例降庶姓王爵,封山陽郡開國公,食邑六百戶。 元表曰:「臣以天安之初,奉律 蕭 道成旣自立,多遣間諜,扇動新民,不逞之徒,所在蜂起。 唯以彭城旣固,而永等摧屈。今計彼戍兵,多是胡人,臣前鎭徐州之 時劉彧遣張永、沈攸之、陳顯達、蕭順之等前後數度,規 以元威名夙振,徵爲使持 且臣初克徐方,

列

陳,甚 戮。 軍 日 · 換 胡 叉 取 人子 合事 團 南豫州徙民之兵,轉戍彭城, 城 都 子 將 都將胡 呼延籠達因於負罪,便爾叛亂,鳩引胡類,一 人王敕懃負釁南叛,每懼姦圖,狡誘同黨。 又以中州鮮卑增實兵數。 時扇動。 於事爲宜。」詔曰:「公之所 愚誠所見, 賴威 靈遐被, 回宜以彭城胡 罪人斯

請彌 之古哲 國 隱 庶老於階下。 以 利貞,明 哲 王 法 闕 八 ,更、老之選,差可 仁雅 垂 十之年,宜 切 玄 謝 其 敎 猷 若 老, 年,頻表 允誠 淵 本于 叔 以 世 廣 不屈從高謨,復何以成其美德也。 引 御 天下。 ,謀猷是仗,方委之民政,用康億兆,故頻文累札,仍違沖志。 而謙 之老,孰能 素,少著英風,老敷 見於庭, 世, 高祖再拜三老,親祖割牲,執爵而饋;於五更行肅拜之禮,賜國老、 以老乞身。八月,詔曰:「元年尊識遠,屢表告退。 處三老之重;卿以七十之齡,可充五 有之。 自非 聖人崇謙光而降美。 命昇殿勞宴,賜 克 道高識博,孰 進? 前 司 師上聖則 徒、山 雅 迹,位 能 陽 玄冠素服。 處之? 難爲 顯 郡 台宿,歸終私第。可 是以天子父事三老,兄事 開 或 其 已許 是故五帝憲德,三王乞言,若求備一人, 舉,傅中庸則易爲其選。 公尉元,前 其致仕,主者 叉詔 更之選。」 曰:「夫大 大 於是養三老五 鴻臚卿、新 謂知 可出表付外, (道凝虛, 至德沖 朕以公秉德清挹,體懷 始 五 知卒,希 更,所以 泰伯 股旣 更於 游明 如 世 虚寡,德謝曩 禮 明孝悌於萬 光 之賢 明堂, 庶老衣服 根 申遂。」元 逾 挹,故后 並元 固, (也。公 國老 亨 卒 同

有差。 悌之至,通於神明,光於四海。[云]如此則孝順之道,無所不格。 之道,天地之經,今承三老明言,銘之于懷。」明根言曰:「夫至孝通靈,至順感幽,故詩云:孝 更以五。 彰,兄焉斯顯矣。前司徒公元、前鴻臚卿明根並以沖德懸車,懿量歸老,故尊公以三,〔4〕事 哲齊軌。 克己復禮,以行來授。」禮畢,乃賜步挽一乘。詔曰:「夫尊老尙更,列聖同致;欽年敬德,綿 年志朽弊,識見昧然,在於心慮,不敢不盡。」高祖曰:「五更助三老以言至範,敷展德音,當 所先,願陛下重之,以化四方。 元卿之俸,供食之味,亦同其例。」 旣而元言曰:「自天地分判,五行施則,人之所崇,莫重於孝順。 雖更、老非官,耄耋罔祿,然況事旣高,宜加殊養。 朕雖道謝玄風,識昧叡則,仰禀先誨,企遵猷旨。 臣旣衰老,不究遠趣,心耳所及,敢不盡誠。」高祖曰:「孝順 故推老以德,立更以元,父焉斯 三老可給上公之祿,五更可食 願陛下念之,以濟黎庶。 然五孝六順,天下之 臣

河淮之功,北光燕然之効,魯宋懷仁,中鉉載德。所謂立身備於本末,行道著於終始, 玉牒,惠結民志者也。 爰及五福攸集,懸車歸老。 .風美富,內秉越羣之武,外挺溫懿之容。 自少暨長,勳勤備至,歷奉五朝,美隆四葉,南曜 謂極眉壽,彌贊王業。天不遺老,奄爾薨逝。 十七年七月, 元疾篤, 高祖親幸省疾。八月, 元薨, 時年八十一。詔曰: 「元至行寬純, 謙損旣彰,遠近流詠,**陟兹**父事,儀我萬 念功惟善,抽怛于懷。〔八〕但戎事致奪,恨 勳書

列

ーー・六

不 禮耳。 可賜 布帛綵物二千匹、 溫明秘器、朝衣一襲,幷爲營造墳域。」 證 日景桓公。

以 殊 禮 污給 羽葆 鼓 吹、假黃鉞、班劍四十人,賜帛一千匹。

公。 侍, 司, 以羽 守殿· 後爲 子 羽 怠 中 征 ,名犯肅宗廟諱,頗有器望。 情,降常侍爲長兼,仍守尚書,奪祿 尚 房將軍、恒州 書, 兼侍 中。 刺史。 以父憂去 卒,仍以 職。 起家秘書中散,駕部令, 爲贈,諡 又起復本官, 一周。 日 順。 遷洛,以山陽在畿內,改爲博陵 詔襲爵, 轉主客給事,加通直散騎常 加平南將軍。 高 祖 郡 親 開 考 或 百

子景興、襲。正始元年卒,贈兗州刺史。無子。

景 興 第 景儁, 襲爵。 員 外散騎常侍。 延昌 中,坐杖國 東死,降封深澤縣開 國公。

子伯永,襲。無子,爵除。

33 弟靜 寬雅 有 才 識 世宗時,爲尚書左民郎中。 卒,贈博陵太守, 重贈鎭軍將軍、洛

州刺史、諡曰敬。

子祐之,通直散騎常侍、護軍長史。卒。

書 左 一丞,贈安南將軍、幷州刺史、 慕 容白曜 慕容 元眞 之玄孫。 高都公, 父踞, 歷官以廉淸著稱,賜 諡 日簡。 自 曜少爲中書 爵 高 吏, 都 侯。 以敦直給事 卒於冠 軍 東宮。 將軍 高

宗 與 乙渾 卽 位 「拜 共 秉 北部 朝政、遷尙 下大夫。 書右 襲爵,遷北 僕射 進爵 部尚書。 南鄉公, 在 加安南 職 執法無所阿縱, 高宗厚待之。 將軍 高宗崩

降, 先是, 冀州 洁 騎襲魔溝,麋溝潰,自投濟水死者千餘人。 戍主 兵 加 鹽 伯 極 此? 矅 恭 母 曰:「卿總率戎旅,討除不賓,霜戈所向,無不 城 白曜 妻 武 使持 聞 ,拔其東郭。 刺史崔道固並遣使內附,旣而彧遣招慰, 率師赴之。 劉 淮陽 雖升城 軍 彧 忿之,縱兵陵城,殺數百人,崇吉夜遁。 待之以 以爲勞頓。 至,棄城遁走,獲粟三十萬斛。 節、 徐 公皮豹子等再征 州刺史薛安都、 都督諸軍 成將房崇吉守遠不順,危亡已形,潰在 而 其夜纂遁, 國東平太守申纂屯無鹽,幷州刺史房崇吉屯升城,遏絕王 且伐 事、征南大將軍、上黨公、屯於碻磝、以爲諸軍後繼。 罪弔民,國之令典,當招懷 垣苗不克,白曜以一旬之內, 兗州刺史畢衆敬並以 遣兵追執之, 旣至 獲其男女數千口。 擊垣苗,又破之,得粟十餘萬斛, |升城,垣苗、麋溝二戍拒守不下。 復歸於彧。 推靡,旬日之內,克拔四城,韓白 白 一城內附,詔鎮南大將軍尉元、 躍撫慰其民,無所殺戮,百姓懷之。 以德, 旦夕。 頻拔四城,威震齊土。 使來蘇之澤, 白 宜 曜旣拔無鹽, 先是, 勉崇威略,務 劉彧青州刺史沈文秀、 加 於 回攻升城。 存長 由 百 自 一使。皇興 是軍糧 鎭東將軍孔 姓。一升 曜攻纂於無 白曜以千餘 一轡,不 顯 之功,何 祖 (初,加 「嘉焉) 充足。 獲崇 肥城 必窮 城 不 以

之。 法 壽 盜 劉 彧 矅 彧 盤 遣 到 陽 瑕 其 將 城 丘 吳僖 以 遇 贖 患 母 公 妻。 率 時 衆 泗 數萬 白曜 水 暴竭, 自瑕丘遣 欲寇 船 彭 不 城 海軍 得 進。 鎭 長 南 孫 憘 大將 觀等率 公 退, 軍 白 ·尉元· 騎 曜 表 因 自 清 停 馬 瑕 濟 耳關 丘 師 赴 顯 會崇吉 祖 詔 觀 與 白 從 至 曜 弟 赴 雅

陽

諸縣

悉降

猥 江 古 爲 故 識 房 目 州 日 景吉 越海 美 總 之士 先 非 前 刺 之 馳 戎 史 天 平 則 っ 上 吳弱 常常 棄 書 旅 固 見 東 微 赴危救急。 守 珍奇 事 劉 將 掃 思 子 以 東 軍 升 卒 彧 安 喻 定 負 城, 長 所 都 兗 嫌 成 北 西 禍 能 孫 於 方 之 所 州 難 敗 尋 陵 擬 侍 此 樂 時 滋 刨 備 刺 抗 、寧東將軍 史 顯 濟 潰 聞 興,骨肉兄弟 夫 紀 爲援, 畢 果 敬 黄 散 見 也 下 季 況 機 泂 受 念 於 知 自 彼 而 何 譏 今 申纂之死亡, 等深 襄 尉眷東討 十二之虚 無 動 者 異於蹄涔之魚 於 陽 鹽 门自 勢 世 {周 戍 以 覩 易 已 東,至 主 存 相 我 所 青州 1: 說 中纂 亡, 誅 皇 稱 臨 崩 追悔 戮, 于 魏 去 翻 敢 淮 齊境 君臣 白 重 冀拯 然 危就 前 縱 劉 光 曜 海,莫不 彧 歸 姦 惑, 累 想 自 上下 義 慝 江 威 安, 瑕 棄 改 0 海 不 丘進 變 劫 , 몳 故 人 德 風 靡 制 之 後 奪 朝 事 靡,服 懷 秣 復 夫蝮蛇 攻歷 行 清 悟。 常 廷 陵 無 紀 風 人 納 外 理 綱 城。 從 政 然 其 螫 ŏ 官 踟 軍 執 正 不 岩 誠 手 徐 蹰 軍 守 化 威 白 欵, 出 以 則斷 州 始 周 愚 曜 所 閩 \_\_\_ 謂 刺 覽 臨 委 拂, 迷 乃 介 外 史薛 手 東 不不 以 爲 爲 陽 無 依 분 南 螫 書 高 安都、 不 然 能 時 足 歷 蕃 復 以 授首 披 自 何 則斷 不 喻 能 城 靡 革 極 俊 豫 浮 有 之 ٥

寃之。 府儀同三司、青州刺史、濟南王,將軍如故。 沈文秀抗倨不爲之拜,忿而箠撻,唯以此見譏。以功拜使持節、都督青齊東徐州諸軍事、開 傷,無多怨叛。督上土人租絹,以爲軍資,不至侵苦。三齊欣然,安堵樂業。克城之日,以 千斛,弓九千張,箭十八萬八千,刀二萬二千四百,甲胄各三千三百,銅五千斤,錢十五萬, 寬和有禮。獲崇吉母妻、申纂婦女、皆別營安置、不令士卒諠雜。 平齊郡,懷寧、歸安二縣以居之。自餘悉爲奴婢,分賜百官。白曜雖在軍旅,而接待人物, 城內戶八千六百,口四萬一千,吳蠻戶三百餘。始末三年,築圍攻擊,日日交兵,雖士卒死 而降。白曜皆釋而禮之。送道固、休賓及其僚屬于京師。後乃徙二城民望於下館,朝廷置 西郛,頗有採掠,文秀悔之,遂嬰城拒守。二年,崔道固及兗州刺史梁鄒守將劉休賓並面縛 士所宜深思重慮,自求多福。」 足,誠忍肌體以救性命。 乃進討東陽。冬,入其西郭。三年春,克東陽,擒沈文秀。凡獲倉栗八十五萬斛,米三 几 道固固守不降,白曜築長圍以攻之。長孫陵等既至青州,沈文秀遣使請降。軍人入其 年冬見誅。初乙渾專權,白曜頗所俠附,緣此追以爲責。及將誅也,云謀反叛,時論 若推義而行之,無割身之痛也,而可以保家寧宗,長守安樂。 此智

列

傳

第三十八

慕

容白

嚁

一一九

位高 功重,若有小罪,終不至此。我何忍見父之死。」遂自縊焉 白 曜 少子眞安,年十一,聞父被執,將自殺。 家人止之,日:「輕重未可知。」眞安日:「王

白 曜 弟如意,亦從白曜平歷下,與白曜同誅。

太和中,著作佐郎成淹上表理白曜日

孫皓 顯 疑,良將懷懼,樂毅所以背燕,章邯所以奔楚。至如鄧艾懷忠,矯命寧國,赤心皎然,幽 韓生秉旄,興鴻漢之業。故能賞超當時,名垂前史。若閫外功成,而流言內作,人主猜 顚 流流矣。 同 君臣,輿櫬入洛。大功亦舉,讒書驟至,內外唱和,貝錦將成,微晉武之鑒,亦幾於 見,而横受屠戮,良可悲哀。及土治伐吳,日至奮不顧命,萬里浮江,應機直指,使 臣聞經疆啓宇,實良將之功,褒德酬庸,乃聖王之務。昔姜公杖鉞,開隆周之基; 每覽其事,常爲痛心,聖主明王,固宜深察。

之任,握兵十萬,杖鉞一方。 去天安初,江陰夷楚,敢拒王命, 南 東裔 臣 .伏見故征南大將軍、開府儀同三司、靑州刺史、濟南王慕容白曜,祖父相資,世 値 ,思救荒黎,大議 皇運廓被,委節臣妾。 廟堂,顯舉元將,百僚同音,僉曰 威陵河濟則淮徐震懼,師出無鹽而申纂授首。 三方阻兵,連城 白曜 生長王國,飲服道教,爵列上階,位登帝伯。〔10〕 岳峙。海岱蒼生,翹首拯援。 惟允。 遂推轂委誠,授 濟北、太 以 聖 專征 朝 乃

齊克定,逖彼東南,永爲國有。使天府納六州之貢,濟泗息烽警之虞,開岱宗封禪之 海,次陽、顯達望塵南奔。聲震江吳,風偃荆漢。及靑州克平,文秀面縛,海波淸靜,三 軍懷挾纊之溫,新民欣來蘇之澤。遂使僧祐擁徒弭旆,効順軍門,文靜、崇仁棄城竄 于時東陽未平,人懷去就。 原,同時消潰;麋溝、垣苗,相尋奔走。 咸有歸心,而白曜外宣皇風,內盡方略,身擐甲冑,與士卒同,安撫初附,示以恩厚。 顯達連兵淮海,水陸鋒起,揚旌而至,規援靑齊。 沈文靜、高崇仁擁衆不朝、易擾邊服。 及回麾東掃、道固銜壁、盤陽、梁鄒,肉袒請命。 士民汹汹,莫不南顧。 崔僧祐、蓋次陽、陳 時兵役旣久, =

及氛翳旣靜,爵命亦隆,榮燭當時,聲譽日遠。而民惡其上,妄生尤隙,因其功高, 有識之

略,闢山川望秩之序。斯誠宗廟之靈,神算所授,然抑亦白曜與有力矣。

流言惑聽。巧僞亂眞,朱紫難辨,傷夷未瘳,合門屠戮。鴻勳盛德,蔑爾無聞。 徒,能不悽愴。

夷,身膺高賞,受胙河山,與國昇降,六十之年,寵靈已極。 千里,拔城十二,辛勤於戎旅之際,契闊於矢石之間,登鋒履危,志存靜亂。 僥倖,更邀非望者乎?且於時,國家士馬,屯積京南,跨州連鎮,勢侔雲岳。 臣謂白曜策名王庭,累荷榮授,歷司出內,世載忠美。 觀其立功,足明 秉鉞啓華,折衝敵國,開疆 機運,豈容 主將驍雄, 及方難旣

列傳

第

營岱 知矣。 己,據强兵之勢,因塗炭之民,而欲立非常之事,此愚夫之所弗爲也。料此推之,事可 敗之民不可與語勇哉!白曜果毅習戎、體閑兵勢、寧不知士民之不可藉、將士之不同 按鉀在所,莫不殉忠死難,効節奉時。 厭亂,加以王師仍舉,州郡屠裂,齊民勞止,神膽俱 此之不可生心,白曜足知之矣。 、喪,亡燼之衆不可與圖存、離 況潛逆阻兵,

骨肉之惠,豈不美哉!仰惟聖明,霈然昭覽,狂瞽之言,伏待刑憲。 除,爵命無紹。天下衆庶,咸共哀憐,方之餘流,應有差異。願陛下揚日月之光,明勳 以微爵,繼其絕世。進可以獎勸將來,退可以顯國恩澤。使存者荷莫大之恩,死者受 臣之績,垂天地之施,慰僵屍之魂。使合棺定諡,歿有餘稱。選其宗近,才堪驅策,錫 不得骸骨者,悉聽收葬。大造之恩,振古未有。而白曜人舊功高,嬰禍淪覆,名滅國 伏惟陛下聖鑒自天,仁孝宰世,風冠宇宙,道超百王。 開國以來,諸有罪犯極刑,

### 高祖覽表,嘉愍之。

遣 見羣臣,謂之曰:「前論貪淸,皆云克修,文祖時亦在中,後竟犯法。以此言之,人心信不可 中散閻文祖詣長安察之。文祖受楨金寶之賂,爲楨隱而不言。事發,坐之。文明太后引 白曜弟子契,輕薄無檢。 太和初,以名家子擢爲中散,遷宰官。南安王楨有貪暴之響,

史。徙都督沃野、薄骨律二鎭諸軍事,沃野鎭將,轉都督禦夷、懷荒二鎭諸軍事,平城鎭將, 和末,以功遷太中大夫、光祿少卿、營州大中正,賜爵定陶男。 事,頗曉工作,主司厨宰,稍以見知。及營洛陽基構,征新野、南陽起諸攻具,契皆參典。 魚,恐削名祿」,遂不肯受。契若知心不可常,卽知貪之惡矣,何爲求退。」遷宰官令,微好碎魚,恐削名祿」,遂不肯受。契若知心不可常,卽知貪之惡矣,何爲求退。」遷宰官令,微好碎 知。」高祖曰:「古有待放之臣,亦有離俗之士,卿等自審不勝貪心者,聽辭位歸第。」 契進曰: 卒,贈鎭北將軍、幷州刺史,諡曰克。 將軍並如故。轉都督朔州、沃野懷朔武川三鎭三道諸軍事,後將軍,朔州刺史。 心,奉有常之法,非所克堪。乞垂退免。」高祖曰:「昔鄭相嗜魚, 巨 ,卑微小人,聞識不遠,過蒙曲照,虛忝令職。 小人之心無定, 帝王之法有常。 正始初,除征虜將軍、營州刺 人有獻魚者,相曰『若取此 熙平元年 以無恒之

延昌末,詔復舊姓,而其子女先入掖庭者,猶號慕容,特多於他族。 初,慕容破後,種族仍繁。天賜末,頗忌而誅之。時有遺免,不敢復姓,皆以「輿」爲氏。

契長子昇,字僧度。建興太守,遷鎭遠將軍、沃野鎭將,進號征虜將軍。 和第二子僧濟,三三自奉朝請稍轉至五校。 耽淫酒色,不事名行。 甚得邊民情。

|契弟暉,歷||涇州長史、新平太守,有惠政。 景明中,大使于忠賞粟二百石。 卒,贈幽州

刺史。

## 孫善,儀同開府主簿。

追猜嬰戮,宥賢議勤,未聞於斯日也。 正之風,出當薄伐,席卷三齊,如風靡草,接物有禮,海垂欣慰。其勞固不細矣。 彭城猶拾遺,擒將馘醜,威名遠被。位極公老,聖主乞言。無乃近世之一人歟?白曜有敦 史臣曰:魏之諸將,罕立方面之功。尉元以寬雅之風,受將帥之任,取瑕丘如覆掌,克 功名難處,

#### 校勘記

- [一] 再離寒暑 通鑑卷一三二四二三六頁考異云:「蓋『再』當作『載』,是語助辭,非謂再經寒暑也。」
- [二] 嫁兀膝行者 「瓦」、云:「蓋當作『九』,即『尪』字,俗作『尫』。」 汲、殿、局三本「瓦」作「瓦」,百衲本、南本、北本作「瓦」。李慈銘所見宋本也作
- 海內旣平仍忝徐岳 州 刺史。「海岱」指今山東一帶,作「岱」是。 册府卷三六四四三二六頁「內」作「岱」。按二句是說魏佔青齊後,尉元任徐
- 愚誠所見 諸本「愚」字缺、今據册府卷三六四四三二六頁補。
- 严五 故后王法玄猷以御世 諸本「后」訛「尹」、今據册府卷五五六一四頁改。

- /^ ✓ ∪ 故詩云孝悌之至通於神明光於四海 按「孝悌之至」三句是孝經感應章文,疑「詩」字誤,或「詩
- 云」下本引詩、然後引孝經、傳本「云」下有脫文。
- ₩ ₩ 故尊公以三 北史卷二五尉元傳「公」作「老」。按這裏是說「三老五更」,下云:「事更以五」,則 上自應作「尊老以三。」「公」字當誤。
- 抽怛於懷 李慈銘云:「『抽』當作『妯』,用詩『憂心且妯』也。本字作『怞』。」
- 及士治伐吳 諸本「治」作「治」。李慈銘云:「『治』當作『治』,王濬字士治。」按李說是,「治」字

訛、今改正。

- 位登帝伯 於尚書立政篇的常伯相當於漢以後的侍中。疑作「常伯」是,但此傳不言白曜曾爲侍中, <u>均</u>全後魏文卷三四錄 此文,也作「常」,當是以意改。「常伯」一般指侍中,初學記卷一二侍中 御覽卷二一九侍中下引漢書典職、環濟要略,通典卷二一侍中條引于寶注漢官,都以爲見 嚴可
- 和第二子僧濟 下當是以意改,今從百衲本。 「和」是誰,似作「契」是。但若是契次子,按傳例應云:「昇或僧度弟僧濟。」或上有脫文。 北、殿、局三本「和」作「契」,百衲、南、汲三本作「和」。按上不出「和」名,不知 北本以

改。

